

T 079

کتابخانه عسکری

عدد ۱۲

خبرنامه و ادبیه

مؤلف : مشیران سلطنت سلیمان و النبی ارکان حربیه
چاپخانه دوتلو فون در غورخاچ باشا حفه سرنلری



مترجمی : مهندسخانه بری مایون سلربیه و تعبیه تطبیقاتی
مسلکی ارکان حربیه قول آغاغور عثمان شنانی

مهندسخانه بری مایون مجلس موارف عسکرینک تقدیر مخصوصی
وارف همومیه نظارت جایله سنک (۲۰) مارت (۳۱۵) تاریخ
و (۲۷) نومرولی رخصتنامه سبله طبع ایدلشدرد.

استانبول — (آ. آ. آصا دوریان) شرکت مرتبیه مطبعه سی —
باب عالی جاده سی نومرو ۲۴۰

پہن - حرب

کریک سون واداره بی


HARBAK SOUK WA

IDARA CI

GOULACH PASHA

ISTANBUL

1315 'AH



کتابخانهٔ عسکری

عدد ۱۲



حُرُوقُ سِنِّهِ وَ اَکْثَرُ



مترجمی

مهندسخانهٔ بری، مایون سفریه

وتعمیه تطبیقاتی معلمی ارکان

حربیه قول آفاسی

عثمان ثنائی

مؤلفی

مشیران سلطنت سنیہ دن

و آلمانیا ارکان حربیه

جنرالرئیدن دولتلو

ن دروغواج پاشا حضر تلمری



ناشری

شفق کتبخانه سی مدیری نصرت


مجلس معارف عسکرینک تقدیر مخصوص و معارف صومیه
نظارت جلیله سنک رخصتیه طبع ایدلشدر

استانبول

آ. آصادوریان) شرکت مرتبیه مطبعه سی — باب عالی جاده سی

نومرو ۵۲

۱۳۱۵



اثرک طبع و نشر یله شاگردانه توزیمی ایچون مکاتب عسکریه نظارت
جلیله سنه تقدیم اولنان استدعا .

حضور جلیل نظارت پناهی یه

دولتلو افندم حضرتلری ،

بوندن ایکی اوج سنه اول دولتلو فون درغولچ یاشا حضرتلری
«حربک سوق و اداره سی» اسمنده بالخاصه مکاتب عسکریه
شاگردانی و علی العموم ضابطان ایچون فوق العایه نافع اولمق
اوزره پک مهم بر اثر نشر ایتمشلردی . شبهه سز ، بو اثر فواید
کستر منظور رسامی جناب نظارت پناهی لری اولمشدر . اونک
ایچون کوزلاکنه و اهمیت خارق العاده سنه دائر سوز سویلمه یه
هیچ لزوم کورمبورم . یالکز آلمانجه نسخه سی چیقار چیقمز
فرانسمز لساننه و اوتوکی لسانلرک بلکه هپسنه ترجمه ایدلمش
بولنمسی اثر مذکورک قیمت عسکریه و ادبیه سی کوسترتر اک
واضح دلیللر دندر . سایه معارفوایه حضرت پادشاهیده وزیر
اداره جناب مشیر افخمیلرنده هر سنه بشقه بشقه ترقیات کور-
مکده اولان مکتب حربیه شاهانه ایله مهندسخانه بری همایون
طلبه سنک بستیون تزید معارف عسکریه لری ایچون ، طبع
و نشر ایدلدکن صکبه اثر نفیس مذکودن برر دانه ایدینلرینه

مساعده بیورملرینی رجا واسترحام ایلرم . اولیابده امروفرمان
حضرت من له الامر کدر .

سفریه وتعبیه تطبیقاتی معلی
ارکان حرب قول آغاسی
عثمان ثنایی

۲۷ شباط ۳۱۴

مهندسخانه بری، هابون تدقیق مؤلفات قومیسونی طرفندن ویریلان راپور:
محررین عسکریه تک برنجیلرندن صاییلان وامشالی نادر
آناریله اک زیاده آلمانیا ایله بزم عسکرلکمزده خدمت ایتمش
اولان مشیران کرامدن دولتلو فوندر غولچ پاشا حضرتلرینک
(ملت مسلمنه) سندن صکره برنجیلکی احراز ایدن (حربک
سوق واداره سی) نام اثر کزیده لری شمده یه قدر بر قاج قلم
طرفندن لسانمزده ترجمه یه تشبث اولمش ایسه ده فضل تقدم ،
اثر مذکور ی غایت سلیس وسالم بر صورتده ترجمه یه بچورمکه
موفق اولان اذکیای ارکان حربیه مزدن قول آغاسی رفعتلو
عثمان ثنایی بک طرفنده قالمشدر . مومی الیهک بوسی وهمتلی
حقیقه شایان تشکرات عظیمه در . اثرک مفید اولدیغنی کوسترمک
ایچون یالکزم مؤثر اصلیمسنگ مسلم انام اولان اقتدارلرینی تسلیم
ومترجمنک غیرت واقعه لرینی تذکار ایتمک کفایت ایلم . اوجهته
کتاب مذکور شایان طبع وتمثیل وهرضابطک برردانه ایدیمسی

الزم اولديغنى ايدىلان تدقيقات نتيجه سندن آكلاشلمش اولمغله
اشبو راپور تقديم قلندى .

۱۲ مارت ۳۱۵

مجلس معارف عسكرينك اعلام صورتى:

مشيران سلطنت سنيه دن دواتلوفون درغولچ پاشا حضرتلرينك
آثار مهمه عسكريه سندن اوله رق مهندس خانه برى همايون معلملرندن
اركان حربيه قول آغاسى رفتهلو عثمان ثنائى بك طرفندن
لسان تركى به ترجمه ايدلمش اولان (حربك سوق و اداره سى)
نام اثر كزين مجلس عاجزانه مزجه تدقيق ايدلدكده صورت
ترجمه سى هروجه ايله امثالنه فائق وتحسين و آفرينه لايق
كوردلمش اولمغله طبع ونشرى و اثر مذكور دن بالاستفاده معارف
عسكريه سنى برقاچ قات زياده تزيين ايلمك ايستيان على العموم
ضابطان وشا كردانه برر دانه ستمك اعطاسى بالتذكر تنسيب
قلنمش اولمغله ايجانبك ايفاسى مرهون اراده جليله داور
افخميلريد اولبايده امر وفرمان حضرت من له الامر كدر .

۱۳ مارت ۳۱۵

مکتب حربیہ شاہانہ معلمارندن میر آلی

عزتلو طاهر بك افندی به

فون درغولچ پاشا حضرتلری طرفندن: (حربك سوق واداره سی) نامیله یازیلان اثری اویله ظن ایدرم که، ایلک اوجکه ذات عالیکز اوقو- مشکزدرد. مشارالیه بزده ایکن دها بو اثری یازمه به باشلادیغنی اصحاب کالدن بریمی بنده کزه سویلمش ایدی. ذات عالیکز ایسه مشارالیهک معاونی اولدیفکزدن اوتری اکثریا آلمانجه ویا فرانسیزجه یازیلان مسوده وائرلینی هیچ کیمسه کورمه دن اول سز کوروردیکز، لسانجه سز ترجمه ایدردیکز. ایشته اونک بویله اولدیغنی بك ابو بیلدیکم ایچون یوقاریده اسمی کچن اثری ده هرکسدن اول سزک اوقومش بولمیکز لازم کلیوره فکرندیم. هم یالکز مشارالیه نزدنده معاون صفتیله قالمکز دکل، علوم لسانیه و ادبیات عسکریه ده کی بهره تامکزده سزدن بویله بر مطالعه بکامه به بزی مجبور ایدبور.

(حربك سوق واداره سی) دنیلان اثر چیقیدیغنی زمان شبهه سز آلمان لسانی اوزره چیقمشدی. بن اوصره لرده هنوز ارکان حرب صنفلرنده کی وظیفه می بیتورمش ایدم. کرحه مکتبده بر قاج سنه آلمانجه اوقومه به هوس ایدلمش ایسه ده نه چاره که، بوکی جسیم اثرلک عباره سنی، معناسنی سوکدیره جک بر قوتی حائز دکل ایدم. ترکجه سی، کوزل آلمانجه اوکرنه. مه مش ایدم.

یازیق! بر نفره سلاح نصل قطعاً لازم ایسه بر ضابطه، علی الخصوص، بر ارکان حرب ضابطه لسان بیلک، آلمانجه اوکرنمک اونک کی قطعاً لازمدر. کاشی مکتبده کچوردیکم زمانلرک بیوک بر قسمی آلمانجه اوکرنمه به، و او لسانک بحر بیکران معانیسنده یوزمه به

حصر ایدہ ایدم نہ کوزل اولوردی! یازیق که، انسان بمض کره یوریدیکی بولک اوتہ سندہ بریسندہ و چایلر ایچنه کیزلنان چیچکاره ایچنه برزمان، کوز اوجیلہ اولسون باققدن کندیسینی بردلو قوروپه من. کوز بر کره ایلشمنسون! بوقسه، ایلشدکدن صکره بوشنه کچن زمانلرک دقیقه سنی، ساعتی حساب ایتک ممکن اوله من.

بزم باشمزدن کچن ده عیناً بویله اولمشدی. معلوم عالیکز: برزمانلر مکتبده علوم ریاضیه بیلنلرمن یارمقله کوستریلوردی. یوزلرجه آرقداش ایچننده بویله بر شرف، یرمقله کوسترلک شرفی البته بیانه آتیله حق شیلردن دکادی. طلبه دن بریسنک ذکا و عرفاتی تقدیر ایتک ایجاب ایدنجه «بونی کوریور میسکز! جبر، هندسه، ماکنه بیتمشدر! کندیسینی حادثا ایکی آیاقلی بر حساب کتبخانه سیدر!!» سوزلری فاتحه کلام اولیوردی.

شمدی انصاف ایله باقیلورسه؛ شویله بر امتیاز آلق ایچون صره لک برنجیلرنده اوطوران افندیلرک (کلسون هندسه، کیتسون ماکنه!) دیهرک صباح، آقشام علوم ریاضیه اغورینه نفس توکتمش اولملرینه برآز حق ویرمکلکمن ایجاب ایدر؛ صانورم.

بعضیلری ده: ریاضیه درسلی کبی کرچکدن آچیق بر ذهن، کسکین بر فکر ایستیان درسله زورله حیات صرف ایتیه مجبور اولورلردی. یالکز علوم ریاضیه اولسه نه ایسه! فقط ایشک ایچنده شاعرلک و رسالقی کبی قلیچ قوشانانلر ایله پکده و بلکه هچده آلیش ویریشلری اولیان بعض او یغونسز شیلره دوشکونلک عادتلی واردی. کوزل بر استحکام شکلی یاقی ایچون آیلرجه زمان چالیشدیغمی، کوزل بر طرامه چیزک ایچون ینه بونجه زمانلریمی بوش بوش اولدردیکمیی دوشوندکجه چیلدیره جغم کلیورا یا وزنی یوق، معناسی یوق برمنظومه، بر شعر غرا دوشونمک ایچون کیجه تا صباحلره وارنجهیه قدر یتاق کنارنده بر صاغه، بر صوله دونن شعر وقافیه دوشکونلرینه نه دیلم!

كرك شاهرار، كرك مهندس لر بو سوزلریمی كندی باغچه لرینه
آتمش برطاش ظن ایتدولر! هر مسلکك یولیسنه اغورلر اولسون،
حق سلامت و برسون! دیمك بورجه زدر. بزم اصل دیمك ایستدیکمز
شودرکه، بر شاهر ماوزر و مارتین تفکاریله سلاح اوموزه ایتك، بر
مهندس جفت قول نظامنده بولنان بر طابوری کنیش قول نظامنه
پگورمك خصوصلرنده ایشه نصل ییانی ایشه، مسلک اعتباریله، جدی
برعسکرده بر غزلی تخمیس ایلرک، ییقلمش بر بنای طبق معمار سنان
کبی یکی باشند یا بقی خصوصلرنده ایشه اوله ییانیجی در!

دیرلرکه، برانسان هرشی ییقلی! دیرزکه، هرشی بیلورم دعواسنده
گزن بر عسکر هرشی ییلان بر عسکر در! بن هر زمان بو فکرده ایم.
وبوفکرله برابر اوله جکم. وظیفه سی اساساً دشمن اوزرنه قلیج صاوور.
مقدن عبارت اولان بر عسکر، بر سها کو بریسی، علی العاده بر کچید
یا به جق درجه ده معلومات فیه صاحبی اولور. لکن یتش، سکسان بیک
لیرالی کارکیر کو بریسی قورمق بر عسکرک الندن کلز. چونکه سونکی
ایله کوسکی آره سنده آشلمسی غیر ممکن بر مسافه، برفق وارد در!

وظیفه سی اساساً غوغا ایتك، کندیسنه ویریلان بر طاقی، بر بلوک
ایوجه قوللانمقدن عبارت اولان بر عسکر بر شعرک، بر ادبیات مقاله سنك
قیمت کلامیه سنی بیله جك درجه ده معلومات ادبیه صاحبی اولور. لکن
بر صرف کتابی یازمق، کرسی به چیقوبده شعر و ادبیات خواهه لکی
ایتك اونك الندن کلز؛ کلورسه بیله یاقیشمز. بر عسکر هر شیدن اول
بلنده کی قلیجك حقن و برمه بی ییلمیدر. بو، اونك ابدی بروظیفه سیدر.
بوقسه بتون مساعیسنی، بتون قوای ذهنیه سنی طوئدینی مسلک
خارجنده بعض اگری بوکری یولره صرف ایدن برعسکر، شیخ سعدینك
دیدیکی کبی:

ترسم نرسی بکعبه ای اعرابی!
این ره که، نومیروی بترکستانست..

سوزینه هدف اولور. لکن جداً عسکر اولان کیمسه دشمن قورشونه هدف اولورده شیخک بو تیغ کلامنه هدف اولما کرچکدن بر عسکر ایله یالاندن بر عسکر آرده سنده کی فرق ایشته بودر.

سوز برآز اوزادی. فقط ضرری اولسه کرک! چونکه بعض اويله حاللر کوزه چارپارکه، انسان آرزوسيله دکل، بالضروره اوزون سوزلرک آرقه سنه دوشمه به مجبوریت کورور. مثلاً لکن کون بر ایکی کتاب صانون آلمق ایچون بر کتابچی دکانه واردم. بر ایکی دقیقه صکره سرت یوزلی بر ضابط ایجری کیردی. کتابچی غولج پاشانک (ملت مسئله) سنی غالباً دکانه یکی کتورتش اولملی که، بیوک بر هوس ایله برآز اول بکا دیدیکی کبی اوکا ده: «بکم! شوکتبدن بر دانه آلورمیسکز؟» دیدی. ضابط کتابک اوزرینه صغوقعه برکوز آتدقدن صکره: «آدم سن ده! اويله صاچه شیلرک بکا نه لزومی وار.» دیمسونمی!

(ملت مسئله) کبی بر اثری بودرجه تحقیر ایدن ذاته قرشو جواب ویرمک، یاخود ویرمه مک می لازم کلور؛ بر درلو عقلم کسدیره مدی. حاصلی بن اوکا هیچ برشی دیمدم. و دیمکده حقم بوق. یالکز آلدیغی کتابلرک اسملرینی برکوزدن بکورمه به غیرت ایتدم: مکر (ملت مسئله) به صاچه شیلر دیان ذات، (یکی شرق مجموعه سی، چوبان قیزی، و مجموعه اطائف) کبی کرچک لطافت وجدیتلرینه شاشیله جق اثرلر آلیورمش!! برزمانلر، دها مکتبده ایکن، بردفنه عثمانلی تیاتروسنه کیتش ایدم. قپودن کیدر کیرمز، آق صقاللی وسکسانک طقسانلق بریسی کال نزاکت ایله یانمه کلرک: «افندی اوغلم! ملت مسئله یی تکرار بکا کوندرسه کر بنی چوق سویندیرمش اولورسکز. چونکه اونی برکره جک دها کوزدن بکورمک، طویه طویه اوقومق ایسترم!» دیدی. بو صاریقلی آدمک کیم اولدیغی بن هیچ یلیپوردم. فقط صکره دن آکلاشلدی که، بنی ارکان حرب ضابطلرندن برپسنه بکرتمش ایدی.

پکن موسملرک حزين بربادکاريني تشکيل ايدن شوکوکچک فقره يي سويلکدن املم شودرکه : بزده سکسانک، طقسانلق اختيارلرک (ملت مسئله) بي تقدير ايلدکاری کورلديکی کبي يکرميلک اوتوزلق عسکرلرکده ينه عين اثری تحقير ايلدکاری کوريلور شيلردن ايمش !

(ملت مسئله) بي ترجمه ذات عاليکتر ترجمه ايتمشکزدرکه ، چاليشقان برعسکرک وطمئنه ايدجکی هديهلرک دهيايوکی يا اولور يا اوله من . بو هديهکردن اوتری سز نه درجه بختيار برمنزله چيتمش ايسه کز قيلجی کولکنده طاشيبان هرعسکر او بيوک غيرتکيزک الی الابد منتداريدر . (ملت مسئله) بي شيوه سنه طويلز براسلوب کزين ايله ترجمه ايتک ، يسه او (ملت مسئله) بي آلمان لساننده تاليف ايتک قدر کوچدر . شو سوزمده بيليورم، آزاچق مبالغه وار . لکن مبالغه سيله برابر ينه برحقيقت معناسنی جامع اولان سوزلردندر . کرچک بويله در! زيرا انسان (ملت مسئله) نک برکره فرانزجه ويا آلمانجه نسخهلر ينه برکوز کرديره چک اولورسه ، او درجه بيوک براترک ترجمه بودرجه نفيس برشيوه ايله ترجمه اولنه بيلسنده کی قوته حيران اولسه بيله غبطه لر ايدر! بز (حربک سوق واداره سی) نام اثری ترجمه ايتک ، لسانمزه کچورمک لطفنی ينه سزک قلمکزدن بکلر ايدک . حتی بکا اوبله کلورکه ؛ بوندن غالبا ايکی وبلکه اوچ سنه اول (اقدام) غزته سی مذکور اثرک طرف عاليکزدن ترجمه ايدمک اوزره اولديغنی بتون عسکرلره بيلديرمش ، مژده لمش ابدی .

معلوم عاليکتر ؛ (ملت مسئله) عمرم ايچون ، نه درجه فائده لی بر اثر ايسه (حربک سوق واداره سی) ده بالخاصه عسکرلر ايچون اوندن هيچده آشاغی قالميه جق براهيتی حاضردر . يازيق که ، اهميتی بو درجه يوکسک و آشکار اولان براتر، اک صکره بنده کزک المدن ، قریق بر قلمدن کچهرک لسانمزه انتقال ايدجکدر . لکن قصور بنده دکل ؛ بالعکس سزده ، سزک قدر وسزدن زياده حائرکال و عرفان اولانلرده در .

انصافله دوشونور ايسهك ، شبهه سز تسليم ايدرزكه ، غولچ پاشا
 حضرتلرينك كرك كنديسي ورك آتار قلميه سي آلمانلردن صكره اك
 زياده بزه يقين، بزه دوستدر . ايش بويله ايكن نيجه ضابطلرمن وار،
 آلمان لسانتي پك ايو بيلورلر . ذات عاليكزي بدرجه يه قدر عذرلي
 كوسترمك المدن كلور . چونكه مكشبدكي وظيفه لركرك پك چوق اولديغني
 بيلورم . لكن وظيفه لري سزنيكلر قدر اولميان اوتنه كي لسان آشنا
 ضابطلرمنك شومهم اثرى لسانمزه كچورم دكلربنه بدرلرلو تأسف ايتمهك
 المدن كليور .

آلمان لسانى كې، عسكر اواجى ديمكه جدا لايق اولان بيوك بر
 منبع ضيا وكالدين قانه قانه استفاده ايدم ديكمه نه درجه تاثر كوسترسم
 ېرى وار! (حربك سوق واداره سي) اك صكره بنم المدن چيقارق
 تركاشديكنه ده آجيام ديسم يالان سويلش اولورم . لكن بوكا قرشو:
 «هيچ يوقدن اودرو» سوزى بنم ايچون بر سلاح مدافمه يرينه كچرك
 اونكه تسلي بوليورم . اوچ سنه حربيه، اوچ سنه اركان حربيه صنفلرنده
 علوم عسكريه تحصيل ايله وقت كچوردك . ايكي سنه بر ېرى آردنجه
 غولچ پاشا حضرتلري كې جهانده امثالى كرك پك آز بولنور بر خواجه.
 دن درس اوقودق . لكن يمين ايدرمكه، (حربك سوق واداره سي)
 نام اثردن كورديكم استفاده اونلرك هېسندن چوقدر . بن شو بيوك
 عجزمله برابر اثر مذكورك هيچ بر زمان درجه كالنى تقديرمه جسارت
 ايدم . فقط انسانك عجز ونقصانى هيچ اولمزه، فوق العاده بر شيشي
 آلتيشلامه يه ماع اوله من . اونك ايچون هر صحيفه سي حرب صنعتك
 بر تطبيقات باغچه سي ديمك اولان بو اثره هر زمان حيرتلا ايله باقه جم .
 تقدير ايتك المدن كلمه بيله ، حيرت ايتك اقتداريني كوسترمك ده بنم
 ايچون بر شرف يرينه كچ بيلور . اوت! بنم ايچون بوكفايت ايدر .

اردوى هايونلرينك تزديد شان وسطوتنه هركون بر بشقه درلو انعام
 واحسانلرده بولنان سوكيلي پادشاهمن افندمن حضرتلرينك سايه ملوكانه.

لرنده هر شیده اولدینی کبی، علوم عسکریه یه داتر یازیلان اثر لرنده کوندن
 کونه تکثر ایتمیه باشلادی . بتون اسلاملرک نور دیده سلامتی اولان
 ذات اقدس حضرت شهریاریلرینه قرشو هر کسک وباخصوص عسکر
 قوللرینک اک پارلاق وظیفه سی، اغور شاهانه لرنده جان فدا ایتمک شرف
 حال العالی جانہ منت ییلکدر . غوغا یرلرنده سوکیلی پادشاهلرینک نام
 اقدس شهریاریلرینی ذکر ایدرک سوینه، سوینه، کوله، کوله جان ویرن
 عسکرلرک وقت حضریده کی وظیفه لری منسوب اولدقلری مسلك وصنفک
 ترقی شان و معارفنه خدمت ایده ایده ینه فدای جان ایتمکدر .

سایه حضرت پادشاهیده ترجمه ایلدیکم شو بیوک اثر، اردومزده کی
 بتون ضابطانک معلومات عسکریه لرینی اکمال ایده جک بر خزینه معارف
 صرهنه چکسه یری وار .

اثر عاجزانه ذات عالیکزه هدیه ایدلمشدر . لطفاً قبول پیورمکزی
 رجا ایدرم .

❦ مدخل ❦

حربده معاملات عسکرینهك جريان ایلدیکی احوال او درجه متنوعدر، که بربرینه تمامیه بکزر ایکی وضعیت بولق ایچه مشـکل وبلکه محالدر، دیه بیلورز . شو ایکی وضعیت بوانسه بیله، آنلرک هر بریسنده، حرکاته ریاست ایدهك اولان انسانلرک قطعاً بربرینه بکزه میه جکاری طبعیدر . بونک ایچون مذکور حرکات عسکرینهك حصوله کتوره جکی وقایعک، بر- برینه مساوی ایکی مثلث کبی یکدیگرینه مطابق اوله بیله جکلرینی اصلاً امید ایده میز .

شو اوفاجق مطالعه دن پک ایو آکلاشیلور، که بربرینک عینی اولق اوزره تصور ایلدی کمز ایکی وضعیت عسکریده حربک سوق واداره سی ایچون بربرینه بکزر بعض قانونلر موجود اوله بیلور . لکن ایکی ریاضیه دستوری قوللان دیغمز وقت نصل نتیجه لر بر جیقمز ایسه، آنلرک تطبیقاتی ده هر زمان عین نتیجه وعین فائده یی ویره مز . شبهه سز موفقیتدن امین اولق ایچون، دیدیکمز قانونلری، زمانک احوال خصوصیه سنه کوره یوریتمک لازم کلدی کفی تسلیم ایدرز . فقط بولنیلان زمان ایله قطعاً

متناسب اولان قانونی ، اوتە کیلردن آیرمق پک زور و کوچ بر شی اولدیفنی ده هیچ بروجە ایله انکار ایدە میز .

ایشته بونک ایچوندرکه ، حربک سوق واداره سنه لازم اولان قانونلرک اولیه کلیشی کوزل یعنی بسیط بر یولده بیلنمسی ، شهبه لی بر قیمت عسکریه دن بشقه هیچ بر معنایی مفید اوله مز . لکن موفقیتک باشلیجه نابج اولدیفنی بر چوق شرائط اساسیه واولیه سی منتظم بر صریه قونلماش ایسه ، شودیدیکمز قانونلر تطبیق ایدیله جکلری زمان ، آنلره دائر اوکره نیلان ساده وبسیط معلومات بالعکس ، بعض یرامز ومشئوم نتیجه لرك ظهور . رینه یاردم ایتش بولنورلر .

کرچک ! او یولده قزانیلان معلومات عسکریه ، مظفریتک حصولنه پک چوق تأثیر کوسـ ترن قاعده واساسـ لرك فضیلت عمومیه سی پک چابوق افراط ومبالغه درجه سنه چیقاره بیلور . آندن بشقه ، معلومات سطحیه ایله ایش باشنه کچن انسانلر ، پک چوق دفعه ، کندی شخصلرنده ده شوکی مبالغه لره دوشمش اولورلر .

مانوره وتعلیم ایله پک آزا شـ تغال ایدە بیـ لان اردولرده باش قوماندانلق ایتک درایتی کندی اوزرلرینه یوکلنمک ایستیان ضابطلر پک چوقدر . زیرا ، عملیات وتطبیقات ایشلرینه پک اوقدر کیریشمه مش اولان بونظریاتجیلر ایش باشنه کلدکلی

زمان هر شیئی کتاب صحیفه لرنده کوردکاری کبی قولایجه سینه
 یابه بیلشمش اوله جقلرینی ظن ایدر لر . آنک ایچون ایشتمه بویله
 آلدانور ، کیدر لر . شو حال ، برباقیمه کوره ، حیرتله شایان
 بر حادته یرینه کچر . لکن ، هر نه یرینه کچر سه کچسون بو ،
 تعریف و ایضاحی بک قولای اولان بر وقعه دن ، بر حادته دن
 بشقه برشی دکدر .

نظریاتک عملیات ایله برلکده یوریدیکی یرلرده ایسه هر
 شئیک حقیقتی بک آز وقت ایچنده میدانه چیقار . مشکلات ،
 مخاصمات وعدم موفقیات کبی شیلر ، انسانده اولجه موجود
 اولیان تجربه لری حاصل ایدر . بوسایه ده یعنی عملیات ایچنده
 بیودیکی زمان انسان کندی شخصنه ویرمک ایستدیکی بیوک
 بیوک نظر لریک ، اعتماد لریک یواش یواش تنزل ایتدیکنی وعادتا
 بر فورتنه ظهورنده بارومتره نک صفره ایندیکی کبی آنلرکده
 صفره یاقلاشدیغنی کورور و اصلاح فکر ایدر .

بعض بیوک عسکری مکتبلرنده ، حرب جسم حقه ده
 نظریات درس لری ویرمکدن صرف نظر ایدلمشدر . بو ، بک ابو
 بر اصولدر . چونکه اوسایه ده هر کس تاریخ عسکری مطالعه سی
 ویا برمانوره نک تدقیق ایله اوغراشدیغنی زمان ایجاب ایدن
 قاعده لری کندی کندیینه چیقارمغه آلیشمش اولور .

بونکله برابر ، حرب جسم حقه ده ایجه قیصه و مختصر بر

نظريات كتابك او قودلق احتياجي هر زمان كنديسنى
كو سترمكده در .

ايو بر قوماندان اولمق فكريله مطالعه ايتك ايستيان كنچ
عسكر، هر پرده كنديسنى يوريدىكى يولك تا اوتتهكى اوجنه كو-
توره جك واسطه لرى بوله مز . يعنى هر پرده عمليات و مانوره
اصوللرى سايه سنده تربيه عسكريه سنى اكمال ايدرك املنه ، غايه
مقصدينه ايريشه مز . چونكه او ديديكمز كنچ عسكر، مواقع
عسكريه نك هر برينده كنديسندن ياشلى و تجربه لى ضابطلر
ايله صيق صيق كوريشه رك آنلرك فكرينى او كرنك و كندينك-
كفى آنلره بيلديرمك فرصتى هر زمان الله ايدمه جكدرد .
اكر اويله ياپه بيلمش اولسه ابدى، نه كوزل اولوردى ! زيرا
بو يولده جريان ايدمه جك اولان مبادله افكار ، يواش يواش
حرب صنعتك بتون احكامنه سرايت ايدر و كيدمه كيدمه او
ضابط ايچون عملى بر مكتب صره سنه كيرردى .

امين بر قولاغوز اولمزه ، كندى صنعتنه دائر اصول
وقواعدى كتاب صحيفه لرنده او كرنك ايستيان كنچ شاگرد ،
ايلك حمله ده حرب جسيمك سوق و اداره سى ايچون لازم كلان
قواعد اساسيه ينى او كرنك احتياجه دوشر . چونكه آنك
ايلك او كجه فكرينى، دقتنى جلب ايدمه جك شى حرب جسيمدر .
اك صكره ، بيجاره ، زماغزده بر آز اسكى شيلردن صاييلان

بعضی اثر لر و مثلاً (بولو) ، (ویلایزن) ، (قلاووزویج) و ساژ بوکا بکزر بعض بیوک مؤلفلرک کتابلرینه باش اورده- جقه-در . آنلری پک اوزون و درین بر یولده اوقویه رق کندی صنعتنه دائر قواعد لازمه یی اورادن چیقارمغه چالیشه- جقدرد . لکن بومطالعہ پک چوق زمان ، پک چوق مش-کلات ایستدکن بشقه ، آنی یاپه جقلرک یاشلی ، باشلی آدم لر اولمسی ده ایجاب ایلر .

حرب جسیمه دائر یازیلان بوکی اثر لر ، بالخاصه اردولرک سفر برلک حرکاتیلہ ، س-وق الجیش یایلمه لرندن بحث ایدر لر . وقتیلہ پک آز نظر دقتہ آلمش وبلکه اونودلمش اولان شو- کوزل اصول زمانمزدہ بسبتون اهمیت قزانمش-در . دیدیکمز حال ، باخصوص غرب مملکتلرنده کرچ-کدن پک ابو ومکمل بر تیمور یولی شبیکه سنک باپلمسنه تعلق ایدور . زیرا ، مکمل بر تیمور یولی شبیکه سی اردولرک سفر برلکنی اکال ایتمک ، و آنلری ایستدیکمز کی قسملره آیردقدن صکره حیرت اولنه جق بر سرعت ایلہ ، یرلی یرینه کوتورمک ایچون الک امین بر واسطه در . بتون حکومتلر ، شو خصوصده سویلنلمز ، تعریف ایدلمز برحس رقابت ایلہ چالیشمقده و بو کون ، یارین بربرینه تفوق ایتمک هوسیلہ لازم کلان فدا کارلنی ایتمکده در .

بیوک قطعاتی پک آز بر زمان ایچنده اوزاق یرلرہ کوتورہ

مك اقتدارىنى كوستره بيلمك فكرينه دوشلدىكى ايجون هر پرده
سوقيات عظيمه نك اجرا وتداركى مسئله سى كرجكدن بك مهم
بر مسئله عسكربه صره سنه كير مشدر . بوسوبلديكمز تيمور يولى
ايشلرنده هر مملكته مهندسلىرى ويا دها كوزل و عمومى بر
توجيه ايله هر مملكته معاملات فنيه سنه مأمور آدملىرى اك
زياده هنر و مهارت كوسترمك مجبورينده درلر .

يكي اثر يازان مؤلفلردن بر چوغى ، حرب جسيمه دائر
نظرياتك هيئت عموميه سنى يالكرز بويكاه فصلده جمع و اكمال
ايتك هوسنه بيله دوشمشلردر . لكن بودرلو حركت ايدنلر ،
بعض مملكتهلرده شمندوفرلرك ، غربى اوروپاده كى كهى ، هنوز
بيوك بروظيفه باشنه كچه مدكارىنى اونودبورلر . اويله مملكتهلرده
ايسه اردولرك طويلانمه ويايلمه حركاتى بر آز دها يواش و آغير
اولور . لكن بو حركات اوته كيلردن زياده بسيط و آچيق بر
يولده جريان ايدر . آندن بشقه ديديكمز اثر صاحبلىرى ،
شمندوفرلرك مصادمه يرلرنده استعمالى ، غربى اوروپاده بيله
هنوز هيچ بر اهميت عظيمه كسب ايدمه مش اولديغى اونو-
ديبورلر .

بز يازديغمز اثرده ، بالخاصه ، اولجه يابلمش اولان قواى
جسيمه نك مصادمه و حركت عموميه سنى كوسترن بو قسمه يعنى
محاربه ميدانلرينه دائر بحث ايدمك . چونكه ، آنك حقنده

اکثریاء، پک آز معلومات ویرلدیکی کوریورز . لیکن دوشو- نیلورسه ، فن حرب جسمیک شمدیه قدر ، اک اساسلی واک مهم قسمنی میدان محاربهری تشکیل ایتدیکی کبی شمدن صکره- ده ینه آنلر تشکیل ایده جکاردر . قطعاً سفيرلاک حرکانی ، ونصل یتشدیریله جکلری کبی ایشلر ، خصوصی اثرلر یازمق ایچون خصوصی بررزمین اوله یلورلر . بز اثرمزده اوکی شیلره دائر یالکز حرکانک سوق واداره سنجه قطعاً بیلنمسی لازم کلان جهتلردن بحث ایده جکز .

بوکی بختلره عاند کتابلرک ذاتاً پک اوزون سورن فصللری بی-بتون اوزاتماق ایچون سویلیه جکمز قاعده لری مطرد بر مسلک ایچنده کوسترمک یعنی اوزون اوزادی به بسط و بیان ایتمکدن واز کچر ایسه ک بزه ، فن حرب جسم نظریانی اوزرینه بر فهرس باقمقدن بشقه برشی قالمیه جقدر . لیکن حقیقت حالده ، شو خصوص تعقیب ایدیلان فکره دهالویریشلی ، دهالو موافق کلور . زیرا ، اصل املمز ، کنج عسکرلری فن حرب جسم حقنده کوزل ودرین بر طالعیه یاه یله جک برحاله ، برکاله کتور- مکدر . اوندن بشقه بز بو وجه ایله حرکت ایتدیگمز ایچون یازدیغمز اثری ایتنیلان شکله قویغمه موافق اولیورز . یعنی اثرمز ، بر سنه ایچنده ، عسکری مکته بلرنده او قونان عسکری اثرلر پک قیصه و محدود اولمق مناسبتیه ، کنج عسکرلره حرب

جسيم حقنده ايجاب ايدن اڪمڪمل معلوماتي ويره بيله جك بر
حاله كيرمش اوليور .

شبهه يوق ا علوم عسـ كريده ده هنوز پك ابلري كيتمه مش
اولان شا كردك، ايلك او كجه بعض قواعد اساسـ يه يي ، ايمان
شرطلري كبي، شويله حرفي حرفه بلله مسي لازمدر . كرچه،
بوديديكمز قاعده لرك سلامت مطلقه سي آنك ايجون يكنظرده
شبهه لي صابيله بيلور . لكن آنلردن اصل مقصد ، آنك ذهنته
بردغه يرلشهر ك ايلروده توسيع فكر ومطالعه سنه ياردم ايتك
اولسنه بناءً، مذكور قاعده لرك ايلك او كجه او كره نلملري هيچ
برياكلش يوله دلالت ايتمش اوليه جني پك طيعيدر . بالعكس ،
كنج طلبه نك يابه جني ، يوريده جكي مطالعه ، صـ كرده دن او
سـ ويديكمز قاعده لرك هانكي احوال خصوصيه ده قسماً ويا
بستون محافظه قيمت ايده بيله جكلريني آكلامغه ياردم ايده جكدر .
حرب ايشلرنده تجربه كورمش اولانلره كلاجه ، بوكتاب
آنلر ايجون عادتاً برمخطره يرينه كجه جكدر ظن ايدرم . (قلاـ
ووزوئج) كمال عدالت ايله سويابور ، كه بتون مشكلات حربك
اك قاريشـ يق زمانلرنده اولجه او كره نلمش اولان قاعده لره
صداقت كوسترمكن عبارتدر . بوكا موفق اولق ايجون ايسه ،
هرشيدن اول، ايجاب ايدن زماده اوقاعده لري برر برر خاطره
كتورمك وبونك ايجون ده آره صره آنلري بر كوزدن كچورـ

مک، تکرار ایلمک لازمدر. اولیه اولیجه، قیصه بر حرب جسم کتایی، بوشیلراچون هیچ شبهه یوق، که برخیلی جلدلردن مرکب آثار حکمیة عسکریه دن زیاده ایشه یارار، فائده بخش اولور.

شویازدیغم کتاب کبی اثر لر یازیلورکن، اکثریا درجی عادت یرینه کچمیش اولان بعض ماده لری و مثلاً دشمنه دائر معلومات ایدنک، امر وراپور کوندرمک و سائر بوکبی شیرلی یازمقدن صرف نظر ایلدم.

کرچک، بزم ایستدیکمز شی حربده قطعات عسکریه بی قوللائق ایچون لازم کلان مختلف قاعده لری بریره طویلا.قدر. بونقطه نظر دن تعقیب اولنه جق اصول، ایکنجی بر اثرک مو. ضوعنی تشکیل ایدمک و اثر مذکور بالخاصه بر اردو ایله قوماندان آره سنده موجود مناسبات عمومیه اجرایی تأثیر ایلیان هرشیئی جامع بولنه جقدر. ایشک بودیدیکمز کبی ایکی به آیریلیشی، قاعده لر ایله آنلرک تطبیق آره سنده کوریلان ظاهری اختلافلردن قورتلغنی تأمین ایلر.

بو وجه ایله مثلاً، فن حربه دائر یازیلان بر نظریات کتا. بنده تعرضک موجب اوله جفی محسناتی پک آچیق برمعنا ایله مدح و ثنا ایتک و بالعکس شو و شو کبی حاللرده مدافعه نک فلان اردو ایچون قبول ایدیه جک الک ابو بر اصول حرب تشکیل ایلدیکنی کوسترمک ممکن اوله جقدر.

اگر صنعت حربك شو ايكي قسـمى يعنى حربك سوق
 واداره سيله اردونك طرز استعمالنى بر آرده يازمق ايسته نلمش
 اولسه ايدى ، اوزمان بر دستور حالنه كيرن هر افاده يه بتون
 مستثنا جهتلريند، برر، برر صوqq لازم كله جك ايدى . فقط
 شودرلوحركت ايدلديكنه كوره حاصل اوله جق بعض مبهم ومشكوك
 معنالر اوقويانلر نظر نده فنا فا تاثيرلوك ظهورينه ياردم ايدر .
 بونك ايجون خصوصى بر ائرده «اردولوك سوق واداره سى»
 حق نده سوزسويلمك وقواعد موضوعه ايله، دستور حالنه كيرن
 بعض افاده لرى «حربك سوق واداره سى» نامنده كى آيرى بر
 ائرده يازمق دها كوزل وعملى بر اصول اولور فكر نده يز .

بونكه برابر بعض اوافق تفك استتالرك وجودينه لزوم
 كورلديكنى ده انكار ايدم يز . اشته بوندن اوترى ، (سفر پلانى)
 حقه نده لازم كلان افاده لرمزى برنجى اثره درج ايلمـكـدن
 چكـنـمـيـورـز . كـرـچـه (سفر پلانى) اوزرينه سويلنه جك سوزلر
 «حربك سوق واداره سى» ناميله يازيلان بر ائردن زياده «اردولوك
 سوق واداره سى» ناميله يازيله جق اثره درج ايدلمك دها ياقيشيق
 آلور . چونكه (سفر پلانى) بحثى اردولوك سوق الجيش ييلمـهـ
 لرينه بك زياده باغلى بر بحثدر . اويله اولمقله برابر، شو بحثك
 اس الحركات، خطوط الحركات وطرق نقليات ايله اولان ارتباطى ده
 هيچ بر زمان انكار ايديله جك شـيـلـردن دكلدر . آنك ايجون
 بو مختلف ماده لرى يكديكـرنـدن آيرمق اصلا ممكن اوله مزدى .

برنجی فصل

حربك حیات ملل اوزرنده کی وظیفه سی

حال حاضرده بتون مدنی حکومتلرک بر طاقم خصوصی
دائرة لری، نظارتلری اولدقدن بشقه، هربری دیگرله مناسبات
سیاسیه سی منتظم بری بولده جریان ایتدیره بیلیمک ایچون یک
دیگری نزدنده بعض پولتیقه مأمورلری یعنی سفیرلر، مصلحت
کذارلر، شهیندرلر و بونک کی مملکتک پولتیقه سنه و دیلنه واقف
آدملر بولندیرمه قده در. شو سویلدی کمز مأمورلرک اک برنجی
وظیفه سی، حکومتلر آره سنده وقوعه کله جک اختلافات جسیمه یی
صلحاً بولنه قویق ایچون علی العجله بر چاره تدارک ایلمکدر.
فقط او یله بر کرکینلک حاصل اولنجه، آنی بر طرف ایلمک
خصوصنه نه قدر چالیشلرینه ینه هیچ بر زمان هر ایکی جهتک
آرزوسنه کوره ایشه بر نتیجه ویرمک ممکن اوله مز. چونکه
همه حال بعض نقطه لر ظهور ایدر، که آنلری محافظه دن واز
چکمک، آنلره اهمیت ویرمه مک حکومتک شان و عظمتنه بیوک
بیوک نقیصه لر ویرر و بلدکده حیات ملل اوزرنده بیوک بیوک
یارملرک حصوله واسطه اولور. شو دیدیکمز حاللر، بو کونکی
کون، اک چوق حکومتلر مستقله و مجتمعه تشکیلی باندیه اجرای

نفوذ ایدن قومیت و ملیت افکار یله ظهوره کلمکده در . اولکی زمانلرده ایسه، املاک موجوده نك حقوقه ضرر و زیان ویر- مکسزین، بوکی حکومت-لرک وضع و تأسیسی ممکن اوله مزدی. لکن او دیدیکمز حالارک بشقه طرز ایله ظهوری ده قابلدیر : مثلاً بعض مسئلهلر وار، که اوراده بردولنک حکم غالب-انه سی، برملنک حسد و یارقاتی اورته یه دوشورده آنلره جدی بر نظر اهمیت ویریلورسه، او زمان بتون دیپلوماسی حیللری، بتون پولتیقه سونکیلری خلافتده اولمق اوزره مسائل مذکورده یی صلحاً تسویه ایتمک ایچون بر واسطه، بر چاره بولمق همان همان محال حکمنه کیرر .

بو آندن اعتباراً قلیجه، سونکی به مراجعت ایتمک، سلاح طاور اتمق یعنی صلحاً بر طرف ایده مدیکمز شیلری حرب ایله تسویه ایتمک لزومه احتیاج صحیح کوریلور .

اوله ایسه حرب دنیلان شی پولتیقه نك اوزامه-سندن بویلی بوینه دوام ایتمه سندن بشقه برشی دکلدیر . یالاکز مقصده وارمق ایچون قوللانیلان واسطه لر، بر برندن فرقلی اولمق لازم کلور .

حکم اصوانه مراجعت ایله حربک یر یوزندن قالدیرلمسنه اجراسی غیر ممکن بر حاله کتورلمسنه دائر بعض تکلیفلر ایدلدی لکن بوتکلیفلر کوزل بر نتیجه ویرمدی . زیرا، حکم دینی-لار

قوة صلحيه، كندی قراريني هرايكي جهته بهمه حال قبول
و تصديق ايتديرمكدن عاجزدر.

حكومتلر آره سنده صلحك محافظه سي ايجون اك ابو چاره
متين وقوى بر تشكيلات عسكريه يه مالك اولمقدر.

كرچك! ضعيف بر حكومته نسبتله، قوى بر حكومته هجوم
ايدجك دشمن پك آز بولنور. اوندن بشقه اردولرك عدد
واقتدارى آرتدجه آنلرك بر بريله مصادمه سندن حصوله كله جك
نتيجه لرده او درجه مشوم اولور؛ ايلك او كجه اعلان حرب
ايدن طرفك يوكلنه چكي مسئوليت يوكي ده اودرجه بيوك اولور؛
ايشك ايجندن بقاي صيرمق خصوصى ده اودرجه زور واليم
اولور.

شو حاله نظراً، كنديلرندن قوتلى. ويوك قومشولر آره -
سنده صيقيشه رق عسكلر كجه ضعيف اولان حكومتلر هر زمان
بر حرب تهلكه سي، بر جنك شراره سي كي تصور اولنه بيلورلر.
يعنى حرب غائله سي چيقسه، چيقسه اك زياده آنلرك يوزندن
چيقمش اولور. اوندن بشقه، بولتيقه ويا قوة ماليه جه موجود
بعض سبيلردن اوترى قواى عسكريه سنك سطوت و شانى
ايجون لازم كلان سعى و املده قصور ايدن بيوك حكومته لرك
شو كيديشى ينه بر حرب تهلكه سي يرينه كچه بيلور.

ينه بونك كي، چوروك بر اداره، ضعيف بر حكومت النده

قالان ملتلك افكار عموميه سى ده شويله برتهلكك نك ظهورينه ،
 آتش آلمسنة بك اعلا واسطه اولور . چونكه ديديكمنر حكومتلر
 اهاالينك افكار متهيجه سنى ضبط ايدجك قوته مالك اولمقلىرى
 ايجون غليانه كلش اولان بوكى انسانلر ، قيننه لردن زياده ، بر
 حربك ظهورينه ياردم اتمش بولنورلر .

اك ايو تشكيلات عسكريه ، بسفر ك وقوعى زماننده مملككتك
 مادی ومعنوی بتون منابعى ، بتون وارداتى ميدانه چيقارته رق
 آتش آلان حربك بر آن اول سونمسنه ، كوزل بر نتیجه ايله
 نهايت بولمش اولمسنه خدمت ايليان تشكيلات عسكريه در . بيوك
 بر ثروت ، بيوك بر قوت باشنده ، يعنى هرشى يابهيلمك اقتدارى
 وار ايكن بيله ينه موجود واسطه لك يالكن بر قسمنى اورته يه
 قويه رق آنك ايله مدافعه اولمق جائز دكلدر . تشكيلات
 عسكريه نك احوال مخصوصه سيله تفرعات سائر سى ، اك چوق
 مملككتك اداره داخله سنه كوره دكيشور . بونكله برابر آنك
 اشكال عموميه سى ، ملل مختلفه آره سنده حكم سورن اك ابو
 بر اصوله نظراً تعيين ايدلمش بولنور .

اوندن بشقه جمعيات بشريه ايجنده حصوله كلان ترقيات
 مدنيه نك تشكيلات عسكريه اوزرنده اجراى تعديلات واصلـ
 حات ايلمسنى ده بك طبيعى برشيدر .

حال حاضرده ، بر چوق حكومتلك تشكيلات عسكريه ده

اصول موضوعی (قادرو) دیدکاری اصولدر . یعنی شو اصوله کوره سلاح طاشیمغه اقتداری اولان انسانلردن بر قسمی دائمی قطعات عسکریه نزدنده قالور . بو دائمی قطعه لر ، عین زمانده ملئتک بتون الی سلاح طوتان ارککری ایچون بر (قادرو) ، بر عسکر مکتبی دیکدرکه ، حرب ظهورنده اولجه تعلیم و تربیه کورنلر تکرار اورابه کیرر و اووجه ایله سفر برلکی تمام اولان اردولر محاربه اجرا ایدرلر .

عسا کر مایه اصولنی قبول ایدرک بر خطوه دهسا ایلریه طوغری یوریمش اولان ملتلر زمانزده پک آذرر . چونکه بو قییل ملتلرک پک جزئی تعلیم کورمش اوافق تفک بمض قطعات عسکریه سندن بشقه ، الده بر آز اول سویلدی کمز (قادرو) اصول تشکیلدن اثر بیله یوقدر . بو درلو بر تشکیلات عسکریه اراضینک طبیعت حال و تشکلی ، خارجدن هر هانکی بر هجومه غیر مساعد و یاخود اهالیسی جزئی ، امتدادی پک آز اولان بر مملکت ایچون بلکه قبول ایدیلرک بر اصولدر .

عسکر یازمق اصولنه کلنجه بونوع تشکیلات عسکریه پک مستثنایر لورده قوللانیلور . و یواش یواش بسبتون ریوزندن فالقمق اوزره بولنیور .

ایکینجی فصل

شمیدیکی حربلرک طبیعت خصوصیه سی

زمانمژده حرب دنیا لان شی صورت عمومیه ده کندی شکل طبیعی سنده یعنی اقوامک بر مصادمه خونریزانه سی شکلنده ظهور ایدر، که بو صدمه ده ایکی طرفدن هر بریسی، یا خصمک همه حال اطاعتنی و یا خود ممکن ایسه محو و پریشانی استحصاله جالیشور.

قطعات جسمیه ساده مانوره یا پدرمق، آنلره دشمنی تهدید ایلرک موضعلری طوتدرمق، و یا خود عصر حاضرک بدایتنده کلان بیوک بر عسکر محررینک دیدیکی کبی، یا لکز مانوره قوتیلر یعنی محاربه ایتمکسزین مظفریت قزاقق، شمیدیکی زمان ایچون قبول ایدیلرک اصلولاردن دکلدر. ناپولیونک سفرلرندن استحصال ایدیلان تجربه کوستریوز، که بو یولده بر اصول حرب ایکی خصمدن بری، هر نه اولورسه اولسون، بتون وارینی یوغینی صرف ایتمکک و صوک درجه اوغراشمیه قرار ویردیکی زمان بتون شدتی، بتون تأثیرینی غائب ایدر. حقیقی بر محاربه ویرلدکجه، آراتق زمانمژده اسلحه جارحه مصادمه لری وقوعه کلیه جکلدر. ینه بو کونکی سفرلرده مخاصم

حکومتلرک بتون قوتلرینی صرف ایتمکسزین ، قرشوده کی دشمنی
تخریبه اوغراشمق سزین ، حربه طوتیشسه جقلرینی و بو حربده
بالعکس ، وسائطک یالکز بر قسمی اورته یه چیقارم جقلرینی قبول
ایتمک ، خیال ایچنه یوزمک قیلندن اولور . [*]

شویله بر اصول ، کندیسنجه اختلاف حاصل اولان مسئله پک
جزئی بر اهمیتی حائز اولدینی زمان بلکه قابل اجرادر . بونک ایچون
اصول مذکورک شمدیکی زمان سفر لرلنده آتق شایان استفاده بر اصول
اولدیفنه حکم ایلمک لازم کلور . فقط اکر مستثنا قیلندن و یا بر بریله
مخاصم ور قیب اولان حکومتلردن بریسنک قبول ایلدیکی یاکلش

[*] بوراده استثنا تشکیل ایدن بعض خصوصی حاللری اونوتماق ،
ظا طردن چیقارماق لازم کلور . مثلاً ضعیف بر حکومت کندیسندن
یوک اولان قورمشولردن بریسنک حقوقنی اضرار ایلش بولنه جفی زمان ،
یسترکنندی کورکورینه امللرینه اطاعت ایتسون ، ایستر بشقه برسیدن
وتری اولسون ، مغلوب حکومتک ایستدکلرینی رد ایله آتی اک صکره
ملاح باشنه کتوره رک قوت استعمالی سایه سنده مسائل مختلفه نک حلنه
بجبور ایلر . بوکبی حربلر ، حرب اولمقدن زیاده اوافق تفک اجراآت
نسکریه در . بلکه عادی برر دوئلودن عبارت اولدینی ایچون بزم
تاعزه داخل دکدر . بز بوندن بشقه ، مستملکات سفرلرلنده بحث
تمیه جکز . چونکه بو حربلردن هر بریسنک ، جاری اولدینی مملکت و دشمنک
حوالیه بر وضعیت مخصوصه سی واردر . آنک ایچون حرب جسم
قنده سویلدیکمز قاعده لرک بونلره تطبیق و یا عدم تطبیق اکثری
الرده معناسز و حکمسز برشیدر .

یرتدیردن اوتری اویله برسفر میدانہ چیقارسہ ہر ایکی طرفک
حسیات ملیہ سی غلیان ایدر . حال بوکہ ، شو جوشقوناق ایش
باشندہ کیلرک ، قوای ملیہ دن پک آذرب قسمک ہزیمتیلہ نتیجہ حری
قزائش اولملرینہ مساعده ویرمز . بالعکس افکار عمومیہ ، حربہ
طوتشمش اولان قوای ملیہ ک ایلک آندہ دہا تقویہ ایدلمش
اولمسنہ آنلری اجبار ایدر . لکن خصم طرفی دہ ینہ بویله
حرکت ایتمش اولہجنی ایچون ہر ایکی جہت یواش ، یواش
ایلک ویریلان قرارک عکسنہ اولہرق بتون قوای ملیہ سنی برنجی
خطہ سوق ایتمش بولنولر .

برچوق حالردہ قوۂ سیاسیہ ایلہ ملیت افکاری متحدالمال
بر قوۂ مجبرہ صرہ سنہ کیردیکی زماندن بری مملکتلر طبقی
ناموسنی عائب ایتمکدن ایسہ حیاتی غائب ایتمکہ راضی اولان
انسانلرہ بکزمکہ باشلامشلردر .

بوندن شو چیقار کہ ، ہر ایکی جہتک الدہ موجود بتون
قوای مادیہ ومعنویہ سنی اورتہیہ قویق ، لکن ، حربک عمومی
نتیجہ سنی سلاح قوتیلہ حاصل ایتمک فکرینہ بناء قوای مذ-
کورہ یی صوک حدہ قدر صرف ایتماک وبالعکس آزچوق اہمیتی
حائز بیوک قطعات ایلہ منفرد محاربہ لر ویرمکدن عبارت اولان
برنوع مانورہ مسلکینی قبول ایتمک خصوصنی ایلرودہ کی سفرلر
ایچون برقاعدہ صرہ سنندہ کوسترمک ایستیانلر پک چوق یاکاش

اولیورلر . کرچه ، بوفکرده اولانلر يك چوقدر . لیکن آنلر حربك شمديکی زمانده حائز اولدینی طبیعتی بيلمک و طایبق ایستمیورلر .

بواصول ، یالکیز قطعاً مهارتسز وتنبیل اولان بردشمن قوشوسنده آز چوق موفتیت گوره بیلور . مدنیت بشریه نك بردوزی به دوام ایلیان بونجه ترقیانی سایه سنده یالکیز دوکوشمک ، یغما ایتمک و مملکت قزاقق هوسلریله یاییلان حربلر یر یوزندن قالقمهیه باشلادینی و ملتدرده هر نوع سفرلره تحمل ایده جک صورتده مدنیت کسوه سنه برونديکی زمانلردن بری ایکی خصممدن هر بری ممکن اولدینی قدر آز بر وقت ایچنده صلحک جریان ایده بیله جکی شرائط ممکنه یی خصمنه یعنی دشمن اولان ملته قبول ایتدیرمکه مجبوردر . لیکن نرم شو دیدیکمز شی آنجق ایکی طرفدن بریسی کندی مقاومتک هیچ بر وجهله نائل مظفریت اوله میه جغنه دائر بتون امیدلرینی غائب ایتمش بولندیی زمان جاری اوله بیلور . آنک ایچون عقد صلح یرینه مغلوبک بـبتون محو و پریشان ایدلسی فکرلریسه دوشلديکی کورپورز . افکار مایه اصولی پولتیقه عالمنک بر آمر ذوالجلالی اولدجقه وضعیت اصلا دیکشه میه جک و بوندن اوتری حربده کندی طبیعت مطلقه سنی محافظه ایلمش بولنه جقدر .

لکن دشمنی مغلوب ویا پریشان ایتمک سوزلردن خصمک

بتون عسکرلرینی بلا استئنا محاربه دن خارج برافق ویا قتل
 عام ایتک معناسی آکلاشلمسون . چونکه بو معنا بیوک بر
 حقسنزله دالات ایدر . علی الاصول یالکز بر قسمک پریشان
 ویا تخریب ایدلش اولسی هیئت عمومیه نظرند اوله بر تأثیر
 کوسترکه، بوندن اوتری بتون مظفریت امللری سونه چکی کبی
 ینه اوسایده حربدن صرفنظر ایدلک لزومی آشکار اوله جقدره .
 چونکه سلاح قوتیله آچیلش اولان یارملره بر آز وقت
 صکره اخلاق نقطه نظرندن حصوله کلان یارملرده علاوه
 اولنور؛ هیئت عمومیده یک بیوک بر انحطاط اثری کورلمک
 باشلار . طبیعت انسانیده قوه اخلاقیه نیک حکمی ، سلاح
 جاتیلرینک ییقلمسندن حصوله کلن پریشانلق آثارینی بسبتون
 اکمال ایده جک نفوذی جاممدر .

آلک ایچون بز ، دشمنی مغلوب ایتمکدن بحث ایلدیکمز
 وقت بوندن ، محاصم قوتلردن بر قسمی محو و پریشان ایدرک
 او وجه ایله خصمیزی شمدن صکره برامل مظفریت بکلمکدن
 واز کچورنمش اوله جغمیزی آکلا ملی بز . یوق ، اگر دشمنی محو
 و پریشان ایتمکدن بحث ایدیور ایسه ک اوزمان آنی معناً وماده
 اوله برحاله کتورمک ایستوروز، که او، موقتاً اولسون بزم ایله
 حربه دوام ایده بیلیمکدن عاجز قالدیغنی حس ایلش بولنسون:
 ایشته دشمنی محو و پریشان ایلیمک سوزینک معنای قیسیده
 بو سولیدیکمز معنادن عبارتدر .

اوچنچى فصل

شمىكى زمان حربىك طبيعت اساسىسى

كندىمىزده نه كى علل غايىه تصور ايدىورايسىك اونده ده عين اسبابىك وجودىنى مطلق فرض ايدى جىكمز دشمن ، بر آره يه جمع ايدىلش اولان بتون قوتلىرىله قرشوده كىنىك باشنه اك كسىدىر مه يومروقلر اينسىدىر بىلىمىك اىچون بتون قطعات عسكربىسىنى بر اردو تشكيل ايدى جىك صورتده جمع وتخشيد ايدى جىكدر .

بتون قوه مجتمعهنىك بر آره ده پىك آز قابل استعمال اوله - بىلىمىسى محذوريته بناء اردوى برىنىك مختلف پارچه لره وقوللاره آيرىلمىسنىه لزوم كورىلان مملكتلرده شو ديدىكمز قوللارك بر چوغى يىنه برلىكده چالشمىه ، برلىكده غوغا ايتىمىك محبوبىت كورمى جىكلردر ،

بونىك اىچون ، هر يرده وهر زمان مصادمه قطعىه مك اجراسنىه مخصوص و قواى مليه دن مركب اولمىك اوزره بيوك بر قسم عسكره تصادف ايدىله جىكلر كه ، بز اوكا دشمنىك (اردوى صالىمىسى) نامى ويره جىكلر . خصمىك درجه مقاومتى كوسترن ، آنىك قوتلى ويا ضعيف اولدىغى اورته يه چىقاران اشته بواردودر .

شورایه قدر سویلدکلر مزدن آشاغیده کی نذیجہ چیقار :
 اردوی اصلی بردفعہ بوزلدقدن صکرہ آنک خارچندہ و آندن
 کوچک اولمق اوزرہ اوتہدہ بری دم ترک اولنان بعض قوللارک
 مظفریت امیدلری کیتدکجه آزالور . واحتمال ، کہ اونلر صورت
 عمومیهده مقاومت کوسـترمک فیکرندن واز کچہرک شو وجه
 ایله بز ، یالکیز بو ایلمک موفقیت اساسیہنی قزائمش اولمقلہ بتون
 مساعیمزی ، بتون آماازی اکمال ایتمش اولہ بیلورز . بونک او -
 زربنه آرتق بتون قوتلرمز ، بتون فداکارلغمز ایله یوری یہ -
 جکمز ایلمک هدف دشمنک اردوی اسلمیسی اولدینی کندی
 کندبنہ میدانہ چیقار .

اوت ، شمدیکی حربلرک ایلمک سوق الجیش قاعدہسی بو
 سویلدیکمزدن عبارتدر . اهمیتلری جزئی بر نیجہ وقوعات
 وتشبہاتک اکثریا مصادمہ قطعیه زمانندن اول ظهور ایتمش
 اولمسی بونک قیمتہ اصلا خلل کتورہمز . احتمال ، کہ یوللاری
 ستر ایدن بعض حدود قلعہلری ، جسم قطعاتک بر آندہ باہامق
 ایستیلان یورویشلرینہ آز چوق سکتہ ویرمش اولہ جقلردر .
 بونک ایچون مصادمہ قطعیه باشلامدن اول اونلرہ هجوم
 ایتک و حاکم اولمق لازم کلہ جکدر . هر ایکی طرفدن ایلری یہ
 بعض قوللار ، واک چوق سواری قوللاری کوندریلرک خصمک
 تجمع حربکانہ سکتہ ویرمک ایچون بعض تشبہلر پایلہ بیلہ جکدر .

بوندن اوتری ایسه ، ایلک حاضرلق محاربهرلی باش کوستره -
جکدر .

لکن شومفرد حرکات ائناسنده هیچ رخصوصی ومستقل
هدف تئقیب ایدلمیه جکدر . چونکه حرکات مذکورهنک کرک
اجرا ابدلکاری مقصد وکرک استحصالی مطلوب اولان نتیجه
بوکا مانعدر . بالمکس ، دیدیکمز حرکات مصادمه قطعیهدن اول
و آکا مربوط اوله جق ر طرزده سریع بر صورتده پاییلور .
وعادتا ایلک شمشکار ، کلمسی یقین اولان بر فورتنهنک ظهورینه
اشارت اولدینی کبی آلرده قانلی بر مصادمهک اجزای اولیه -
سندن صاییلورلر .

دشمنک اردوی اصلیمنی ، غلوب ایتک ایچون الکابوچاره ،
اک امین واسطه ، آکا فائق اوله جق صورتده بیوک قوتلر جمع
ایلمکدر . زیرا هیچ بر کیمسه ، کندی اردوسنک باشنه کچن
سردارک دشمن اردوسی سردارندن دها درایتلی ویاخود خصم
اردوسنی تشکیل ایدن عسکرلرک حسارتجه اونه کیلرئن آشاغی
اولدینی ایشه باشلامهدن اول ، بر حکم صحیح ایله قبول واتصدیق
ایده مز .

بو یولده بر قناعت موجود اوله ییلور . چونکه عملیات جهتی
نظر دقته آلنورسه ، اوزمان سفر بر حاله کیرن اردولرک حل
ایده جکلری مسائل حریبه اوزرنده قناعت فکریهنکده آزجوق

اجرای تأثیر ایده‌جکی طبیعی‌در. حتی اکثراً واقع‌اولور، که شو قناعت بحثی مثلاً، تعقیب ایده‌جک مسئله‌نک حلی ایچون شویله ویا شویله بر یول طوتمق لازم کلدیکی زمان مسئله‌نک حلنه تأثیر ایدن اونه‌کی ماده‌لردن زیاده غالب‌الاحکام اولور. عملیاتجه بویله‌در، فقط نظریاته کلانجه ایش بسبتون بشقه‌اشور. چونکه نظریاتده عسکری مسئله‌لرینک تدقیقات فیه‌سی ایچون، عکسی قطعاً وصراحتاً کوسترلمدجه، دائماً هر ایکی جهت عسکرلرینک عین قیمت وعین قوتی حائز اولدیغی فرض ایتک لازم‌در. بو فرضیات قبول ایدلدیکی کبی مظفریتک اک امین والک پارلاق نشانه‌سی، اک کوزل سوق الجیش وتعییه ترتیبانی ایله برلکده عددجه موجود اولان تفوقدن عبارت بولنه جغه‌ده اینانملیدر. بز بو سویلدیکمز شیردن حرب حاضرک ایکنجی برقاعده عمومیه‌سی استحصال ایده‌بیله جکز، که اوده: زمان قطعی ایچون بتون قوتلرک الده بولمسی مطلق انزم وبلکه شرط اعظم‌در زیرا، اوله‌بیلورکه، محاربه‌نک طالع ونتیجه‌سی یالکز بر طابورک وجودینه احتیاج کوسترر. یعنی ایش باشنده برطابور عسکر ده‌ا موجود اولسه، مصادمه‌نک کوزل برنتیجه، پارلاق بر مظفریت ایله نهایت بولمسی اغلب احتمال‌در.

شو قاعده‌ی بردفعه بلله‌دکدن صکره، قسم کلیدن اوته‌یه، بری‌یه کوندریله‌جک اولان بتون مفرزه‌لر، بتون اقسام عسکریه

باشلی باشنه برر خطایه دلالت ایدرلر. بیوک مرفقیترلر کوچکلر-
 یخیده برابر کوتوردکلری ایچون ایمیترلری جزئی اولان تهلمکه-
 لردن پک اوقدر صاقمهیه لزوم یوقدر. یعنی بویه اوافق تفک
 تهلمکهلره هیچ اهمیت ویرلمه مش اولسه، حتی او جهتدن بعض
 تلفات وقوعه کلمسه بیه قسم کلینک اک اوافق بر پارچه سنی
 آرماق ایچون اصلا فتور ایتمه مکده اوله یلور.

لیکن نه قدر چالیشلرینه بوقاعده یی شویله حرفی حرفه
 تطبیق ایلمک هیچ کیمسه یه قسمت اولیه جقدر. مصادمه
 قطعیته نك وقوعه کله چکی کون وساعتی پک نادراً دقیقه سی،
 دقیقه سنه تعیین ایدم بیه جکز. ووندن اوتری اکثریا، درجه
 اهمیتلری ایکنجه صره ده قالان بتون تشبیهلر مزی غیر معین
 برزمان ایچون صرف ایتمکدن کیرو طوره میه جفز.

بونکه برابر، بزی هدف اصلییه کونورن خط مستقیمک
 خارجنده هر زمان، سوق الجیشجه بعض پک مهم نقطه لر بولنه-
 جقدرکه، اگر بز آنلری دشمنه براقور واو وجه ایله یورویشمزه
 دوام ایدر ایسه ک دشمن، او سایه ده اردوی اصلیمزک حرکتی
 اوزرینه آز چوق اهمیتلی بر تأثیر کوسه تره رک مصادمه قطعیه
 زماننده سربست برحاله بولمنسه مانع اوله یلور.

بونک ایچون دیدیکمز نقطه لره بعض خصوصی مفرزه لر
 کوندرمه که و آنلری نصل اولورسه اولسون الدن چیقارماغه

مجبورز. اوله ايسه، بر آز اول سويلديكمزى ينه تکرار ايدرك
 ديرزکه، نه قدر سعي اولنورسه اولنسون، اردوى اصلیدن بعض
 مفزره لرك اوتيه برى يه کوندرلمه سینه چاره بولاق ممکن اوله -
 ميه جقدر. يعنى قطعات عسکريه دن بعضيلرى، بهمه حل، بزجه
 ودشمنجه مهم اولان بر طاق سوق الجیش نقطه لرینه سوق
 ايديله جکدر. شوقدر وار که، قسم کلی بونلری يا مصادمه قطعيه
 کونی ينه کندی يانه کتورده جک ويا بويه يالماق ممکن
 اوله مدینی زمان، طولاييسيله محاربه نك کوزل بر نتیجه يه وصولی
 تأمین وتسهيّل ایده جک صورتده افراز اينلمايدر.

قطعات مذکور نك شو طولاييسيله يابه جقلری خدمته
 موفق اوله بيلمه لری ايچون الك ابو واسطه آلره، مصادمه برندن
 ايچ، اوزاقده اولان وکنديلرندن بيوك بعض دشمن قوللری
 اشغال ايتمک وظيفه سی ویرلميدر. بونکله برابر، هيچ شبهه
 ايدلمسون که، مصادمه قطعيه اوزرینه اصلا تأثیری کورلميه جک
 صورتده بعض مفزره لرك اوتيه، برى يه کوندرلمسی کي خطالر
 هيچ بر زمان اکسيك اولميه جقدر.

بيوك قطعات عسکريه بر یرده اجتماع ايلدکجه بوندن،
 قطعات مذکوره ايچون برچوق احتياجلر، برچوق يورغينلقلر
 حصوله کله جيک طبيعيدر. اکر شو سويلديکمز حاللره اولجه
 کشف ايدلمه مش بعض وقوعات مشئومه ومثلا بعض علل

ساریه ده یوکلنورسه او زمان وضعیت عمومی به سبتون کسب مشکلات ایدر .

قطعات عسکریه يك طوخی بردن مسكون محلارده اسكان ایتدرمك قابل اوله مدینی کبی تمیش واداره مسله سی ده ایجه فنا و مشکل بروضه کیرمش بولنور .

اوندن بشقه ، یالکز بر یرده اجتماع ایتمش اولان بودرجه بیوک وجسیم قطعاتک یورویش باعه لری ده يك زور بر شیدر . حال بوکه ، قطعات مذکوره شویله یالکز بر نقطه اوزرینه طویلانه جق یرده بر بردن آز چوق فرقلی و اوزاق نقطه لرده اجتماع ایتمش اولسه لر ، آلرک یورویش وضعیته کیرمه لری اوزمان بودرجه مشکلاتی موجب اولمزدی .

کرچک ! قطعات عسکریه ایکی ویا دهها زیاده نقطه لردن حرکت ایتدکاری زمان اونلره ، یالکز بر نقطه دن یورویشه باشلامش اولمیرینه نظراً بر خیلی مهم وکوزل یولار ویرمک ممکندر . یورویش ائناسنده بر یرده کیجه ملک ایچون موله ویر . دکن صکره ایرتسی کون تکرار یوله کیرلدکجه بهض مشکلاته اوغرامق طبیعیدر .

بوندن بشقه ، یالکز بر یول اوزرنده (۳۰ : ۴۰) بیک کیشیدن زیاده عسکر یوروتمه مک لازم اولدیغنی خاطر دن چیقار . مامق ایجاب ایلر . زیرا (۴۰) بیک کیشیدن زیاده بر قوت ایله

یالکز بر یول اوزرنده حرکت ابدلیکی زمان بر کونده قوه مذکوره نك کاملاً مصادمه به اشتراك ایتسی ممکن اوله مز .

حقیقت ! اگر بر یول اوزرنده یوریان قطعات جسمه نك قوه عمومیه سی ، (۴۰) بیک کیشیدن زیاده اولورسه قول نهایتنده کی جزء تاملرک ، آنجق کیجه قراکلنی با صدقدن صبره مصادمه یرینه یشمسی ممکن اوله بیلور . ایشته بو سبدن اوتری ده بیوک قطعانك بعض کره پارچه لره آیرلمسی لزومی تحقق ایلر . و هر نه قدر بز قطعات جسمه نك طویل بولنمسی احتیاجنی بر قاعده کلیه صره سنده کوستریور ایسه کده بو افاده - مزله اولرک هر زمان و هر یرده یالکز بر یول اوزرنده یوریه - لرینی ، یالکز بر یرده قونمه لرینی دیمک ایستمیورز .

بالعکس بز دیمک ایستمیورز که ، قطعات مذکوره زمان قطعیده هپسی بر یره طوبلا به بیله جک وبا خود هیج اولمزسه ، هپسی محاربه به اشتراك ایده بیله جک صورتده یوریه لی و اوطور - مه لیدر . آنک ایچون شم دیکی عسکرک صنعتی : بیوک قطعات هیئت عمومیه سنده جمع و تفریق عملیاتنك بالناوبه دوام و تبدل ایتمه سندن عبارتدر ، دیه بیلورز .

باش قوماندان اولان ذات ، صورت عمومیه ده ، الی آلتنده کی قطعات عسکریه یی ، طاغلق یشاتمق ، طویلی محاربه ایتدیرمک اصولنه واقف اولمیدر . چونکه بو اصول اردویه

اك الويريشلى كلديكى كې، آنى اك ابو بر صورتده بىلمكده
 كافىدر . لىكن شو دىكلرمزى بىلمكله برابر، باش قوماندان،
 لزوم كورلدىكى زمان بتون قطعات عسكرىه سنى طوپلايه بىلمك
 ايجون ايجاب ايدن تدبىرلى ياپمى يەدە بوزجلىدر . بحث مذكوره
 دائر قواعد كليە سويلمك ممكن اولەمز . چونكه وضعيت عمومىە
 دىكشەدكجە او خصوصەدە اجراسى لازم كلان سعى عمومىە
 بسبتون بشقە برطور، بشقە برشكل آلمش بولنەجقدر . [*]
 صيق وييتشك قوناقلردە ايجە زمان قالمش اولمقله برابر يك
 زيادە مشقت چكەمك سزىن كندى قطعات جسيمە سنى حركت قطعيە
 آنندە الى آتندە بولندىرە بىلەجك اولان باش قوماندان، عسكرى
 طاغتمق و طوپلامق صنعتندە اك مەسارتلى بر قوماندان يرينە
 كچە جكدەر .

[*] ١٨ تشرین ثانی ١٨٦٧ سنە سنده مارە شال مولنكەك هفتەلق
 عسكرى غزە سنده نشر ايتدىكى بند مخصوص . — بو مسئلهك حلنە
 دائر ناپوليونك برسوزى واردركە، اهميت عظيمە سنە بناءً بوجه آتى نقل
 ايدىيورز : باش قوماندان اولان ذات كوندە براقاچ كره دشمنك جبهەدن،
 صاغ و يا صول جناح استقامتە دن ظهور ايدە جىكنى دوشونەرك اوكا كوره
 كندى اردوسنە لازم كلان ترتيباتى ويرمك ايجون كندى كندىسنە بعض
 سؤاللەر، صورەجقدر . اكر بو سؤاللەر جواب ويرمكەدە مشكلاتە
 اوغراسە ، او زمان يايلان ترتيبات عسكرىەدە بر خطايە دوشدىكنى
 آكلاملى وهان آنى تصحيحە چالشملىدر .

زمانه زده مختلف مملکتلر آرمه سنده کر چکدن حیرت اولنه .
 جق بر ترقی کوسترن بین الملل مناسبات ایله تجارت معاملاتی
 هر فصل اولورسه اولسون ، ظهور ایده جک وقوعاتک عکسی
 ضربه سندن متأثر کورینورلر . اونک ایچون اگر حال سفری
 ایجه بر زمان اوزامش بولنورسه ، او ، کندیلکندن بر قوه
 مخربه ، بر آلت مدهشه برینه کچرکه ، اکثری حالارده حکومتلرک
 مناسبات عمومیه سنده یک فنا وقطعی تأثیرلر کوسترمش اوله جقدر .
 بوندن آکلشیلورکه ، زمان حاضر اصل حربنه کوره
 جریان ایده جک بر سفرده وقوعات بر برینی تمقیباً یعنی بلافاصله
 ظهور ایدوب کیده جکدر . حاصلی بویه بر سفر انناسنده
 اسکیدن اولدینی کبی ، بیوک بر توقف زمانی کورایه جک وبو
 خصوص یالکز ، دشمنلردن بریسی ، خصمک هجومی کیرویه
 پوسکورتمش ایکن ، کندی نوبتده آکا هجوم ایده جک قوتی
 حائز دکل ایسه ایشته یالکز اوزمان ، فقط ینه بر مستمتنا قبیلندن ،
 ظهور ایده جکدر .

بو حادثه ایکنجی پلونه محاربه سندن صکره عثمانلی ، روس
 حربنده وقوعه کلشدر . حقیقت ! مذکور محاربه نی متعاقب
 درت آیدن زیاده یعنی پلونه نک سه قوطی آنه قدر بر توقف
 کورلمشدر . لکن بو سفرده بر برینه قرشو حرکت ایدن قوتلر

آره-سئنده کی نسبت سزلك ، حقیقهٔ يك حیرته شایان بر درجه ده ایدی . عثمانلر موفقیت قزاندقدن صکره ، دشمنلرینی کیرویه بوسکورتمک و یا خود ر هجومه کچمک خصوصنی دوشونه میه جک صورتده عدداً يك ضعیف بر حالده بولنیورلردی .

شو مثال کرچه ، بر آاز اول سوبلدیکمز قاعده ایچون بر استثنا تشکیل ایدیور؛ لکن بولک اصل سببی شودرکه: ترکار ایلک زمانلرده دها نصلسه یا کلش حرکتلرده بولمشلردی.

اولیه ایسه ، بو حال استثنایی ، نرم قاعده مزی چوروتمکدن زیاده اوکا نازه بر حیات و برمش اولدینی کندنی کندینه میدانه چیقار . کچمش عصرلرک سفرلرنده وقوعنی کوردیکمز بونجه توقفلره ، بونجه اوزون فاصله لره کلنجه ، اونلره دائر نافله یرم سوز سوبیلمکدن چکینورز . زیرا اوکی فاصله لری ، بوندن صکره بردها کورمک بزه نصیب اولیه جقدر .

اوت ! اسکی زمانلرده اوکی فاصله لر وقوعه کلوردی . چونکه دشمن اولان جهتلرک هر بریسی بعضاً اولوردی که ، حربه عادنا نفرت ایدی-ورلردی . چونکه تعقیب ایدیله جک حرکات عمومیه ایچون قطعی و آچیق برهدف کوسترمک اکثریا اللرندن کلیوردی . چونکه اسکی زمان حربلرنده قیش موسمی کلنجه حرکات عسکریه تعطیل ایدیله رک ، قیش اردوگاهلرینه

چكلمك خصوصى بربرينه دشمن اولان اردولر ايجون غلبهسى
ناقابل برعادت حكمنه كيرمىدى .

شمديكى زمانلرده اردولر ، بر دفعه سفر بر حالنه كچدكدن
صكره آنلرك ادارهسى ايجون ايديلان مصارف او درجه
بيوكدر كه ، حكومات حاضره بو . مصرف يوكنى آزالتمق فكرينه
بنساءً حدود بويندهكى قوماندانلرينه اردولرك بردوزى به محاربه
ايله مشغول اولمهلرينى امر واصرار ايده جكلردر .

مخاصملردن هانكيلى ايجه بر زمان حرب غائله سنه طياه -
بيلورسه ، بو خصوصى دن اك چوق استيفاده ايده جك طرف
اوطرف اولور . بر حكومت ، بشقه بر حكومتك عسكرلر كچه
تشكيل ايدلمش اولان قوتلرينى كاملاً محو ايتسون... اراضيسنك
بيوك بر پارچه سنى تحت اشغاله آلسون ده اك صكره بو اشغالك
كنديسنه يوكلته جكى مصرف يوكنه طيانه ميه رق نهايت مغلوب
جهتك آز چوق فائذلى بر مصالحه نكليفنى قبوله مجبوريت
كورمسون ، بو ، نظرياتجه اصلاً ممكنسز برشى دكلدر .

بالعكس ، بر حقيقتدركه ، نيجه كي مسله لر نافله يره اوكا
اينانمق ، اعتقاد ايتمك ايستميورلر . خصمك باشلوجه
اردوسنى محو ايده بيلمك خصوصى ، اعلان حرب ايدلديكى
زمان تعقيب ايلديكمز مقصدك مكملاً حاصل اولمسه نه بر دليل

قطعی دکلدر . بوفکرده بولناتلر ، پک چوق یا کلدقلرینه امین اولسونلر .

وسعتی پک زیاده مملکتلر ، ومثلاً ، روسیه ایمپراطورلنی ملیت اعتباریلہ یک جنس ، کشافی جزئی ، معیشتی علی العادہ یعنی بین الملل مناسبانک کسلمہ سیلہ پک اوقدر زحمت چکمیه جک ر اہالی بہ مالک اولدیغندن ، ایشته بونک کی مملکتلر اوزون سفرلرہ بیلہ یک زیاده مشغوم وتہلکہ کی نتیجہ لرہ اوغرامزلر . یکن مدنیتلری صـوک درجہ بہ کلان ، مملکتلری پک چـوق اسع اولمیان ، اہالیسی پک زیاده کثیف لیکن اجناس مختلفہ یی حاوی بولنـان حکومتلر او کی اوزون سـفرلرہ پک چـوق جـمت چکر وپک چـوق تہلکہ کی نتیجہ لرہ تصادفی ایدرلر . وخصوص ، اک چوق ، کندی اہالیسی نہ کندی محصـولی لہ ادارہ ایدہ میان مملکتلرہ ، خارجہ مراجعت ایتک لزومی ورلدکجہ دہـا زیاده کسب اہمیت ایلر . حال بوک ، اعلان ترب وقوعہ کلیدیکی زمان ، خارجدن امتعہ واشـیا کتورتک سئلہ سی آرتق منتظماً تعقیب ایدیلہ مز ویاخود بونک بسبتون زدی آرہ سی کسلور .

بولتیقہ و ہیئت اجتماعیہ نک وضعیتی دہ شو بحث ایلدیکمز سئلہ دہ اک بیوک واک مهم برتائیر حصولہ کتورور . اگر حرب دکتہ اوغرایان مملکت یالکز کنیش اووہ لرہ ساکن وپک

آز غلبه لك اولان چفتجی مقولهسی بر اهالی طرفندن اشغال ایدلمش بولنورسه ، حكومت ، صورت عمومیهده كندی قرارینی ویرنجیه قدر سربست برحاله قالور . چونكه اكثر زمانلر بوجفتجی اهالی ، عقد صاح ایدلدیكنی كورمك ایچون حاصل اولان طویغولرینی ترویج ایتدیره جك وسائطه مالك دكلدرلر .

لكن بیوك شهرلرده صنایع تجارت ایله اشتغال ایدن واساسا زانکین بر خلق ایله مسكون اولان مملكتلرده ایش بسبتون بشقه بریولده جریان ایدر . چونكه صنعت و تجارت عالمنده آب آنسزین وقوعه كله جك برسكونت او دیدیكمز خلقك بتون وارینی یوغنی ضایع ایتدیرمكه واسطه اوله بیلور . اونك ایچون اكر بوكی مملكتلرك اردوسی دها ایلك زمانلرده بعض مغلوبیتاره اوغرامش اولورسه ، بوزنکین اهالی بر آن اول باریشیق اولمق خصوصنده ایجاب ایدن تأثیری کوسـ ترمکدن بر دم خالی قالمیه حق وحتی بویولده كندی آرزوسنی ترویج ایتدیرمکده موفق اوله جقدر . زیرا حكومتی تضییق اتمك ، مصالحهیی قبول ایتدیرمك آنك النده در . حاصلی برچوق نقطه نظر دن بوكی زنکین اهالینك حكومتلر اوزرنده کی تأثیری بك چوقدر .

یالکز اهالینسی بربرینه مساوی وهان ینه بربرینه مشابه اوله حق صـ ورنده تشکیل و ترکیب ایدلمش اولان حكومتلرده اعلان حرب ایتمکدن طولایی بسلدیكمز ایکنجی درجه مقاصد

وایس-تئلدیکی کبی عقد صالح ایتک خص-وصلری برنجی مقصد
 حصوله کلدکدن یعنی دشمنک اردوی اصلیمی مغلوب ایدلدکدن
 صکره برچوق مشکلاته اوغرامقسنزن حل اولنه بیلور .

بوقیلدن اک بارلاق بر مثال وجوده کتورن سفر ، پروسیا
 حکومتک آوستریالیلر عامنه آچش اولدینی (۱۸۶۶) سفریدر .
 حقیقت ! اوزمان یالکزر (کونیکرچ) میدان محاربه-سنگ
 قزانامش اولمسیله بتون سفره نهایت ویریه بیلیمشدر .

لکن بربریه حرب ایدن ایکی مملکت همان یکدیگرینه
 بکزد بر وضعیتده بولندقلری زمان بیه ایشلرکینه بشقه
 بر طرزده جریان ایتمسی پک اعلا واقع اوله بیلور . بوحقیقت ،
 (۱۸۷۰) فرانسه ، آلمانیا سفرنده تمامیه وقوعه کلمشدر .
 فرانسه-ک عسکرجه تشکیل ایدلمش اولان بتون قوتلری
 سفرك ایلک اوچ آی ظرفنده همان محو اوله درجه لرینه کلمش
 بولنیوردی . لکن فرانسیزلری عقد صلحه مجبور ایده بیلیمک
 ایچون ینه بویه اوچ آی کچدکدن صکره آنجق برپارچه موفقیت
 حاصل اوله بیلیمشدی .

اگر بربریه غوغا ایتک اوزره بولنان حکومتلر کرک ملیت
 وکرک اصول اداره نقطه نظرندن یکدیگرندن فرقلی ایسه لر ،
 دشمن قوتلرینک محوینی متعاقب همان عقد صلح ایده بیلیمک

مسئله سنك يعنى اردونك محويله بركده مصالحه نك ظهورى،
بك نادراً كوريله جك حال دندر .

نابوليون (۱۸۱۲) ده روسيه علمينه آچدينى سفيرده مغلوب
اولمش ايسه، بوحال، روس اردولرينى تخریب ايدمه مامش اولمه.
سندن ايلرى كله برشى دكلدر. بالعكس روس اردولرينه مغلوب
دوشمى وحتى امپراطورلغك ياختي اولان موسقووه شهرينك
ضبط ايدلمش بولمى بيله روسيه حكومتى عقد صلحه مجبور
ايمكه غير كافى كورينوردى . چونكه ممالكى بك واسع وبيوك
براقليم اولدقدن بشقه، اوراده اسكان ايدن ملت كرچك متين
وقوى برفكر ايله يشادلمش بولديغيچون آنى قطعى برصورتده
محو ايمك ايجه مشكل بروظيفه ايدى .

شمال و جنوب حكومتلى آره سنده ظهوره كلان آمريكا
سفر عظيمنده مظفريت، همان صوك زمانلره كلنجيه قدر شمال
اردولرينه صداقت كوسترمكدن بدم بوش قالمدى . واك صكره
جنوب اردولرى يواش يواش سقوط ايمكه باشلاديلر . بونك
سببى ايسه بك بسط برشيدر. چونكه جنوب حكومتلى مصا-
لحه يي قبوله مجبور اوله جق صورتده شمال حكومتلى بيله شمال
اهالىسى اوزرنده بيوك برتضييق كوسترمكدن عاجز بولنيورلر
ايدى .

ايشته بوندن طولاييدرکه، خصمك اردوى اصليسى محو

و پریشان ایتدکدن صکره، برچوق حاللرده، مصالحه نامه‌نی امضا ایتمک ایچون دشمنی تضییق ایلمک لزومی حس ایدیله جکدر . شو خصوص بعض حاللره کوره، احتمال که، برنجیس-ندن دها سرت دها چتین بر صورتده حل ایدلمش بولنه جقدر . اونک ایچون حرب ایتمکه قرار ویریله جکی زمان حربدن صکره نه وجا ایله حرکت اولنه جغننه، عقد صالح جهتی نه صورتله حل ایدلمش بولنه جغننه داه اولدن و اینجه دن اینجه، به دوشونمک لازم کله جکدر .

محاربه میداننده مظفریت قزاندقدن صکره هر شیدن اول کندی قوتلرمزک تشکیلاتی، مغلوب اولان ملت افرادینی حربه دوام ایتمک آرزوسندن زیاده باریشعق فکرینه دوشوره جک وجه ایله حرب فلاکتلرینی اک چوق خصم طورانغه آتمغه مساعدده ایدرمی، یوقسه ایتزمی؟ ایشته بو خصوصی ایجه کسکین برکوز ایله کورمک، تدقیق ایلمک مجبوریتده یز :

بوقصور (۱۸۱۲) سفرنده برنجی ناپولیون طرفندن فصلسه ارتکاب ایدلمشیدی. کرچک! اوزمان فرانسه قوای عسکره- سنک تشکیلاتی، یورویش حاله کیرمش اولان بیوک اردویی، روس اردولرینی پریشان ایلیه جک صورتده بردوزی به کیرودن کلان جسم قطعات ایله تعقیب ایتدیرمک واردوی مذکور دشمن طورانغه یابلدنجه دشمن برکزه دها بویرلرک ضبطنه

قالقه میه جق وجه ایله اورالینی دیدیکمز قطعات عسکرینه نک
تحت اشغالده بولندرمق ایچون امپراطوره مساعده ایده جک
درجه ده مکمل والوریشلی دکادی .

یوقسه اکر امپراطور ، شو دیدیکمز یوله مکمل
بر اردویه ، مکمل بر تشکیلاته مالک اولسه ایدی شهه-ز
هم کندی مقصدینه ابرر، همده روسلری عقد صلحه مجبور
ایلردی . دشمنی بویه بر مجبوریتیه آتمق ایچون قوالانیله جق
واسطه لر ، ضبط اولن ان مملکت ایله اوراده یشایان اهانیک
طبیعت و اخلاقه کوره دکیدشور .

احتمال که ، بومملکتک یالکز یاخیضی ضبط ایتمک و یاخود
احتمال که ، (۱۸۷۷) ، (۱۸۲۸) و (۱۸۲۹) سفرلرنده
اولدینی کبی یالکز یاخیضی تهدید ایلمک صورتیه عقد مصالحه
ممکن اوله جقدر . اوندن بشقه ینه احتمال که ، بو خصوصده
بیوک لیمانلری ، بیوک تجارت مرکزلی ، اک مهم نقلیه یوللاری ،
عسکر فابریقه لری ، مستحکم موقعلری و الحاصل اردو و ملتک
حیاتی ایچون الزم اولان هرشیئی ضبط ایلمک انجابه ایده جکدر .
حتی ینه احتمال که ، اراضینک مهم بر پارچه سنی و یاخود ضبط
اولنان بواراضینک هپسینی اشغال ایتمک لزومی ده حس ایدیه جکدر .
بعض کره لر ایسه ، بومملکتک حاصلاتی اهانیک ، ادا ، مستف

یتشمدیکی زمان آبلوقه اصولارینه مراجعت اولنه رق دشمن
او سایه ده عقد صاحبه مجبور ایتدیر یله جکدر .

مظفریت استحصال ایتدکن صکره عقد صاح ایچون ،
دشمن حکومتلرک قولالانه جقلری شو مختلف اصوله نظراً بر
حال حاضر سفرینک اطواری ، کچمش زمان سفرلرینه نسبتله
بیتون بشقه برصفتده ، بشقه برشکلده نمایان اوله جقدر . اک
قوی امل ، اک متین تشبث ممکن اولدینی درجه ده کندی قوای
عسکره منری محافظه ایتدکن عبارت بولنه جق و بوامل احتیاطکارانه
دیگر زمانلردن زیاده اساسلی و لزوملی کور یله جکدر . ایلروده کی
سفرلرده کسکین و شدتلی بر تجربه کوسترمکدن ایسه سورکلی
بر غیرت اظهارینه مستعد اولمق دهامهم بر مسئله شکلنه
کیره جکدر .

فرانسه ، آلمانیا سفرینک هرایکی دورنده شمدی سویلدی کمز
ایکی درلو غیرتک بر برندن قطعاً فرقلی اولان بو طبعی آلمانلره
بتون صراحتیه بر ائکده عیان و بیان اولمشدی . ایلک دورده
هجوم طرفنک بیوک بر شدت ایله ایلرویه کیتدیکنی ، دشمنی آدم
عقللی بر مغلوب ایدنجیه قدر مصادمه دن مصادمه یه ، ظفردن
ظفره قوشدیغنی کور بیورز . ایکنجی دورده ایسه ینه بو هجوم
طرفنک ، الدن قاچیردیغنی تکرار کیرویه آلمق ایچون صوک درجه

چالیشان بر دشمنه قرشو ، ضبط ایدیلان یرلری مدافعه ايله
مشغول بولندیغنی کوربیورز .

دشمنی عقد صلحه مجبور ایده بیلمک ایچون بوندن صکره ،
غالب اولان جهنک یعنی آلمان اردولرینک حیرا محاربه لرنده
یکی یکی مظفریتلر استحصالنه بر لزوم قالمامشدی ؛ یالکیز بو
مقصده ایرمک ایچون ، بتون ایکنجی دور ائناسنده محاصره
ایدلمش بولنان یاختنی ضبط ایلمک ایجاب ایدردی .

بونک ایچون اکبر زه ، شمديکی زمان حربنک اوصاف معینه
وخصوصیه سنه بر نظر عمومی کزدیرر ايسهک آنلرک آشاییده کی
ماده لر دن عبارت اولدیغنی آکلارز :

الده ، موجود اولان قوتلرک هپسینی خط حربه سوق ایتمک
واولردن بر مظفریتی متملقب ممکن اولدیغنی قدر سرعت ايله
فائده لی بر مصالحه عقد ایديله بیله جک صورتده مساعی طلب
ایلمک لازمدر .

حربک ایلک زمانلرندن اعتباراً ملتک بتون قوای موجود-
ده سنی همه حال حاضرده بولندرمق ایجاب ایلر .

هیچ برتوقف زمانی براققسزین ، حربی شویله بردوزییه
تعقیب ایلمک ، خصمک مقاومت منتظمه سی قطعی میدان محاربه-
لرنده بسبتون قیرلمش اولنجیه قدر آنی کمال شدت ايله ایلری
سورمک و یالکیز او ائسادده یعنی مصالحه یه قرار ویريله جکی

صره ده اردوبی بر پارچه اسکی حاله ، اسکی انتظامنه قویمغه
 مساعد بر صورتده خفیف محاربه لر یاقیق لازم کلور .
 طبیعیدرکه ، شوصوک دورده ، اولجه حربک ظهورینه
 واسطه اولان پولاتیقه تکرار میدانه چیقهرق مصالحه به قرار
 ویرمک ایچون تک باشنه اوغراشوب طوره جقدر .

دردمجي فصل

حرك اشكال اصليه

هجوم و مدافعه ، اصولا حرك اشكال اصليه سی تعبير اولور . وودن طولانی ایکی خصم دن هانگیکی ایلری کچمهیه ، دشمن اوزرینه یوریهیه و آنی مغلوب ایدرک بوجوله تشبثات سیاسی سندن واز کچورتمهیه قرار ویررسه اوطرف مه اجین ، حال بوکه ، کندی اوزرینه یاییه حق تعرضی کیرویه آلمقدن بشقه برشی دوش و نیان طرفه مدافعه این اسمی ویریلور .

اوله اولنجه ، یالکز کندیسینی مدافعهیه چالیشان طرف هیچ بروقت بر نتیجه دن زیاده یعنی کندی هزمتنه مانع اولمقدن بشقه برشی استحصال ایده میه کدر . بونتیجه ایسه آچقدن آچیغه منفی بر نتیجه در . آک ایچون اصول مدافعه ، دشمنی مغلوب ایتمکدن عبارت اولان هدف اصلی به وصول ایچون کافی درجده متین وقوی بر اصول حرب دکدر . بودن طولانی اصول مذکور ی سونلر ، اک صکره ینه مقابل تعرضه کچمک لازم کلدیکی توصیه ایدیورلر . حتی بو قدرله ده قالمیورلر ؛ بالعکس

۱۲ | حرب ۳۰

۵۵

بر زمان اولورکه ، اوراده بر نتیجه استحصال ایده بيلمک ایچون چارناچار مدافعه دن وازکچهرک اصول حرب تعرضینک قبول ایدله . سنه متحداً قرار ویرمه یه لزوم کوربورلر . والحاصل مدافعه دنیلان اصول حرب ، دشمن حکومتلرک ط-وتدینی مسلاک اوزریده اکثریا پک آز وقت اجرای تأثیر ایده ییله جک و بر سفرک اولندن سوکنه قدر اصول مذکورک تطبیق ایدلیکنی کورمک پک مستمنا واقع اوله جقدر .

بونک اوزرینه یالکز کندی ضعیفلاکنه جداً قناعت حاصل ایدن ، اولای عظیمه جداً محکوم اولان طرف دشمن اردوسنه بسبتون مغلوب دوشمه مکی کندیسی ایچون بختیارلق صایدینی زمانلرده او وجه ابله حرکتی قرار ویرمش بوله جقدر .

ایش بویه اولنجی ، آرتق هنکام سفرده هر متعرض قرشو-سنده ، بر مدافع تصور ایتک لزومنه هیچده حاجت قالمیدینی آشکار اولور . بالعکس ، مخاصملردن ایکسیده همان عین قوت و مکنتی حائر اولدقدن بشقه هر ایکسی سنک اردو و ملتیه اولان امنیتیه مساوی بولمیدینی زمان آنلرک ایکسی بر آنده تعرضه کچمش اوله جقلرینی قبول ایتک ضروریدر . بونک ایچون شو دیدیکمز حالده ایکی تعرض اردوسنک قرشو قرشویه کلدیکی کوریله جک و بوخصوص آنلردن بریمی ایلک صدمه لرک حاصل ایتدیکی نتیجه لر اوزرینه کندی نفوذ و شدتک قیرلیدیغی حس

ایلدیکی برزمانه قدر دوام ایده جکدر . لکن او آندن اعتباراً
 کندی املارینک برر برر سوندیکنی کورن جهت چارناچار
 تعرضدن مدافعه یه کچمه یه قرار ویره جکدر . اکثریا دشمنلردن
 بریسی ، دها چابوق طاورانهرق وسائط سفریه سنی تدارک
 خصوصنده بیوک بر درایت کوسترمش اوله جغندن طولانی
 خصم قرشوسنه بکلانمده درجه ده بیوک قوتلر چیقارمیه جک
 وشووجه ایله مذکور دشمنی مدافعه ده قائمه مجبور ایلمیه جکدر .
 (۱۸۷۰) سفرنده فرانسه لولک باشندن طبقی شویله برحال کچمش
 ایدی . لکن شمدی ، بلکه هر یرده قومشو حکومتلرک
 تشکیلات واحوال عسکریه سنی میدانه چیقارمق ایچون اودرجه
 اعتنا ایدیلور و بر کون بهمه حال ایش باشنه کچه جک اردولرک
 سفر برلکلری حقنده لازم کلان زمان اودرجه ایچیه حساب
 اولنورکه ، بوسویدیکمز باصقینلرک یواش یواش آزاله رق اک
 صکره بسبتون قالقه جقلری طبعیدر .

هاجین طرفنک ده آردصره مدافعه ده قالدینی کوریه جکدر .
 ازجمله تعرض جهتی قوای عسکریه سنی طویلی برحاله کتورمک
 و اووجه ایله خصمک قفاسنه دها کسکین و آجی بر یومروق
 ایندیرمک لازم کلدیکی زمان مدافعه اصوله مراجعت ایده جکدر .
 ال آلتنده زیاده جه برقوت بولندیره بیلیمک فکرینه بناء دینکر
 بر نقطه ده پالکز اوافق تفک بعض قطعات عسکریه قواللائق

ایستدیکي زمان اوراده ینه بویه جه مدافعه اصولنه مراجعت ایلیه جکدر .

بتون بوسویدلکر مزدن شو چیقارکه، حربك ايکي شکلندن مدافعه اصولی، اک آز ایهیتی حائر اولان وحدذانه موجود اولیان بر اصولدر . بونکله برابر ، شمدی یه قدر برلکده کلش برلکده بیومش اولان شو ایکی اصولک ایکیسینی ده قبول ایتک وحقی ایکیسنده مساوی بر قیمت و بر مک خصوصنه بزه مساعده و بر یله جکدر ، فکر نده یم . چونکه بودیدیکمز کبی حرکت ایدلدیکنه یعنی تعرض و مدافعه تعبیر لرینی ابقا ایتدکن صکره اولره مساوی بر قیمت و برلدیکنه کوره هر بر یسنک اجرا ایده جکی وظیفه ایل بولنه جنی احوال عمومیه نی صراحة کوسترمک ممکن اوله جقدر . حاصلی دیمک ایسترز، که بواصول حرکت سایه سنده بزکرتک تعرض و کرک مدافعه نک تابع اولدینی شرائط ایله هر بر یسنک طالعه دائر دها کوزل و دها آجیق بر فکر استحصال ایتش بولنه جغز . یالکز شونی خاطر دن چیقار ماملیدر که، بزم و یردیکمز معنایه توره (هاجمین) هر یرده و هر زمان دکل بالعکس اکثریا تعرض ایله ایش کورن طرف، (مدافعین) ایسه مقصد اصلیمی دشمنی کیرویه پوسکور نمکدن عبارت اولان طرفدر .

مخاصملردن بر یسنک دائما تعرض ، اوته کینک دائما مدافعه اصولسنده حرب ایتش اولسی فکری قبول ایدیله جک بر فکر

دکدر. بوندن بشقه اردولرک تقسیم وظائف واعمالی خصوصاً لریله
 اشتغال ایدن نظریات کتابلری (سوق الجیش) و (تعبیه) نامنده
 اساساً ایکی بیوک قسمه آیرلمش بولایورلر. صورت عمومیه ده
 سوق الجیش دیمک، قطعات جسیمه بی محاربه قطعه اجرا
 ایدیه جک لرله قدر کورتوره بیلیمک ایچون لازم کلان اک مهم
 ترتیبات واک کوزل تشبثانی کویسترن علم دیمکدر. تعبیه ایسه
 بالعکس، یالنکز محاربه دائر اولان ترتیبات عمومیه بی کویسترن
 برعلمدر.

سوق الجیش و تعبیه بی بشقه درلو تعریف ایدیلرده واردر.
 از جمله سوق الجیشه اردولرک سوق و اداره سنی، تعبیه ده
 قطعات عسکریه نک سوق و اداره سنی سیلدیرن برر نظریات
 کتابیدر، دیورلر.

شو ایکی تعبیری ایضاح ایتک ایچون شمده بی قدر بک
 چوق تعریفلر ایدلدی، بک چوق معنالر ویرلدی. لکن او تعریفلر،
 او معنالر اکثر احوالده بک واضح اولیه جق صورتده ترتیب
 ایدلمش کبی کورینورلر. چونکه مذکور تعبیرلرک ایکسی
 آره سنه قطعی و مکمل برحدود فویق اصلاً ممکن دکدر.

(قلاوزویچ) تعبیه بی تعریف ایدرکن: «تعبیه، قطعات
 عسکریه بی محاربه ده استعمال ایتک صنعتیدر. دیور. سوق
 الجیشی تعریف ایدرکن ده: «سوق الجیش، حربک هیئت عمومیه سنی

کوزل بر نتیجه به ایصال ایده جک طرزده مختلف محاربه لری بر مقصده خدمت ایتدیر مک صنعتیدر . دیور [۹]. بو خصوص بر آز اول سولد کلر منزله هان یقه یقه به توافق ایلدور . حال بوکه ، ایوجه بر دوشونیلور سه مذکور تعریفلر ده کوریلان اختلاف تعبیه وسوق الجیش قبلرینک درجه شمول ووسعتی ایودن ایویه آکلامش اولمقلغمز ایچون بزه ایجه فائده لی برشی اولدینی میدانه چیقار . آندن بشقه ، بوتقسیم کیفیتی هم عملی همده فائده لی بر مسأله در . یعنی بز اوسایه ده ، یالکیز بر کله قولالانه رق حرکات عسکریه مک هانکی جنسندن بحث ایدلش

[۹] براردو ، بر قاج کونلک مسافه قطع ایده جک وجه ایله ایلرولمش اولدینی زمان بیله ، یالکیز بوسبیدن طولانی ، آنک مطلق بر تعرض حرکتی یاتمی اوزره بولندیغه حکم ایدله میه جکنی خاطر دن چیقارما لیدر . ایلری به طوغری یاپیلان یورویشدن مقصد ، بعض کره ، مطلق ، منفی بر مقصد اوله ییلور . کندی خصمی بکلمکه قرار ویرن مدافعه جهت ایشته بووجه ایله کندیسنجه پک موافق اولیان براراضیده خصمی بکلمکدن واز کچرک اک صکره دها فائده لی بریره قدر ایلرولمه به موفق اولور . ویاخود ، بعض نقطه لری سوق الجیش و تعبیه جه ستر ایتککه قرار ویردیکی زمان آنلردن پک اوزاق بولنماق مقصد یکانه سیله ینه سولد بیکمز کی ایجه بر مسافه ایلرولمه یده مجبوریت کورور . مخاصم حکومتلردن هانکی سنک مدافعه ده قاله جغنی و هانکی سنک تعرضه کچه جکنی قطعاً یلک ایچون مذکور حکومتلرک هر حال وطورینی بر بریله مقایسه ایتک لزومی واردر .

اولدینگی آکلایش و یا خود آکلایش اوله جغز .
 دیدیکمز تقسیم خصوصنک برفائدهسی دها وارکه، اوده حربک
 هیئت عمومیه سنه دائر نظریاتی دهها قولای برطرزده اوکرنکه
 واسطه اولیشندن عبارتدره. بونک اوزرینه کرچه برخیلی برلرده
 سوق الجیش اصولاربنک تعبیه اصولاربنه قاریشمش اولدینگی
 کوریلورسده ینه تعبیه وسوق الجیشی فنلرینی آیری آیری
 فصللرده کوسترمک عادتیی ترک ایتمه ملیدر .

ایش بوبله اولانجه، حرب ایچون اساساً درت بیوک شکل
 حاصل اولورکه: برنجیسی تعرض سوق الجیش، ایکنجیسی
 تعرض تعبیه وی، اوچنجیسی مدافعه سوق الجیشی، دردنجیسی
 مدافعه تعبیه ویدر. بوندن اوتریده سائر بعض ترکیبات مختلفه
 دهها حصوله کله جک و آنلردن هر بریسنک برر، برر تدقیقی
 لزومی آشکار اوله جقدر .

از جمله بو تعرض اردوسی، موضوع بحث اولان بردارالحربه
 کیردیکی زمان اوراده خصمنه راست کلدیکی کبی آلمک اوزرینه
 هجومه قیام ایدرکه، شو حال تعرض سوق الجیشی ایله تعرض
 تعبیه وینک برلشدیکنه پک اعلا بر مثال اولور. دیگر جهتدن
 تعرض سوق الجیشی نک برمدافعه تعبیه وی ایله تعقیب ایتدیرلمش
 اولمسیده واقعدر. مثلاً دشمنه قاوشدقدن صکره محاربه یرنده
 هجوم ایتمک خصوصی آنک کیفنه براقیلورسه، او زمان

ایشته بو سویلدیگمز حال وقوعه گلش اولور .

شمدی اويله بر خصمك بولنديفی وضعیتی تریف ایتك لازم کلنجه اوکا، مدافعه سوق الجیشی داخلنده، تعرض تعبیه وی حرکتیله مشغول بر خصم دیمك پك مناسب دوشه چکی طبیعیدر . بو دشمن هیچ شبهه یوق که، مخاصم قطعات کندی خذاسنه یا قلاشمش اوله جنفی بر زمانه قدر حال سکونده قالور ؛ آندن صکره بردن بره تعرضه کچر و محاربه ایتکه باشلار .

اگر بر حکومت کرك سوق الجیش وکرك مدافعه نقطه نظرندن حال تدافعیده بولنیه قرار و برمش ایسه، او حکومتک بر عطاالت مطلقه دوشمش اولدیغنه حکم ایدمیلورز . چونکه بودیدیکمز وجه ایله حرکت اولندیغنه کوره دشمن اردولری پك سربست بر یوله حرکت ایدرک آز وقت ایچنده هدف اصلیلری اوکنه گلش بولنورلر . آنک ایچون هم سوق الجیش و هم تعبیه جه اصول حرب تدافعی بی قبول ایدن براردو ، یالکز محاربه یرلرنده خصم قطعاتی کیرویه پوسکورتمش اولمقله اکتفایه قناعت ایتمش براردو اوله بیلور .

• حرب جسمیم نظریاتی ، نام اثرنده (ویلایزدن) ، تصویری ممکن اولان بتون تسایج عملیه یی میدان چیقارمحق وجه ایله پك طویلی برجدول ترتیب ایلمشدر . بز بوجدول سایه سنده سوق الجیش و تعبیه فلرینه نسبتاً تعرض و مدافعه اصوللرینک

بربريله قاريشمه سي و برلشمه سي حالده ، ظهوره كله جك يني مظفريت و مغلويت زمانلرنده استحصال ايديله جك نتيجه لري كويا آكلامني اوله جغز [*].

حرب اوزرينه تحريات نظريه اجرا ايدلديكي زمان فلان و فلان اصول قوللانديغنه كوره سويله نتيجه لر چيجه جقدر ؛ ديه بر اينده دهها باشلامزدن اول ، حصوله كله جك نتيجه لري سويلامك كي محذورلره دوشمك طبيعيدير ، آلك ايجون (ويلليزنه) ك ترتيب ايتمش اولديني جدولي كوك يوزندن اينمش برنسخه كبرا يرينه قويتمقدن چكنمه لي نز .

چونكه سويلديكم كي ، يابلمزسه ، اوت كرچكدن بيوك بر سهوات ايله برنجيه خطالري ، برنجيه اميدسزلكلري يومتق و نهايت اوفلاكت ايجنده بوغلامق تهلكه مي واردر . يعني ديمك ايتديكمز شودر كه ، اكر (ويلليزنه) ك بايديني جدوله كوره جكمز احوال و نتايجي هيچ بر زمان ديكشمز برر حقيقت نايته يرينه قوميه آلبشور ايسه ك صكره كنديمزي ياكلش ياكلش ، اعتمادلره سوق ايتمدن بر درلو آلمش اوله مي نز .

حربده اكلربا ، وقوعات اوزرينه بيوك تاثيرلر اجرا ايدن تصادفي حاللر و بعض كوچك ، بيوك عارضه لر ظهور ايدر .

[*] قرشوده كي صحيفه يه مراجعت اولنسون .

<p>(۴) تعرض سوق الجیشی وتعرض تعبیه وی.</p> <p>حتمک محو و پریشان اولمی و اراضینک اله چورلمسی.</p>	<p>(۳) تعرض سوق الجیشی ومدافعه تعبیه وی.</p> <p>صورت عمومی ده مظفریت استحصالی ایده جاک ر حالده بولیور. اکن خدم اردوسی حره دوام اتک اقتدارینی حائر اولدینی ایچون بوندن بر نتیجه قطعه چیقا. رله من.</p>	<p>(۲) مدافعه سوق الجیشی وتعرض تعبیه وی.</p> <p>میدان محاربه اوزرنده مظفریت؛ لکن سفرك هیئت عمومی سه دانه نتایج قطعه حاصل ایده. میه جاک بر مظفریت.</p>	<p>(۱) مدافعه سوق الجیشی ومدافعه تعبیه وی.</p> <p>قطعیاً غیر معین بر حال.</p>	<p>اشکال اصلیه موجوده تذجه لر :</p> <p>(۱) قزالمش بر محاربه نظراً.</p>
<p>باشلانیش اولان تشبثاته دوام ایلمکدن بر زمان موقت ایچون صرف نظر اولنور.</p>	<p>سوق الجیشیه مساعد بر موضع طوقه رق یوک بر بوزغوناه و دشمنکدن احتراز ایدلش بوله. بیایور.</p>	<p>تکرار تعرض تعبیه وی به چکمک و کربله رجعت.</p>	<p>قوتلرک محو و پریشان ایدلش اولمسیله برابر اراضینک الدن چیتمسی.</p>	<p>(۲) غائب ایدلش بر محاربه نظرأ.</p>

بونكه برابر ، اولجه كمال دقت ايله اوكره نلماش واونلره كوره
حركتته قرار و برلش اولان حسابلر نه قدر ياكلش قورلش
ايسه ، بو سويلديكمز حاللك او قدر زياده بيومسي وياخود
كوچولمسي بك طبيعيدير . حربده هيچ برشي اوزرينه دمطلق
بويله دراه سوزيني قوللانمق جائز دكلدر . زيرا تردد و امنيت سزلك
بيله ، اكثر زمانلرده ، حربك برعصريدر .

بيوك فرهدريق ، (براغ) شهرى او كنده كي محاصره قولنى
ستر ايتك هوسيله باشلايوبده اك صكره (قولين) ميدان محاربه -
سيله نهايت بولان يورويشنه باشلاديني زمان سوق الجيشجه
حال تدافعيده بولنيوردي . لكن محاربه يرينه كلديكي كهي همان
مدافعه دن تعرضه كچهرك او وجه ايله حركتته لزوم كورمش
ايدى . (ويلمايزه ن) ك جدولنه كوره مشاراليه بو وضعيتده ايكن
محاربه بي غائب ايتدكدن صكره يالكر رجعت ايتك بليسه سنه
دوشمه مكه چاليشه جقدى . لكن فرهدريق بك چوق ضايعات
ويرمش وعلى الخصوص پياده مي محاربه يرنده اودرجه محو
وپريشان اولمشدى كه ، سوق الجيشجه رجعت ايتك لزومى ده
كندى كنديسنه ميدانه چيقه رق بو وجه ايله بتون تشبثات
عسكريه بك بشقه بر رنكه ، بشقه برشكه كيرمش بولنيوردي .
هر شيك خلافتده اولمق اوزره ، يوقاريده كي جدول اك
بللى باشلى نتيجه لرك يعنى خصمك محو وپريشان اولمسي ، ارا-

ضیسنک ضبط ایدلمسی کبی شیلرک آنجق تعرض سوق الجیشی ایله تعرض تعبیه وینک اتفاق سیه سنده قزانلمش بولنه جغنی کوسترمکه خدمت ایلر . حال بوکه ، مدافعه سوق الجیشی و تعبیه- وینک برلشمسینه کوره ، هرشی بولنده کیتسه بیله ، غیر معین بروضعیت استحصال ایتمکدن بشقه بر نتیجه قزانمش اوله میه جغنی یینه مذکور جدولدن اوکره نبورز .

تعرض و مدافعه دن هر بریسنک فائده و محذور لرینی کوسترن اثرلری اوزون اوزادییه مطالعه ایتمک ، اکثریا آنلری اوقویانلر نزدنده «باش قوماندان اولان ذات کندی اردوسی ایچون تعرض ریا مدافعه دن بریسنی قبول ایتمکده حردر .» کبی یا ککش بر فکرک حصوله یاردم ایدر .

حالبوکه ، آلرک ظن ایتکلری شو فکر ، بلکه هیچ بر زمان واقع اولیه جقدر . اکثر زمانلرده اردونک یاپه جغنی وظیفه سی ایکی اصولدن یعنی تعرض و مدافعه دن برینی قبول ایتمش اولان حکومتک ویردجکی امره کوره تعین ایدلمش برلنه جقدر . بر دفعه دیمش ایدک ؛ یینه تکرار ایدر زک : حرب دنیا لان شی بولایقه نتیجه سندن و آنک اوزایوب کیتمه سندن بشقه برشی دکدر . بونک ایچون بولایقه جه طوتیلان یول تعرضی ویا تدافعی بریول اولمسی حالنه کوره تعرض سوق الجیشی ویا خود مدافعه سوق الجیشی اصوللرندن بریسی قبول ایدیلور .

پولتيقه نك تعرض ومدافعه دن بر يسنه ميل ايتمش اولمسنه كلنجه اوده هر ملتك تاريخچه تعرضي ويانداغي بر يول تمقيب ايتمش بولمسندن ايلرو كليور .

اسكي زمانلرده يونان و ايران اقوامنك مسلك وتاريخي بزم ايجون بوراده ، اك كوزل بر مثال وجوده كتورر . يعنى بز شو ايكي ملت بيننده ظهور ايدن سفرلره بر كوز كزدرديكمز وقت مسلك سوق الجيشي نك مسلك تاريخه نظراً دكشمكده اولديغنه بك اعلا كسب وقوف ايدرز .

بر ملت كه ، انقلابات سياسيّه وتاريخيه سنده بر دور سكونه وبلكه بر حال تدنيّه آرتق يوز سورمكه باشلار ؛ اويله بر ملتك پولتيقه جه مسلك تعرضيدن وازكچهره يال كز نفسى قورومق ايجون حرب ايتمهك مجبور اوله جنى بك طبيعيدر . بونك ايجون او ديديكمز ملت بر هجومه اوغرامش بولنه جغنه قطعياً امين اولديغندن اوترى مدافعه سوق الجيشيده قالور ؛ وبو ايسه اك صكره مدافعه تبعه وينك حصوله ياردم ايدمك بر حال اولور . اكر حكومت وملتلردن بعضيسى ، بالمكس كمال شيدنه بوريمك وایلری كيتمك هوسنه دوشمش بولنورسه ، اك چوق مثبت هدفلره واصل اولمق ايسديهك وبوندن اوترى قوللا- نه جنى پولتيقه ، تعرضي بر پولتيقه دن عبارت اوله جقدرد . بوكي اقوامك كيميى قومشو حكومتلره منازع فيه قالان بعض حدود

ولایتلرینی یاقالامق، کیمبسی مقتدر بر اجنبی تبعه سندن بعضیسی
 کندی عنصر ملیسنه قانق والحاصل کیمبسی ده ینه قومشو بر
 حکومتک منافع تجاریه نامنه آچیلان یوللاری قیامق هوسیه
 کلیدلمش اولدینی قبولری آحق فکرینه دوشه جکدر . بتون
 شو دیدکارمز ایسه ، آنجق تعرض سوق الجیشی واسطه سیله
 میدانه کله یله جکدر . زیرا اکر بز قوللارمزی چاپراز ایدرک
 اوله بوشنه بکلر طورور ایسه ک هیچ شبهه یوقکه ، دشمن بزم
 ایستدکارمزی کتور ویده کندی الیه اغزیمزه طیقمش اولمیه .
 جقدر . لکن هرکیمکه ، تعرض سوق الجیشی بی قبول ایده جک ،
 تعرض تعبیه وی اصولنی ده قبوله مجبوریت کوره جکدر . زیرا
 دشمن ایله چارپیشه جنی بر صروده توقف ایتک آنک ایچون
 ممکن اوله میه جقدر . هیچ شبهه یوقکه ، بونک خارجنده بعض
 مستثنا حاللارده وقوعه کله جکدر . مثلاً تعرض سوق الجیشی به
 کوره حرکت ایدن براردو ، بعضاً دشمن ایچون او درجه مهم
 بر طاقم یرلره ، بعض نقطه لره تصادف ایلرکه ، اونلرک ضبط
 واشغالی بتون ماتک بر صدمه فلاکت آلتنده ازیلمش اولمسی
 انتاج ایلر . شو حاله نظراً ، دیدیکمز اردو ، دیدیکمز ملت ، او
 آندن اعتباراً بزم اوزریمزه آتلمیه مجبور اوله جقدر . بونک
 ایچون وظیفه لرده ، چاره سز ، بر تبدل وقوعه کله جک
 یعنی تعرض سوق الجیشی به مدافعه تعبیه وی خلف اوله جقدر .

لیکن بودرلو حالار، اکثر با پک نادراً وقوعه کله جک حالاردر.
مدافعه سوق الجیشی نك تعرض تعبیه وی ایله برلش-دیکنی
کورمک ایسه دهاکوچ، دهانادر برمسئلهدر. حقیقت! هیچ بر
کیمسه، هیچ بر وقت کوکل رضاسیله مدافعه سوق الجیشیده
قاله بی ایستمش اولیه جقدر. اگر شو حالده قالنورسه، بونک
یا کندی ضعیف، کمزه امین اولدیغمزدن و یا خود کندی اردومزک
خضم اردولرینه نسبتاً، حرکات عسکریه و مانوره یه اولان
قابلیتجه، پک چوق کیر و بولندیغنه اعتماد ایديشیمزدن ایلری
کلدیکنه قناعت ایتلی بز. فقط شو ایکی حالاک ایکیسی ده یکدن
تعرض تعبیه وینک اورته یه چیقارلمسینه خدمت ایده جک طبیعتی
حائز دکلدر. بونکله برابر، هرشیدن اول بزم املمز، مقصدمز
مستثنا تشکیل ایدن حالاری بولمق دکل، بالعکس، قاعده نه ایسه
آنی آرایوب میدانه چیقارمقدر. بوراده قاعده اولان شودرکه:
« تعرض سوق الجیشی یه تعرض تعبیه وی خلف اولملی، وینه
آنک کبی مدافعه سوق الجیشی ده مدافعه تعبیه وی ایله نهایت
بولمسیدر. »

شو نقطه نظردن مخاصم حکومتلرک تشکیلات عسکریه سی
بیوک برتائیر، مهم بروظیفه اجرالیدر. ایکی خصمدن هانکیسی
دها پشین حاضر اولمش ایسه، بوندن استفاده ایچون اک اول
وکل شدنله میدانه آتیه جق اودر. بالعکس، اردوسنک

سفر برلکی، دشمنک سفر برلکندن ایجه زمان صکره اکال
ایدلمش اوله جغنه قناعت ایدن طرف، ایستر ایستمز وهیج
اولمزسه موقتاً حال تدافعیده قالمیه مجبوریت کوره جکدر .
حتی بودرجه کیرو قالمش اولان بر حکومت، بعضاً، ایلری کیتمه یی
خاطرینه بیله کتورمه یه جسارت ایدمه یه جکدر .

اوله ایسه آچیقدن آچیه سویلملی بزکه، ایکی طرفدن هر
بریسنک وظیفه سنی تعیین ایده جکشی، احوال و شرائط حاضره-
دن بشقه هیج برشی دکدر. بوحاله نظراً محاصمیندن هر بریسی
کندی حصه سینه دوشن وظیفه نه ایسه، چاره سز، آنی قبوله
مجبور اوله جقدر . او آندن اعتباراً مدافعه و تعرض اصولارندن
هانکیسی دها کارلی، دها کوزل بر اصول اولدیغنه دائر یاییلان
منازعه لک بسبتون عبث اولدیغی میدانه چیه جقدر . الکابوسی
مذکور اصولاردن هر بریسنک طبیعت و احوال خصوصیه سینه
دائر بر فکر صحیح ایدنمکدر .

بشنجی فصل

تعرض []

۱ — تعرض سوق الجیشی

بر آز یوقاریده سویلدیگمز کبی تعرض سوق الجیشی نك اساس قبولی بر کره مثبت بر هدف اوزرینه سوق ایدیلان پولتیقه افکارینه ، ثانیاً شو مقصده واره ییلمک ایچون ایجاب ایلان قونک وجودینه ثالثاً دشمنه تفوق ایدلمش اولمسی حقنده کی قناعت وجدانه تابعدر .

[۹] ییابجی برلساندن اودونج آلنان شو تعبیری بز اولدیغی کبی قبول ایدیورز . آلمانجه ده کی قرشولغنه کوره تعبیر مذکور دها کنیش بر معنای افاده ایدر . کرچک تعرض دنیلدیکی زمان اوپله یالکز باشنه پایلور بر تعرض حرکتی آکلاشلش اولمز . بالعکس ، دشمن قوللرینی محو ایتمک اوزره پاییلان حرکاتک هپسی برلکده آکلاشیلور . نته کیم مدافعه دنیلدیکی زمان بیه بوبله دشمنه قرشو طور مق ایچون پاییلان حرکتلرک یالکز بر پارچه سی دکل ، بلکه هپسی آکلاشلش اولور . فرانسزجه ده شو ایکی فکری دها کوزل بریولده آیرمق ممکندر . یعنی تعرض ومدافعه تعبیرلری فرانسزجه ده ، حرکات عمومیه نك هپسنه . هجوم ومقابله تعبیرلری ایسه آنلرک برر پارچه سنه دینور .

بودیدیکمز اوج شرطك وجودی آ کلاشدیغی کبی باش
 قوماندان ویا اردونك سرداری اولان ذات ، کچ قالمقسنزین
 وعکس بر حال ظهور ایتمدن اول، کندیسنبجه فائده لی کوریلان
 هر شیدن استفادیه چالیشه جقدر .

اولیه ایسه تعرض سوق الجیشی نك عناصر حیانیه سی
 حرکتیه قابلیت ، سرعت و باصقبن دنیلان شیلردن عبارت
 اولور . بر آز اول سوبیلتمش ایدككه، تعرض سوق الجیشی نك
 هدفی خصمك اردوی اصلیمسیدر . بوندن طولانی حرکات
 عسکریه نك ایلک زمانلری ایچون یاییله حق پروغرام خصم
 اردوسنك طوتدینی یرده آنسزین بریولده ظهور ایتك خصوص-
 صنه شامل اوله جقدر . زیرا بودرلو یاییلورسه، هم بر آن اول
 دشمن اردوسنه بتیشمك ، همده آنی بزجه اك کوزل واک
 مناسب شرطلر ایچنیده بر محاربه یی قبوله مجبور ایتك قابلدرد .
 اولیه ایسه ایلری یوریمك، دشمنه طوغری یر قزائمق حرب
 ایچون اك برنجی، اك لزوملی بر اصول اولدیغنه فکراً قناعت
 ایدرك بو صورته ایش باشنه کچه جك اولان بر انسان بتون
 فعالیت ذهنیه سنی صرف ایتیه، بعض بیوک ودهشتلی قرارلر
 ویرمهیه حاصلی اوطوردینی یرده خصم اردوسنی بکلیانه کوره
 دها تدبیرلی طاورامیه مجبوردر .

ایکی طرفدن هانکیسی اك چالیشقان، هانکیسی اك حیلہ باز

اولورسه اصولاً او طرف هاجمین طرفنی تشکیل ایده جکدر .
 بیوک مانوره لر ائناسنده بيله تعرض خصوصتک قطعات عسکریه
 قوماندانلری اوزرنده کوستردیکی تاثیرى فرق ایتک پک اعلا
 ممکندر . شبه یوق که ، یالکز هجوم ایتک فکرینی طاشیمق سعادتی
 انسانک طبیعتده پک بارلاق برتأثیر حصوله کتورر .

هاجمین طرفی کندی خصمنه قاووشمق و آتی بر آن اول
 تپه لک ایستر . آرزو واراده سی مکمل اولان برکیمسه بتون
 ذکاستی ، بتون فعالیت ذهنیه سی صرف ایدر وشو و سایه ده
 آله جق ترتیباتک ایوسنی بولمه یه موفق اولور . عین زمانده
 آنک ارتکاب ایده جکی خطا و قصورک برر برر آزالمیه یوز
 طوتار . زیرا بودرلو حرکت ایدن برانسان ، وارلمسی لازم کلان
 هدفی تمامیه کندی قرشوسنده کورور و آدن صکره اولسه
 اولسه یالکز وسائط و بولارک انتخابنده رآز آلدامش اوله بیلور .

تعرض سوق الجیشیده فعالیت و سرعت حرکت خاصه لری
 ایلرولمکده اولان قطعاتک بر آن اول طویل امتس اولمسی تسهیل
 ایدر . ایلری یه توجیه ایدیلا یوریشلردن هر بریسی ، قطعات
 جسیمه عسکریه دها چابوق بر زمانده و بر نقطه یاننده برلشه جک
 صورتده بر استقامت آله بيله جک و بو حال ایسه ، کوچک جزء
 تام قوماندانلری هدف الحراکک کندی اوکلارنده ظهور ایتدیکى
 کوردکجه دها زیاده قولایلنی موجب اوله جقدر . شبه یوق که ،

بوجزو تام قوماندانلرينك ال برلكيله حركتى آنجق دشمن موضع قرشوسنه كلديكى زمان كندى هدفلىنى اوكره بيله جك اولان مدافعه جزء تام قوماندانلرينك كنه نسبة دها قولاي وساده بريولده جريان ايدر .

حتى تعرض اصولك طبيعى ايجابندن اوله رق بتون قواى عسكريه نك تاليف حركاتى كر چكدن اينانلميه جق بر قولايلىق ايچنده ظهورده كله جك وبو حال بتون فلسفه سوق الجيدشيك اساسى، قابل اولدينى درجدهده بيوك قوتلرله ايستىلان بر نقطه ده كورونمك لازم كلديكى زمان بسبتون بشفه بر اهميت، بشقه بر قيمت آلمش بولنه جقدر .

برده اكر بر نقطه اوزرنده بيله تعرضك موفقيت حاصل ايتنديكى كوريلورسه ، اكثريا تعرض طرفك بسبتون غلبه ايتمش اولمى كې حاللر وقوعه كله جكدر .

حقيقت ! خصمك طوتدينى موضعلرك هپسى برلكيده بر جسم عضوى تشكيل ايدجكندن طولاي، آنك مثلا ياللكز بر پارچه سنك محو وپريشان اولمى اوتكى يارجهلرك بر بيله اولان تماس وارتباطنى ده بوزمهيه كفايت ايدجكدر .

بونقطه نظردن هاجمين طرفك ديكر برواسطهيه مراجعت يعنى باصقين اصوليله حركت ايدجكنى ده سويلملى يز . چونكه باصقين هجوملرى ، قطعى مصادمه لرك ياييله جنى نقطه نى ميدانه

چيقار لر . شه سزا مدافعه جهتي بتون احتمالي ، بتون شرطلري نظر دفته آلاجه سويلديكمز نقطه نك هانكي نقطه اوله جغني كشف ايده بيله جك اقتداره مالك اولور . بونكه برابر اكثرى زمانلر ، ايشك نفرعائنده برچوق خطالره دوشولديكي ده كوريله جكدر . بونك ايچون احوالك طبيعت عموميه سى بيله هجوم حقنده انتخاب ايديله جك نقطه اوززنده مدافعين جهتي ، هجوم قوللريني كيرويه بوسه كورته ميه جك قدر هنوز تداركاتي اكمل ائتمه مش برصورتده يقالامق ايچون هاجمين طرفنه ايجه اميدلر و برمه كمه مساعد اوله جقدر .

كرچه اهميتلري بك آشكار اولان سوق الجيش حركاني باشه چيقارمق ايچون ايجه زمانه احتياج وار ؛ بوندن طولايي مدافعه جهتي هر نصله يابمش اولديني قصورلري تصحيح ايده بيلورسه ده تعرض سوق الجيشي ياپان طرف كبي آنك ده بيوك بيوك مسافه لر قطع ائتمه يه لزوم كوره جكني اونوتماملي يز . آنك ايچون ديه بيلورزكه : تعرض سوق الجيشي حركاني نه قدر چوق زمانه محتاج اولورسه اولسون ، مدافعه جهتنك اوزماندن بالاسه تفاده اولجه ياپيلان قصورلري تعمير و تصحيح ايلمك خصوصنده كوره جيكي ايشلر اكثر يا محدود و بلكه عقيم بر حالده [قاله جقدر . مثلا اكر بو ديديكمز مدافعه جهتي ايلك زمانلرده يعني قوتلريني طوبلاديني صره ده ياكلش بر كيديش طوتمش

ایسه، بو خصوصده یاپیلان خطایی بک زور تعمیر ایده بیله جکدره.
 زیرا سلاح اوموزه ایتیش اولان قطعات جسمیه عسکریه
 دامه تحت سندیه کی آچازلر کی عین سهوات ایله بریدن بشقه
 بریره نقل اولنه مزله .

تعرضك الكبيوك فائده لرندن بری و بلكه باشلیجه سی اردونك
 هر زمان، تبدیل مكان ایتیش اوله بیلمسیدر . بتون مناقشه لره ،
 مؤاخذه لره قرشو بودیدیکمز تبدیل مكان خصوصی حد ذاتنده
 بك ايو و كوزل برشیدر . تعرضك ایجاب ایتدیردیکی تبدیل
 مكان مسئله سی قطعات عسکریه نك مادی ، معنوی هر حالنده
 كوزل كوزل تأثیرلر كوستردر . بر باقیمه ، شو دیدیکمزك
 ایکنجی درجه بر اهمیت حائز اولدینی ظن ایدیلور . لکن بعض
 حاللرده ییقلمش بوزلمش بر اردویه جان و برمك لازم کلدیکی
 زمان اك چوق خصوص مذکورك اجرای تأثر ایده جکی
 دوشونلجکه حائز اولدینی اهمیتك قاچنجی درجه لك بر اهمیت
 اولدینی کندی کندنه میدانه چیقار .

شو دیدیکمز بهستون اینانق ایچون یالکز بر موضع
 مستحکم اوکننده ایچه بر زمان قالمش و صکره زمرد کی چارلر
 وزنکین ترلاری حاوی صحرالره طوغری تکرار یورویشه
 باشلامش اولان بر اردونك حالی دوشونمك یتیشور . بومثال
 (میچ) قصبه سنی برقاج آی آبلوقه ایتدکن صکره، یورویشلرنده

سربست قالان آلمانلرک باشندن نمايله کچمش ایدی .

خلاصه ، بزم فکریمزه کوره ، تعرضک هیئت عمومیه سی فائده دن بشقه بر شیئی جامع دکلدر . لیکن تعرض ایچون پک زیاده عسکر لازم کلدیکنی ده اصلا اونونماملی ز . چونکه آنک طبیعت اساسیه سی ، ممکن اوله بیلدیکی نسبتده چوق عسکر قولالانمقدن عبارتدر . شو حاله کوره ، مادامکه ، تعرضک طبیعت اساسیه سی بر چوق عسکرک مطلق استعمال ایدلمش اولسنی ایستیور؛ اوله ایسه دیه بیلورزکه ، آنک حاصل ایدمچکی محاربه ، دیدیکمز عسکرلری نه درجه یورار و قیرارسه یورویشلرده عین حالی اجرا ایدرلر . حتی بر حرب ائناسنده یورویشلرک حصوله کتوردیکی ضایعات محاربه لرک ویردیکی تلفادن زیاده در . یولده هیچ بر وجه ایله توقف ایتمیه رک دوامی قابل اولمسنه کوره تعرض ، هدف الحرکاته ایریشنجهیه قدر بر دوزییه نزاید ایلیان بر حرکت اولدینی ایچون قطعات عسکریه نک طوبلانمسی ، تازه عسکرلرک کتورلمه سی وهر شیئک بر انتظامه صوقلمه سی خصوصنده لازم کلان زمانلر بولمیه جقدر . نته کیم ، انضباط عسکریه سی حیرتله شایان بر حالده ایکن ، پروسیا خاصه قولی (سن پرپوا) ایله (سدان) میدان محاربه لری آره سنده یاپدینی بر قاج کونلک یورویش ائناسنده بووجه ایله (۶:۵) بیک کیشی غائب ایش ایدی .

قاعدهٔ عمومی صره‌سندده سویانه‌بیلورکه : هاجین طرفنك
 قطع ایلدیکي اراضی بردشمن مملکتیدر . بونك ایچون تعرض
 اردوسی هر زمان بر امنیت قطعیه ایچنده یوریتمهک مجبورت
 وارددر [*] . بوندن طولای ایسه ایلریده ویریهك قطعی محال
 رهله اشتراکی ممکن اوله‌میجق صورتده بعض قطعات عسکریه‌نك
 کیورلرده بر اقله‌می لازم کله جکدر .

یالکیز بوقدر اولسه ینه باس یوق ! لکن بوندن بسقه
 اکثری زمانلرده اردونك بتون اعاشه واداره‌سنی تأمین ایلان
 نقلیه خطلری و مواصله یوللری ده قورومق لزومی آشکار
 اوله‌جقدر .

شبهه یوق که . بو تعرض اردوسی . ایلرولدجه بتون
 مالزمهٔ سفریه‌سنی یتیشدیرن وطن اوجاغندن اوزاق
 دوشمش اولور . مدنیتلری پک ایلریه وارمش ، برنجیه
 یوللر و شمندوفرلرله طونانلمش اولان مملکتلرده اردونك احتیاج
 جات سفریه‌سنی بر دوزییه یتیشدیرمك خصوصی بر درجه‌یه

[*] کرچه تعرض اولنان خصم طوپراغنده اهلینك بعضیسی استیلا
 طرفنك منسوب اولدیغی ملت افرادندن یعنی برجنسندن ایسه او زمان
 بو مجبورت ایجه بر درجه‌یه قدر آزالمش بولنور . لکن خصوص
 مذکور بر حال استثنائیدن ، بر تصادفدن بشقه برشی دکدر . آنک
 ایچون تعرضك طبیعت اساسیه‌سنه اولان تأثیری مهم بر تأثیر اوله‌منر .

قدر کسب سهولت ایدر، لیکن شمندوفرلر نه قدر چوق اولورسه اولسون، ینه حرکات عسکر به ده کی قولایلمغه مقابل آنلرک تعرض حقننده بشقه درلو بر تاثیرلری ده واردر .

حقیقت! انسان کنددی مملکت منده کی شمندوفرلری ایشلمتدیکی کبی دشمن طور اغانده کی شمندوفرلری ده عین سهولت وامنیت ایله ایشلمش اوله مز. بوندن بشقه، استیلا اردوسنک کیرولرده براقش اوله جفی مفرزه لری آنک آرقه سندن سوق ایتش اوله بیلیمک ایچونده بوسه ویلدیکمز تیمور یوللارندن حقیله فائده کوریه مز. حال بوکه، رجعت ایتمکده اولان بر اردو، کیرولرده براقش اولدیغی مفرزه لری رجعت ایدرکن بربرر طوپلایه رق اووجه ایله کیده جکی یره کیده بیلور .

اهمیتسز نظریله باقیله میان بعض مواقع مستحکمه نک محاسبه صره لری ایچونده ایجه قوت صرف ایتمک لازم کله جکدر . طبیعت انسانیه ده سعی متمادی اولماق انسانلق ایجاباتندندر . بونک ایچون برایشه باشلادندن صکره انسان یواش یواش کیوشمه یه یوز طوتار. فقط ینه کیوشمکده اولدیغی آکلایه مز. علی الخصوص طوتیلان ایش اولدجه کوزل بر یولده جریان ایدیورسه ، فنا بر یولده جریان ایتش اولمسنه کوره طبیعت انسانیه ده بویوک برکیوشکلک ایچنده قیرلمیه باشلار . چونکه انسان اکثراً قزاندیغنه مغرور اولور . مغرور اولدجه ایسه

غائب ایدر . والحاصل بر تعرض لایسقطع ایلرولیوب کیده جک اولورسه شو حال دیگر حکومه تلمک کبر وحسدلرینی جلب ایده جک ، اورته لقدمه یکیدن یکی به غائله لر باش کوستره جک و بوندن اوتری پولتیقه نك وضعیت عمومیه سی هاجین ایچون غیر مساعد بر حاله کله جکدر [۴] .

على الخصوص حکومه تلمدن بریسی قوت ایله ، سـلاح ایله میدانه چیقه رق اووجه ایله حرکتیه باشـلامش اولورسه ، سولیدیکمز وضعیت بسبتون فنا برشـکله کیرمش بولنه جقدر . احتمال که هاجین طرفی کندیسی بر نقطه یه قدر حمایه ایتک ایتیان فقط کندی ضرر وزیانلرینه اوله رق آنک بسبتون کسب قوت ایتسنه راضی اولمیان متفق حکومه تلمدن بعضیلرینی الدن چیقارمق تهـلکه سـنه بیله دوشمش اوله جقدر .

تعرض سوق الجیشینک دیگر مهم برخاصه سی دهـا وارکه ، اوده خصم اردوسیله یوز یوزه کلان ومحاربه لر ویرمکه مشغول اولان باش طرف یاخود برنجی خط اردوسی ، حال سـفری به کیرن قطعات جسمیه به نسبتاً اولدجه آز بر قوتدن واکثریا

[۴] قریم سفرنده آوستریا حکومتک تحریکاتی ، صوک عثمانلی ، روس حربنده انکاتره نك حرکاتی مسلح اولمدقلری حالده بیله بر سفرده بعض حکومتلمک یاه جقلری مداخله نك هاجین اوزرنده نصل بر تأثیر کوستره جکینی پک اعلا اثبات ایدیور .

مذکور قطعاً در تده بر، بعضاً ده یالکز سگزده برندن عبارت
 قالدینی ایچون بتون قوه سفریه نك طالعی باش طرفده کی قطعاً نك
 مظفریت ویا مغلوبه تلیزیه کوره یارلاق ویا سونوك بر حالده
 ظهور ایده جکی طبعیدر . تعرضه کچن اردولر، ایلك بهارده
 یکی دوشمش قارلر نصل اریورسه ، اونلرده اوپله جه اریر،
 کیدرلر .

(۱۸۱۲) سفرنده بوناپارط (نیهمن) صوینی (۴۴۲) بیک
 کشیلک بر اردو ایله کچمش ایدی . لکن اوج آی صکره
 (موسقووه) به کلدیکی زمان مشارالیهک الی آلتنده کی اردونك
 یکوتی یالکز (۹۵) بیک کشیدن عبارت بوانیوردی . شو حاله
 نظراً فرانسه اردوسنك بشده بریسی قالمش ایدی دیمک اولور .
 شو بشده برقوبك ، اتنای رجعتده بسبتون محو وپریشان
 اوله درجه سنه کله سی ایسه . بتون موسقووه سفرینك غائب
 ایدلمنی واک صکره بوناپارط نامنك تاریخده اشغال ایلدیکی
 قانلی وشنالی صحیفه لک برر ، ایکشیر یرتلمسنی موجب اولمش
 ایدی !

(۱۸۱۰) تاریخنده اسپانیا سفرینك جاری اولدینی شرائط
 واحوال عمومیه به کلهجه سفر مذکورک بوسویلدیکمزدن زیاده
 عبرت ویره جک برمثال تشکیل ایلدیکی تصدیقه مجبورز .

ایلك بهارده چیچکلر یر یوزینه رونق ویرمهک باشلادی

زمان چیچک گبی (۴۰۰) بیک فرانسر عسگری (پبرنه)
 سلسله سنی آشهرق اسپانیا صحرالینه برر برر دوکیلوردی .
 بودیدیکمز عسکرلر ، بردقیقه بیله ایلرو کیتمه دن کیرو طور -
 مدیلر . برخیلی ظفرلر ، موفقیتلر قزانیدیلر . لیکن اک صکره
 ماره شال (ماسه نا) بتون سفرك بر نتیجه قطعیه ویرمش اوله جفی
 یره یعنی (لیزبون) جسوارنده کی (طورمس ودراس) خطوط
 استحکامیه سی اوکنه یالکمز (۴۵) بیک کیشیلک بر اردو ایله
 کله بیلمش ایدی . نه فائده سی وارکه ، فرانسر اردوسنک بودرجه
 ضعیف دوشمسی نتیجه قطعیه نک ظهورینه مانع اوله رق کوزل
 بر موفقیت ایله نهایته ایرمسی پک زیاده محتمل اولان بیوک بر
 حربک الدن چیقمسنه یاردم ایتمش ایدی . بونک اوزرینه سفرك
 باشلیجه نتیجه سی طبیعی بر نتیجه دیمک اولان رجعت حرکته
 منجر اولمش واو آندن اعتباراً بخت سیاه ، اسپانیا شبه جزیره -
 سنده کی فرانسر عسکرلرینه قرشو اکشی بر یوز کوستره رک
 آنلری فرانسه ایجرولرینه قدر سوروب کوتورمشددر .

(۱۸۲۹) سنه سی ایلک بهارنده ماره شال (دیه بیج)
 روسیه حکومتک بالقان شبه جزیره سی فتوحانی ایچون کندیسنه
 ویرمش اولدینی (۱۶۰) بیک کیشیلک بر اردویه قوماندا ایدیور -
 دی . حال بوکه مشارالیه (ادرنه) قرشوسنه کلدیکی زمان الی
 آئنده یالکمز (۲۰) بیک کشیدن عبارت بر قوت بولنیوردی .

شمدي اکر بوروس قوماندانی بر آژ دها یورویشنه دوام ایتمش
اولیدی، مولتکهکک حسابلرینه کوره، چتالجه اوکنه
آنجق (۱۰) بیک کیشیلک بر قوت ایله کلمش اوله بيله جکدی.
اوت! مشارائیک او آنده عقد صلح ایچون صرف
ایلدیکی مهارت سیاحیه سی مولتکهکک دوشوندیکی یولده عظیم
بر فلاکتک باش کوسترمسنه مانع اولمشدی. (۱۸۷۸) ده کی
سفرینه، عین وجهه ایله جریان ایلمش ایدی. کرچک
طونه یی آنلامش اولان (۴۶۰) بیک کیشیلک بر اردودن
یالکز (۱۰۰) بیک کیشیلک بر قوت چتالجه اوکنه
کله بيلمش ایدی. حال بوکه، شویدیکمز قوتک یاریسی اولدجه
فنا برخسته لغه طوتلمش اولان خسته نفرلردن ترکب ایدردی.
آلمانلر بيله، (۱۸۷۰) ده فرانسه حدودینی کچمش اولدقلری
زمان (۳۷۲) بیک کیشیلک بیوک بر اردویه مالک ایکن، یالکز
بر یچق آی سورمش اولان بر سفردن صکره آنجق (۱۷۱)
بیک کیشیدن عبارت بر قوت ایله پارس اوکلرینه کله بيلمشلر.
دی. کرچه بوسفرده آلمانلرک بوش یره صرف ایتمش اولدقلری
زمان وقوت پک جزئی برشی ایدی. بونکله برابر کیرویه قالان
قوت مؤخرآ بر هزیمته اوغرامش اولسه ایدی او زمان ینه
ایشلر بسبتون بشقه بر صورت، بشقه بررنک آلمش اوله جقدی.
تعرض سوق الجیشیده کوریلان شو تناقص کیفیتنی اجتنابی

غير ممکن بر حادثه يرينه قويغه البت حقمر واردر . بونك
ايچون بر حرب تعرضيده وباخصوص تعرض اردوسنك تعقيب
ايدجكي مسافه بيوك اولورسه، ديديكمر حادثهك نظر دقنه
آلمسي قطعياً ايجاب ايلمكده در . بو محذوري قالديرمق ايچون،
بر چاره وارسه، اوده باش طرفده حركت ايدن اردويي بلا
فاصله احتياط عسكرلرله تعقيب ايتديره بيلمك خصوصنده كرك
سوق الجيش و كرك اداره ملكه نقطه نظرندن يابلمسي لازم
كلان هر درلو ترتيباتي ياقدر . قلاووزويچك سوزينه كوره
ديديكمر احتياط عسكرلري باشده كي اردونك كيرو طرفنده
بولنان بولك اوزرنده هر زمان موجود اوله جق صورته سوق
ايدلمليدر .

اكر شو خصوصاً نظر دقنه آلتور و هيچ خاطر دن
چيقارلمز لسه هر درلو تعرض بالانك سوق و اداره سي ايچون
لازم كلان امين براس الحركات الده ايتكم ممكن اوله جقنه قناعت
كتور مليدر . قوللا نيلا ن وسايط، اك صكره كي هدف، يعنى، بر
مصالحه عتد ايتكم مسئله سنى تا مين ايدجك درجه ده قوتلى
اولمينجه اك عالما واك بابايكي تيج سنه يابيلان تعرض سوق الجيشي
نهايت برهزيمته او غرامق تهليك سنه دوشه جكدر . بو حادثه اك
چوق بيوك قوماندانلرك و از جمله (آنيال) دن اون ايكنجى
(شارل) و برنجى ناپوليونه قدر كلوب كچن بيوك جنراللرك

طالبانندن نشأت ایتیمکده در. حقیقت! شواسملرینی سویلدیگمز قوماندانلر ایله آره یرده کچنلرک بلدکه هپسی، یوقاریده کی مسئله اوزرینه برچوق خطالره دوشدکاری ایچون ائصکره کندیلری ده او خطالر، او قصورلر سائقه سیله کرچدن پک دهشتلی فورتنه لره اوغرامش-لردر. کرچه او مزیتده جنراللرک هر بریسی بردهای عسکریدر. لکن او یله بردهاکه، دوشوندکارینی کاملاً میدانه قومق ایچون وسائط فعلیه لری مطلق درجه کفایه ده اولماق اوللرک شانیه متناسب دوشن بر خاصه طبیعیه در. بوندن طولایی، بر زمان کلورکه، آنلر صوک بر مغلوبیت آجیسیله اولجه قزانش اولدقلری پارلاق سفرلری، بیوک بیوک فتوحاتی برآنده غائب ایدرک برآنده محو وپریشان اولورلر.

اگر بر تعرضک صوک زمانه کلنجیه قدر نه صورتله ایلرو- لیدیکی ایودن ایویه برکوزدن کچورر ایسهک، اولجه مدافعین جهته بیوک برتفوقی حائز اولان اصول مذکورک، بر نقطه، نقطه غایه کلدیکی زمان بالعکس، مدافعه اردوسندن پک ضعیف برحاله قالدیغنی کوریرز. کرچک! تعرض جهتنک کرک قوت وکرک شدتجه، ضعیف دوشمه سی، تعرض و مدافعه اردولربنک صوک چاریدشه جقلری بریر دیمک اولان شو نقطه غایه ده کوچ حال ایله تأمین ظفر و موفقیته کفایت ایتسه بیله آندن صکره

مذکور تعرض اردوسندن بشقه هیچ بر مظفریت بکلمه به حقمرز اولیه جقدر .

تعرض اردوسنك سرداری اولان ذات، نقطه غایه به کلندیکی زمانی طوغری و کوزل تقدیر ایدرك آندن مستفید اوله جق صورتده آجیق کوز و آجیق فکرلی بر آدم اولمیلدر . مثلاً روس اردوسی باش قوماندانی (دیه بیج) عقد صالح ایترمک ویا تعرضدن کوزل بر مدافعه به کجه بیلیمک خصوصنده لازم کلان فاصله یی قزائوق ایچون ، تعقیب ایلدیکی سفرده نقطه غایه به کلدیکی زمانی بالنقدیر خصم طرفنی مصالحه به جلب ایدنجه به قدر آندن حقیله استفاده ایلمش ایدی .


اگر تعرض اردوسی پك آز بروقت ایچنده، یعنی کنیدیسی ایچون استدیکی کبی بر مصالحه ترتینه کافی اوله جق درجه ده کوزل نتیجه لر استحصال ایتزدن اول نقطه غایه به وارمش بولنورسه ، شو حالدن او قدر فنا بر عکس ضربه حصوله کله . جکدرکه ، آنک تعرض اردوسی اوزرنده کوسه ترمه جکی تأثیر عظیمی بر مدافعه حربنده دهشتلی بر هزیمت بیله کوسه ترمش اوله میه جقدر .

لکن تعرض ، یالکز باشده کی اردوبی لاینقطع تزیید ایده . جک صورتده وسائط و قوای موجوده طلب ایتمه کله اکتفا

ایتمز، بالعکس تعرض اردوسنك بعض خصوصى مزیاتی ده بولمق لازم كلور .

بك چوبك و متحرك اولمق خاصه سی ، بر تعرض حربنك باشلیجه عنصرلرندن بریسی بولندیغندن ، شهسز قطعات عسکرینهك حد ذاتنده متحرك واستعماله الوریشلی اولملری ایجاب ایده جکدر . بوسه ویلدیكمز مزیتلر ایسه ، آنجق تعلیم و تربیه عسکرینه سی یولنده جربن ایتمش اولان بر اردوده یوله بیله جکدر . تعرضی بر سفرده اردونك بعض مختلف اقسامی اکثر یا کندیله کلرندن حرکت ایتمکه لزوم کوره جکلردر . بو حاله نظراً مذکور اردوده برخیلی تجربه کورمش قوماندانلرک ، برخیلی تربیه لی ضابطلرک وجودی شرطدر . تعرضی سفرلر ، قطعات عسکریه اوزرنده بعضاً اودرجه بیوک محذورلر حصوله کتوردرلرکه ، بولنه یالکز انضباط عسکریه سی یولنده اولان قطعات عسکریه جواب ویره جک و مقابله ایده بیله جکلردر . کنجکلر و عجمیلردن مرکب اردولر ایله باشلانمش اولان بر تعرض سوق الجیشی ، دشمن عسکرى اونلردن فنا اولدقچه ، مظفریت قزاقق احتمالندن بك اوزاق بولنه جقدر . مایس اردولرینه کلنجه آنلرک تعرضی بر سفرله بلکه هیچ بر مناسبتلری اوله مز . چونکه یالکز برایلری یوروش حرکتی ، آنلری تپه دن طرنا . غه قدر یعنی بسبتون محو و پریشان ایتمکه بك اعلا کفایت

ایده جقدر . بونک ایچون هر تعرض سوق الجیشینک تمل طاشی
مکمل و متعدد اردولره مالک اولماق دن عبارت بولنه جقدر .



۲ — تعرض تعبیه وی

تعرض تعبیه ویده قطعات عسکریه نك طبیعت و عددجه
اولان اهمیتلی تعرض سوق الجیشیده کی اهمیتلرندن بشقه درلو
اولدینی ایچون بوراده وضعیت عمومیه نك ده فرقلی اولسی پك
طبیعیدر . اسـتحکاملرک ، بعض مهم کجـسدلرک ، بوغازلرک ،
کوپرلرک ، مدافعـه حالنه قونلمش موضـملرک ضبط واشـغالی
تعرض تعبیه ویده کی قطعات عسکریه نك باشلیجه وظیفه لربرد .
آنک ایچون مذکور قطعـانک اوصاف جمیلـه مالک اولملری
مطلق لازمدر . چونکه اطوار و اوصافی اورته حاللی و یاخود
پك آشانی بولنان قطعات عسکریه نك اوکی ایشلری باشه
جیقارمش اولملری ممکنسزدر .

دشمن آنشـنک حصوله کتوردیکی دهشتلی تاثیرلره قولاق
و برمیهرک ایلری به طوغری یوریمکدن اصلا چکنمیان، اوصاف
واخلاقی یولنده اولان یالکز بر طابور، خصم طرفندن شدتله
مدافعـه ایدیـلان طار بر کوپری نی ضبط ایتمک ایچون پك اعلا

کفایت ایده بیلور . حال بوکه ، تعلیم و تربیه سی هیچ حکم نموده
اولان دیگر اون طابور دیدیکمز کوپری به قرشو هیچ برایش
کوره میه جکلر و کورسه لر ، بیه نتیجه سز برایش کوره جکلری
امثالیه مسبق بر حقیقتدر . کرچک (لزنه) میدان محاربه سی
بزم ایچون شو خصوصده ایستدیکمز دن چوق مثالر ویرمه
مقتدردر . جنرال (وردر) ک پک اوزون اولان محاربه خطی
تعلیم و تربیه سی یولنده قطعات عسکر به دن مرکب (۴۰) بیک
کیشیلک بر جمعیت ایله بلکه مغلوب ایتدیرلش اوله جقدی .
حال بوکه ، تعلیم و تربیه سی کیوشک اخلاق و اطوار عسکریه سی
اورته بدرجه ده بولان (۱۲۰) بیک کیشیلک قوجه بر یغین
عسکر اوراده هیچ بر نتیجه استحصاال ایده مه مش ، هیچ برایش
کوره مه مش ایدی [*].

[*] بز بونکله جنرال (وردر) ک طومش اولدینی موضعی مؤاخذه
ایتمک ایستیمورز . بالعکس مشارالیهک انتخاب ایلدیکی موضع فن حربک
بعض قواعدینه موافق اولماقله برابر وضعیت حاضره ایله پک زیاده
متناسب بر موضع ایدی . فی الحقیقه جنرال (وردر) ک طومدینی موضعه
بعض خطا لر وار ایدی . از جمله (۳۰) کیلومتره ک ، بر جبهه (۴۲)
بیک کیشیدن مرکب براردو ایچون پک بیوک بر جبهه صابیلور . لیکن
جنرال (وردر) کندی قرشوسنده کی دشمنی پک اعلاطانیوردی . واکر بو
دشمنک بعض چویرمه حرکتلر یابه ییلکده کی اقتدارینی رفع ایتش اولسیدی ،
کندی سنک عددجه اولان تفوق عظیمندن هیچ بر فائده کوره میه جکینی ده پک اعلا
بیلوردی . بالعکس طوتیلان خطک هر نقطه سنده پک او قدر قوللانیلی

صورت عمومیه ده بر تعرض تعبیه وی حرکتی ایچون ،
 تعرض سوق الجیشیده اولدینی کبی ینه عددجه دشمنه فائق
 بولمق لازم کله جکدر . میدان محاربه ده کی قوه عمومیه به نظراً
 کرچه بوتفوق عددی خصوصی، دائماً لزومی برشی دکلسه ده
 نتیجه قطعیه استحصال ایدیه جک یرلرده شرط مذکورک بهمه
 حال بولمنسی ایجاب ایلر .

تعرض سوق الجیشی ایچون سوبلشمش اولدینغمزی بوراده
 ینه تکرار ایده جکز . یعنی سرعت حرکت ، انتظام و ارتباط
 عسکری کبی شیلر قطعی محاربه نک وقوعه کله جکی نقطه اوزرنده
 قطعاتک بر آن اول طوبالانمش اولمنسی تسهیل ایدرلر .

بونک ایچون تعرض تعبیه وی محاربه لری ده قطعات عسکریه
 قوماندانلرینک بتون قوای ذهنیه لرینی اورتهیه قویه رق کمال
 سربستی ایلر حرکت ایلملرینه مساعد محاربه لردر .
 حقیقت! تعرض تعبیه ویده مذکور قوماندانلر، کندی

اولیان خصم قطعاتی طوردرمق ایچون نسبتاً ضعیف بر مقاومت
 کوسترمک مسئله نک حلنه کفایت ایلدیکنندن طولانی (ورددر) ک
 انتخابی دیدیکمز کبی پک اعلا انتخاب ایدی . پرنس (فردریق شارل)
 (اورلئان) محاربه سنندن مقدم، (لووار) اردوسنه قرشو ینه عیناً بوبله جه
 حرکت ایتمش ایدی . بو ایکی مثال فن حربک هر قاعده سنی تطبیق
 ایلک عملیاتنده خصم قطعاتنک احوال و اوصاف عمومیه سنی نظر دفته
 آلفده کی فائده بی کوسترر .

ماهیت عسکر به لرینی کوسترمک، اقران و امثال بیننده تمیز ایلمک خصوصاً لرنده بر چوق فرصتله نائل اوله جقلردر . قطعات عسکر به اوزرنده اولان تأثیرینه کلنجه، تعرض تعبیه وی، بونلرده خصم قوتلرینه تفوق حسسیاتی اوباندیره رق بر آن اول تهلیکه محللارینه کیتملرینه چوق یاردم ایده جکدر . کرچک، اک صوک عسکره وارنجهیه قدر نفرلردن هر بریسی، کندی قوماندانلرینک دشمن اوزرینه هجومه قرار ویرمش اولسی خصوصنک قیمت و عددجه دشمنه فائق اولملرندن ایلری کلدیکنه اینانور و آئی اوله بیلور .

تعرض تعبیه وی، مقصد عمومی بی، تعرض سوق الجیشیدن دها آجیق برلسان ایله کوستر .

تعرض تعبیه ویده، هر کس مقصد و هدفی کورور . بو حال ایسه محاربه یرلرنده بعض قطعاتک یا کلش یولاره صابهرق هدفدن اوزاق دوشمک تهلیکه سنی پک زیاده آزالتیور .

تعرض تعبیه ویده باصقین حرکتی، تعرض سوق الجیشیده اولمدیغندن زیاده مهم و پک شتلی بر حرکتدر . زیرا دشمن بوراده، اولجه یا بمش اولدینی خطالری تصحیح ایتک ایچون مدافعه سوق الجیشیده کی کبی برچوق زماه مالک دکدر .

تعرض تعبیه ویده ینه مختلف یرلردن دشمن موضعه یا قلاشمق، آلمک یا لکز بر جناحنی و یا خود ایکسی بردن چویر-

مك، مدافعه طرفتك بردن بره خط رجعتی اوزرینه دوشمك
وبونك كبی سائر بمض شیر کمال سربستی ایله یاپیایه یلورلر .

تعرض تعبیه وینك الك مهم واك جدی فائده لرندن بریسیده،
حرکات عمومیه نك الك صكره بر نقطه اوزرینه طویلانی،
آشلك ینه یالکز او نقطه اطرافنه برلشمسنی تأمین ایلمكدن
عبارتدر . سالا حرك وعلى الخصوص شمديكى طويلرك بيوك
منزلارى، هجوم قطعى يه اشتراك ايتميهرك يعنى هجوم قوللرينك حتى
اينجه اوزاق برمه سافه كيروسه نده طوران بعض قطعانك ايده .
جكلىرى آتش سايه سنده محاربه نك قزانامسنه بك چوق ياردم
ايده بيلملىرينه مساعددر . والحاصل تعرض تعبیه وى ، محاربه
قطعيه ويرلك الك زياده مناسب اولان يرلرى، الك ابو نقطه لرى
انتخاب ايتك فائده سنى ده حاویدر . بوندن طولاني انتخاب ايدى لان
شو نقطه اوزرنده بر موفقيت قطعيه اسه تحصيل اولنه جنى وقت
ينه تعرض سوق الجیشيدن زياده تعرض تعبیه وینك مظفرى
دها چوق تأمین ايدلمش صاييلور .

مدافعه سوق الجیشيده قالان طرف ايچون ينه بويله در .
يعنى مدافعه تعبیه ويده، مدافمينك وضعيتى اويله بر جسم تشكيل
ايدركه، آنك اعضاسندن برىسى قيرلدينى آنده مغلوبيت آجىلىرى
هريره سيرايت ايدر و جسم مذکور يواش يواش بوزلغه يوز
طوتار . فى الحقيقه، يالکز بر جناحك هزيمتى، تعرض قطعانك

اورایه هجوم و مظفریت‌تری، دیدیکمز مدافعه تعبیه‌وی مصادمه- سنک اکثریا، بساتون محو و پریشان اولمسنه دلالت ایدر . اوندن بشقه، مدافعه قطعاتی، اشغال ایتدکری موضعک یالکز درنده بر قسمی الدن چیق‌دینی بر زمانده بیله اکثریا رجعت ایتمکه القاش-ورلر. حال بوکه، هجوم قولارینک درنده اوچی کیروییه پوس-کورقلش ایکن ، اک صکره بر تعرض تعبیه‌وینک یالکز درنده بر قوت ایله مظفریت قزان‌دینی کورلمکده در .

(۱۸) آغستوس (۱۸۷۰) ده وقوعه کلان (غراولوت) و (سن پریوا) محاربه‌لرنده شو حال دیدیکمز کبی عینیه ظهور ایلمشدر . دشمنک محاربه خطی اوزرنده مصادمه وقوعه کلان بره طوغری اوزایوب کیسدن یولی ، بوجرای طبیعی ، تعرض ایدن قولارک هربرسی طرفندن کوریلور . آنک ایچون تعرض محاربه‌لرنده بتون و سائطک ، بتون مساعینک برآده اجرای تاثیر ایلملری هپ ایلرییه طوغری یورویشک نتیجه‌سیدر . حصوله کلان موفقیتک قوه معنویه اوزرنده کوستره‌جکی تاثیر ایسه ، دشمنک کوکسنه ایندیرلمکده اولان قانلی سونکیلرک، قیرلمش دیچیکلرک بساتون قوت آلمسنه یاردم ایده‌جکدر .

بونجه کوزلاکلر یاننده تعرض تعبیه‌وینک ضعیف نقطه- لری یعنی بعضی اوافق تفک محذورلری اولدیفنی انکار ایتمک نه المزدن ونه دیلمزدن کلور . ایلك محذور ، ایلرییه طوغری

یابیلاں یورویشک بعض وقتلر ضعیف دوشمش اولمسندن
 نشأت ایدیور. حقیقت! هجوم طرفی، دشمن خطنه کلمدن
 اول، یورویشدن طولایی حصوله کلان یورغینلق تأثیریه
 قوتلرندن بر قسمنی غائب ایدر. اکرم هجوم ایدن قوهٔ عسکریه
 ایجه اوزون ویورجی بر یورویش یابدقندن صکره پک متین
 ومستحکم براراضیده خصم قطعانه راست گلش ایسه، بوضایعات
 خصوصی، اوزمان پک زیاده بیومک تهلککسنه دوشر.
 خصوص مذکور، (۱۶) آغستوس (۱۸۷۰) ده (ایشوارچ
 قوبن) فرقه سنده کی لوالردن برینک تمامیه باشندن کچمشدی.
 فی الحقیقه، دیدیکم تاریخده مذکور لوانک بر چوق عسکرلری
 یورغینلق سببیه دشمن قطعانه هیچ بر مقاومت کوسترمکمزین
 دشمن انه دوشوب خراب اولملریدی.

تعرض تعبیه وینک پک چوق ضعیف دوشمشنی موجب
 اولان سبیلردن بری ده ایلرویه طوغری یوریدکجه هجوم قطعاه
 تنک بلکه بسبتون آتش کسمکه مجبوریت کورملیدر.

حقیقت! هجوم قولاری ایجه برزمان دشمن عسکرلرینه
 آتش ایتیمکمزین آنلرک آتشلرینه هدف اولوق و او وجه ایله
 ایلری یه کیتیمک مجبوریتنه قالدورلر. اوندن بشقه تعرض
 قطعانی، ایلری یه طوغری یوریدکلری زمان راست کلدکلری
 اوافق تفک زمین عارضه لرندن استفاده ایتمه مکده اکثریا

مجبور در لر . اشته بوايكي سبب دشمن موضعه صوقيلنجيه
 قدر هجوم قولارينك مدافعه ده كي عسکرلره نسبتاً پك چوق
 ضايعات ويرملريني موجب اولان اك باشليجه سبيلر دندر .
 اكثر يا تعرض طرفنك دشمن تلفاتيله بر موازنت حاصل ايده .
 بيلمسي آنجق مدافعه موضعه صوقلمغه باشلاديني زمان وقوعه
 كلهيله جكدر . في الحقيقه بو آدن اعتباراً ، هجوم طرفي رجعت
 ايتمهك يوز طوتمق اوزره بولن ان مدافعين ايچنده كنديسـنـك
 اوغراديني ضايعـانـدن پك چوق زياده تلفات وقوعه كتورهـ .
 جكدر .

تعرض تعبيه وي بي ضعيف دوشورن بر سبب دها واركه ،
 اوده اصول مذكورك زمان مسئله سنه پك چوق باغلي قالمسيدر .
 قاعده ، باشلانيلان بر تعرض محاربه سنك بر كونده باشه چيقارلمسي
 لازمدر . نتيجه سز وغير معين بر حالده قالان بر ميدان محاربهـ .
 سي ، كوش باتمق اوزره اولديني بر صره ده ، اكثر يا مدافعين
 ايچون قزانلمش ، متعرضين ايچون بالهكس غائب ايداش بر
 مصادمه يرينه كچر . اكر (غراولوت) ، (سن پريوا) ميدان
 محاربه سي بر قيش كوني اجرا ايدلمش اولسيدي ، اك بيوك
 احتمالاره نظراً فرانسزلرك اوراده مظفر اولملري لازم كلهـ .
 جكدى . پك ار كندن باشلايان كيجه قراكلني (سن ماريـ اوـ
 شن) ضبط ايدلدكن صكره هجومك دوام ايدوب كيتمسـنـهـ .

مانع اوله جق و بوندن اوتری ماره شال (بازدن) تهلهکيه دوشن کندی جناحنی، خاصه عسکرلرینی کاملاً اورایه سوق ایدرک، ایستدیکی کبی تقویه ایتک ایچون ایستدیکندن فضله زمانه مالک اولمش بولنه جقدی .

برچوق عسکری محررلری، تعرض طرفنک، مطلق حرکت ایتک مجبوریتنده بولمسی وسیله ایدینه رک، مدافعین جهتمندن زیاده خطالره دوشمکه معروض قالدیغنی و بوندن مدافعه طرفنک استفاده ایدیه یله جکنی تعرض ایچون برمحذور کبی کوسه ترمک ایستیورلر . لکن ارمحررلر، بوراده برموازنات اولدیغنی کوره- میورلر . زیرا تعرض جهتی ده، مدافعین طرفنک ابلک وضعیته یامش اولدیغنی خطالردن استفاده ایدر حتی بتون هجوم پلاقی احتمال که، مذکور خطالره کوره قورمه چالیشور . باش قوماندانلغه ویا سردار اکرملکه عانداولان بتون مشاغلك بتون مساعینک اک باشلیجه لرندن بریسی، یالکز دشمن جهتمنده یاپیلان خطا- لر، درعقب کورمک دکل، بالهکس کورمکه برابر، درعقب آنلردن مستفید اولمغه چالشمقدز . بوکا موفق اولمق ایچون برشرط لازم : اوایسه، تعرض جهتمنده یاپیه جق ترتیباتک پک عاقلانه بریولده یاپلمش وقوای عسکر بهنک ینه اووجه ایله تقسیم ایدلمش اولمسی شرطیدر .

برآز یوقاریده سویلده یکمز کبی، قطعات عسکر یه دن بکلانیلان

مساعی و اقدامات عظیمه تعرض ایچون هیچ بروقت ضعیف بر نقطه یعنی بر محذور تشکیل ایده من . یالکتر حرکات عسکریده ذاتاً موجود اولان مشکلاتی بر درجه دها یوکسکتمش اولور . قطعات عسکرینهک حرکته صالح ویک الیریشلی اولملری ، بیوک برتهلیمکک قوه معنویه لری اوزرنده کوستره جکی تأثیره مقاومت ایده بیلجهک بر حالده بولملری شرط اعظمدر . اوندن بشقه بو قطعاتک باشلری اوجنده بیوک ، کوچک هر نوع رتبه دن بر چوق ضابطلر ، بر چوق تجربه لی قوماندانلرک بولمنسی ده لازمدر .

شبهه یوقکه ، بتون سوبلدکلریمزی برر ، برر تطبیق واکمال ایتک ایچون وقت صلحده یک چوق اوغراشمق ، یک چوق حاضرلق کورمک ایجاب ایلر . عددجه دشمنه تفوق ایدلسه بیله ، کوزل تربیه کورمش ، کوزل یتشمش اردولره مالک اولدقجه تعرض تعبیه وی ، تعرض سوق الجیشیدن زیاده تهلیکه لره دوشمک استعدادینی حائزدر .

بونک ایچون ، تعرضه کچمکه قرار ویرمزدن اول ، تعرضده موفق اولق ایچون هر نه لازم ایه ، آنلری برر برر کوزدن کچورمک ، برر برر طارتمق لازم کله جکدر . اگر دینکلریمزک هیچ اولمزسه ، بیوک بر قسمی نظر دفته آلمیه جق اولورسه ،

او زمان موفقیت استحصال ایتمکده بک زیاده مشکلات چکیله-
جکینه اینانملیدر .

خلاصه، بر تعرض حرکتی باشه چیقارمق ایچون قوماندان
اولان ذانک عسکرلر قرشوس-نده کی وضعیتی، مدافعه ده قالمش
اولسی حانه نظراً ، دها جدی ودها سرت اولمق لازم کله-
جکینی ده اونوتما ملی یز .

آلتنجی فصل

مدافعه

۱ — مدافعه سوق الجیشی

مدافعه سوق الجیشی تعبیر نندن ، بر اردو اشغال ایلدیکی موضعلرده خصم عسکرینی و آنک هجوم حرکاتی کمال سکونت ایله بکلیه رک عطات ایچنده قالمق کبی بر معنا چیقارلسون ! شویله بر حال پک نادر و پک مستثنا زمانلرده وقوعه کله بیلور . و بودرلو یاپلادیغنه کوره ایسه ، مدافعین جهتی بلکه هیچ بر زمان ایستدیکی نتیجه یی استحصال ایده میه جکدر . هیئت عمومی میه سی نقطه نظر نندن مدافعه سوق الجیشی اصلا بر حرکتی مزلیکه ، بر عطاته محکوم دکلدور .

مدافعه سوق الجیشی بر اصول حرکتدرکه ، مدافعین او سایه ده ، خصم اردوسی هر نردن کلورسه کلسون ، اشغال ایلدیکی موضعده آنک حرکاتی طور دیرر و کربده بولنان سائر قطمانه ، مصادمه برینه کلنجه یه قدر ایجاب ایدن زمانی قزاندرمش اولور . تاریخ عسکریده بخاصم حکومتلردن اکثریا ضعیف اولان جهتک مدافعه سوق الجیشی اصولنده حرکت ایلدیکی

کوریلور . کرچک؛ اصول مذکورک خصوصی فائده لری یوقدر .
 لکن هیچ اولمزسه، مصادمه قطعیه نك کچ قالمسسه خدمت
 ایده بیلور .

ایکنجی برمدافعه سوق الجیشی اصولی وارکه، مدافعین شو
 اصوله نظراً، مهاجمین اوکندن چکیله، چکیله اکصکره مملکتک
 ایجروسسه قدر صوقیلور . بو درلو حرکت ایتمه نك، باشلیجه
 فائده سی بر چوق زمان قزاقق و او ساییده خصم اردوسی
 مصادمه قطعیه اولمزدن اول ، ظهور ایده جک اسباب طبیعی
 و سیاسیه تأثیرله ایجه پریشان برحاله کتورمکدر . مدافعین جهتی
 شو دیدیکمز کبی حرکت ایلدیکی زمان، اکثربا تعرض اردو-
 سندن دهاقوتلی برحاله کیره بیلور . چونکه دائماًکندی مملکتته،
 کندی منابع ثروتته طوغری چکیلور . واوندن بشقه، ایلک
 دورلرده حاضر اولمیان برخیلی قطعات ایله ده برلشمش اولور .
 لکن اصول مذکورک تطبیق و اجراسی آنجق کیویه چکلدکجه
 قطع اولنان مسافه، تعرض اردوسنده ظهوری بکلنیلان بتون
 فـالـقلـر ظهور ایده جک درجه ده بیوک اولمق شرطیله جائز
 کوريله بیلور . برده شوکا دقت ایتلیدر که ، مدافعین کیویه
 چکلمکه باشـلـادینی آنده دها اراضینک اک بللی باشلی
 قسـمـلـرینی تعرض اردوسسه ویرمکدن پک، زیاده چکنمکه
 مجبوردر . زیرا دیدیکمز اراضی قسـمـلـرینک دشمن الله ترک

ایدلمش اولمسی حدذاتنده سفرك طالع ونتیجه سینه بك قطعی
تأثیرلر کوستره بیلور .

مدافعه سوق الجیشینک اوچنچی بر اصولی دهبا وارکه ،
اوده : خصم اردوسی کندی حاضرلق حرکاتی یانجیه قدر
کمال سکونتله بکلمک واوندن صکره ، آنک قصورلرینی ، ضعیف
نقطه لرینی برر ، برر میدانه قویه رق همان بتون قوای عسکریه
ایله اوزرینه یوکلنمک اصولیدر [*] .

علی العاده بر نظرله باقلدیغنه کوره ، مدافعه سوق الجیشی
اصولی اک مؤثر وحتى نمونه اوله جق درجه ده اک کوزل بر اصول
ایتمش کی ظن اولنور . لیکن بو توجه کوسترلیدیکی زمان ، اولجه
سویلدیکمز کی ، مدافعه سوق الجیشینک اصل معناسی کندی
اسمندن آکلاشیلان معنا دکل ، بالعکس ، اصول مذکورک
تعرض سوق الجیشیه تابع وبلکه اوکا معاون بر اصول اولدینی
مسئله سی خاطر دن چیقاریلور . یوقسه مدافعه سوق الجیشی
حدذاتنده بر اصول قطعی دکل وهیچ بر زمان اوله مز . چونکه
بوراده برمدافعه دن زیاده هجوم وقتنک کلمسی بکلیان بر تعرض
دیمک ایستیلیور .

[*] جنرال بلومه ، یازدینی (سوق الجیش) کتابنده شو اوچ درلو
مدافعه سوق الجیشی اصوللرینه : مدافعه موضعیه ، مدافعه رجعیه ،
ومدافعه تعرضیه اسملرینی ویرمشدر .

هر مدافعهٔ سوق الجیشینک اساسی، تعرض قوتلرینی چوغاره،
 چوغاره، کندی قوتلرینی آزار، آزار قیردیرمق شرطیله ایلک
 اوکجه ایکی طرف آره‌سنده موجود اولان مسـاوا تـسنزلـقده بر
 موازنت حصـوله کـتورمک فـکـرینی حـاـئـزدر. بـو فـکـره قـوت
 ویرن شی، یوقاریده سـویـلـدیکـمز کـی، یـوروشـلر و حـرکـتـلـرک
 تعرضه نسبتاً مدافعه‌ده برآز اهمیتسنز قالمی و بالعکس آنلر تعرض
 اردولرینک قیرلمسنه الک‌چوق تأثیرایدن سبیلردن بری اولمی‌در.
 بونک ایچون تعلیم و تربیه‌سی یولنده اولیان قطعات عسکریه ایله
 مدافعه‌ده قالمق بر تعرض سـوق الجیشی حـرکتی یاقمقدن دهـا
 تـهـلـکـه سـزدر، دیه بیلورز. مدافعهٔ سوق الجیشی حرکاتی تسهیل
 و یا تقویه ایدن بوندن بشقه سائر بعض شیلر دهـا وارددر. از جمله
 ایلک صره‌ده سویلیه بیلورزکه، مدافعهٔ سوق الجیشی طوغریدن
 طوغری به آنجق منفی هدفلر تعقیب ایدر. بوکی هدفلره وصول
 ایسه، مثبت هدفلره واصل اولمقدن پک قولایددر. زیرا مذکور
 هدفلر همه حال حرکت ایتک وایلر و یوریمک خصـصـه و صـلـرینی
 طلب ایدرلر. بوندن اوتری هیچ شبهه یوقکه، مدافعه‌ده،
 قالانلره نسبتاً ایلری طوغری یوریه‌ان قطعلر دهـا بیوک
 عارضه‌لره، دهـا بیوک تهـلـکـه لره تصادف ایتش اوله جقلردر.
 اگر هاجمین طرفی، کندی ترتیباتی آلورکن، بعض بیوک
 خطالره دوشر و بونک ایچون تعرضنده مغلوب اولورسه، شو

مفلوئیت ، مدافعین جهتی ایچون بر موفقیت یرینه کچه جکدر .
 تعرض جهتی بیله دیکی مملکتلرده ایلرولدکجه اکثریا ، کندی
 قوئلرینک بر آن اول توکنمش اولدیغنی کورورکه ، حال مذکور
 مدافعینک ذاتاً ایستدیکی برشیدر . (قلاووزویچ) بویله زمانلرده
 مدافعین ایچون ، اکدیکنی ییجر ، سوزینی قولانیور .

حتی هاجین طرفی ، بعض ترتیبات خصوصیه آلمنی اونودر
 ویا نافله یره زمان غائب ایتمش اولورسه ، بوندن بیله مدافعین
 جهتی ایچون ایجه فائده لر حاصل اوله جقدر . اوندن بشقه معین
 برزمانده قطعی برهزیمته اوغرامامش بولمسی ده مدافعین ایچون
 بر موفقیت یرینه کچه بیله جکدر . شو حال مثلاً ، (قریم) سفرینک
 بدایتده ، عثمانیلر ایچون واقع اولدینی کبی ، مقتدر حکومتلرک
 انفاق سببیه حرکات عسکریه ده بشقه برطور کوردلیکی زمان
 اکثریتله وقوعه کلور .

زمان ، اک چوق مدافعه جهتنک متفقیدر . چونکه تعرض
 حرکاتی اک شدتلی بر یولده ایلریه سورلدکری زمان بیله
 نتیجه حرب ، ایجه اوزون وقتلردن صکره حصوله کله جکی ایچون
 ینه ، اکثریا برسکتهیه اوغرامق نهلکسی واردر [*] .

[*] عکس حال ، یالکز دشمن حکومتلرک مالک اولدقلى مالزمه
 سفریه بیننده بیوک برنسبتسزک بولندیغنی زمان وقوعه کاور . نته کیم
 آمریقا سفرلرنده اوله اولمش ایدی . مدافعه سوق الجیشی اصولنک ،

مدافعین یالکز برشی دوشونور، یالکز برشیته طمع ایدرکه، اوده مالک اولدینی الدن جیقارماقدور. هاجمین ایسه بالعکس، یر قزاق، فتح اتمک ایستر. حربده شو دیدیکمز آرزولردن برنجیمی، ایکنجیسنه نظراً دها قولای حصـوله کلور. رده مدافعه سـوق الجیشی قبول ایدن طرف، هاجمینک یابدینی کبی، اولجه حاضرلامش واعلادن اعلايه طـانیش اولدینی بر دارالحرکاتی بر اقوبده کنیدیسنجه معلوم اولمیان بر اراضی به کیتکم احتیاجنه دوشمیجکدر.

مدافعه، تعرضدن زیاده بعض بیلنمدک سـبیلردن اوتری حصـوله کله جک مانملر و عارضه لردن مصوندر. اوندن بشقه هیچ شه یوق که، مدافعین، تعرض جهتنیدن زیاده حرب ایدیلان یرلرک احوالنه وانقدور. زیرا مدافعین قطعاتی، بویرلری نقطه سی، نقطه سنه بیلورلر واونلری ایستدکاری کبی اشغال ایدرلر. حال بوکه تعرض قطع اتی، شو بیلمدکاری یرلره طـوغری اکثر باشه لی خطرله لرله یوریمکه مجبور اولورلر. بونک ایچون مدافعه جهتنک، دیدیکمز یرلرده، یابه جنی حرکات

موفقیّت حاصل اتمی ایچون اک باشلیجه شرطلردن بریمی باشلانیلان حربی ایجه بر زمان اوزاته بیلیمکدر. اگر بویله یابه بیلورسه، حربی استدیکی کبی اوزاتقی الدن کلورسه، مدافعینک اکصکره موفقیّت حاصل ایده جکنه ایناعلیدر.

عسکریه ، تعرض قطعاً تنك اوغرایه جفی مشکلات قدر مشکلات
 کورمیه جکدر . برده مدافعه اردوسی ، دارالحركات اوزرنده
 موجود اولان شمندوفر خطلرندن پك چوق استفاده اید .
 بیله جك بر اقداری حائز ایکن ، تعرض اردوسی اواققداره مالک
 اولمیه جقدر . زیرا تعرض اردوسی دشمن طـویراغنده راست
 کله جکی شمندوفر خطلرینك اکثریا بوزوق واستعماله غیر صالح
 بر حالده اولدیغنی کوره جك و بوندن طولانی اولردن ایستدیکی
 کی فائده کوره میه جکدر .

حاصلی مدافعه جهتی ، مملکتك ایچروسـنده کی موانع
 طبیعیه دن ومثلاً نهرلر ، طـاغلر ، کچیدلر ، اورمانلر ، چوللر
 وبطاقلقلر کی مانعلردن پك چوق استفاده ایدـیهـله جکدر .
 حال بوکه ، تعرض اردوسی اوکا قاووشمق ایچون ایلك اوکجه بو
 دیدیکمز مانعلری آتلامغه ، و آنلری برر ، برر کچمکه مجبور
 اوله جقدر . مدافعه جهتی ینه ، مستحکم یرلردن ، قلعه لردن ،
 خصمی طـوردردمق ویا پارچه لره آیرمق ایچون یایـیلان
 استحکاملردن ده پك چوق فائده کوره جکدر . نتیجه اوله رق
 دیرزکه ، مدافعه ده قالان اردو کندی مملکتکـنده ، بالعکس تعرضه
 کچن اردو ایسه ، دشمن مملکتکـنده بولنه جقدر . شو حقیقت
 بللی اولنجه ، مدافعه اردوسی اهـالیدن پك چوق معاونت
 کوره جك ، بالخاصه ، دشمنه دائر معلومات ایدنك ، و کندی

اردوسی بسلامك خصوصلرنده اوناردن پك چوق شی استفاده ایدم جکدر. اوندن بشقه ، دارالحرکاتی تشکیل ایدن اراضیده کی ملکیه و اداره مأمورلرندن برخیلی فائده لر کوره جکدر. کرچک بو ملکیه مأمورلری ، قطعات عسکر به نک بربرده کیجه لمسی ، و یا خود بر بردن دیگر یره کیتیمسی خصوصلرنده اردونک حس ایلدیکی ضایعاتی اکال و تعمیر ایلیمک کبی ایشلرده پک بیوک معاونتلا ایدم بیلور .

دها عمومی بر نظردن سه ویلیه بیلور زکه ، مدافعه اردوسی خلقلک کندی یانی باشنده بولمسنه ، اهلینک بر آنده ایش باشنه کچه بیلیمسنه پک چوق استناد ایدم بیلور. حال بوکه، تعرض اردوسی ، بر خطوه ایلری کیتدکجه کندی مملکت و ملتندن بر خطوه دها اوزاغه کیتمش اولور. بزبونکله دیمک ایستمیور زکه، هرکس آياقلا نوبده سلاح باشنه کچه جکدر . بالعکس بز ، یالاکز وطن پرور بر ملتک تعرض اردوسنه قرشو ایراث ایدم جکی بیك درلو مشکلات ايله کندی مدافعه ملیه سی نقطه نظرندن کوره - جکی خدمتلی سویلمک ایستیورز [*] .

[*] تعرض بلاسنه اوزرایان بر مملکتده بتون اهالی حکومتک دوشه جکی فلاکتی دوشونمکده مشترک اولدیغنی و آنک ایچون پک چوق فداکارلق ایدم جکنی فرض ایدیورز. اگر بویله اولمسه ، دشمن اردو - سنک کرک حرکات عسکریه و کرک احاشه و اداره جه، مدافعه اردوسندن زیاده سهولت کوه جکی طبیعیدره .

مدافعه‌ده قالان براردو ، کندی وطنی تهديد ايليان مخا -
 طره‌نك كيتدكجه بيوديكنی كورور . بوندن طولايی، الدن كلان
 قوتی صرف ایتدك صوك درجه چالشمغه مجبور اولور. كرچك،
 بعض زمانلرده بك یقیندن كوریلان تهلكه‌لر، برملتك مقاومه
 اولان استعدادینی ایشیدلمك بردرجه‌ده بیوتدك، بك بوكسكلره
 چیقارمغه واسطه اوله‌بیلور . (۱۸۰۸ : ۱۸۱۲) ده اسپانیا ،
 (۱۸۱۳) ده آلمانیا ، سدان هزیمتدن صكره (۱۸۷۰) ده
 فرانسه ملتلی عیناً شو دیدیکمز کي حرکت ایتشلردی .

لكن هاجین طرفی بوفائده مالک اوله‌میه‌جقدر . زیرا ،
 اونك ملتی ، راست کله‌جك تهلكه‌لری بك یقیندن كوره‌میدی
 واكثریا دشمن طویراغنده ایلرولندیکي ایچون کندیسنی بلكه
 دائماً مظفرانه حرکت ایدیور صانه‌جقدر . ایشه بونك ایچون
 افکار ملیه‌نك ، وطن پرورانه حس‌یانك ، برتعرض اردوسنه

(۱۸۱۶) سفرنده پروسیا و ساقسونیا قطعات عسکریه‌سی زنکین
 برملکت ایچروسنده آجلقدن اولیورلردی . حال‌بوکه، دشمن طرفی هیچ
 برشیدن محروم قالمیوردی . (۱۸۷۰-۱۸۷۱) سفرتك نصف اخیرنده
 فرانز عسکرلری فوق‌العاده صفوق کونلرده قصبه‌لرک اکثریا سو-
 قافلرنده یاتوب قالمغه مجبوریت کورمشلردی . چونکه اونلری زنکین
 اهالی یانته اسکان ایتدیره‌بیله‌جك اقتدار یوق ایدی . حال‌بوکه، بنه
 شومسکون محالری اشغال‌ایدن آلمانلر، او صاحب‌لریله برلکده اوطورمق
 و برسفرده ییک خصوصلرنده هیچ برمشکلاته اوغراماشلردی .

ایده جکی معاونتار، نه قدر شرفلی اولسه ینه اکسیک اوله جقدر. باخصوص برعکس حالک، بر فلاکتک ظهورینه دلالت ایده جک بعض اشارات اولیه، کورونمکه باشلادینی زمان، تهلهکبی بتون اولاد وطنه حس ایتدیرمک ایجه مشکل بر شیددر. زیرا دیدیکمز اشمارتلی هرکس آملایه من، اونلری یالکز پک تجربیلی وپک اوزون کورن کوزلر تفریق ایده بیلور. بونک ایچون اشارات مذکوره کورونمکه باشلادینی آندن اعتباراً، همان حربک صوک کونلرینه کلش اولان هاجین، اکچوق صیقینتی به اوغرادینی بر زمانده سوکیلی مملکتندن هیچ بر معاونت کورمه مک بختمزلغنه دوچار اولور. نته کیم ایتالیاده (آنیبال)ک باشنه کلان فلاکت بوجنسدن بر فلاکت ایدی.

بتون شودیدیکمز فائده لرسایه سنده مدافعه جهتی، تعرضدن زیاده سربست وکنیش کنیش حرکت ایده بیلور. یعنی استناد وحمایه سندن امین اولدینی بر ملت یانی باشنده ایکن، خصمک هردرلو باصقینلرینه چاره بولمق آنک ایچون پک زور برشی دکلددر. اوندن بشقه مثلاً اکثر وقت، مملکت ایچروسنده بسلمک ممکن اولدینی ایچون مدافعه جهتی، ایلك اوجکه تعرض اردوسنه قرشو طورمق خصوصنده استناد ایلدیکی بر استقامتی آپ آنسزین دکشدره رک یان بر موصنده خصم اردوسنه مقابله ایده بیله جکدر. بوجه ایله که، تعرض اردوسی، اک صکره او

زمانه قدر ایلرولدیکی و اوزرنده بتون ترتیبات عسکر به سنی
آلش اولدینی خط الحركاتی بردن بره ترك ایتمه به مجبوریت
کوره جکدر. یالکز بو تبدیل استقامت و ترتیبات مسئله سی ،
حد ذاتنده ، پک چوق مشكلاتی موجب اولان بر
مسئله در. لکن اوندن بشقه ، تعرض اردوسی ، حرکت
ایلدیکی مملکتی بیامدیکی و بالعکس مدافعه جهتی آنک
هر بر نقطه سنی بیلدیکی ایچون ایلک اوکجه طوتیلان استقامتک
اوله بردن بره دیکشدرلش اولسی، برچوق تهله لک، برخیلی
خط-الرك ظهورینه سبب ویره جکدر. بو خصوص هیچ شبهه
یوقه، ذاتاً پک ایو اولمیان ایلک وضعیتی بسبتون مشکل و قنمرلی
بر حاله دوشورمش اوله جقدر.

تعرض اردوسنک بردوزی به ایلرولسی، اعاشه خصوصلرینک
کیندکجه مشکلاته اوغرامسنی ایجاب ایدر. بونک ایچون اکثریا،
مملکتک بتون منابع ثروتندن استفاده ایتک املیه ، حاجین
طرفی ، ده-ا کنیش بر منطقه ده ایلروملک ایچون اردویی بعض
پارچه لره آرمغه لزوم کوره جکدر. لکن مدافعه اردوسی ،
خصمک شو دیدیکمز یولده پارچه لره آیرلدیغنی کورنجه، بتون
قوتیه، مذکور پارچه لردن بریسی اوزرینه یوکلنرک، اوته کیلری
یتیشمزدن اول، آنک ایشنی بتورمکه فرصت بوله جقدر. اگر
بو ایلک ایش، بر موفقیت ایله نتیجه لشمش ایسه ینه عین قوت،

لكن بو دفعه مظفریت قزانش اولان قوت ، ايله خصمك برايكنجی، براوچنجی والی آخره بونك كبی اوتكی قسملرینی ده برر برر اورمق ممكن اوله جقدر. بو قیلدن اك پارلاق بر مثال (۱۸۱۴) سنه سنده شباطك (۱۰) تاریخندن (۱۴) ینه قدر ناپولیونك (سیلیریا) اردوسنه قرشو یامش اولدینی حرکته در . كذاك یدی سنه سفرلرینك ایلک دورلرنده بیوك فردریق مدافعه حربنده اصول مذکوری دهـا بیوك بر مقیاسـده قولانمش ایدی .

مدافعه اردوسی ، بر مصادمه قطعیـده مغلوب دوشدكجه ، مقناطیسك بر تیمور پارچه سنه اولان تأثیری كبی اوده هرزمان هـاجمین اوزرنده بر قوه جاذبه اثری كوستره جقدر. حقیقت ! تعرض اردوسی ، مدافعینی ، كوكل آرزوسنه كوره ایودن ایویه بر تپه لك، جانی صیقان. بونجه شیلره بر خاتمه ویرمك ایچون دائما اونكله برلشمك ایستر. بناء علیه، هاجمین طرفك، مدافعه اردوسی هرزده موضـع آلمش وهرزده یرلشمش ایسه اورایه كیده جكنی بر صورت عمومیهـده قبول ایتك لازم كلور. ایشته یالكز بو سیدن اوتری بیله مدافعینك وضعیتی ایجه فائده لی بر وضعیت اوله جنی میدانه چیقار .

اكر هـاجمین طرفی ، بتون بر دارالحركانه حاكم اولان ومدافعه اردوسیـله اشتغال ایدیلان ، بر موضعه هیچـده اهمیت

ویرمکسزین یوریمک ایسترسه مدافعہ جهتی یالکز اوافاجق
بر حرکتله آتی ینه کندی اوزرینه چکمه موفق اولور .

(۱۸۷۷) سنه سی یاز موسمنده ، خصمک صاغ جناحنی
تهدید ایلجهک وجه ایله طونده کی ترک اردوسنک اوفاق تفک
حرکاتی یعنی عثمان پاشاحضر تلمزینک دشمن اردوسنک صاغ جناحنه
دوشه جک صورتده یادیغنی تعرض یوروشی، روسیه لینک بالقان
سلسله سی اوزرنده یایمق ایستدیکی کچید حرکتلرندن واز کچمش
اولسنی ایجاب ایلمش ایدی .

اگر هاجمین، مدافعہ اردوسنه اهمیت ویرمه یه تنزل ایتیمه رک
شویله بابایکیتجه سنه بر یوروش ایله مذکور اردو یانندن کچمه یه
قالقیشورسه مدافعین جهتی هر زمان، خصمک یانلرندن بریسنی
تهدید ایلان بر تعرض حرکتی سایه سنده آتی طور دیرمه یه
موفق اوله جقدر. (۱۸۰۶) سنه سی تشرین اولنده ، (شارن
هورست) پروسیا اردوسی ایچون بویله بر حرکت، بویله بر اصول
تکلیف ایلمش ایدی. لکن مشارالیهک تکلیفی قبول ایدلمه مشدی.
حال بوکه ، (۱۸۱۳) سنه سی مایسنده مشارالیه طرفندن ،
(لوچن) ده وقوعه کلان ینه او تکلیف عینله قبول ایدلمش
وبوندن اوتری ایچه بیوک بر موفقیت حاصل اولمش ایدی .

(۱۸۷۱) کانون نایسنده ، جنرال (وردی) ینه مذکور

اصول سایه‌سنده (ویلار سکسل) موفقیاتی اکتساب ایلمش
ایدی .

مدافعه سوق الجیشی ، علی الخصوص ، اراضی ملیه
ایچنده یاییلان حرکات عسکریه ائناسنده بک چوق سربست
بولمق خاصه سنی جامعدر . تعرض سوق الجیشی یه عائد
شرائط اساسیه دن بریسی ، اولجه سویلدیکمز کبی ، بتون حاضر-
لقلرک ، بتون تدارکات سفریه نك خصم اردوسندن اول اکمال
ایدلمش اولمسی لزومیدر . بو شرطک اجرا وتطبیقی ایسه ،
اردونك انتظامنه ، سفر برلکک برمسلك مطرداوزره جریانه ،
بک زنکین فابریقه لر ودبویلرک وجودینه ، متعدد وسائط نقلیه ،
والخاصه ل اهاالینک طبیعت و اخلاقه ، مملکتک تشکلات
جغرافیه سنه تابعدر . اوندن بشقه اصول مذکورک اجرایی ،
بر چوق مصرفلرک یابلمسینی ده موجب اولور . بر مملکت شو
دیدی کمز شرطلرک هپسینی بر آره یه طویلامق ایچون بک چوق
مشکلات چکه جکدر .

حقیقت ! بعض اولورکه ، بتون سویلدیکمز شرطلری وقت
حضرده ایکن دها یولنه قویمق ، اردونك احتیاجات سفریه سنی
بر آن اول حاضرلامق ایچون جیدی بر صورتده چالشمق
مجاور حکومتلرک ، بیوک مملکتک نظر حسدینی جلب ایدروبوندن
اوتری حکومت بیوک بیوک تهلیکه لره دوشر .

حال بونکه ، شو تهلهکه مدافعه سوق الجیشی ده قالان طرف
ایچون یوقدر. زیرا، حال تدافعی بی قبول ایدن طرف ، اکثریا
کنندسی ایچون بیوک بر ضرر وزیان موجب اوله جق وجه ایله
تعرض جهتک بر از ایلرولمسنه اهمیت ویرمه ییوریر . لکن
برشرط ایله که، اعلان حرب ایدلمش اوله جفی زمان مدافعه جهتی
باللی باشلی یوللاری و موضعلری ، دشمندن اول طوتمق ممکن
اوله بیلسون .

تعرض بحثی مطالعه ایدرکن سویلمش ایدک که، حال تدافعیده
قالان بر اردو ، سائر حکومتلره استناد ایلمک خصوصنده ،
تعرض جهتندن زیاده امیدلر بسلیه بیلور. شمیدیکی زمانده اوروپا
بر حال موازنت ایچنده یشایور. هر حکومت بالخاصه ، کندی
منافع ملیه سی ایجاباتندن اوله رق او موازنته رعایت ایتمه
مجبوردر.

بونک ایچون، حکومتلردن بریسنک محو و پریشان اولمسيله
دیدیکمز موازنتک بوزلمغه یوز طوتدیغی کوردکلری زمان ،
اونلر غالب جهتک اوکنه چیقهرق آنی طور دیرمه یه چالیشه.
جقلردر . (۱۸۶۶) سفرینه طوغریدن طوغری یه بر اشتراکی
اولمیان حکومتلر ، آوستریا دولتی جان چکیشمه یه باشلادیغی
زمان، آنجق اوچنجی ناپولیوننک پک ملایم و کیوشک پولتیقه.
سیله ایشه قاریشمق ایستدیله . (۱۸۷۱) ده ایسه پک فنا

مغلوبیتلر کچوروش اولان ییچاره فرانسه لهنده هیج بر نمایش
هیج بر توسطده بولمیدیلر . دیدیکمز خصوصلرک بویله جریان
ایتمس-نه باشلیجه تأثیر ایدن سیدلر وارددر . از جمله مظفر اولان
جهت ، خصمی علیه قزانیدنی تفوق سیاسی وعسکریدن پک
حکیمانه بر یولده استفاده ایلیمش ایدی .

مدافعه سوق الجیشینی قبول ایتمک اوزره ویریلان قرار ،
بر طرز عمومیده ، کیوشک وضعیف بولنق حسیاتی جامعدر .
حقیقت! ایشه قرار ویرمک ایچون اک بیوک تأثیر کوسترن شی
آنجق بو سویلدیکمز حسیات اوله جقدر . اوندن بشقه بر آاز
یوقاریده کچدیکی کی بالکتر مدافعه اولنق شرطیله هیج بر مسئله نک
قطعاً فصل ایدلمش اوله میه جغنی اصلا اونوت-املی بز . مدافعه
سوق الجیشیده قزانیه جق اک بیوک فائده ، ایجه تضییقلره دوشن
مخاصم طرفک اک صکره قبول ایدم جکی مصالحه دن عبارتدر .

بیوک فردریقک استحصال ایلدیکی مصالحه ، بو چشم-ید
مصالحه لردن بریسیدر . مشارالیهک اوله بر مصالحه قزانس-نه
اک جوق تأثیر کوس-ترن شی ایشه ، بولتیقه وضعیتک بردن بره
دکیشمش اولمی ایدی . اوندن بشقه کندی زماننده قوللانیلان
مصادمه قواعدی ، محاربه اصولی ده بیوک فره دریقه ایجه یاردم
ایلمش ایدی .

آمریقا- سفرلرنده جنوب حکومتلری کندیلرندن بیوک

اولان بردشمنی یورمق، کیوشتمک ایستدیلر. لیکن وطنداشلق
حسیاتسک کندیلرینه ویرمش اولدینی بونجه امیدسز غیرتله،
بك ماهر جنراللر واسطه سیله قوماندا ایدیلان بونجه کوزل
اردولره رغماًینه موفقیت قزانه مدیلر.

حاصلی هرکیم که، ایشک صوکنده تعرضه کچمک ایچون
مدافعه بی ترک ایده میه جک برحاله بولنور؛ اوله اولان جهت،
بر طرز عمومیده، کندی زوانی کنیدیسی آرامش کی تصور
اولنه یلور.

مدافعه سوق الجیشیده قالان جهت اکثر احوالده،
اراضیسسک بیوک بر پارچه سنی تعرض اردوسنه ترک ایتمیه
واو اندن اعتباراً مذکور اراضی پارچه سسک بتون منابع
ثروتندن واز کچمه به مجبوریث کوره جکدر. صحیح! مدافعه
سوق الجیشیده ایکن، هیچ بر وقت، حدود بونی اراضیسندن،
اورانک ثروت وسامانندن، ایستلدیکی کی استفاده ایتمک قابل
اولیه جقدر.

حاصلی دیمک ایسترزه، مدافعه جهتی، دشمن انه کچن
اراضی بی تکرار اله کچور مدکجه اورانک هیچ بر کوزلاکندن
استفاده ایده میه جکدر. لیکن، برکوه دشمن انه کچن اراضی بی
تکرار ضبط ایتمک مجبوریتمده بولنه جنی زمان مدافعه سوق الجیشی
ینه بك مشکل بر طاقم حالارم تصادف ایده جکدر.

مدافعه سوق الجیشیدن هیچ بر وقت آیرلیان و دشمنی
 بکلمکدن عسارت بر حرکتدنزلک ایچنده بیودکجه بیویان
 وضعیف بولنق، حسیانی اردونک قوه معنویه سنده پک مدهش
 یارملر آچار. حال بوکه، هاجمین طرفنده، عسکرک بردوزییه
 تبدیل مکان ایتمسی، بر دوزییه موفقیت قزاعسی کبی شیلر،
 بالعکس قوه معنویه نک کوندن کونه پارلامسینه خدمت ایدن شیلر.
 دندر. کرچه، هاجمین طرفک بیوک برخطا ایچنده ایلرولدیکی
 آکلاشلدینی زمان مدافعه سوق الجیشی اردوسی بردن بره
 آنک اوززینه دوشه یک بعض مؤثر باصقینلر یایه بیله جکئی براز
 اول کوسترمش ایدک. اوت، بوبله یایق پک اعلا ممکندر؛ لکن
 اصلا قولای برشی دکلدرد. چونکه وضعیت، آنک ایستدیکی کبی
 مطلق پروسسزو آچیق بر تابلو شککنده نمایان اوله مز. هجوم
 طرفی یالکز بر نقطه ده دکل، عین زمانده، برچوق نقطه ده خصم
 اردوسیه تماس حاصل ایده جکدر. اکثر احوالده مدافعه جهتمک
 ایلک اوکجه هجومه طوتیله جق اولان قطعات عسکریه سی هر
 یرده و هر زمان تهلمکینی دها یقیندن کورمش اوله جقلردر.
 بونک ایچون (قلاووزوچ) ک دیدیکی کبی مدافعه سوق الجیشدنک
 هر نقطه سنده پک فضا بر تضییقه، پک فضا بر قرار سزلغه
 دوشیله جکدر. بو قرار سزلق ایسه، پک نافله یره بر طاقم سلاح
 باشنه حرکتلرینه، بوئی بوشنه پورغیناقلره سبب ویره جکدرکه؛

عسکر اولنلرک^۱ بیهوده شیلر اولدیفنی حس ایتدیکجه قوه معنویه ده کرچکدن فنا تأثیرلر حصوله کله جکدر. یالکیز پک امین و تجربه لی بر نظر صاحبی اولان قوماندانلر ، شو دیدیکمز احوال مشکله ایچنده هانکی استقامتده یوریمک لازم کلدیکنی بردن بره آکلامش اوله جقلمدر.

برده هجوم طرفک ، یابه جنی قصورلردن استفاده ایتک آنجق پک سریع بعض موفقیتلر سایه سنده ممکن اوله بیله جکدر. بو موفقیتلری استحصال ایتک ایسه ، تعبیه جه دشمن علیینه کرچکدن بیوک بر تفوق حاصل ایتش اولقله ممکندر . شو نقطه نظردن مدافعه سوق الجیشینک موجب اولدینی منافعینه محدود وینه بر سوری شرطلره تابع بولنور.

اوندن بشقه ، بو مدافعه سوق الجیشی ، حرکت حالنده کی بر دشمن اردوسنک هر زمان، کی ولریله اولان طرق اتصالیه بی تهدید ایلله بیلیمک خصوصنده کی محذور عظیمی نه قدر چالیشمش اولسه ینه بر طرف ایتش اوله میه جکدر. بونک ایچون مدافعه جهتی یالکیز کندی طرق اتصالیه سی محافظه ایتک فیکریله اکثریا بعض پک فائده لی موضعلری ترک ایتیه لزوم کوره جکدر.

اک صکره نظر دقتمزى شویله بر نقطه یه ده کتوره بیلورزکه، مدافعه سوق الجیشی اکثریا وپک اوزون بر زمان ایچون قطعات عسکرینه نک تبدیل مکان ایتلرینه مانع اوله جکدر . لیکن

مکان و اقلیم دیکشندرمک کبی عسکر اوزرنده فوق العاده
کوزل تأثیرلی کوریلان بر شیدن محروم قانجه قطعات
عسکریه اکثریا ساری خسته لقا ره طو تلمش بولنورلر .
اوندن بشقه ، یالکز بر یرده اوطورمه نك بیوک بر محذوری
وارکه ، اوده عسکرک قوه معنویه سنده بک فنا تأثیرلرک حصوله
کلسیدر .



۲ — مدافعة تعبه وی

مدافعه سوق الجیشی به دائر سویلشمس اولدیغمز خصوصی و عمومی شرطلردن اکثریسی مدافعه تعبیه وی یه ده تطبیق اولنورلر. لکن اونلردن بعضیلری اجرا ایده جکلری تأثیری، آز، چوق فرقلی بر طرزده اجرا ایدرلر.

مدافعهٔ تعبیه‌وینک موجب اولدینی باشلیجه فائده، نقصان بر یولده اجرا ایدیلان بر هجومده قطعات عسکریه‌نک دشمن موضعاری قرشوسونده قیریلوب دوکلدکلرینی کورمک تهلهکه - سنک عدم ظهورینه یاردم ایلمسیدر. یعنی عسکر قوتلی بر مدافعه موضعنده قالدینی ایچون آچیقدن آچیغه مذکور موضعه قرشو هجوم حرکتی یابان قطعات عسکریه کبی پک زیاده قیرلمش، دوکلمش اولمز.

على الخصوص، تعرض اجرا ايدن جنراللر، مسكون محلا ره
 قرشو ياپيلان محاربه لرده بك سهولت ايله مغلوب اولورلر .
 چونكه اولنر بو كي يرلرده صرف ايديلان قوت و امل ايله
 غير متناسب قيمتي حائز اولان بر هدفك ضبطي ايجون حدندن
 زياده قوت صرف ايتمكدن بر دولو كنديلرني طوته ميورلر .
 حتى شو هجوملرده موفقيت قزانلسه بيله ينه شمديكي سلاحلرك
 معلوم اولان تهلكه سنه قرشومذكور موفقيت بك بهالي بر موفقيت
 اوله جقدر .

زمانزده تعرض تعبيه وينك ، بالخاصه مشؤم اولان طبيعتي
 اكثر هجوم حر كترلرنيك (پروس) واري مظفر يتلرله نتيجه
 لنسنندن عبارتدر . آتشك مهلك تاثيرلري قرشوسنده، هجوم
 قوللري بعضاً كله جك كه، ياري ياري يه بر نسبتده ضايعاته اوغرا مش
 بولنه جقدر در . كرچك، مدافعين جهتنده كي آتش لايئقطع بر طرزده
 جريان ايده بيلوركن، تعرض طرفي ايلري يورويشه باشلا ديني
 آندن اعتباراً ايكيده برده آتش كسمك مجبور يتنه دوشه جقدر .
 برده اراضينك موجب اولديني استناد خصوصي، مدافعه
 سوق الجيشيده حس ايدلمديكندن زياده مدافعه تعبيه ويده
 محسوسدر . مدافعين ، هجوم قوللرني كندى آتشي آلتده
 يوريتك ايجون اكثر بيه عارضه لي يرلري انتخاب ايدر . وبوللري
 بعضاً استحكام عملياتي ايله بسبتون قوتلي برحاله كتورر .

والحاصل ، مدافعهٔ تعبيه‌وى ، قطعات عسكريه‌نك مستور و طوتيلان موضعلك دشمن نظرندن مخفى قالمسى كې ايكى مهم فائده يى جامعدر . لکن هاجين طرفى بالعكس مدافعين طرفندن كورولديكى حالده و آب آشكاره يوريمكه مجبوردر . حتى اكثر زمانده ، هاجينك يورى يه چكى بيوك يولار بللى اولدينى ايجون مدافعه جەتى باصقين ايتك فرصتلىرى ده بعضاً الله ايدە بيله جكدرد . لکن بر دفعه ، قطعات عسكريه ايودن ايويه يرلشدكن صكره آنلرى حركتسزلكدن چيقاروبده برايلرى يرويش ايله دشمن عليه باصقين حركتى يايىق كې ايشلر اويله ظن ايدلديكى قدر قولاي ايشلر دكلدر . آنك ايجون دشمن طرفندن ياييله جق بر خطايى بولوبده هان اوزرينه آتلق خصوصنده مدافعه جهتك ايجه فائده لر كوره جكنه دائر سو- يلد يكمز شى ، پك ايو برشى اولمله برابر پك نادر وقوعه كلور شيلردندرد . زيرا براردو ، قبلانك ياپدينى كې عادانا فكر سرعتمده بر صيچرايش ايله كندى آوى اوزرينه آتلق و آنى هان يقالامق استعدادى حائز دكلدر !

فرصت زمانتى كشف ايتك ، قرار ويرمك ، امرلر يازمق و قطعات عسكريه يى حركت حالته قويىق ايجون ايجه وقت لازمدر . اوت ! بتون شو ديدكلرمزى برر ، برر يايىق ايجون زمان ايستر . بو زمان ايسه ، بزجه فائده لى ، قرشو طرف

ایچ-ون بالعکس ضررلی اولان و ضعیفک دیکشمسنه و خصمک ایلرولمسنه یتیشه جک درجده چوق بر زمان اولور .

قطعات عسکریه بردفعه یرلی یرینه یرلشدکن صکره آنلری یورویش حالته قویق ، علی الخصوص کندی جبهه لرینک خار-جنده بر استقامته طوغری یوریمک کرچکدن پک بیوک وپک زور برشیدر. اگر اویله اولمسه ایدی، اکثریتله آز برمسافه قطع ایتک مجبوریتنده بولنان مدافعه جهتی، هاجین چورمه حرکتی یامزدن اول یعنی دها سریع برزمانده جبهه دکشیدرمک خصوصنی اکمال ایده بیلوردی. برخیلی جهتلردن هجومه اوضراندیغنی، جبهه دن اشغال ایدلیکنی، جناحلردن بر ویا هر ایکس-سنگ چورلمش اولدیغنی وخط رجعتک کسلمش بولندیغنی کورمک مدافعه تعبیه وینک هر زمان بیون بوکه جکی برتهلکه عظمیه در. کرچک مدافعه تعبیه وی ایچ-ون بویله زمانلرده مقابل هجوملر ایله تهلمکدن قورتلحق، مدافعه سوق الجیشیده مقابل تعرض ایله تهلمکدن قورتلشمش اولمقدن دها کوجدر. زیرا مدافعه تعبیه-ویده اشغال ایدیلان اراضی پک محدود اولدقدن بشقه بتون قوتلرک بر آنده مقابل هجوم یابه بیللماری ایچون ایجاب ایدن زمانده پک آز برشیدر. علی الخصوص هیچ برزمان عین قوتلری برکره خصمک برقطعه عسکریه سی، برکره اوتکی قطعه عسکر-یه سی علیهنه سوق ایتک یعنی مدافعه تعبیه وی ایچون داخلی

خطوط الحركات قوللائق ممكن اوله ميه جقدر.

زیرا، مختلف دشمن قوللارینی بربرندن آیران مسافه او قدر کوچکدرکه، بو مسافه اوزرنده حرکت ایده جک مدافعه قطعانی یالکز ایکی خصم آره سمنده قالمق دکل، ایکی آتش آره سمنه دوشمک بلاسنه معروض بولنه جقدر.

میدان محاربه اوزرنده تعیه جه اک بسیط واک ساده بلنمش اولان اصوللرک خارجنده بر اصول یعنی دشمن هجومی کرویو پوسکدرتدکن صکره جبهه ایلروسنه آتیلر ق مقابل هجوم حرکتلری یایق ایچون قطعات عسکرینه نک استعمالنه حاکم اولمق، دشمنه تفوق ایتک ایسترنه نته کیم ناپولیون آنجق بو سایه ده اودیدیکمز مقابل هجوملری یاپه بیلیمشدی. مشارالیهک (اوسترلیچ) میدان محاربه سمنده کی مقابل هجوملری بو چشید هجوملرک اک پارلاق مثاللرندن بریسیدر. لکن او کی مثاللرک یک نادر اولدیغنی ده اونوتماغلی یز.

مدافعین آشاغیده سویایه جکمز اصول سایه سمنده هاجمین علیه بعض باصقینلر یاپه بیله جکدر: قطعی مصادمه نک باشلامق اوزره اولدینی زمان یعنی تعرض جهتی بتون هجوم ترتیباتی آلوده هجوم قوللاری ایچون قطعی براستقامت کوسترمش اوله. جنبی زمان مدافعین هیچ بکلنمک براستقامتدن، بشقه بر یردن حقیقه بیلور. اوحالده هاجمین طرفی هجوم ایتک ایچون، چاره سز،

جبهه دیکشدرمکه لزوم کوره جک و بو سیدن اوتری ایسه ،
 تعرض اردوسنده بر چوق فناقلر ، بر خیلی یا کلاش-ناقلر باش
 کوستره جکدر .

مدافعه ده کی عسکرک حرکتسزلکی ، مدافعه تعبیه وی ایچون
 ایجه بیوک بر محذور صاییلور . لکن بر باقیمه کوره ، مذکور
 حرکتسزلکدن باشلی باشنه بر فائده حاصل اولورکه ، اوده
 مدافمیندن پک او قدر اهلیت و متانت بکله مه مک ، قوماندانلرندن
 بیوک براقندار عملی ایستهمه مک خصوصلرندن عبارتدر . اولدجه
 شدتلی بر هجوم حرکتی یا یغنه کفایت ایتمیان عسکر و قوماندانلر
 ایله اکثریا مظفریتله نتیجه لنور مدافعه لری باشه چیقارمق ممکن
 اولدینی تاریخده کی امثالندن آکلاشیلور . بونک سببی ایسه ،
 مدافعه و تعرض ایشلری ییننده کرچکدن پک اساسلی و پک مهم
 برفرقک موجود بولمسیدر . آنک ایچون اگر مدافعه و تعرضدن
 بریسی انتخاب ایتمکده انسان سربست قالورسه قیمت عسکریه سی
 وسطی اولان قطعات ایله ایش باشنه کچمک لازم کلدیکی زمان
 مدافعه نی قبول ایتمک اک خیرلی بر حرکت صاییلور . چونکه
 سلامت عمومیه اکثریا بو وجهله حرکت ایدرک تأمین ایدله-
 بیلور .



یدجی فصل

تعرض ومدافعه نك بالمناوبه استعمالی

تعرض ومدافعه نك مناوبه ایله استعمالنه دار قواعده صحیحه وضع ایتك اصلا قولای بر شی دکلدر. بالعکس بو ایکی شکك طبیعت اساسیه لرینی کمال دقتله مقایسه ایتك وار دو ایچون اك الویریشلی اولان هانکیسی ایسه، وقت لازمنده آکا قرار ویرمك واو وجه ایله بر آن اول هدف اوزرینه یوریمك ایجاب ایده جکلدر.

تعرض ومدافعه نك بریسنندن اوتنه کینه کچمك خصوصنده الك مناسب زمانی بولمق ایچون سردار اولان ذاتك پك آچیق کوز وسرعت انتقال صاحبی اولمسی شرطدر. اوت، سردار اکرم، بر قاچ وجه ایله اردونك نبضنه باقق اصولنه واقف اولمایدركه، آندن نه کبی شیرل ایستیه بیله جکفی آکلامش اولسون.

سوق الجیش حرکاتی ایچنده تعرضدن مدافعه به کچمك لزومی، آنجق، تعرضك ینه تعرض اردوسی اوزرنده کوسه تردیکی تأثیرات مهلمکه دشمنه قرشو موجود اولان تفوقك ضیاعنه سبب ویره جك صورتده حس ایدلمیه باشلا دینی زمان وقوعه

کله جکدر. ذاتاً تعرضده بتون ایشلرک نقطه غرضتی ویا اک ایو
 بر تعییر ایله تعرضک سبب قبولی مذکور تفوقدن عبارت
 اولدینی ایچون آنک ضیاعیله برلکده همان مدافعهیه کچمک
 لزومی تحقق ایلر. کرجک، شو ایلك تفوقدن ممکن اوله بیلدیکی
 قدر استناده ایتمک فیکریله بردوزییه ایلرییه کیتمکده اصرار
 ایدیلورسه وبو حرکت اک صکره بض احوال مجبره اوکنده
 چوکوک تعرضدن مدافعهیه کچمک مجبوری قاطعاً حاصل
 اولورسه، او زمان بیوک برقباحت ارتکاب ایدلمش اوله جقدر.
 شو دیدیکمز حالک بر نتیجه سی اولق اوزره اردونک قوه
 مادیه ومعنویه سنده ایچ، بر ضایعات حس ایدلمش بولورسه
 اووقت هیچ شبهه یوقکه، اجرا ایدیلان قباحت بسبتون دهشتلی
 بر قباحت یرینه کچردی.

زیرا قوه مادیه ومعنویه نك تنزل ایتسی، تعرض اردوسنی
 لایق اولدینی توقف نقطه سنک بر قاج درجه آشاغی وکیروسنده
 براقیه خدمت ایلر. تعرضدن مدافعهیه کچمک ایچون اک مناسب
 اولان زمانی اصل باش قوماندان انتخاب ایتلیدر. یعنی مشارالیه
 بویله برشی یاپه جنی زمان، آنی زورله یاغاملی، بالعکس تعرضدن
 مدافعهیه کچمکده کی فائده نی بالتقدیر کندی ایستکیله تعرضدن
 واز کچمش اولملیدر.

تعیه حرکانی ایچنده تعرضدن مدافعهیه کچمک خصوصی

عين شرائط وقواعده كوره اجرا ايديلور . بك ايلريه
 كوتوريلان بر هجوم حركتى اكثر زمان، مشوم بر نتيجه نك،
 عكسى بر ضربه نك ظهوريله نهايت بولور. زيرا، ميدان محاربه ده،
 وقوعات عسكريه سوق الجيش حركاتنده اولمديغندن زياده
 بر سرعت ايله يكديكربنى تعقيب ايدرلر. وبر كره يقوش آشاغى
 اينمكه، ديك وسرد بر ميل اوزرنده قايميه باشلادقدن صكره
 آراتق ديكش طوتدرمق ايجه كوچ اولور.

لكن تعبيه حركاتنده هجومدن مدافعه به كچمك خصوصى،
 سوق الجيشده عبنى كچيد حركتلرندن ده قولاى بر صورته
 اجرا ايديلور. تعبيهده هجومدن مدافعه به كچمك ايچون اك مناسب
 اولان زمانى بولمق اكثر يتله زور برشى دكلدر. تعبيه حركانى اجرا
 ايديلوركن سردار اولان ذات، كمندى اردوسنى كوز اوكنده
 بولنديره بيلدكدن بشقه مصادمه ايديله جك ىرك هيئت عموميه سنى ده
 نظر تفتيشنده بولنديره بيلور. برده اويله زمانلرده باش قوماندان
 هجوم قوللارينك ايلروليه بيله جكلرى حدود منطقه سنى ده كورور
 واوكانظراً مذكور قطمانى، صكره دن بر فلاكت ظهور ايتيه جك
 صورتده، سوق واداره به چاليشور.

هجوم قوللارينك اك صكره كیده بيله جكلرى خط، صورت
 عموميه ده، خصمك مدافعه خطيله برلشور. لكن خط مذكورى
 بر آز ده تفصيلاتيله سويلمك لازم كلورسه، دشمن خط

مدافعه سسنگ ایجروسسندده واقع کویلر ، چفلکیر ، بایرلر
 واورمانجقلر کبی مدافعه حالسه قونلمش بر خیلی نقطه لرك ده
 آنکله مشترک اولدیغنی سویلملی یز. هجوم طرفی شو دیدیکمز
 یرلری ضبط ایتدکدن صکره ، دها ایلری کیتمکدن چکینه رک
 بالکس اورالرده ایودن ایویه برلشمک ایچون موقتاً حال تدافعیده
 قالمیه مجبوردر.

اگر آرمده کی مسافه لرك پک بیوکلکی وقطعات عسکریه نک
 آنلری قطع ایتمک خصوصسندده اوغرایه جنی مشکلاتک پک
 زیاده لکی سببیه، تعرضدن مدافعه یه کچلمش ایسه، بو حال، اولجه
 آنسان ترتیبانک یا ککش بر یولده آلمش اولدیغنه اشارتدر .
 بر باقیمه توره ایسه ناشلامزدن اول، بحث مذکور ایچون
 اک طوغری بر یولده حساب یایمق خصوصی ده پک زور
 برشیدر. کرچک، دیدیکمز کبی یاپه بیلیمک ایچون اکثریا کندی
 کیزی آرزولرمزله پک قولای بر صورتده اویوشه بیلان افکار
 مخصوصه مزى ایودن ایویه بر تفتیش ایلیمک یولنی بیلیملی یز .
 فقط فصل اولسه، ینه بوندن بعض خطالر، بعض خیالارمیدانه
 چیقجه جقدر. (۱۸۱۲) سفرندده (ایسمولنسک) دن صکره توقف
 ایدوبده حال تدافعی یه کچمه مش اولمسندن طولانی اکثر محررلر
 برنجی ناپولیونی مؤاخذه ایلدیلر . چونکه مشاوریه، فرانسه
 اردوسی نه قدر بیوک اولورسه اولسون ، ینه اردونک سوق

واداره سی ایچون آلمان ترتیبات آنک ایلری به طوغری یوروش
یامسنه مساعده ایتدیکنی پک اعلا بیلوردی .

شمدی ناپولیون کبی داهی یرادیلان بر عسکر ، بویله بر
قصور یاپارسه عجباً دیگر عسکر لر نه یامز لر ؟

زمین عارضه لرندن ویا قوتلی بر موضعک س-وق الجیش
و تعبییه جه حاصل ایتدیکی منابعدن اس-تفاده ایلیمک فیکریله
تعرضدن مدافعه یه کچمک خصوصی پک نادراً حصول مقصده
کفایت ایلیمه جکدر . زیرا هجوم طرفک او زمانه قدر هجوم
ایتمسی ، مدافعه جهنتک ایسه بالعکس مدافعه ده قالمسی ایجاب
ایدن احوال تب-دیل وظیفه یه قرار ویرلدیکی یعنی تعرضدن
مدافعه یه کچیمه جکی صرعه ده بیله ینه کندی تأثیرلرینی کوس-تر-
مکدن بردم کیرو قالمز لر . کرچک ، بزه مق-ابله ایتیمکه عجزینی
اعتراف ایلیمش ، کندی ضعیفلکنی طائیش اولان مدافعینک
یکدن بزم آرزولریزه کوره حرکت ایتمسی وباخصوص قوتلی
ومتین بر موضع اوکنده بولندیغی زمان مدافعه دن تعرضه کچمسی
اوله قولای قولای بابیله حق ایش-لردن دکدر . حتی بونی
تصور ایتیمک بیله جائز اوله مز .

تعرض سوق الجیشینک ، ایجاب ایلدیکی بعض مهلتک هجوملر ،
تعرض جهنتک بعضاً مدافعه یه کچمسی ایجاب ایتدیرو لر .
بووجه ایله حرکت ایتدیکنه نظراً هاجمین طرفی کندی

استناد قوتلرینی یانه کتورمک ایچون وقت ، یاخود ، خصم اردوسنی تعرضی محاربه لر ویرمه یه مجبور ایتک ایچون فرصت بولمش اوله جقدر . اوت ، ینه بو وجه ایله حرکت ایدلدیکنه نظراً ، خصم طرفی تعرضاً یابه جنی محاربه لرده ایجه ضایعاته اوغرامش بولنه جنی ایچون بدایت سفرده اولدینی کبی هر ایکی اردونک قوای موجوده سی بیننده کی نسبت یکی باشند تأسیس ایدلمش بولنه جقدر .

بو حال اکثریاً ، بز دشمن عسکرینی بر یرده صیقیشدیرمش اولدینمز زمان شو تضییقدن قورتلمق ایچون خصم قطعاتی ، نه اولورسه اولسون ، بر محاربه ویرمه یه مجبوریت کوردکاری صروده ویا بز دشمن اردوسنک اس الحركات ایله اولان طرق اتصالیه سنک الک مهملرینی اشغال ایلدیکمز ائنده وقوعه کلور . لکن شو دیدیکمز احتمالار ، شو کوزل فرصت لر پک نادراً اله کچرلر . نظری بر مطالعه ائناسنده آنلری خاطر دن چیقارمق ایو برشی دکدر . بونکله برابر ، عملیانه آنلر اوزرینه قطعاً استناد ایلیمک ده اوله مز .

تعرض ومدافعه نك مناوبه استعمالی بعض کره لرده عین زمانده وقوعه کله جک یعنی بر آنده هم تعرض وهم اصول حرب تدافعی به کوره حرب ایدلمک لزومی کوزیله جکدر . مثلاً بر اردونک مصادمه قطعیه به اشتراك ایتیه جک اولان بعض اقسام

عسکریه سی قوئجه از بر مقداردن ترکیب ایده جکلری کبی اونلره ویريله جک تعلیمات یالکز دشمنی اشغال ایتمک واکر دشمن کندیلرندن بیوک قوتله اوزرلرینه یوربورسه، کیرویه چکلمکدن عبارت اوله جقدر . [(۱۸۱۳) ایلك به - ارنده متفق اردولری تعرض ایله مدافعهدن مرکب اولان شو اصول مضاعفدن پک اعلا استفاده ایلمش - لردی . یعنی مذکور اردولر، ناپولیونک باشلیجه قوتنه راست کلدکلری یرده ناپولیون آنلری تمقیدن اوصانجهیه قدر کیرو چکلمهیه وبالعکس، قطعات مفروضیه قوماندا ایدن فرانسه جنرالارینی همزده راست کلورلرسه آنلراوزرینه کمال شدتله هجوم ایتمیه قرار ویردیله . یالکز بر کره (بوهمیا) اردوسی، (۲۶ و ۲۷) آغستوس کونلرنده ، شو سویلدیکمز قاعدهنک ترسنه حرکت ایتمش ، لکن اک صکره (درسد) محال ره سنی غائب ایدرک بوحرکتک جزاسنی کورمش ایدی . شمال اردوسی ایله (سیلیزیا) اردوسنه کلانجه اونلر تمامیه مذکور قاعدهیه رعایت ایتمش اولدقلریچون (دنهویچ) ، (غروسبهرن) و (قاجباخ) مصادمه لرینی قزائمشلردی . لکن اووجه ایله حرکت ایده بیلیمک ایچوند ده پک آچیق کوز، پک سرعت قرار وانتقال صاحبی اولمق لازم کلور . (بلوهر) شو دیدیکمز خصوصده اک ایلری کیشمش ، اک زیاده شرف قزائمش ایدی . کرچک ، مشارالیه ایکی دفعه ناپولیونی (سیلیزیا) ایچرولرینه قدر کنندی

آرقه سنجه سور و گلش و آنک کمال شدتله ایستدیکي مصادمه لرك و قوعنه میدان ویرمه مشدی . بالعکس امپراطور ایکی دفعه نك اکیسینده ده طورمه به مجبورت کوردی . چونکه اردوی اصلینک (بوهیا) دن (درسد) اوزرینه ایلری یوروشی مشارالیهک او طرفه یوز چورمه سنی ایجاب ایدیوردی . اک صکرده بونا پارط نافله یره کمندی اردوسنک قوتلرینی سوی استعمال ایتمکدن بشقه برنتیجه قزاناماشدی .

مدافعه دن تعرضه کچمک ایچون اک مناسب اولان زمانی بولمقدکی مشکلات، اک چوق دشمن اردوسنه دائر قطعی معلومات آلنه مامسی و آلمان معلوماتک اکثریا قاریشیق اولمسی کبی شیلردن ایلری کلیور . بزم قوتلریمیزک بردن بره بیومسی ، بالعکس خصم قوتلرینک یکدن کوچلمسی کبی ساده و بسیط حاللرک تأثیریه همان تعرضه کچمش اولق خصوصلری نادراً اله کچه جکدر .

مدافعه نك خاصه طبیعیه سی الده اولانی غائب ایتمه مک ، تعرضک ایسه دائماً قزانمقدن عبارت اولمسی حالنه کوره تعرضک بیله هر زمان قوت استعمالنه مجبورت کوره جکی آکلاشیلور . سردار اولان کیمسه طبق تجربه لی برایش آدمنه بکزه یور . یعنی . شارالیه کوزل نتیجه لر حاصل اولمیه جغنی بیلدیکي وقت نافله بره قوت صرف ایتمکدن و بالعکس ، کوزل نتیجه لر قازا .

نیله جغنه عقل ایردیردیکی زمان ایسه ینه بوش یره قوت اسیر-
 که مکدن چکنمه یه مجبوردر . اوت ، باش قوماندان شو ایکی
 قاعده یی یولیه تطبیق ایتک اصولی بیلورسه قوتلریخی زمان
 ومسافه ایله متناسب اوله جق بر طرزده صرف ایدر . واک
 صکره موفقیت قزائش اولور . هر نقطه یه مساوی قوتده عسکر
 یایمق ، هر برده مساوی برمتانت کوسترمک فکرینی تجویز ایدن
 جنرال ، پک عقاسمز ، پک دومنسز بر جنرالدر . بالعکس الده کی
 قوتلری حسن استعمال ایدن ، اهمیتسز نقطه لرده اهمیتسز عسکر لر
 قوللانان بر جنرال ایسه دیگر بر نقطه اوزرنده ده کمال شدتله
 حرکت ایتیه و خصم اردوسنه تفوق ایلیه جک صورتده ایش
 کورمه یه موفق اولورکه ، هممزک ایستدیکی نتیجه اشته بونتیجه در .

سگزنجی فصل

حرکات

۱ — قواعد عمومی

دارالحرب اوزرنده ظهور ایدم جک وقایعدن بعضیلرینک
دائماً حرکات منفردده حصوله کتوردکلری کوریله جکدر : بو
دیدیکمز حرکتلردن هر بریسی کندیسندن اول و صکره کی
حرکاته منسوب اولمقدن زیاده کندی جنسنندن اولان حرکتلره
دها زیاده مربوط قاله جقدر . اوت، مذکور حرکتلرده مقصد
عسکری، پک خصوصی برهدف اوزرینه میل ایدرک او هدف
الده ایدیلنجه یه قدر دیگر هدفلر یا بسبتون اونودلش و یا خود
آنلره ایکنجی درجه دن بر اهمیت ویرلش اوله جقدر . دیدیکمز
هدف برکره الده ایدلدکن صکره ایسه تعقیب اولنان حرکت
عسکریده برکیوشکلک و بلکه آز چوق اوزون سورر برموله
زمانی باش کوستره جک بعده اولکدیسندن دها مستعجل بر
یورویش، دها پارلاق بر فکر ایله یکی هدفلر اوزرینه یوریمیه
باشلانيله جقدر .

بویغین یغین ایشلرک، بو باشلی باشنه حرکتلرک هر بریسی

برخی یورویشلری، برخی یایلمه‌لری حاوی اولور و بناءً علیه اونلره حرکات عسکریه نامی ویریلور. ایشته بوجه ایله در، که فرانسمز-آلمان سفرینه داتر یازیلان تاریخ حربده بری (سار) استقامتنده دیکری (موزل) اوزرینه، اوتنه‌کی ده (میچ) اوکنده یاپیلان حرکتلرک هر بریسنه آری، آری بر حرکات عسکریه نظریله باقیلیور. او یله ایسه، حرکات ویا وقوعات عسکریه مختلفه یغینلندن هر بریسی دشمنه حاکم اولمق فکر اساسیله یکدیگریته برلشورلر. بونکله برابر، حرکات مذکوره هر حالده بربرندن آز چوق فرقلیدرلر.

بوکی حرکات عسکریه دن هر بریسی عین موسمده، عین شرائط ایله و عین دشمن اردوسی علیه سوق ایدلمش اولدقلری زمان آنلردن برچوغی آره‌سندنه بشقه‌درلو برارتباط، برارتباط اتفاقکارانه موجود اوله‌جقدیر. بناءً علیه شو یولده برارتباط ایله بربرینه باغلاشمش اولان مذکور حرکات عسکریه اوتنه‌کیارندن پک‌زیاده فرق ایده‌جکلردر. زیرا اوتنه‌کیلری دیدیکمز حرکات، بشقه دشمنلر علیه و بشقه شرطلره کوره، بشقه زمانلر و بشقه یرلرده بشقه درلو اصول حربلر ایله اجرا ایدلمش بولنه‌جقلر-در. سو یلدی کمز حرکانک هیئت عمومیه‌سی، حربک پک معین و بسبللی بر دورینی تشکیل ایدن (سفر) نامی آتئنده ذکر ایدیلورسه پک ایو برشی اولور، ظن ایدرم.

بو سفر تعبیری اس-کی زمانلرده آنجق موسملره تطبیق
ایدیایوردی. نته کیم اس-کی تاریخلره کوز کزدردیکمز وقت
اکثریا (قیش سفری)، (یاز سفری) کبی سوزلره تصادف
ایلرز. لکن اردولرک عددی کیده کیده آرنمق-ده، ودار-
الحربلرک وسعت وامتدادلری ایسه-ینه کیده کیده بیومکده
اولدینی ایچون شمدی جغرافیا نقطه نظرندن حصوله کلان
فرقلری ده علاوه ایتمک لزومی آشکار اولمشدر. ایشته بوندن
طولایدرکه فرانسز- آلمان سفرینه دائر یازیلان تاریخ حربده
(لووار) سفری، فرانسه-نک شمالنده کی سفر، فرانسه-نک
شرقنده کی سفر نامیله برقاج سفره تصادف ایدیورز. عملیات
نقطه نظرندن باقیلورسه، بوسوبلدیکمز تقسیماتک عسکرلک صنعتی
اوزرینه هبیج بر فائده سی یوقدر.

لکن تقسیمات مذکوره کچمش وقوعانی ایودن ایویه آکلامق،
وکه جکده کیلری ده-ینه ایودن ایویه دوشونمک ایچون بزم ایجه
ایشمزه یارار. مستثنا قیلندن اولمق اوزره بر حرب، یالکز
برسفرایله نهایت بوله بیلور. بونک ایچون اوילה بر حرب هم سفر،
هم حرب نامی ویرلمکده هبیج بر بئس یوقدر. (۱۸۶۶) ده کی
بو همیا حربی (سفری) بو باده ایو بر مثال اولور.

بر آز یوقاریده سویلمش ایدک که، شمدیکی زمان حربنه
دائر اصول وقواعدک طبیعت اصلیه سی بیله وقایعک بردوزییه

جریان ایده بیلیمش اولمسی طلب ایدر. لیکن بتون بر حربه، بتون بر سفره نسبتاً بو سوزی حرفی حرفنه قبول ایتمک لازم کلز. چونکه هیچ بر قطعه عسکریه استراحت ایتمکسزین، اویقو اوبومقسزین، کیجه کوندوز یوریمیه و محاربیه ایتیمیه مقندر دکلدر. هر فصل اولورسه اولسون آره یرده اویقو واستراحت زمانلری بر افاق لازم کله جکدر. لیکن بر منفرد حرکت یاپلدیغی زمان ایشلرک هیچ اولمزسه بر نقطه یه قدر فاصله سز دوام ایتیش اولمسی ایجاب ایلر. حقیقت! شویله بر حرکت یاپلدیغی زمان دشمن طرفی آز بر وقت ایچنده مقصد نه دیمک اولدیغی آکلار و آره یرده و یريله جک فاصله لردن بالاستفاده مقصد مذکوره ممانعت ایچون الدن هر نه کلورسه آنی یانمغه چالیشور. یالکیز بر کوندن عبارت و نتمسز بر موله زمانی، علی الخصوص تعرض جهتی ایچون پک فنا حاللرک ظهورینه واسطه اوله بیلور. اکر (۱۵) آغستوس (۱۸۷۰) کونی برنجی وایکنجی آلمان اردولری اقامت حالنده قالمش اولسه لردی، (بازهن)ک معهود فلاکتدن قورتلمش اولمسی اغلب احتمال ایدی. مشارالیهک اوله بر فلاکتیه اوغرامش بولنمسی ایسه الک چوق کندی قطعات عسکریه سنی حرکت ایتدرمک ایچون بو (۱۵) آغستوس کوندن جداً استفاده ایده ممش اولمسندن ایلری کلشدی. مدافعه ده قالان بر اردو ایچون ایشک حد ذاتنده بعض

فاصله لری اولمق پك طبیعی بر شی-در . چونكه بوراده خصم جهتك حرکته انتظار ایلمك لزومی واردرد. لکن شوفاصله لر، مدافعین ایچون اکثریا زمان قزائیق فکریله ایشلری بویسه سورو کلیوب کوتورمکدن عبارت اولان مقصدك، جریاننه بر مانع دیمك دکلدر .

فقط اگر یالکز بر وعین حرکتك جریانی انناسنده تشبثات عسکرینهك هیچ اولمزهسه امکان داخلنده بر فاصله یه اوغرامه مسیچون عسکرک محتاج بولنه جنی هر شیئی اك بیوك بر دقتله حاضر ایتمش اولمق لازم کلور .

کرچك، بویله بر زمانده، باشلانیلان حرکتك دوام ایده جکی بتون مدت انناسنده ارزاق وجبیخانه کبی مالزومه سفرینهك اکیال وتجدیدینی ممکن اوله بیلدیکی قدر کوزل اصولاره کوره تنظیم ایتمك ایجاب ایلر. بونك ایچونده لازم کلان شرطلردن بریسی آره ده کی مسافه لرك بر یورویشده آله میه جق درجه ده بیوك اولمالریدر.

کرچه ، تاریخ عسکریده ، بربری آردنبجه بش ویا آلتی کونلک یورویشدن زیاده بر مسافه قطع ایتمک لزوم کوسترن حرکات عسکرینهك، مقصد وهدف اصلی هیچ بر تعدیلاته اوغرامه سزین ، اجرا ایدلیدیکی کورمک ایجه نادراً تصادف ایدیه جك شیلردندر. عسکریورویشه دوام ایده میه جك صورتده

يورغون دوشمش اولدینی ایچون بر حرکت اورطه سنده طور مق
هیچ شبهه یوق که ، مذکور حرکتك هدفی، نتیجه سی اوزرنده
بر تأثیر کوستره جك احوال مضره دندر . چونکه دشمن جهق
شو سویلدی کمز توقی کورنجه، بری طرفك اوستندن کله میه جکی
بر ایشه کیریشدی کنی آکلار و بوندن اوتری کندی عسکرینك
امنیت شخصیه وقوه معنویه سی آرتمش اولور .

اگر قطع ایدیله جك مسافله ، کرچکدن پك بیوک ایشه ،
او زمان ایشك الك ابوسی یا حرکاتك آرقه سی کسمك و یا خود
ایشه باشلامزدن اول خصم طرفندن کورلیه جك وجه ايله
هدفه ایجه یناشمق لازمدر .

اوت، شو دیدیکمز یاپیلور و قطعات عسکرینه نك هپسی
برنفسده، بر کیدیشده هدفه یتیشه جك وجه ايله یقین بر منطقه یه
کلش بولنورسه او زمان بوراده ارزاق و مهمات عسکریه جمع
ایتدکدن بشقه ایلری کیتمک و تصادف ایدیله جك موانع
طبیعیه یی برر برر آنلامق ایچون ایجاب ایدن وسائط و طرفك
هپسی کذلک حاضر ایتمک لازم کلور. [۵] والک صوک تدارکات

[۵] ۱۸۰۹ پورتکیز سفرنده ماره شال (سوات) ک ۳۰ آلمان
میلندن (۲۲۵ کیلومتره) عبارت بر طولاشمه یامسی ، فضله بر یول
قطع ایتسی (آشاغی مینو) اوزرنده بر کچید نقطه سی بولمق ضرورتنه
باء واقع اولمشدی . مشارالیه ایشه کیریشمزدن اول بر آز دقتسر

اکمال ایدیلنجه بر دقیقه ضایع ایتمکسزین هان یوروشه باشلامق
 ایجاب ایدر. شبهه سزدکه، ایلری یه طوغری یورونیلدیکی ائنده
 سویلدیکمز منطقه اوزرنده کی بتون خطوط اتصالیه نك الدن
 چیقمامسینه صولك درجه ده چالشمیه مجبورز. چونکه منطقه
 مذکوره یاپیله جق حرکات عسکریه نك تملاری یرنده در. بناء علیه
 عسکرلک صنعتنده اس الحرکات نه دیمک اولدیغنی بر آز ایضاح
 ایتمک لزومی آشکار اولور.

۲ — اس الحرکات

بر زمانلر اس الحرکات دنیلدیکی زمان بوندن کوزلجه تعیین
 ایدلمش بر جغرافیا خطی آکلاشیلوردی که، آنک الدن چیقمامسی
 ایچون بعض ترتیبات خصوصیه آنور و مثلاً سر کوپری
 استحقاملری، مستحکم اردوگاهلر و قلمه لر کی سائر بعض شیلر
 یاییلوردی. اکثریا بر سفرك بتون عملیاتی، بتون حرکاتی
 بر مدت صکره و یريله جك سفر ایچون متین بر اس الحرکات

حرکت ایلدیکی ایچون اک صکره شویولده کی عملنک جزاسنی کورمشدی.
 کر جک، فرانسز اردوسی، پورتکیز اهاالیسی کنه دیسنه خصوصیت کوستر.
 میه جک و بوندن اوتری پکیدلر و کوپرلر نخریب ایدلیه جک دیه کنه دیسله
 برابر بر کوپریمی طاقی آلق ایستماشدی.

حاضر لامقدن بشقه بر هدفه مالک اولمزدی. یعنی شودیدیکمز
 عملیات یالکز اس الحركات اولان یرلرک تأمین اسنقبه الی یولنه
 حصر ایدیلوردی. اوت، بو ایلک سفر ائاسنده یالکز بعض
 قلعه لر، بعض مستحکم موقعلر ضبط ایتمکه قناعت کوستریلوردی.
 مذکور قلعه لر دن بکلانلان مقصد ایسه بر مدت صکره یعنی
 ایکنجی سفر تعقیب اولنه جنی زمان آنلر واسطه سیله دشمن
 مملکتنه کیره یلمک ایدی. بوندن آکلاشیلورکه، اس الحركاتک
 مختلف نقاط اصلیه سی بیننده یک کوزل برطاقم خطوط اتصالیه
 اولدقدن بشقه مذکور نقطه لرک ایلر بسنده و کیر بسنده ینه اولدقجه
 کوزل یوللاردن متشکل بر یول شبکه سی بوانوردی. بناء علیه
 تعبیرک ینه اسکی معناسنه کوره اک کوزل اس الحركات، باشلیجه
 کچید نقطه لر ی هر ایکی ساحله حاکم قلعه لر ایله مدافعه ایدیلان
 ویوزلمسی ممکن اولان بر صو مجراسندن عبارتدی. کذلک کوزل
 بر عسکر یولی ایله بر برینه مربوط و مواقع مستحکمه دن مرکب
 اولان خطرلده عین خدمتی کوره بیلورلردی.

بو اس الحركات بونجه، مستحکم موقعلرله ستر ایدلمش
 بر چوق مغازه لر تاسیس ایدیلوردی که، مذکور مغازه لرده ینه جک
 و کیله جک شیرله بتون بر سفر ایچون کفایت ایده جک درجه ده
 جیخانه و سائر طویلانوردی. اوندن بشقه ینه اس الحركات
 بونجه بعض فابریقه لر تاسیس اولنوردی که، او سایه ده هم

بوزلمش اولان مالزومه سفریه تعمیر ایدیلور، همده ایجاب ایتدیکی
 زمان یکیلری یاپیلوردی. كذلك اس الحركات اوزرنده طوبجی
 بارقلری، کوپر بجی وقافله طاقملری جمع ایتدیرلدیکی کبی یکی
 قرعه نفرلرینه مخصوص دبویلرده تأسیس اولنوردی. حاصلی،
 سه تن ضایعاتی، بتون یورغلغنی متعاقب اس الحركات
 دانسی بر امنیت ایچنده قالمسی تأمین ایچون کیروده کی اردونک
 قسم اعظمی یته آنک اوتنه سنه بریسنه طاغیدلمش بولنوردی.

اگر بو اردو دشمن مملکتی ایچرولرینه طوغری یورویه-
 جک اولسه، مؤخرآ آنک هر درلومالزومه سفریه سنی یتشدیرمک
 و منطقه الحركات قومشویکی براس الحركات یعنی متوسط براس الحركات
 وجوده کتورمک ایچون برنجی اس الحركات اوزرنده یاپلمسی
 لازم کلان ترتیبانک هپسی یاپیلوردی. کرچه بو ایکنجی
 اس الحركات برنجیسی قدر مکمل برطرزده تأسیس ایدیله مردی،
 لکن هر حالده اردونک بر قاج کونلک احتیاجنی بر طرف
 ایده جک مالزومه سفریه مالک اولسی لازم کلوردی.

اجراآت عسکریه لری بزه نه قدر جراتکارانه کوریلورسه،
 کوریلسون! بتون بیوک قوماندانلر ایوبر اس الحركات مالک اولمق
 خصوصنه کرچکدن یک بیوک اهمیت ویرمشلرده ایرانلیر اوزرینه
 قزاندی بی ایلک، ظفریتلرندن صکره حاصل ایلدیکی موفقیتدن لایقيله
 استفاده ایتمک ایچون اسکندر هیچ شبهه یوق که، آنلرک بوزوق اردوسنی

خطوه بخطوه نفیت ایتک ایستیوردی. لکن (غرانیکوس) محاربه سندن صکره اولدینی کبی (ایسیوس) مظفریتندن صکره ینه مشارالیهک آق دکر کنارلری بونجه یابلدیغنی و ماکدونیا ایله اولان اتصالاتی کرچکدن ابو بر یولده تأمین ایتک بعض لیمانلر ضبط ایتک خصوصنده ایجه اوزون زمانلر کچوردیکی کورپورز. حتی مشارالیه آسیا ایچرولرینه کیرمزدن اول مصرک فتح واستیلاسنی بیله آئیده کی سفرا یچون مطلق الزم عد ایلوردی. اوفاجق ماکدونیا قطعه سندن ایجه اوزاق دوشدیکی زمان بیوک اسکندر آسیایه کیررکیرمز کندی اس الحركاتی دیکشدردی. و آنی یکی باشند دکرک شرق کنارنده تأسیس ایلدی.

برنجی ناپولیون ده بتون اجراءات سفریه سی ایچون کوزل و معین بر اس الحركات حاضر لاق خصوصنده هیچ بر شیدن کیرو طورمزدی. مشارالیهک (۱۸۱۳) آلمانیا سفریچون بو باده آلدینی ترتیبات یک زیاده شایان دقتدر. اوت، ناپولیون، کجن قیش موسمنده، (ویستول) خطنی، صکره (اوده ر) خطنی الدن چیقاردقن صکره (اب) نه ریخی یکی باشند بر اس الحركات یرینه قومیش ایدی. ایلک اوکجه دارالحربک پروسیه و پولونیا مواقع مستحکمه سسنده برافش اولدینی قوتلی محافظ مفرزه لرله ایودن ایویه بر ارتباط حاصل ایتک ایچون سو بلدیکمز نهرک جنوب مجراسندن باشلایه رق کرچکدن

يك بيوك بر تعرض حركتى يامق ايستوردى . مشاراليه
اس الحركات يرنده قولالانق فـكـر بله اك زياده (ماغـده بورغ)
و (هامبورغ) موقعلرينه و (الب) نهرينك شمال قسمنه اهميت
ويريوردى . ايسته بونك ايجوندركه ، پرنس (اوژن) روسيه دن
كتوريلان اردونك اقسام باقيه سيله (برلين) يولى اوزرنده
و (ماغده بورغ) ك بر آز ايلروسنده مهلك بر موضع طوتمسنى
امر ايلمش ايدى .

سفر ك ايكنجى قسمنده امپراطور احوال مجبره نك تأثيريله
چاره سز قبوله مجبور اولدينى مدافعه ايجون (الب) نهرينك
وسط جهتلرى اس الحركات اولقى اوزره انتخاب ايلدى . شو
اس الحركات اوزرنده برلشمك ايجون ، مشاراليه ك صرف ايلدىكى
مهارت عسكريه ني ايودن ايويه آكلامق بزجه اك بيوك منافعى
تأمين ايده جك شيلردندر .

فى الحقيقه ، ناپوليون (الب) نهرى اوزرنده (ماغده بورغ)
(ويتن برغ) ، (طورغار) كى يالكز اوچ موقع مستحكمه مالك
ايدى . آزوقت ايجنده (هامبورغ) و (درسد) موقعلرينده برر موقع
مستحكم حاله قودى . بوايكى قصبه دن برنجيسى هيچ بر معاونت
كورمكسزين ايجه اوزون بر زمان دشمن عسكرينه مقابله
ايده جك صورتده متين استحكاملر ايله تقويه و تجهيز ايلدى .

(درسد) قصبه سى ده كذلاك ايجه كوزل طابيه لر واستحكاملر

ایله طونادلدی. ایمپراطور نصل اولورسه اولسون، مذکور اس
الحركات اوزرنده ایجه بر زمان قاله بیه جکفی ظن ایدیوردی،
حق (الب) نهری ساحلارنده کی مستحکم و قلعاره ایکی دانه ده
علاوه ایتک بیه ایستیوردی. کرچک مشارالیه (پلاوئن) قنالک
(الب) نهریله برلشدیکی نقطه یی تحکیم ایتک وینه (الب) نهریله
(هاول) ملتقاسنده بعض استحکاملر پادیرمق فیکرینه دوشمش
ایدی .

لکن شو دیدیکمز پلازن نصلسه باشه چیقاریله مدی. بودرلو
حرکت ایلدیکینه کوره ناپولیون (مکلنبورغ)، (سیلیزیا) و (بوهیمیا)
ایچرولرندن کچن بیوک بر قوس دائره ایله کمندیسنی تضییق
ایتمکده اولان متفقین اردولرینه مقابل تعرضلر ایله هجوم ایده-
بیلیمک ایچون ایلرویه طوغری یورویش یایمهیه باشلادیفی زمان
آراق اس الحركات تأمین غائله مند قورتلشمش اوله جغنی امید
ایلیوردی .

مشارالیه (الب) نهری اوزرنده کی، واقع مستحکمه دن هر
درلو مالزمه سفریه طوپلادی . حاصلی قطعی واوزون بر سفر
تعقیب ایده بیلیمک ایچون بیه جک، کیه جک نقطه نظرندن عسکره
هرنه لازم ایسه آنلرک هپسنی بره، برر حاضر ایتدی .

لکن اونوتما ملی زکه، اس الحركات شو دیدیکمز وجه ایله
ترتیب و تنظیم اولنسی ایچون ایجاب ایدن زمان بونا پارطک اولجه

فصل سه عقد ایتش بولندینی اوزون بر متارگه سبیلله میدانه
کلمش ایدی.

وقوعات یومیه، دائماً لازم کلان فاصله لری، ایجاب ایدن
آره بقلری حصوله کتوره مزه. زنکین بر منطقه، هر نوع طرق
اتصالیه ایله مجهز اولان زنکین بردار الحركات شو دیدیکمز
خصوصده پک چوق فائده سی کوریلان شرطلر دندر.

غرب مملکتلرنده اولدینی کبی پک صیق شمندوفر شیکه-
لرینک وجودی، بر مملکتک اک اوزاق یرلرندن احتیاجات سفریه،
قوای امدادیه کتورتمک و سیله در. آنک ایچون بویله مملکتلرده
معین بر منطقه نك اس الحركات یرینه کچمسی آرتق ایجه زماندن بری
حکمدن ساقط اولمش برشیدر. یعنی شمیدیکی زمان سفرلرنده بر مملکت
باشدن باشه بر اس الحركات دیمکدر. حتی دشمن کندی شمندو-
فرلرینی قطعاً تخریب ایتش اولدقچه، دشمن طویراغنده کی
تیور یوللرندن ده استفاده ایتک ممکن اولدینی ایچون حدود
بوی اراضیسنک بیلله آرتق بر مانع یرینه کچمسی چوقدن بری
کچمش، حکمدن دوشمش بر مسئله در. شیمیدیکی زمان سفرلری
بالعکس، محترک بر اس الحركات اوزرینه استناد ایدرلر. اونک
ایچون زمانمز حریرلرنده کورلمه دک بر سرعت، ایشیدلمه دک بر
شدت کوسترمک ممکن اولور.

دلیله، اثباته حاجب یوق! متحرک بر اس الحرکانه مالک اولان

بر اردونك بولندينى وضعيت نه قدر ايو بر وضعيت اولدينى
 كندى كندينه كوريلور. بونك ايچون تعرض جهتى دارالحركتك
 ايلك نقطه سندن اوتكى اوجنه قدر هر طرفى شمندوفر ايله
 طوناقمه يه و اولنرى پك ايو بر صورتده ايشلمتمه يه دائر هر نه
 ياقى لازم ايسه آنلك هپسى حاضرلامه يه مجبوردر. اگر اويله
 ياقى يعنى شمندوفر تشكىلاتى نقطه نظرندن ايجاب ايدن بتون
 ترتيبى اجرا ده بر قصور ايتمش ايسه، مدافعه جهتى بومساحه دن،
 بو قصور دن پك چابوق و پك چوق استفاده ايدم جقدر.

مدافعين جهتمه كلنجه اوراسى ده، دشمنه ترك ايدمك مجبو-
 ريتى حاصل اوله جق يرلرده، شمندوفرلرى، هاجميك ايجه بر
 زمان ايشينه كليهمك صورتده بوزمه يه چالشمه جقدر.

مدافعين شو ديديكمز وظيفه يى يا بعض مواقع مستحكمه
 سايه سنده و يا خود شمندوفرلرى سد ايليان بعض قلعه لر ايله
 اجرا ايدم بيلمش اوله جقدر.

اس الحركات ايو بر اس الحركات اوله بيلمك ايچون واسع
 بولمق شرطدر. بالعكس اگر امتدادى جزئى بر خطدن و بلكه
 يالكى بر نقطه دن عبارت اولورسه آنلره استناد ايدن اردوينى
 بولندينى يردن خارجه آتمق پك قولاي برشى اولور. هر حالده
 اس الحركات اردونك بتون قوتيله متناسب اولمليدر. بر قاچ يوز
 بيك كيشيدن تركب ايدن بر اردو، يالكى بر ويا ايكى مستحكم

موقعه استناد ایلدیکی زمان کوزل بر اس الحركاته استناد ایتش
صایله من. هرشیدن صرف نظر بو درجه بیوک اردولرک یالکز
اعاشه سیچون بر خیلی فابریقه لره، مغازه لره لزوم واردر. اوندن
بشقه دیدیکمز اردولری یشانه بیلیمک ایچون ایجه بیوک مسافه-
لرده بولمق لازم کلور. پک طار، پک محدود یرلره استناد
ایلدیکی زمان بتون حرکات عسکریه سکتیه اوغرامش بولنور.
دکز آشوری یاپیلان اجراآت عسکریه نك مشکلات اساسیه سی
اک چوق اشته بویه یالکز پک محدود لیانلره استناد ایدلمش
اولمقدن ایلری کلیور.

اس الحركات بر تیمور یولی شبیکه سندن تشکیل ایدلمش اولدینی
زمانلر بیوک بر اردو، یالکز بر خطه استناداً ایش کورمک
خصوصنده ایجه مشکلات چکه جکدر. اگر مذکور اردونک
بر آزدها کنشجه نفس آلمسی، بر آزدها سربست حرکت
ایتمسی آرزو ایدیلورسه اس الحركات اوزرنده خط الحركاته
موازی بر چوق یوللرک دها بولمسی لازمدر.

بر اس الحركات شکی خط مستقیم اولمق فائده لی بر شی
دکدر. و اگر اس الحركات، دارالحربی ایکی کناری بونجه ده قو-
شائش اولورسه او زمان شو وضعیت کرچک، اک ابو بر
وضعیت اولور.

علی الخصوص شو ایکی کنار، شو ایکی خط زاویه قائمه

تشکیل ایده جگ وجه ایله بربرینه یا قلاشمش اولدقلری زمان
 اس الحركات اعلا دن اعلايه بر شکه، بر وضعيته مالک اولمش
 بولنور. چونکه دیدیکمز زاویه نك ایچروسه نده حرکت ایدن
 اردو، بر برندن قطعاً فرقلی اولان ایکی استقامتک
 ایکسینه ده استناد ایده بیله جکدر. بو درلو اس الحركاته
 کونیه واری اس الحركات نامی ویریلور. (۱۸۰۶) سفرنده
 برنجی ناپولیون یوریشه باشلامش اولدینی (مابن) خطندن
 بشقه کندی صولی استقامتجه کیدن (رین) خطنی ده
 بر اس الحركات برینه قویدینی زمان، شیمدی سویل دی کمز جنسندن
 بر اس الحركات وجوده کتورمک ایستمش ایدی.

اک ایو وضعیت کیرو جهته لرده بر ویا بر قاج تیمور یولی
 خطنه مالک اولمق وایلری کیدلدیکی زمان دار الحربی عرضاً
 وبویدن بویه قطع ایلان دیگر بر شمندوفر خطنه راست کلمک
 خصوصنده مشکلات چکلمیه جکنه امین بولنقدر. لکن شو
 دیدیکمز فائده لرك هپسی بر آره یه طوبیلامق ایچون دار الحربک
 تشکل سیاسی ومدنیسی فوق العاده مستثنا و اوینون بر حالد
 اولمق لازمدر.

اجراآت عسکریه ائناسنده، اس الحركاتک دیکشمه سی وحتی
 بو دیکشمه خصوصی وقوعه کلدکدن صکره کندی مملکت مزک

تیمور یولی شبیکه لرندن استفاده ایتمک ممکن اولسه بیله ینه پک جوق مشکلاته سبیب ویردجکدر .

شمیدیکی بیوک اردولرک کیرولرنده اکثریا بیوک برقاریشقلق ظهوره کلمک طبیعیدر . چونکه دیدیکمز یرلرده کی مأمورین عین زمانده پک قاریشقیق وپک جوق مسئلهلری حل ایتمک مجبوریتنده قالورلر . اوندن بشقه عسکرک بیهجکی وکیهجکی کبی شیرینی ، بو جسم یغینلری بر شمندوفرده اوتنه کی شمندوفره نقل ایتمک صبرسز بر قوماندانک آرزو ایتدیکندن زیاده وقت وزمانه احتیاج کوستر .

بوندن آکلاش-یلورکه ، یوروش حالنده بولنان اردونک کیدیشه-نه کوره اس الحركاتی یواش یواش ایلری کوتورمک ، علی العاده بر وجه ایله دیکش-درومک دها قولایدر . وشو دیدیکمز کبی یاپلدیغی زمان آرتق اولجه موجود اولان اتصال یوللارینی اوزاتمق وایلرولیان قطعات عسکرینه نک اشغال ایلدیکی شمندوفرلری یکیدن ایشلتمکدن بشقه برشینه لزوم قالمز . یالکیز الک جوق نظر دقتی جلب ایدهجک ، حل ایدیهجک بر مسئله قالورکه ، اوده اردونک بتون مالزمه سفریه سنی شمندوفرلر واسطه سیله یکی نقطه لره کوتورمکدر .

بر اس الحركاتی ایلری کوتورمک ایستتیهجکی زمان ، دار الحرب هیچ اولمزسه یالکیز بر جهتدن دکر کنارینه استناد

ایلدیجه اردوی بری ایله دونما یکدیگرینه متناظر آ پک بیوک خدمتله یابه بیلله جکدر.

ژاپونلر، چین استیلا سنده بزم ایچون بو خصوصده لازم کلان اک ابو بر متال وجوده کتورمشلردر . حقیقت ! ژاپونیا لیلر غوغانک ایلاک سبی ، ایلاک هدف ظهوری اولان (قوره) شبه جزیره سندن ایشه باشلادیلر . بوراده مظفریت قزانقدن صکره (بالو) حدودینی آتلا دیلر . و او آندن اعتباراً اردوی (قوره) لیمانلردن یعنی قرهیه چیقمش اولدینی لیمانلردن آیران مسافه ایجه مهم بر مسافه ایدی .

بونک اوزریته ژاپونیا دونماسی ایکنجی بر اردو ایله چین عسکری لیمانلردن (بور آرتور) پیشگاهنده کوردندی . و در حال آنی ضبط ایلدی . بر آز وقت صکره ایسه ، ینه مذکور دونما (وای - های - وای) موقعی ده اله کچوردی . ایشته بو ایکی موضع، اردوی برینک توسیع فتوحاتنه اک چوق یارایان ایکی مهم نقطه، ایکی دیرسک نقطه می یرینه کچمشدی .

یالکز وضعیتلری ایجابندن اوله رق مذکور ایکی نقطه (یه چیلی) کور فزی حوضه سنه اوت ، شو بیوک حوضه یه بیلله حاکم اولیورلردی . چونکه ساحلک هر نقطه سندن ارزاق ، جبخانه و قوای امدادیه کتورمک پک اعلا ممکن اولمش ایدی . اگر هاجین بو ایکی لیمان قرشوسنه پک ارکندن چیقمش

اولسه لردی ، چینلیلر او زمان مذکور لیمانلری دشمن لندن
آلماق ایچون اورایه بر قاج اردو کوندره بیله جکاردی . بالعکس اگر
هاجین دیدیکمز لیمانلر اوکنده پک کچ ظهور ایتش اولسه لر
ایدی او زمان مقصدینه ایرمش بوله میه جقدی .

اسکی زمانلرده اسکندر ده شو اصولی قوللانمش ، لیکن
پک بیوک بره قیاسده قوللانمشدی . کرچک ، مشارالیه کرک
هندستانه کیدرکن و کرک اورادن دوزکن کندی بری اردوسی
(نیارق) فیلسنه استناد ایتدیرمش ایدی .

حاصلی هر زمانک بیوک قوماندانلری یاه جقلری حرکات
عسکریه یی فوق العاده امین و پک قوی بر اس الحراکه ربط
ایلمک ایچون صوک درجه چالیشمشلر و بو خصوصه کرچکدن
پک بیوک اهمیت ویرمشلردر .

(۱۸۱۳) ده نابولیونک (بلوهر) ی تعقیب ایلدیکی انساده
ایکی دفعه (سیلیزیا)یه کلدیکنی و تکرار (ساقسونیا)یه دوندیکنی
کوربورز . مشارالیه بویله پامشدی . چونکه (بوهمیا) دن کلان
متفقین اردوسی (الب) ایله (درسد) ی تهدید ایلوردی .

فقط ینه بعض احوال حقیقه بیلورکه ، اوراده بر اردویی
سوقه مأمور اولان کوزلر دائما ایلرویه باقیه و بالعکس موقت
بر زمان ایچون کیرولره باققدن واز کچمه یه مجبور اولورلر . شو
دیدیکمز حاللر ایسه الک چوق مثلاً بز تعقیب ایلدیکنز هدفه

ایره جکمز زمان، اکر ترک ای دیلان اس الحركاته مقابل ایلریده کی
تشبثاتمزلک استنادینه یارار یکی بر اس الحركاته ایده بیلور
ایسه ک ایشته او وقت ظهور ایدر . جنرال (شرمان) ک (آتا -
لانتا) دن (صاواناخ) ه واورادن صکره جنوبی و شمالی (قارولین)
آره سندن کچهرک (غولدشپورو) و (زالایغ) ه دک اولان سفری
پک پارلاق بر موفقیت ایله نهایت بولمش ویدیکمز جنسیدن
بر حرکت فوق العاده در.

لکن مشارالیه دشمن قطعات عسکریه سندن بسبتون بوش
اولان یرلردن کچدیکنی و بویرلرده اردونک اعاشه سینه دائر
لازم کلان هر شیئی تدارک ایتمک ممکن اولمش بولندیغنی ده
سویله ملی بز. اوندن بشقه جنرال (شرمان) دکر کنارلرینه یتشمش
اوله چنی زمان دیگر بر اس الحركاته بوله جغنه ده امین ایدی .
بوکی بر حرکت کیریشمک ایچون ایلك اوکجه مذکور حرکتی
پک بیوک بر دقت ایله حاضر لامق لازم در . ثانیاً ایش باشنه
کچه جک اولان ذاتک ، فکر و قرارنده ثابت اولمش و دشمن
اوزرینه تفوق ایتمش بولمسی ده شرط اعظمدر. [*]

بتون شو کوزلم فائده لر ایله برابر یننه بر اس الحركاته
بسبتون ترک ایدلمش اوله چنی زمان آتی ترک ایدنلر دائماً مجهول

[*] تالانتادن حرکت ایلدیکی زمان (شرمان) کندی نقلیه عربده
لرنده یکریمی کونلکدن زیاده بیه جک بولندیورودی.

بر تهلیکه اوزرینه صچرامش اوله جقلردر . بوکبی تشبیلده
 عسکرک چوقلنی پک بیوک تأثیرلر کوسه ترر . هر حالده قوه
 عمومیه مملکتک ثروت وسامانی وبونلرک منابعی ایله متناسب
 اولمایدیر . (شرمان) جنوبی (قارولین) و (ژه اورژی) کبی اهالیسی
 جزئی اولان مملکتلر ایچنده (۶۵) بیك کیشیلک براردوباشنده
 بولنیوردی . شویله بر اردو ایسه دیدیکمز مملکتلر ایچون ایجه
 بیوک ومهم بر اردو صاییلوردی .

زمانزده اردولرک قوه عمومیه سی ملیونلری کچمکده اولدینی
 ایچون اس الحرکانه کیدن طرق اتصالیه نی بسبتون ترک ایتمک
 پک چوق مشکلاتی موجب اوله جقدر . یالکز اگر بیوک بر
 محاربه دن اول ، ابو بر هجوم استقامتی الله ایتمک ایچون طرق
 مذکورده ترک ایدنش بولنورسه او زمان پک چوق مشکلات
 چکلمیه جکدر . ننه کیم (۱۸) اغستوس (۱۸۷۰) ده آلمانلر
 (سن پریوا — لامونتان) ده بویله جه یامشلردی .

کرچک ، آلمانلر بو محاربه نی قزاندقلری کبی بسبتون سربست
 بر حاله کلدیلر واولجه ترک ایدیلان طرق اتصالیه نی تکرار اله
 کچوردیلر . هانکی احوال خصوصیه ده وهانکی درجه یه قدر
 اس الحرکاتی ترک ایلمک ممکن اوله جغنی آکلامق ایچون امین
 وسریع بر نظر صاحبی اولمق لازمدر . چونکه اگر غیرمساعد
 وترسنه بر حال ظهورایدیسه بوندن بعض پک مشغوم واغورسز

نتیجه لرك چيغه جنى طبيعيدر . نتهمكيم (۱۷۹۳) كانون اولنده
 (لوار) ك شمالنه طوغرى يورويش ياپان (وانده) بيوك اردو -
 سنك باشنه او ديديكمز بلالر ، اغورسز نتيجه لر برر برر ككش
 ايدى . لكن هر شينه رغماً ، اس الحركاتلرى ترك ايلمك قور -
 قوسيله سوداي مظفريتلى برر درلو انكله طاقيلان جنراللر
 كرچك پك نادراً بيوك نتيجه لر قزانمش اوله جقلدر . دائماً
 اس الحركاتلرينك تشكيلات و تأميناتى دوشونن جنراللر ، اكثريا
 ايش ايچون اك الويريشلى اولان زمانى غائب ايدرلر و آندن
 هيچ بر فائده كورمزلر . كرچه كندى ايستكيه كندى اس
 الحركاتى ترك ايلمك ايجه زور بر شيدر . لكن بو خصوص
 دشمن تاثيريله آپ آنسزين وقوعه كلمك لازم كلورسه او
 زمان چكيه جك مشكلات اوندن يوز كره ده شيدتلى اوله -
 جقدر .

برده ، اس الحركاتنن كسامش اردولر ، دنيلديكى زمان
 بز بو تعبيرى صرف هندسه جه بر تعبير فنى يرينه قويمايلىز .
 چونكه بزي اس الحركاتمزه برلشديرن يوللاردن بعضيسى اوزرنده
 هر هانكى بر دشمن قطعه عسكريه سنك كورونمى كرچكدن
 اويله ظن ايدلديكى كبي مدهش بر خصوص دكلدر . وبتون اس
 الحركاتمز شوندن اوترى بتون بتون الدن چيقمش اوله مز .
 يالتمز اكر بعض دشمن قطعات عسكريه سى اردومزك تامين

اداره‌سنة دائر آلمان ترتیبات عمومیه‌ی الله ایتمش اوله‌جنی
 زمان جدی تهلمک لرك ظهوری طبیعیدر .
 اکر بر اردو، کرك ایلر یلدکجه بعض یکی یکی استناد نقطه-
 لری وکرك حرکات عسکریه اجرا ایلدیکی مملکت ایچروسنده
 کندی اعاشه‌سی تأمینه کافی بر چوق ثروت و سامان منابه‌ی
 بولمش اوله‌جغندن طولانی ایچمه بر زمان ایچون اس الحركاتی
 ترک ایدم بیلورسه، بردشمن مفرزه‌سنگ او آنه قدر تعقیب ایدیلان
 خط اتصال اوزرنده کورونمسه‌نه دائر ایشیدیله‌جک حوادث
 مذکور اردونک تأخیر حرکانه هیچ بر تأثیر کوستره‌منز .
 وار دو قوماندانی بوندن اوتری اصلا فتور کتیرمه‌ملی، بالعکس
 بردوزی‌یه ایشنه باقوب یولنه دوام ایتمه‌لیدر. اردونک طورمه‌سی
 و قوماندانک تلاش ایتمی ایچون دشمن قطع‌سنگ بک بیوک
 بر قوتی حائز اولمی شرط‌در . یوقسه اوافق تفک دشمن
 قطعات عسکریه‌سنگ کیروده‌کی یول اوزرنده ویا آلمک صاغ
 وصول جهتلرنده باش کوسترمسیله برابر همان توقف ایتمک بیوک
 بر اردونک شاندن دکلدرد.

(۱۸۰۶) سنه‌سی تشرین اولنده برنجی ناپولیون (وایمار)
 دوقه‌سنگ بر پروسیا فرقه‌سیله (توره‌نر) اورمانلری ایچنندن
 کچه‌رک (مابن ورین) اوزرنده‌کی اس الحركات یولارینه طوغری
 ایلر یلمکده اولدیفنی ایشتدیکی زمان، بر دقیقه بیله کیرودونمک

خصوصی دوشونمه مشدی. مشارالیه دوقك شوایلری به حرکتی اسکی حربلرک قواعد نظریه سینه تمامیه موافق بر حرکت ایدی. کرچک، اوزمانلر، محاربه ایدن عسکرلرک عددندن زیاده هندسه اشکالنه یعنی حرب نظریاتنک اشکال هندسیه کبی حرفی حرفه تطبیق ایدلمش اولمسنه اهمیت ویریلیوردی.

(۱۸۱۳) سنه سی آغستوس آینده ناپولیون (الب) اوزرنده یکیدن تشکیلات و ترتیبات عسکریه سنی اکمال ایللمش اولدینی زمان آوستریالیلرک بو همیادن اعتباراً (باروت) واسطه سیله آلمانیاک جان اوینه قدر کیره بیلملری فکری، ینسه مشارالیهک اوافاجق بر اندیشه سنی بیله موجب اوله مدی. بالعکس (۱۶) آغستوس تاریخنده (سن سیر) هکوندریلان بر مکتوبده: «بن درسده والبالیه اولان اتصالاتنک کسلمش اولمسندن چکنیورم. یوقسه، فرانسه ایله موجود اولان اتصالاتنی ایستدکلری کبی کسسونلر؛ اونک ضرری یوق:» سوزلری ناپولیونک آغزنندن چیقتمش سوزلردر.

کرچک، اگر آوستریالیلر بزم بر آز یوقاریده سویلدی کمز وجه ایله بر یوروش نایمه یه کیریشمش اولسه لردی، ناپولیون اونلره قرشو: «اغورلر اولسون، دوستلرم! دیمه یه حاضر لاشم بوبکا بوبله جه قرار ویرمش ایدی.

اوستریالیلر هیچ شبهه یوق که، شو حرکتلریله (فراقونی)،

(توره نژ) و (هس) ایچرولرنده فرانسه اردوسنی تقویه ایچون کوندریلان بعض تعلیمات سفریه و مالزمه حربیه راست کله رک اونلری یقالار ویا بسبتون تخریب ایدیه یلورلردی. لکن هیچ بر زمان (درسد) موقع مسـتحکمنک الدن جیقمش اولمسی کبی ایمپراطورک وضعیتی کرچکدن تهلیکلی برحاله کتوره جک مهم بر هدفه، مهم بر مقصده نائل اوله میه جقلردی.

۳ — خطوط الحركات ، خطوط اتصالیه ،

هدف الحركات وخطوط رجعیه

اس الحركات اوزرینه اولان مطالعه مزى بیتوردکن صکره بالطبع خطوط الحركات وخطوط اتصالیه اوزرینه ده بر ایکی سوز سویلمه یه مجبورز. خطوط الحركات ، بر اردونک اس- الحركاتندن هدفه کیدنجه یه قدر تعقیب ایلدیکی یولار ویا جاده- لردن تشکل ایدر. خطوط اتصالیه بالعکس اردونک اوزون ویا قیصه ایجه بر زمان ییه جک، کییه جک و آتیه جق کبی هر درلو مالزمه سفریه سنی نقل ایتدی کمز شمندوفر خطلرندن دکر وقره یوللرندن ترکب ایدر. بونک ایچون کیم که، اس الحركاتی بسبتون ترک ایتمش اولور، عین زمانده خطوط اتصالیه حقنده یایمسی

لازم کلان هر درلو شیلردن آزاده قالمش بولنور؛ دیمکدر .
 (فرناند قورتس) مکسیقا طورراغنه کیردکدن صکره کیلیرنی
 یاقدینی زمان، پک آز مسکون اولان شو یبانجی مملکت ایچنده
 ساحله کیدن طرق اتصالیه بی کندی اوفاق مفرزه سیله الدن
 چیقارماق ممکن اوله میه جغنه هیچ شبهه سز قناعت حاصل ایتمش
 ایدی . لکن بو درلو یاقدینی ایچون مشارالیه ایکی غائله نك
 ایکسفی ده بردن اوزرندن آتمش بولنیوردی .

دیگر جهتدن هر درلو مالزمه سفریه ایله طوب طولواولان
 بر اس الحركات، اردو بی کندیسنه ربطایدن یولار امنیت ایچنده
 بولندجیه هیچ بر فائده بی موجب اوله من . اردو نه قدر بیوک
 وکیرولره اولان احتیاج نه قدر چوق اولورسه خطوط اتصالیه
 دها او قدر زیاده و مکمل اولمیدرلر . قوای عسکریه نك شاشیله-
 جق بر بولده آرتمسی طرق اتصالیه نك ده قیمت واهمیتی اودرجه
 آرترمشدرکه، بعض مؤلفر سوق الجیش علمنی تعریف ایدرکن
 «سوق الجیش طرق اتصالیه دائر بیان معلومات ایدن بر نظریات
 کتایبدر» دیمیه جسارت ایدیورلر .

کرچه بو تعریف پک اکسیک، پک طار بر معنایی حاویدر .
 لکن . (ویلیزمن) کبی بعض عسکر محررلری ده آنی اوله جیه
 قوللانیورلر .

اک ایو اتصال یولارینی جاده لر، بیوک یولار تشکیل ایدرلر .

شبهه يوق که، دشمن بودیدیکمز يوللره صارقندیلق ایدر، اونلره حاکم اولور و بلکه بعض قسملرینی بوزار. لکن اونلری بسبتون بزم المزدن آلتق پک مستثنا، پک نادر واقع اوله بیلور. زیرا، اکر بو يوللاردن بریمی قبادلمش اولورسه، دیگر بریمی آچیق بولنه جقدر. و بناءً علیه آنک واسطه سیله، جزئی بر طولاشمه دن صکره، اصل جاده یه وارمق پک اعلا ممکندر. بر اردو بیوک يوللری، طرق اتصالیه یرینه قوللاندقجه ایلك استقامتی تعمدیل ویا تبدیل ایتک لازم کلدیکی زمان اک آز مشکلاته اوغرار.

یازیق که، عربهلر ویوک حیوانلری آنجق پک یواش یواش یورور و نسبه اهمیتلری آز بعض یوکلر طاشیه بیلورلر. یاغور و قار اونلرک یورویشلرینه بشقه درلو بر تاثیر اجرا ایدر. اک ایو یاپلمش بریول، برشوسه ایلری یه وکیرویه ایشلیان قافله لردن اوتری اک صکره بوزیلور؛ فنا بر حاله کیرر. طاغ و کچی يوللری ایسه بلکه بتون بر قیش موسمی باشند نهایتیه قدر بوزوق و قبالی بر حاله قالور.

شو صوک زمانلرده طرق اتصالیه اوزرنده ایشلیان قافله- لردن اک ایو بر صورتده استفاده ایتک ایچون بر قاچ درلو واسطه لره مراجعت ایدلمشدر. از جمله شرقی اوروپاده کورلیدیکی کبی آغاچ رایلر اوزرینه قوتلی بارکیلر ایله چکیلور عربهلر، تراموایلر قوللاندلمش و بخار ماکنه لرله تحریک ایدیلور تره نلر

ایجاد اولنشده. لکن شو دیدیکمز وسائط نقلیه آنجق بیوک یولارده بر ایش کوره بیلورلر. یوقسه هیج بر زمان باتیقه لرده، کچی یولارنده قوللانیله مزلر. واصلایین الملل تجارت ائناسنده قوللانیلان وسائط نقلیه سرعتی حائز اوله مزلر.

طرق اتصالیه سی یالکز جاده لردن عبارت اولان پک جسیم بر اردو، یاپیله جق حرکات ائناسنده بعض اوافق نفک سگته لره اوغرایه جق وزمان حاضر سفرلرینه کوره آغیر بر اردو یرینه کچه جکدر.

شرقه آناطولی و بالقان شبه جزیره سنده یاپی-لان بتون سفرلر شو دیدیکمز ال پارلاق برر مثال اولورلر. بونک اوپله اولدیغنه بسبتون اینانق ایچون اکثریا مذکور سفرلرده ارزاق و مهمات حربیه نك اردونك کیروسندن کلان استرلر، بارکیرلر و دوه لر ایله نقل ایدلیدیکی بر کره دوشونمک الویرر. مملکتک عادتیه کوره اوکوزلره طاقیلی بولنان عربهلرک کوره جکلری ایش ایسه آنجق دوز یرلره و اووه لره منحصردر.

نهر یوللری، قنالر و بالذات بیوک نهرلر اک کوزل طرق اتصالیه دن صاییلورلر. صو واسطه سیله نقلیات عسکریه هم پک اوجوز، پک قولای همده پک بیوک بر مقیاسده اجرا ایدیلور. شمیدیکی زمانلرده از جمله (الب) اوزرنده اولدینی کبی بیوک ماثونه لر بخار ایله سوق ایدلیدیکی ایچون نهر یوللرینک حاصلات

نقلیه‌سی آسی و قتلرک یالکز کوره‌ک ویلکن ایله یاپیلان ،
 سوقیاتنه نظراً پک زیاده ایلرولمش بولنیور . حتی اسکی زمانلرده
 بیله دارالحرکاتی ایکی یه بولن وسطی (الب) خطنک الده بولنسی
 بیوک فرهدریقک بو همیا وساقسونیا سفرلرنده خصملرینه غلبه
 چالسی ایچون الک چوق اجرای تأثیر ایدن شیلردن بریدر .

لیکن شو دیدیکمز نهر یوللرینک دائماً قیمت اصلیه لرینی
 آزالنان بر شی وارکه ، اوده ایچه سرت کیدن بر قیئش موسمی
 آنلری طوکدردیغی زمان استفاده ایتک ممکن اولهمیه جنی کبی
 اولر اوزرنده تبدیل استقامت ایتکده ممکنمز اوله جقدر .
 بونک ایچون اگر حرکات عسکریه ده آنسزین بر بشقه رنک ،
 بر بشقه چهره ظهور ایدرسه نهر یوللرینک ده بو
 کون یارین الدن چیقمسسی ، حکمسنز قالسی پک طبیعی
 بر شیدر .

اردوایله اوکا لازم اولان هرچشید قوای عسکریه نک جلب
 ایدلدیکی منابع آره سنده طرق اتصالیه یرینه کچن هرهانکی بردکز
 بر آزاول سویلدیکمز ایکی محذوردن ایکسجیسی ده جامع دکلدردر .
 چونکه دکز بردفعه بسبتون شماله یقین دکزلردن بری دکلسه ،
 بوز طوتمز . برکرده وسائط نقلیه نک سوقی ایچون یالکز بر
 بول ، ثابت وغیر متحول بریول تشکیل ایتمز . بالعکس ایستنیلان
 استقامته یوز چوپرمک ، او طرفه طوغری یوریمک ممکندر .

لځن اوندن ايسټديکمز کې استفاده ايتک، دشمن ډگر اوزرنده بزه ضرر ويره بيله چکي مدتيجه اوکا قرشو قويه بيلمک ايجون يالکږ برشرط لازمدر : اوده سوقيات عسکريه برليمانه ويامحدود بر ايکي ليمانه استناد ايتمه ملي . بالعکس بر چوق بيوک ليمانله مستند اولمليدر . چونکه اکر ايلک زمانلرده دها ليمانلرک بيوک بر قسمي الدن چيقارر وایشمز کوچز يالکږ برليمانه وياديديکمز کې اهميتلری جزئ برقاج ليمانه قالورسه اووقت خصم دونمائي ليمانک قپوسونده بزم وسائط نقلیه مزی بکلر وانلری بره برر محو وپريشان ايلر .

کذلك ، کندی منطقه من کنارنده واقع بعض ليمانلرک قيش موسملرنده بوز پارچه لری واره صره ظهور ايدجک فورتنه دن طولايي قبادلمش اولمالرېخې ده نظر دقتدن اوزاق طوتاملي بز . چونکه اکر مذکور ليمانلرک قبولری ديدیکمز وسائط ايله قبادلمش اولورسه وبزده اوکا هيچ اهميت ویرمه مش بولور ايسه ک بالطبع اتصالات بحريه ده آره صره کسلمش اوله جقدر .

بزه کوره اک ايو اتصالات شمندوفر خطلريدر . چونکه تيور يوللری نه صغوق ونه صيجاق طانور ، نه روز کار لهنده اوزون اوزادی به وقت ايسترلر . لکن هر کوزلاک بر قصوری اولدینی کې آنلرک ده بعض قصورلری وار . از جمله بر آند

نقل ایديله جك يوكارك وزنى، ثقلنى اعتباريله اونلر صويوللرينه
 نظراً برآز آشاغى قالورلر . اوندن بشقه نهر يوللرى نصل
 باش قوماندانك ايسه تديكى طرفه تبديل استقامتدن عاجز ايسه
 اونلر ايجون ينه عين وجه ايله تبديل استقامت ايدمه مك
 محذووى واردر . لكن ضربده على العموم تيمور يول شبيكه لرى
 نهر يوللرندن زياده وصيقدرد . بونك ايجون اردو هر زرده
 آنمزين برتبديل استقامت ايدمه جك اولورسه اوراده عرضانى
 برتيمور يولى ، برالتصاق خطى بوله جغنه واوندن استفاده ايدمه
 جكنه امنيت كوستره بيلور . يازيق كه ، دشمن ايسه تديكى زمان
 شمنندوفر خطلرينى ميايه جاريه دن زياده قولايلىق ايله تخریب
 ايلمك اقتدارينى حائزدر . وعلى الخصوص تيمور يول شبيكه سى
 ايجه كنش و طاغنى ايسه اونلرى صيق ، صيق نظارت آلتنده
 بولندرمق شرطيله ينه هپسنى بردن خصم تيجا-اوزندن ، خصم
 تهلكه سندن قورتارمق اصلاً ممكن اوله ميه جقدر .

شمندوفرلر، طرق اتصاليه نك يك حساس وپك نازكارينى
 تشكيل ايدرلر . بوندن اوترى اونلرك بر ايولكى ده-واركه ،
 اوده بزايسه تديكمز قدر كنديلرندن استفاده ايدمه بيلديكمز حالده
 دشمنك اونلردن استفاده سنى منع ايتمش اوله بيلمك-كمزدر .
 بيوك صو-مجرالرينى طيق-امق وقوللانمز بر حاله كتورمك
 ممكن سزدر . شو خصوص بيوك جاده لر ايجون ده براز كوچ ،

لكن تيور يوللرى ايجون بك قولايدير .

عزيزت نقطه لرى ساحلده بولنورده خصم قطعاتك ينه اك
چوق مذكور نقطه لرده شمندوفر خطنه ياقلاشمسى ممكن
اوله بيلان يرلرده خصمك موقتاً استفاده سنى منع ايدە بيلمك
ايجون واغون ولوقوموتيف كې وسائلك هپسنى بردن مملكت
ايجرولرينه سورمك لازمدر .

حقيقت ! شويله ياپيلورسه دشمن بتون وسائل نقليه سى ،
اردوسنك مالزە سفرية و حربيه سەنه حصر ايدلمش اولدينى
برزمانده واپورلر ايله ساحله واغون ولوقوموتيف چيقارەيه
بو بسايلهده خصم شمندوفرلرندن فائده كورمەيه وقت
بوله ميه جقدر .

كرچه بو خصوص محال برشى دكلدر . لكن دشمن ديديكمز
شمندوفرلردن استفاده ايدە بيلمك ايجون ساحله چيقارە بيله جكى
برمقدار وسائل محرکينى اورايە كتورنجهيه قدر كرچكن بك
زياده مشكلات چكه جكلدر . اوتەكى خطله يعنى ساحلدن اوزاق
اولانلره كلنجه اونلر اوزرنده آيلرله قطع مواصلات ايدە .
بيلمك ايجون ياللكز بعض انشاآت صناعيه يى ومثلاً كوبرى وتونل
كې شيلرى برهوا ايتك الويرر .

شوبولنديغمز شمندوفرلر خصوصى ، بزي اكثر باطن
اولندينى كې خطوط الحركات ايله طريق اتصاليه نك عين شيلر

اولدیغنی سـویلمه‌یه مجبور ایدور . گرچک ، تیمـور یولـلری
 پک مشکلات ایله خطوط الحركات وظیفه‌سنی کوره‌یلورلر .
 زیرا شمندوفر اوزرنده‌ایکن دشمن مملکتی ایجرولرینه کیرمک ،
 اطراقی ضبط ایلمک ممکن اوله‌مز .

گرچه بونک بعض مستثنالری وار . لکن اونلر پک نادر
 اولدیغیچون بوراده سویلنمکه دکرلری یوقدر . طرق نهریه‌نک
 خطوط الحركات خدمتی کورمسی ینـه پک نادراً واقع اولان
 شـیلردندر . بونک ایچـون طرق اتصالیه نقطه نظرندن اک
 کوزل فائده‌لری حصوله کتورن شوایکی جنس خطک ایکسی‌ده
 پک مستثنا زمانلرده خطوط الحركات وظیفه‌سنی کورورلر
 ویاخود اصلاً بویه برایشده قوللانلمش اوله‌مز لر .

بعض حالار وارکه ، اوراده خطوط الحركات اساساً طرق
 اتصالیه‌دن آیرلمش بولنور . (۱۸۷۰) تشرین ثانیه‌سنده ایکنجی
 آلمان اردوسی (لووار) اوزرینه یوروش یایمه‌یه باشـلادیغنی
 زمان (ترویه‌س) ایله (سانس) و (نه‌مورس) دن کچهرک (ژو -
 آنویل) دن (پتیویه) ه کیدن یولی خط الحركات اصلی انتخاب
 ایلمش ایدی . لکن عربیه ایله قطع ایدیه‌جک مسافه‌نک چوق
 اولدیغیچون بویولی اوزون اوزادی‌یه تعقیب ایتک لازم کلزدی .
 بناءً علیه (شومون) ، (شانلیون - سور - سن) ، (طونتر) ،
 (ژوآنی) ، (مورده) ، (مونتارزیس) و (ژوویزی) دن کچهرک

(اورلئان) ه کیدن (ژوآنویل) تیمور یولی ترجیح ایدلدی .
 آره صرهدده (پارس)ك برآز ایلروسنده (لانی) موقعنده نهایت
 بولان شمندوفر خطندن استفاده اولندی. شوحاله نظراً خط
 اتصالات، خط الحركاتدن ایجه اوزاق بولنیوردی. بعض کره لر
 دشمن قطعات عسکریه سنك، براردونك خطوط الحركاتنی کیروندن
 کسمش اولمسنده پك اوقدر بر باس کوریه مز . چونکه اردو
 ایلرولدیجه مذکور خطلرك هیچ بر اهمیتی قالمز. لکن بر شرط
 ایله قالمزکه، خطوط الحركات مذکوره عین زمانده طرق اتصالیه
 خدمتی ده کورمه یه مجبور اولسونلر ؛ یعنی عین زمانده هم
 خطوط الحركات وهم طرق اتصالیه اولسونلر.

کرچك، طرق اتصالیه ایله خطوط الحركات اکثراً بر برینه
 یاقاریشیورلر ویاخود موازی ویقین اولورلر. بو وجه ایله دشمن
 اولنلردن بریسنی کسمش اولسه اوته کی ده عین بلایه دوشمش
 بولنور .

هر شیدن اول طرق اتصالیه یی کوزل باقق، کوزل محافظه
 ایتك ایستر. اولنر نه قدر اوزون اولورسه شبهه یوق، که اولنری
 ابو بر حالده طومتق و محافظه ایتك اوقدر زور اولور. حاصلی
 اولنر تهلیکلی بر وضعیتده قالدیجه دشمن اولنری اوقدر زیاده
 قولای الده ایدر وعسكرك تقویه سی، اعاشه واداره سی ده بالعکس
 ده اوقدر کوچ اولور. پك اوزون خطوط الحركات اوزرنده

ایلمری به کیدلیدیکی زمان مذکور خططر، ینه عین نسبتده اوزون اتصال یوللارینه احتیاج کوستردکاریمچون دائماً بیوک بیوک مشکلاته اوغرامق طبعیدر . اکثریا بویله پک اوزون اولان خطوط الحركاتك تأثیر ذاتیلمری بتون برسفرک الدن کیتمسنی موجب اولور . (ماسهنا) مك (ایزبون) اوزرینه یوروشی، ناپولیونك موسقووه سفری ویاخود (۱۷۴۴) سنه سنده فرهدریقك بوهیمایه قرشو حرکتی بوقبیلدن برر سفر ایدی . بش ویا آلتی کونلك یوروشدن زیاده مسافهینی حاوی اولان بر اتصال یولی اوزون بر یول کبی تلقی ایدیله بیلور . شو حالده هیچ اولمزسه اردونك ارزاق وجبخانه سیچون یکی براس الحركات وجوده کتوریلورسه پک ایو برشی یاپلمش اوله جقدر . نته کیم (۱۸۷۰) کانون اولنده آلمان ایکنجی اردوسی (لووار) . کلور کلز اوپله براس الحركات یایمه یه تشبث ایلمش ایدی .

اس الحركات نه قدر کوچك وطار اولورسه ، طرق اتصال لیه نك كسلمش اولمق تهلكه سی او درجه زیاده اوله جقدر . كرجك اس الحركات نه قدر قیصه اولورسه خطوط الحركاتك برلشدكلری نقطه ده یعنی هدف جوارنده کی زاویه او درجه کوچك برزاویه اولور .

لكن هیچ شبهه یوقكه، برزاویه حاده، وسعتی جزئی اولان برزمین منطقه سنی برزاویه منفرجه یه نسبتاً دهها آز اورته بیله-

جکدر . آتک ایچون شویله بر منطقه نی صاغدن صولدن چویر-
 مک، پک قولای بر شیدر . بر برینه پک یقین اولان خطوط
 الحركات كذلك ایچمه قولای وچابوق بر حرکتله قطع ایدلمش
 اوله بیلورلر . اسکی وقتلرده عسکرلک نظریاتچیلری اردونک
 تأمین کاتچون خطوط الحركات آره سنده بیوک زاویه لر
 اولسنی ایستیرلردی . لکن پک هندسه جه بر فکر دن عبارت
 اولان شو نظریات، سطحی بر نظریاتدر . اصل دوشونیه جک
 شی، اردونک کیرولرنده تقلیات عسکرینه نک هیچ بر وجه ایله
 سکتیه اوغرامه سیدر .

کمیلرک حرکتله مساعد وپک چوق کنیش بر نهر، ایچرو-
 سنده شمیدیکی حرب سیفینه لری قوللانلق شرطیله ، پک او-
 زون اولسه بیله ینه اک ایو بر مواصله یولی تشکیل ایده بیلور .
 شوبحث اوزرینه اهلینک آز ویا چوق اولسنک، استیلاردو-
 سیله اهالی بیننده کی وضعیتک، واهالیسده کی حسیات جنکوران-
 نکده پک چوق تأثیرلری واردر . اونکله برابر ، قطعات
 عسکرینه نک قوه عمومیه سی ده ینه بیوک بیوک تأثیرلر کوستردر .
 اک مهم شی، اردونک قوه عمومیه سی، اشغال ویا استیلا ایدیه-
 جک زمین منطقه سیله متناسب می، دکللی، ایشته اوراسنی بیلمکدن
 عبارتدر .

برنجی نابولیونه دائر یازدینی اثر نفیسنده قونت (یورق)

شو خصوصده پك نافع بر موازنه يامشدر . حقيقت ! مشاراليه
 بزه ديوركه ، ناپوليون حربيه باش-لادقدن اوچ بچق آي صكره
 موسقويه كيرمش ايدى . وكيروس-سند (نيه من) صوينه قدر
 (۱۱۵) آلمان ميلندن يعنى همان (۸۶۲) كيلومتره دن عبارت بر
 اتصال يولى وار ايدى . ايمپراطورك يوريمش واش-غال ايتمش
 اولدينى مسافه نك هپسى (۴۳۰۰) ميل مربنده ، اردوسنك
 بتون قونى ايسه آنجق (۲۱۳) بيك كيشيدن عبارت ايدى .
 اعلان حربدن اوچ بچق آي صكره آلمانلر كندى قوتلرينك
 قسم كلايسى ايله حدودك (۴۵) ميل اوته سند يعنى همان (۳۳۷)
 كيلومتره وزاقدده پارس او كنده بولنيورلردى . آلمانلر يوريمش
 واش-غال ايلمش اولدقلى مسافه نك هپسى (۱۳۰۰) ميل
 مربنده ، قوه عموميه لرى ايسه (۴۲۵) كيشيدن عبارت ايدى .
 شو حسابدن پك ايو آ كلاشيلوركه ، (۷۰) حربنده آلمانلر
 ناپوليوندن زياده كندى دارالحركاتلرينه حاكم بولنيورلردى .
 كرچك ، بوراده آلمانلر طرق اتصاليه سنده طوغرى يوريمك
 دوشونلميه جك ، خاطره كلييه جك درجده زور بر شى ايدى .
 واكر اونلر كيرولرنده بعض فنا-شيلرك ظهور ايتمش ومثلا
 بعض دشمن عسكترلرينك طرق اتصاليه دن بر قسمنى ضبط
 ايلمش اولدينى فرض ايدر ايسه كينه (۱۸۱۲) موسقويه
 حربنده فرانسر اردوسنك ضياعنه سبب اولان مهلك نتيجه لر

قدر مضر نتیجه لر حصوله کله میه جکدی .

اونک ایچون دیمک ایستیورز: اگر براردونک اس الحركات
ایله اولان طرق اتصالیه سنی ایودن ایویه برتأمین ایلمک آرزو
ایدیلورسه هر شیدن اول دارالحركة حاکم اولمق واکر قوای
عسکریه نك دائماً محاربه دن چکنمیه جک برحاله قالمسی ایستیلور-
سه ینه آنلرک طرق اتصالیه سنی کرچکدن بیوک بر امنیت ایچمه
آلمق لازم کلور . اک چوق دوشونیه جک شی یالکز خطرلدن
هر بریسنک وضعیت وامتدادی و برلشدکری یرده حصوله
کله جک زاویه نك مقداری بزم ایستدیکمز کبی اولمقدن عبارت
دکلدر . بالعکس آنکله برابر قوای عسکریه نك اشغال ایدیه جک
منطقه ایله متناسب اولمسی و آندن بشقه مذکور منطقه نك هر
یرینه حاکم بولمسی ده شرط اعظمدر .

براس الحركاتك، برجهه الحركاتك دیکشدرلمسند نه درجه-
مشکلات اولدیغنی ایودن ایویه آکلامق ایچون هر قول
اردونک، هر فرق نك کیرولرنده برایلری، برکیروکیدن قافله لرک
جسامتی دوشونمک یتیشور . کرچک ، هر هانکی بر جبهه یی
اشغال ایتمش اولان براردونک اقسام عسکریه سنی بردن بره
دیکشدرمک قدر مشکلاتی، قاریشقلنی موجب اولان هیچ بر
شی یوقدر .

اکثر زمانلر کرک یازی وکرک تلغراف ایله دیدیکمز اقسام

عسکری بی، قطعات محاربه‌یه و بط ایلمک نمکن اوله جقدر .
 بونک ایچون آنلر، کندیلرینی هدف حرکته کوتورن طرق
 اتصالیه بی آرتق تعقیب ایدمه‌یه جک اولدقلری زمان، کیده جکلری
 یرلره کینمک خصوصنده بیله پک زیاده شاش-یره جقلر و حتی
 بولارینی بوله‌یه جقلردر. حاصلی برجه‌الحرکات ویا براس الحرکات
 دیکشدرلدیکی زمان اکثریا اوتوده بریده کندی جزء ناملرینی
 بولق ایچون سرسریانه کزینور قافلر و سوریلره تصادف
 ایدیلر جقدر .

ش-ویله برتبدل وقوعه کلدیکی زمان هر درلو مش-کلاتدن
 چکنمک ایچون الایو چاره، یواش یواش اسکی انصاق یولارینی
 براقق و کیتدکجه بونلرک یکیلرینی تش-کیل ایلمکدر . لکن بو
 اصوله مراجعت ایده بیلیمک ایچون ده اس-کیسنه کوره وضعیتی
 عرضانی بریکی اس الحرکات بولق و بولنسه بیله آنی ایستدیکمز
 کی تجهیز و تشکیل ایتک خصوصنده ایجه زمان لچمک لازمدر.
 کرچک؛ طرق اتصالیه دن بریسنی دیکشدرمک ظن ایدلیدیکی
 قدر قولای برشی دکلدر. یالکز بدایه قوللانديغمز اس الحرکات
 کونیه واری برشکلی حاوی اولور ویا خود اس الحرکات خدمتی
 کورن اراضی اردونک اطرافنده بریارم دائره تش-کیل ایتمش
 بولنورسه اوزمان طرق اتصالیه دن بریسنی دیکشدرمک قولای
 اولور . بو قیلدن بر اس الحرکات قوللانمک فائده‌سنی ده ایا

آكلامق ايجون طرق اتصاليه يي ايستنيان طرفه چويرم كدمكي
قولايلىنى دوشونمك يتيشور .

لكن بتون شو ديدكلمزدن متحرك براس الحركانك اوتە-
كيلردن هېسنه فائق اولدينى مسئلهسى ده آچيقدن آچيغه ميدانه
چيقمش اوليور . كرچك ، اكر بوزق اولان تيموز يوللرني
على المجله اسـ تفاده ايديله جك برحاله كتورمەنك يولنى بيليور
ايسەك، بز حركانغزك استقامت عموميه سنى دكيشديرمەيه قرار
ويرديكمز آندە بيله اس الحركانغزى تأسيس ايدر وديكر براراضى
اوزرنده عسكرك اعاشه واداره سنه لازم كلان هرشيئى كوتوره-
بياورز . شو نقطه نظردن كوريان سربستىء حركت قدر هيچ
برشى سردار اكرم اولان ذاتك فكر ايجادينه قوت وسرعت
ويرمەيه جكدر . يعنى اس الحركات وخطوط الحركات ايشارى نه
قدر سريع الجريان اولورسه باش قوماندان او قدر زياده سريع
الافكار وسرست قالور . وهيچ شـبـه بوق ؛ كله جك زمانك
صنعت عسكريسى شو نقطه نظردن شيمدى به قدر تاريخلرده
كورديكلمزدن بك اعلا وبالا مثاللر كوسترمە جكدر .

طرق اتصاليه سى نه قدر چوق اولورسه براردونك حركاني
او درجه امين وكوزل اولور . اك ابو وبلهكه اك چوق نظرى
براصول، اداره واعاشه سى مستقل اولان جزء تاملره آيرى
آيرى برر يول كوسترمە كدر . حال حاضرده بيوك اردولرك

اکثریسنده بوجزه تاملر قول اردولردن عبارتدر . (۱۸۷۰)
 حربی اثناسنده آلمانلر بلکه دائماً کندی تعرض اردولردن
 هربریسنه خصوصی برر یول ویرمهیه موفق اولمشلردی .

شون حرکانک توجه ایلدیکی مقصده (هدف) دیرلر .
 حربیه مهم تشبثلرک هپسی ، قوای عسکریه نك مشترك برحرکت
 باشنده بولملرینی ایجاب ایتدیکی ایچون یوروش خطلری بالطبع
 متقارب خطلردن تشکل ایتیش اولمیلدرلر . لیکن شو تعریفدن
 اوتری صاقین هدف الحرکانی یرنده ثابت برشی ظن ایتیمه لم ! .
 باله کس هدف الحرکات متحرک برشیدر . اونک ایچون خطوط
 الحرکانک یالککز اولجه تقرر ایدن برنقطه اوزرنده براشمش
 اولملری لازم گلز . باله کس خطوط الحرکات ایجه السیتی برشی
 اولمیلدیرکه ، دشمن بردن بره اوکمزه چیقیدینی زمان اونلری
 دیدیکمز نقطه دن برآز اول ویاخودینه ایجاب حاله کوره اولجه
 دوشوندیکمز نقطه نك بر آز کیروسنده برلشدرمک ممکن اوله .
 بیلسون .

بر آنده کچلمسی ناقابل بعض موانع طبیعیه ایله بربرندن
 آیرلش بر چوق خطوط الحرکات قوللانمیهنی خوش کورمک ،
 خوش برشی دکلدیر . چونکه بوندن خاطره ، خیاله کلدک
 مشکلات ظهور ایده بیلور . کرچک ، اوילה یاپلیدینی زمان اگر
 دشمن بزدن چابوق وبزدن بیوک قونلر ایله ایش باشنه کچمش

بولورسه، اردونك اقسامنى بر، برر محو ايتدرمك تهللكهسى
واردر. چونكه دشمن ديدىكـمز كې بزدن قوتلى وبزدن
چابوق اولدينى ايجون خطوط الحركادن بركره برىسنه، بركره-
ده اوتە كىسنه يوكلنهرك اونلرى تىكر، تىكر اوره بيلور.

قوتجه كندىسنـدن بيوك بر دشمن اوكنده كىرو دونغيه
مجبور اولان براردونك تعقيب ايلدىكى خطوط الحركانه رجعت
يوللرى ديرلر. اونلرك اتخابى قسماً خطوط الحركانك وضعيت
واتخابندهكى شرطلردن فرقلى شرطلره نابعدر.

بهمه حال دشمنه قرشو قويىمقدن واز كچمەيه ويالكز اونك
ضربه لرندن قورتلمەيه مجبور اولان بوزلمش براردو هم اس الحـر-
كاتى اورتىك هم ده كندى اعاشه واداره سنى تأمين ايلمك ايجون
طرق اتصاليه دن برىسنى خط رجعت اتخاب ايليە جكدرك [*].

[*] بواردو نه قدر زياده آغير اولورسه، آنك اعاشه سى او قدر
زياده كوج و بناء عليه كندى طرق اتصاليه سـنه اولان احتياجى او قدر
چوق اولور. شمدىكى زمان تشكيلات عسكريه سنك وجوده كـتوردىكى
بيوك اردولر و مثلاً (۱۸۷۰-۱۸۷۱) سنه سى قيش موسمـنده فرانسز
اردولرى كې شمندوفر خطلرىنى بسبتون ترك ايتش اوله مزلر.

بالقان شبه جزيره سندهكى صوك حرب اشاسنده ترك اردوسـنك
اودرجه متانت كوسترمش اولسى، هب اوروياجه بر مثالنى دكل برخيالى
بيله كوره مديكمز عسكركلرك غيرتيله در.

بونكه برابر، جنرالرك اك چوق مشكلاته اوغرامش بولملىرینه

لكن بز شمدیكى حالدہ دشمن ضربہ لزندن چکنمك ایچون
 کیزلنہ جك یر آرایان و بردوزی یه کیرو چکیلان شویله براردودن
 زیاده ، رجعت ایلمه کله برابر محاربه یه دوام ایدن و مملکتک
 مدافعه سی یولنه جان و یرن بر اردویه دائر سوز سویلمه ک
 ایستورز . اوت ، بزم شو سویلمك ایستدیکمز اردو ، یالکز
 کندیسنك موقتاً خصم اردوسندن آز بر قوتی حائز اولدیغنی
 بیلور . مقصد اصایسی کیرویه قاجق و قورتلق دکل ، بالعکس
 بر آز کیرویه چکلمش اولمقه له تزید قوت ایلمك و بر موازنت
 حصوله کتورمکدر . بوندن آکلاشیلیور ، که رجعت ایچون
 قوللانیله جق یولار اردونك کندی قوای امدادیه سیله برلشمسینه
 مساعد اولان یوللردر . رجعت ایدن براردو ، اکثریا اتصالات
 واس الحراکتندن بشقه برشی ایله تمجیز ایدلمش اولماق ایچون
 کمال جرانله خصمنه مقابله ایدرک اوسایه ده ایشلرک بردنبره یوز
 چویرمسنه خدمت ایلیه بیلور . بونك ایچون مثال ایسترسه کز
 یالکز (بلوهر) ایله (کینازنه ناو) ی بردوشونکر !

کرچک ، (لینی) میدان محاربه سی غائب ایتدکدن صکره
 بویکی جنرال ، کندی خط اتصال طبعیلری اولان (لی یژ) -

سبب ینه یوللرک درجه کفایه ده اولماسیدر . چونکه اونلر بوندن اوتری
 هیچ بر حرکتی ایستدکاری کبی سریع و سربست یاه میورلردی . شو بیوک
 محذور اک چوق (لوم) وادیسنده کی عثمانلی اردوسنه اجرای تاثیر
 ایش ایدی .

(مستریش) یولنی خط رجعت یرینه قویمدیلر. بالعکس انکلیزبر ایله برلشمیرینه یاردم ایتمی ممکن اولان (وایور) - (تیللی) یولنی انتخاب ایلدیلر. واک صکره بودرلو یابدقلمچون تام زمانده (وانرلو) میدان محاربه سنه یتشمه یه، مصادمه یی قزانمه یه، بتون سفره ایشیدلمک برنتیجه ویرمه یه و آب آنسزین برنجی ناپولیونک دور تحکمنه کوزل برخاتمه چکمه یه موفق اولدیلر .

خط رجعت ایله خط اتصالک بربرندن آیری دوشملری ایجه اوزون سورمه ملیدر . چونکه بوندن اوتری اردونک یا کاملاً محو اولمی ویا پک چوق احتیاجلره دوشمی کی تهلکلی حاللر چیقار. کرچک، دیدیکمز یوله امدادلریمزله برلشمه یه موفقیت حاصل اولسه بیله ینه کندی قوتلریمزله دشمن قوتلری آره لرنده تأسیس ایلمک ایستدیکمز موازنه یی بولمک ممکنسزدر . بو نتیجه، بلکه بعض زمانلر ومثلاً رجعت ایدن اردویی مستحکم یرلر اوزرینه چکهرک حاصل اوله بیلور . لکن اگر شو حالده خط رجعت ، خط اتصالک عینی دکلسه، ظهور ایده جک نتیجه لر اولکی حالده کیلردن زیاده مهلك اوله جقلردر . کندی امدادلری اوزرینه چکیلان و آنلر ایله برلشان بر اردو، اکثراً اوراده قطعات عسکریه نك اداره سیچون لازم کلان شیاره تصادف ایدر. حاصلی قوای امدادیه، هیچ اولزسه، یکی براس الحركاته ایستندلیکی کی جابوق بر یوله ربط ایدله.

میه جک درجده فنا بر وضعیتده بولنش اولمز . یعنی اونلرک مالزمه سفریه لری البت یکی براس الحرکانه کچمهیه واورادن ایش کورمهیه مساعده ایده جک بر مکملیتده اولور .

اگر بو دیدیکمز یکی اس الحركات، رجعت ایدن اردونک کیروسه نده دکل ، بالعکس یانلرندن بریسه نده بولنورسه ، شو خصوصی بر محذور اولقیدن زیاده بیوک بر فائده در . یالکز بر شرط ایسترکه، اوده خصم اوزرینه بر تأثیر کوستره بیلیمک ایچون قوای امدادیه ایجه بیوک ویاخود مواضع مستحکمه ایجه مهم اولمیلدرلر . چونکه دشمن بو وضعیتده ایکن یالکر یکیدن هجوم اتمهیه دکل، حتی یوریمکده اولدینی استقامتی دیکشدرمهیه بیلر مجبوریت کوره جکدر . مشهور بر فرانسه جزالی دیورکه، یانلره دوشن اس الحركاتلر ، دشمنی مملکت ایچرولرینه کیرمکدن منع ایچون اکثریا ک قطعی واک ایو تأثیرلر کوسترلر .

براس الحركات جنبیه کیدن و دشمن اردوسنی کندی هدفنه یوریمکده سربست بر اقان بو رجعت خطلری اصولاً (متباعد خط رجعتلر) نامنی آیلورلر .

اس الحركات متحرک یعنی تیموریول شبیکه سی، اوکا کرچمکن حاکم اولوق شرطیله ، علی العاده براس الحركات جنبیدن زیاده ، متباعد خط رجعتلرک تدارک واستعمالنه مساعددرلر . حقیقت ا شمنندوفرلر ، اولجه طریق اتصالمزی تشکیل ایدن یولدن بشقه

بر خط اوزرنده كیرویه چكلیكمز زمان اردونك اعاشه سنی پك
چوق تأمین ایلدکری کبی قوای امدادیه نك بر آن اول کوتورلمش
اولسنی ده تسهیل ایدر لر. بوسو یلدیكمز دن الك زیاده مدافعین جعتی
فائده کوئور. چونکه او، حرکات عسکریه سنی کیندی طو پر اغنده
یابار .

اگر رجعت ایدن بر اردونك تزايد قوتجه اولان احتیاجنی
كرك بعض مواضعی طو تمق و كرك قوای امدادیه یه تقرب ایلمك
سایه سنده بر طرف ایتك ممكن اولور سه اوزمان الك چوق تأمین
موفقیته یارایان اس-تقامتده کی خط رجعت-لردن بریسنی انتخاب
ایلمك مسئله سی، باشلی باشنه برایش اوله جقدر. صحیح! بو نقطه
نظردن قواعد مثبتیه وضع ایتك هیچ بر زمان ممكن دكلدر .

۴ — تداركات سفریه، سفر برلك زمانی، سوق الجیش تجمعی، سوق الجیش یا یلمه سی

هیچ بر اردو، تداركات عسکریه سی نامنه هیچ بر شی
یا مقسزین یا لكز وقت حضریده کی قوتیه سفره کیده مز. بونك
سبی شیمدیکی تشکیلات عسکریه مزدن ایاری كلور. چونکه
تشکیلات مذکوریه نظراً بر حرب وقوعه كله جکی زمان تشکیل

ایدیله جک قطمانک یالکز چکیدکی یعنی اساسی وقت حصریده موجود اوله بیلور. حتی سوبلدی کمز قطماندن بمضیلرینک چکر-دکی، اساسی بیله یوق! اونلر بستیون لازم کلدیکی زمان تشکیل ایدیلور لر.

احتیاط ضابطلرینی، احتیاط نفرلرینی سلاح باشنه دعوت ایتمک، بارکیلر، عربلر و سائر بونک کبی وسائط نقلیه بیوک بر مقیاسده حاضر لامق، بر حرب جسم ایچون ایجاب ایدن مالزمنک هپسینی بر آره به طویلامق لازمدر. بوندن اوتری سفر برلک حالنه کیرمک ایچون ایجه بر زمان صرف ایتمه به احتیاج کوریله جکدر. سفر برلک حرکاتی هیج بر زمان، بستیون اغیار نظرندن کیزلی طوتلمش اوله مز. بالمکس دشمن طرف آنی پک چابوق اوکره نور و اوکرندیکی شیلره کوره حرکت ایتمه باشلار.

بیوک حکومتلر آره سنده کوردیکمز رقیبلک وحسد جیلک افکاری، اورته ده هیج بر حرب اثری فلان یوق ایکن ده، قطعات عسکریده دن بر چوغنک سفر بر حالنده اولمسی ایجاب ایلیور. اردو، سفر برلک حالنه کیره جکی زمان، هر نه کبی شیلره تجهیز و تسلیح ایدلمسی لازم کلیورسه، اوت او زمان یاپلمسی آرتق ممکن اوله میان او کبی شیلری بر آن اول یعنی وقت حضرده اکمال ایتمک شیمدیکی زمانک اصولیدر. کذلک شو

حرکاتك ايجاب ايتدرديكي بتون اداره ايشلری ده کاغداوزرینه
بك بيوك بر دقت ايله حساب ايديلورلر.

شیمدیكى فن حربى ايسـتـدیكى ٲشى ، سنجاق آلهـ
چاغرىلمش اولان نفرلرك الكوكنجيسى كلدیكى نانیـ ده هان بتون
اردو سرکت ایدـ جـك بر اقتدارده اولمیدـر . كـرچه بودیدـكـمز
بك نظرى وخیالى كـی بر شیدـر . فقط نه یـاـهـم ، زمان اويله
ايسـتـیـور !

حال حاضریدن حال سفریـ یـه كچمك خصوصندـه ، الكوچك
تفرعاتـه وارنجـه یـه قدر اكـمال ایدـلمـش فرض اولمان شو مسئلهـ یـه
عسـكـرلـر ، سوق الجیش تجـه یـى نامـى ویرـیـورلـر .

سفر برلكى بیتدیكى ٲنى بر اردو ، حال سفریـ یـه كیرمـشـدر
صاییلور . لـكـن هـنـوز حـرـبـه كیرمـه یـه بـسـتـون حـاضـر دـكـلـدر . اـكـر
تجمع حرکاتى بك آغیر یاپیلورسـه او زمان اردو كچ قالور
ودشمنـه نظراً كندى قـدـمـى ضایـع ایدـر . اونـك ايجون بو
خصوصـده بتون تفرعاتـه برار دهـا اولـجـه حـاضـر ایدـلمـش
اولمیدـر . كـرچه بوكا قرشو دـتـجـمـع حـرـكـتـلـرـنـك یـاـیـیـلـجـى
منطقـه اولـجـه بیلنمـیـور . كـی بر اعـتـراض ایدـیـلـه جـكـدـر . لـكـن
بو اعـتـراضـك هـیـچ بر اهمـیـق یـوقـدـر . نـتـه كـیـم بـز اونـك اويله
اولدیغنى آشاغینـه كى فصلـده برـر ، برـر سـویـلیـه جـكـز .

حرکات پلانى ، غوغا ایتـمـك اـحـتـمـالى اولان هر دولـتـه قـرـشـو

تجمع حرکاتک یایله جفی اک ایو منطقه یی کوسترمه به مجبوردر .
 اولجه یایلان بر حساب و ترکیب سایه سنده سفر پالانلری ،
 اردولرک تجمع ایده جکلری منطقه اوزرینه کرک تیمور یولی
 و کرک میاه جاریه واسطه سیله ، هیچده زمان غائب ایتمکسزین ،
 کله بیلملرینی تأمین ایدرلر .

اکثریا بر مملکتده شمند و فرایله یایله جق حاصلات نقلیه نک
 یکونی ، تجمع حرکاتک نه یولده ونه قدر بر زمان ایچنده اکمال
 ایدلمش اولنه جفی کوسترمه به خدمت ایلر . اگر بز ، تجمع منطقه -
 سنه کیدن یوللرک هپسندن استفاده ایدر و هر کون اونلره نقل
 ایده بیله جکلری درجه ده بر قوت ویرر ایسه ک یالکز او زمان
 تجمع حرکاتک کوزل ترکیب و تنظیم ایدلمش اولدیغنه کرچکدن
 قناعت ایده بیلورز .

حر به ایودن ایویه حاضر لانه بیلیمک ایچون هر شیدن اول
 قطعات عسکرینه نک وقت حضرده دها بعض موقعلره تقسیم
 ایدلمش اولمی لازمدر . چونکه او سایه ده عسکر کیلره
 بیدریمک ، حدود بویلرینه قدر کوتوریمک خصوصلری ایچیه
 قولایلاشمش اولور . اوندن بشقه ، خطلرک هر بریسی ، کندی
 حاصلات نقلیه لرینک حد اعظمیسنی چیقارمق یعنی اک چوق
 ترهن سوق ایده بیلیمک ایچون نه قدر وسائط جریه و متحرکه
 ایله تجهیز ایدیمک ایجاب ایدرسه اونلرک هپسنی حاوی اولمی

و بتون تیمور یولی شبیکه سی ده سوق الجیش نقطه نظرندن اک مکمل بر حاله کتورلمش بولمیدر. شو وجه ایله یاپلدیغنه کوره هیچ بر زمان ایکی ویا دهها زیاده خطک حاصلات نقلیه سی حد اصغریده قالمش اولمیه جقدر. زیرا بو دیدیکمز خطلر ایچیه واسع بر منطقه اوزرنده سائر شمندوفرلره ، آنا خطلرینه برلشه جکلردر .

اوندن بشقه ، جوار حکومتلر آره سنده رقیبک حسینی او درجه ایلرویه وارمشدردکه اونلر ، بر آز اول سویلدی کمز محذوری بر طرف ایتک ایچون یکی باشند بر خیلی شمندوفرلر دهها انشا ایتدیرلمشدر . حاصلی سوق الجیش تیمور یولاری زمانمزه پک خصوصی بر حادثه تشکیل ایدبور [*] .

اردولرک تجمع حرکاتی آرتق کون ایله دکل، بلکه ساعت ایله حساب ایدیلور. بونک ایچون (۷۰) سفرنده اکر فرانسه ، آلمان یادن اوچ کون اول کندی اردولرینسک یایلمه حرکاتی بیتورمش اولسه ایدی ، هیچ شبهه یوقکه ، آلمانلر دهها تمامیه حاضر لغنی اکال ایتمهدن او (میچ) ایله (تیون ویلی) تضیق

[*] بو درلو شمندوفرلر، نسبه روسیه ده اک چوق یایلمشدر . کرچک اهالیسی پک طاغنی اولان شو واسع مملکت ایچنده شمندوفرله سیاحت ایدم جکلر پک مهم بر یکون تشکیل ایتدکاری ایچون یاپیلان شمندوفرلرک بیوک بر قسمی یالکز تجمع سوق الجیشی نقطه نظرندن یایلمشدر؛ دیه بیلورز .

ایتمش ، (استراسبورغ) ك طرق اتصالیه سنی كسمش و كندی
سواری فرقه لرینی (سار) وادیسنك اوته كنارلرینه كچورتمش
اوله بیلوردی . بالعكس آلمان اردولری ، كندی تجمع حرکاتی
هان (۱۸۷۰) ده کی تجمع منطقه سی جوارینه قدر کوتورمه یه
مجبور قاله جقلردی .

لكن شو وجه ایله ارکن طاوورامه نك حصوله كتوردجکی
فائده معنویه سی ، منافع مادیه سندن پك ایلری برشی اوله جقدی .
چونكه او سایه ده هیچ اولمزسه ، قطعات عسکرینه نك امنیتتی
تزیید ایلیمك تمکن ایدی . حتی یالکز بر کونلك بر تقدم بیله
ینه ایجه مهم بر فائده حصوله كتورمش اوله جقدی .

حاصلی بوندن شو چیقارکه ، كندی منافع ملیه سنی کوزه دن
هر حکومت كندی خصمندن اول ایشه باشلامق ، حدود
بوینی كچمك ایچون هر نه یاپلمق لازم ایشه اونلری بهمه حال
یایمه وودشمنی كندی سندن اول میدان چیقارتمایه چالیشه جقدر .
چونكه بو آنك ایلک ایشیدر .

۵ — سفر پلانی

شیمدیکی زمانده هرکس اعتراف ایلرکه ، بر حربك بتون
حرکاته شامل اوله جق یعنی مکمل بر سفر پلانی یایمق ممکنسزدر .

چونکه بويله بر شی يابه بيلمك ايجون خصمك تپه دن طيرناغه
 قدر بتون اسراريني ، بتون آمانی برر ، برر ميدانه چيقارمق
 لازم كليور . لکن شو ديا پکمزله برابر ينه ياپلمسی ايجاب ايدن
 شيلری اولجه دهه کوسترمک ، تعيين ايتمکدن هيچ بر زمان
 قطعياً چکنمه ملي بز . حتی بر سفرك حرکات ابتدائيه سنی مقصد
 ومرامفی کوسـتره جک بر حرکات عسکريه پلانی ترتيب ايلمک
 مطلق لازمدر ، ديه بيلورز . چونکه بر سفردن مقصد ومرام
 نه در ، اوراسی بيلنميه جک اولورسه ، ايش باشنه کچايدکی آنده
 ينه يابه جغمزی شاشيرر وويره جکمز امرلری اک چوق ياکلش
 ويرمش اولورز .

فکرلرده کی قرارسزاق ، امرلرده کی ياکليشلق سبيله ايسه
 قطعات عسکريه نك ايجـه کيوشک واکـيک بر يولده ايش
 کورملری کبی فنا نتيجه لر حصوله کلور . تعقيب ايديله جک هدف ،
 آچيقدن آچيغه بللی اولمينجه باشلانيلان حرب اکثريا پريشان
 وکيوشک بر يولده جريان ايدر . واک صکره بو قيلدن بر سفر ،
 هزيمت ايله نهايت بولور .

حرکات سفریه دوشونلديکی زمان ايشـمک هانکی نقطه يه
 قدر کوتوريله بيله جکني آکلاوق ايجون ساده جه بر نظر امنيت
 واعتماد دم صاحبی اولوق يتيشور .

هرحالده ، يابيله جق شيلرك بتون تفرعاتی برر ، برر صایمق

اورته به قومق هوسندن چکنمک لازمدر. مثلاً ایلک یاییله حق حرکاتک یالکز بر حساب قطعی به، بر فکر منطقی به استناد ایلمش اولملرینی بهانه ایدرک اولرک بهمه حال مظفریت چیچککاریله دونادلمش اوله جقلرینه اینامق تهلمکلی برشیدر. کرچک، بر آز یوقاریده سویلشمش ایدک، که حربده بعضاً الایو ترتیبات وسوقیات عسکریه، اکثریا یک فنا بر تصادفک ظهوریله بدبخت نتیجه لر ویره بیلور. بز بعض یا کلش حرکتلردن اوتری اوغرایه جغمز فنا نتیجه لره چاره بولمق واوندن صکره دشمنی محو ایتمک ایچون اکثریا یک نادراً قوتلی بر مالزمه سفریه به مالک اوله بیله جکزر. اکر دائماً شویله بر حالده بولنه بیلشمش اولسه ایدک، اوزمان سفر پلانغزی یک قولای بر صورتده یابمش اولور و یک عالمانه و ما-هرانه ترکیبات آرامق احتیاجندن قورتلشمش بولنوردق.

ایلریده کی بر سفرک، اک چوق تعقیب ایتسی محتمل اولان یوروش استقامتنی ایودن ایویه تدقیق ایدرک، بزه تأمین موفقیت ایده جک فرض-یادن اک ایوسنی میدانه چیقارمق خصوصنده نظریاتجه بر اصول قطعی کوسترمک قولای برشی دکلدر. بونک ایچون اک زیاده سرعت نظر وانتقال صاحبی اولمق لازم کلور. حال بو، که بر نیجه ایشلرک ایوسنی، کوتوسندن آیرمه به اک باشلیجه برواسطه اولان شوکوزل صفقی، شو علی الاعلی مزیتی برقچ حرف ایله، برقچ شکل ایله قطعاً تعریف ایلیمک ممکن

دکدر. ایشته بزده اونك ايجون : « نظرياتجه بر اصول قطعی
 کوسترمك قولای برشی دکدر . « سوزینی قوللانیورز . شبهه
 یوق که، اونی یعنی اوکوزل صفقی کرک تجربه و کرک مطالعه ايله
 بر درجه یه قدر بیوتمك قابلدرد. لیکن طبیعت اکر انسانه اویله
 بر صفقی، اویله بر مزیتی نصیب ایتمه مش ایسه ، نه قدر تجربه کو-
 ریلورسه کورلسون اونی اکتساب ایتك ممکن دکدر .

معلومدر که ناپولئون ، هیچ بر زمان سفر پلانی یابدیغنی
 ادعا ایلوردی . لیکن بونکله برابر ، بزینه مشارالیهك بتون
 حرکات عسکریه سنك ایلک زمانلرده دهاک آچیق وپك بیوک
 هدفلر اوزرینه سوق ایدلمش اولدیغنی کوریورز . مثلاً بعضاً
 (۱۸۰۵) ده یابدیغنی کبی خصم اردوسنی طرق اتصالیه سندن
 آیرمق بعضاً (۱۸۰۶) ده یابدیغنی کبی دشمنك پاتختنی قورقتمق
 تشبثلرنده بولنوردی . حاصلی مشارالیه دائماً شوقیلدن بر بیوک
 هدف اوزرینه یورور و او وجه ايله سفره کیرردی .

دیورلر، که اوزمانك مشهور عسکرلرندن بریمی، (۱۸۰۶)
 حربنده ایمراطور سفره کیرمه دن اول، اونك یالکزه هدف الحرکاتی
 دکل، خط الحرکاتی بيله کشف ایلدمشدی . بونك اوزرینه آرتق
 ناپولئون ایستدیکی قدر : « بن هیچ بر زمان سفر پلانی یابدم . « دیسون .
 اینجه فکری بر آدم و مثلاً دیدیکه عسکر کبی مشهور بر راصد

واو سايه ده آلمان طوبراغنى چكنمك هوسلرى قراكلغه تفك صيقان بدلا آوجيلر كې قورى بر خيال اورينه يوريكـدن بشقه هيچ بر نتيجه يى حاصل ايده مزدي . هم شو حركتلر اويله بر خصمه قرشو يابلماق ايستىليوردى كه ، او خصم ده . چوق زمان اول ، كندى اردوسنى اك مكمـل بر صورتـده حاضر لامش ، تداركات سفر يه سنى يتورمش و حربك اداره عموميه سنى تيمور كې قوى بر قاچ اك اداره عالمانه سنه ترك ايدرك او وجه ايله مبارزه ميدانه چيقمش بولنيوردى .

بالقان سفر نده صرب و قره طاغ عسكـرلرينه قرشو تعرض سوق الجيشى اجرا ايدن اردولرى ، موسقوفلره قرشو بالعكس مدافعه سوق الجيشيده سوق و اداره ايمه يه قرار و یرن عثمانيلر بك اعلا حركت ايتملردى . بو وجه ايله حركت اونلر ايجون اك ابو واك منطقي بر حركت صاييلور . چونكه روسيه اردوسنك تشكيلاتى ، جسامتى ، تجمع سوق الجيشى حركتى ، حاصلى بتون تاثيرات حربيه سى ترك اردوسنك بك زياده ايلرى كيتمه سنه ممانعت ايدنيوردى .

جنوب قوماندانلرى ، يالكز بر شيده قصور ايتديلر كه ، اوده خصمك تجمع سوق الجيشى حركتانه ايجه تاثيرلرى كوريله جك اولان اوافق تفك تعرضلردن بسبتون واز كچرك عادتـا بر مدافعه مطلقه يه نظراً حركت ايمه يه قرار و یرمليدر . كـرچك ، اكر بو درلو

حرکت ایتمه‌ش اولسه‌لردی ، (باربوش) کوپریسی یا تامایله
طوتارلر ویا بسبتون تخریب ایده‌یلورلردی .

عسکری تعلیم و تربیه‌دن ، قوماندانلری وقت صلحده یاییلان
مانورهلر و تجربه‌لردن محروم اولوبده یینه سرعتلی و شدتلی بر تعرض
سوق‌الجیشی حرکتی یایمه‌یه هوس ایدن طرف ، تملسز بر او
یایمق ایستیان آدمه بکزر . هیچ شبهه یوقکه ، شو تملسز اوبرقاج
زمان صکره چوکر ، محو و پریشان اولور . واقعا تملسز بر اوک
ایچه بر زمان یشامش اولسی ده ممکندر . لکن بونک ایچون پک
مستئنا بمض شرطلرک وجودی لازم کلور . یوقسه ، پک آز
وقت صکره خرابه زاره دونمک طبیعیدر .

بالعکس ، عسکری پک‌زیاده تعلیم و تربیه کورمش ، قوماندانلری
تجربه‌لر و مانورهلر ایچنده بیومش ایکن ، یینه ، قیمت عسکریه‌سی
پک جزئی بر دشمن قرشوسنده حال تدافعیده ایش کورمه‌یه
قرار ویرن طرف پک صاغلام وقوی تمللر اوزربنه قولبه انشا
ایدن آدمه بکزر .

حقیقت ! هیچ بر کیمسه یوقدرکه ، شو دیدیکمز خطایی
بیله‌رک وقصداً یایمش اولسون . حتی پک فنا تجهیز و تسلیح
ایدلمش اولان بر اردوده بیله قطعات عسکریه قوماندانلرینک
سویلدکارینه قولاق ویریلورسه ایشیدیلورکه ، اونلرک قونشدقلری
سوزلر اکثریا بیوک ایشلر یایمه‌یه قابیلی اولدقلرینی کوستریورلر .

فقط كرك تجر به سزلك و كرك ضرور سيئه سيله او ضابطلر
منسوب اولدقلرى قطعات عسكريه به بعض بيوك بيوك صفتلر
اسناد ايتمكدن چكنميه رك بوسايه ده كندى پلانلرني، دوشونجه-
لرني ربط ايتمك ايجون قواعد اساسيه اولمديغني كورنجه اك
صكره بعض بوش فكرلر اوزرينه استناد ايله جكدرد. بوكي
ضابطلرك فكرينه كوره موجود اولان قصورلر، قواي معنويه
ونخشاش طبعيت ايله مثلاً قهرمانجه بر جسارت، وطن پرورانه
بر غرور، ديانتكارانه بر اعتقاسا به سنده بر طرف ايديله-
جكدردر [*].

بونك اوزرينه، هر شيدن اول انسان كنديني بيلملي،
نقصاتي، عرفاتي آكلاملي و صوكره اوكا كوره نتيجه حربه
و ارمق ايجون لازم كلان پلانلر يايه به چاليشملي در. بعضاً
حدذاتنده بك ابو اولان بر تشبثدن واز كچمك لزومي كوريله-
جكدر. چونكه وضعيتي معلوم بر تشبثك اجراسنه مأمور اولان
كيمسه اونى باشه چيقاره جق اهليتي حائز اوله مز. اكر سفر
پلانني يايان بالذات سردار اكرم ايسه، مشاراليه كندى شخصنه

[*] انسان ماكنه سنه هيچ بر زمان اجراي تأثيردن بوش قالميان
بوكي شيله بذه اينانورز، اولنرى هيچ بر وقت انكار ايتيز. لكن
اونلره استناداً بر اردونك بتون اكسيكلريني بر طرف ايتمك، هر شيئه
جواب ويرمك ممكن اوله جفنه اينانمق المزدن كلز. عقلي فكري پرند
اولان هر انسان بوني بزم ايله برار اعتراف ايدر.

داثر هیچ بر فکر خیاله دوشمیه رك تكلیف ایدیلان بیوك ایشلری
یا په بیلیمك اقتدارى كندیسنده وارمی ، یوقى اونی حقيله
میدانه چیقارمیدر .

سفر پلانك ایلک مهم نقطه سته ایشه بو وجه ايله برقرار
ویرمك ممكن اوله بیلور كه ، نقطه مذكوره صورت عمومیه ده :
حرب نصل یا پيله جق ، تعرضه می کچيله جك ، یوقسه بولنیلان
وضعیت بزجه فائده لی بر تعدیلاته اوغرایه جنى بر زمانه قدر
حال تدافعیده می قالنه جق : ایشه بونلری حل ایتمكدن
عبارتدر .

اكر بر آنده بر چوق دشمنلره قرشو حرکت ایتك مجبوریتی
وارسه ، اك بیوك قوتك هانكى دشمنه قرشو سوق ایديله جكنی
واوته کیلرینه قرشو نصل جواب ویريله جكنی ایودن ابویه
بر امتحان ایلیمك لازمدر . صكره خصم طرفك ده نه وجه
ایله حرکت ایده جكنی یعنی هر احتمالی موازنه ایدرك حال
تعرضیده می ، یوقسه حال تدافعیده می قاله جنى دوشونمك
لازم كلور .

شبهه سزدركه ، صنعت حرب نظریانی ، خصمك یا په جنى
قصورلری اوزرینه تأسیس افكار ایدرك اووجه ايله بر حرکت
پلانی ترتیب ایدلمش اولمسنی هیچ بر زمان صورت قطعیده منع

ایتمیور. لکن خصم طرفک بزی الکچوق زحمتلره دوشوره جک
ترتیبات وتشبثات ایله ایشته باشلامش بولنه جنی فرضیه سنی دهینه
هیچ بر زمان انکار ایده میورز.

برکره خصمک نه وجه ایله حرکت ایده جکنه دائر اساسلی
وطوغری بر فکر ایدند کیدن صکره اونک سوق الجیش تجمع
ویایلمه حرکتلرینک ده نه وجه ایله یاپلمش اوله جغنی دوشونه.
بیلورز. کرچک دشمن کندی قوای عسکریه سنی طوپلامق
ویایمق خصوصنده بز نه کبی افکاره نظراً ایش کوریور ایسه ک
اوده عیناً اوله حرکت ایده جکدر. دشمنک هدفی، مقصد
الحركاتی اولمق اوزره بزم کشف وتعیین ایده بیله جکمز نقطه،
اونک قوای عسکریه سنیک طوپلانمش اوله جنی منطقیه یی یعنی
اس الحركاتی بز عیاناً، بیاناً کوستره جکدر. وقت صلحده خصم
اردوسنیک بزدن کیزی طوتلمسی ممکن اوله میان وضع الجیش
ترتیباتی، عسکری اداره مرکز لرینک وضعیت وتشکیلاتی بر سفرده
قطعات عسکریه سنک یورویش حاله کچمسی زماننده کی نقاط
اساسیه سنی کوسترمه به خدمت ایدرلر. شو دیدیکمز اساس
نقطه لرندن کچهرک اس الحركاته کیدن شمندوفرلر، یولار وطرق
انهاریه ایسه، دشمن اردوسنیک هنگام سفرده تعقیب ایده جکی
خطوط الحركاتی برر، برر کوستررلر. بو خطلرک نهایت نقطه لرینه

كلنج-ه، بز، مذکور خطلر واسطه-سیله سوق ایدیلان دشمن
 قطعات عسکریه سنك اك صكره نهیه بالغ اولدیغی اوکرنش اوله-
 بیله جکزه. اکر بتون شو دیدیکمز ایشلر اینجه بر حساب ایله
 تعقیب ایدلش اولورسه نتیجه نك بهمه حال طوغری چیقمی
 طبیعیدر. حاصلی بو مطالعاه بز ه اك صكره خصم اردوسنك
 قولاره نصل آیرلیدیغی واونلرک اشغال ایددجکری منطقه لری ده
 برر، برر کوستره جکدر.

بونلر بیتدکدن صكره کمندی تجمع سوق الجیشی حرکاتیزی
 تنظیم ایلمک ایجاب ایدر. اکر بز تعرضه کچمهیه قرار ویرمش
 ایسه ک، مذکور تجمع سوق الجیشی هرشیدن اول بزم ایلری به
 حرکتمزه یاردم ایتلیدر. یوق اکر، برمدافعهیه قرار ویرمش
 ایسه ک، اک برنجی وظیفه من خصم اردوسنك کله جکی خط اصلی
 اوزرنده بتون قوتلرمزی طوبلامق اولمیدر. چونکه بشقه
 درلو یابار ایسه ک، دشمن ایله باشه چیقهمیز. بالعکس اوکاپک
 ارکن، پک چابوق یکلمش اولورز. بونک ایچ-ون ده ممکن
 اولدیغی قدر خصمه یقین برنقطه یی انتخاب ایتک چوق خیرلیدر.
 چونکه بویه یامز ایسه ک اوزمان بزم تجمع سوق الجیشی حرکاتیز
 امنیتده قالدیر. اکر مذکور نقطه یی بر آز دها کیروده انتخاب
 ایتش اولور ایسه ک اوزمان اوچ درلو ضرر کوریرز: اول،

یهوده یره اراضیمزك بر قسمی دشمنه ترك ایدرز . ثانیاً ، بر خیلی منابع عسکریه من الدن چیقار . ثالثاً ، ایچده وقت ضایع ایتمش اولورز .

اگر سفر پلانی ، تعرض نقطه نظرندن یابلمش ایسه ، مختلف قوللره ویرلمسی لازم کلان استقامتله ده تفصیلات ایله کوستریله بیلورلر . اوندن بشقه ، میدان محاربه سی ایچون بتون قوللرك برلشه جکی منطقه کذلک ارايه ایدیلور و دشمن اردوسنك جناحلرندن بریسی ویا خود مرکزی کبی هجومك هدف مخصوص ده سویلنه بیلور .

بومعلومات قطعیه خارجنده ، حرکات عسکریه ایچون آنجق بعض اشارات عمومی ویریلور . یوقسه اونلرك هر بریسی آری ، آری کوسترمك ، تعین ایتمك ممکن دکلدر . علی الاصول ، دشمن اردوسنك کیورلر ایله اولان طرق اتصالیه سنی کسمك جهتی هر زمان توصیه اولنور . چونکه اونلر بر کره الدن کیدرسه آرتق خصم اردوسنك یشامسی ، بسلمنه بیللمسی ممکن دکلدر . کرچک ، دشمنی بسبتون محو و پریشان ایتمك ایچون الك کسدرمه والک امین برواسطه شودیدیکمز کبی یامقدر .

خصوص مذکور ، کچمش وقتلردن زیاده شمیدیکی زمان

حر برلرنده دها کوچ جل ایدیلور بر مسئلهدر . بونک اصل سببی ایسه ، بر آز یوقاری سـ و یلدی کمز متحرک اس الحركاتك تعریفندن ایلری کلیور . چونکه بو چشمید اس الحركاتك چـوق مدافعه جهتی اسـ استفاده ایدرك اوندن يك زیاده منفعت کورور . بوندن تقریباً (۳۰) سنه اول یعنی آمریکا سفرلرنده بر اردونك سـلامتی ، یالکز بر شـمندوفر خطندن اوزاق طوتمق فکرینه استناداً یابیلان حرکات عسـکریه دن برینه تابع قیلمق ممکن اوله بیلمش، ایدی . شـمـدیکی حالده ایسه ، بو مسئله غربی اوروپا کی بردارالحربه ممکن دکل تطبیق ایدیله میه جکدر .

بوراده خصم جهتی اراضی ملیه نك بـتـون بر قسمندن ، یعنی اردوسنك اداره واعاشه سنی تأمین ایدـه جـك بیوك بر قسمندن آیرمق لازم کله جکدر . صاغلام بر نتیجه الده ایتك ایچون خصم اردوسنی ایودن ایویه بر صیقه شـدر مق ، اونی یاییطرف حدودلر اوزرینه ویاخود کندی دونمـاسـنك حاکم اولمـدینی دکر ساحلارینه آتمق ایجاب ایدـه جـکدر .

سفر پلانی اك صکره دشمنی یوله کـتـورمـك ، عقد مصالحیه مجبور ایتك ایچـون لازم کلان وسائط عسـکریه و سیاسـیه نـك ذکر یله نهایت بوله جقدر .

مدافعه ده قاله جق براردویه کوره ترتیب ایدیلاَن سفر پلانی
نسبته دها واضح و آجیق برلسان ایله استیلا اردوسنه قرشو
طوتیله جق ایلاک موضعك هانکی موضع اوله جغنی کوستر دکن
بشقه ، اگر شو ایلاک مقاومت جزئی بر زمان دوام ایده جک
ایسه ، قطعی مدافعه نك هانکی نقطه اوزرنده اجرا ایدیله جکنی ده
کوستره بیله جکدر . اگر سفر پلانی جدی بر زمین ، ریاضی
بر اساس اوزرینه قورلمش ایسه ، بونقطه وضعیت عمومیه ده
ظهور اتمسی مأمول اولان برحاک ، (مدافعین ایچون فائده لی
برحاک) تجلی ایده جکی نقطه دن عبارت اولور .

کوریل یورکه ، مدافعین رجعت حرکانه دوام ایتدیکی مدتیجه
خصمی کندی هدف اصلیسندن آیره جق برطرزده شویوقاریده
سویلدیکمز نقطه یه متوجهاً براستقامت آلمسی پک فائده ومهم
بر مسئله در . دشمنك کیرو لر ایله اولان اتصالاتی نه درجه کوچ
اولورسه ، بالعکس ، بری طرفك یعنی مدافعینك طرق اتصالیه سی
دها او قدر زیاده امین بر حالده بولنه جقدر . برمدافعه سفرینه
دائر یاییله جق سفر پلانی اك صکره حرکات عسکریده وقوعی
ملحوظ اولان عکس حالک نه زمان و هانکی نقطه ده ظهور
ایده بیله جکنی کوسترن بعض ملاحظات ایله نهایت بولور . اونک
ایچون مذکور سفر پلانی ، بر تعرض حربنه دائر یاییلان

سفر پلانی کې سفرک هیئت عمومیه سنی احاطه ایتش اولیه -
 جقدر . یعنی او ، بزى يالکز حربك ايکنجی دورینه قدر
 کوتورمش اوله جقدرکه ، مذکور دور ایچون یکی باشند بر
 تعرض پلانی یایمق لزومی کوريله جقدر .

آز چوق اهمیت و قیمتى حائز اولان بر سفر پلانی ترتیب
 ایدم بيلمک ایچون اک ابو چاره ، هر شیدن اول عقل وفکرک
 خارجنه حیقمامق و اوکا کوره ایشه باشلامقدر . یوق ، اکر
 بالعکس ، زمان و مسافه اعتبارله پک چوق شی احاطه
 ایتک ، اکثریا تصادفک تأثیرى آلتیده قالان بر چوق
 ایضاحات و تفرعاته کیریشمک ایستیلورسه او وقت
 بایله حق حرکات عسکریه سفر پلانی عکسنه ، خلافتنه ظهور
 ایدر .

بونکله برابر ، ینه آز چوق تفرعاته کیریشمک ده لازم
 کلور . از جمله سفر پلانی ایکنجی درجه دارالحربلرده اجرای
 حرکات ایدم جک اولان اردولر ایچون بعض تعلیمات عمومیه
 کوستره بيلملیدر . شو دیدیکمز تعلیمات ایه ، اک زیاده ایکنجی
 درجه دارالحربلرده وقوعه کله جک حرکاتک ، اردوی اصلی
 محاربه قطعیه سنی ویرمش اوله جنی بر زمانه قدر ، اونک اوزرینه
 فنا بر تأثیر کوسترمه مسنه دائر اوله جقدر .

اگر حرکات عسکر به چه نظر دقته آلمنی ایجاب ایدن
 بعض مواقع مستحکمه وار ایسه ، سفر پلانی اونلره قرشو
 نصل معامله ایدیه جکفی ده بیلدیرملیدر . زبرا مذکور قلمه لره
 قرشو طوتیه جق مسلك حرکت ، اردونک تجمعی نقطه نظرندن
 ابو ، کوتو بعض تأثیرلری حاویدر . بوکونکی تشکیلاتنه کوره
 بر محاصره یارقی ، اولجه کندیسنه ویریلان استقامتی براقوبده
 یکن بر استقامت بونیجه حرکت ایتمکده پک چوق مشکلات کوره .
 جکدر . وبلکده کوج حرکت ایده بیه جکدر .

اونک ایچون دشمن مواقع مستحکمه سندن هانکیسی محـا
 صره ایتمک ایستیلورسه ، اونی اولجه دها بیلیمک لازم کلور .
 عین وجه ایله سفر پلانی دشمن اردوی اصلیسنه کیدن یولی
 سد ایلیان توقیف قلمه لری خطنک هانکی نقطه سی اوزرنده اک
 چوق تضییق کوسترمک ایجاب ایده جکفی ده تمینه مجبوردر . کرچک
 بووظیفهیه مأمور ایدیه جک قطعات عسکر به خصوصی برمالزمه
 سفریهیه احتیاج کوسترلر .

اک صکردهده قوای بحریه ایله اردوی بری آره سنده بر
 ارتباط صحیح وجوده کتورمک جهتنی دوشونمک لازم کلور .
 والحاصل سفر پلانی دنیلان شی وضعیت عسکر به وسـیاسیه
 اوزرینه وایکی دشمن حکومتک قوای عسکر به سی بیننده جدی

بره مقایسه‌یه داتر ملاحظات عمومی‌نی جامع بردفتر، بر مخطره دیمکدر. بو مقایسه‌یه ایله وضعیت عمومی‌ه مطالعه‌سندن ایسه حرکت اصول جریانی حقنه‌ده عمومی بر مسلك حرکت چیقاریلور.

برده خصمک یایمق اقدارینی حائز اولدینی شی کوزلجه برتدقیق ایدیله‌جکی کبی سوق‌الجیشی یایلمه‌لرینه مخصوص اراضی، منطقه‌سی، اعلاادن اعلایه برکوزدن کچوریله‌جک واکا کوره کندی قوای عسکریه مزک برلشه‌جکلری، قول اردو ویا فرقه، فرقه طوپالانه‌جکلری یرلر تعیین اولنه‌جقدر.

واک صکره دشمن اردوسیه قطعی برمیدان محاربه‌سی ویرمه‌یه مساعد اولان وایلك حرکات عسکریه‌نک تعقیب ایده. جکی استقامت هانکیسی ایسه اونی بولمق واک ابو شرائطه کوره سچمک، آیرمق لازم کله‌جکدر. شو صره‌ده، تعرضی سفر پالانی، مدافعه سفر پلانندن آیرلمش بولنور. برنجیسی تعقیب ایدیله‌جک هدفلری برطرز عمومیده کوسترر؛ لکن بر اوجیده عقد مصالحه‌یه قدر کیدر. ایکنجیسی هرایکی جهتک مسلك حرکتلرنده برتحول عمومی کورلدیکی یعنی وقایع جاریه مدافعه‌نک تعرضه، بالعکس تعرضک مدافعه‌یه انقلابی ایجاب ایلدیکی زمانه قدر سه‌ورر. وکندی کندیته حاصل اولان سفر تعرضی‌یه

کوره ایش کورمک ایچون یالکز بریول، واستقامت کوسترمه یه
چالیشور .

صوك سوز : هرايكي سفر پلانی موفقیت اوزرینه اجرای
تأثیر ایدم بیلان احوال فرعیه دن آز چوق بحث ایتیه مجبوردر.

طقوزنجی فصل

تعرض سوق الجیشی حرکاتی

۱ - هدف، شرائط، وسائل

اولجه کورمش ایدک، بیلورزکه، بتون تعرض سوق الجیشی حرکاتک مقصد وهدفی بزجه اک مناسب اولان شرطلر ایچنده مصادمه قطعیه اجرا ایتمکدر . اکر بزدها بیوک قوتلر ايله خصمک اک ضعیف بر نقطه سی اوزرینه آتیلور ايسهک، بوهدف او قدر چابوق بر صورتده استحصال ایدلش اولور . اوندن بشقه اکر مصادمه قطعیه دن اول بتون قوای عسکریه - مزى طوللامیه واونلری دشمن ایچون اک مهلك ، اک مؤثر ضربه لر اجرا ایدوبيله جکمز براستقامتده ایلری کوتورمه یه موفق اولور ايسهک اوزمان هیج شبهه یوقکه، تعرض سوق الجیشینک بزدن ايسه تدیکی هر شیئی یامش ، یرینه کتورمشز دیمکدر . چونکه فن حربک غایه سی کمالی اک قطعی بر نقطه اوزرنده اک قوتلی اولمقدن عبارتدر .

درجه کافیه ده منابع وجودی اساس طوتیلهرق بر حربده موفقیت استحصال ایتک ایچون بعض شرطلر واردر. برنجیسی

مقصدمیزی کینلی طوتملی بز . بروجہ ایله که ، مصادمه قطعیه اجرا ایتمک ایچون بزم تعقیب ایده جکمز استقامت هانکی استقامت اولدیغنی دشمن فرق ایده مهملیدر . بروجہ ایله که ، دشمن بزم تعقیب ایلدیکمز استقامتی آنجق ، محاربہ دن اول بتون قوای عسکریه سنی بر آرمیه کتور و بده ، تهلیکلی نقطه اوزرنده بزه قرشو قویه بیلیمک ایچون ایجه کج قالمش اوله جنی بر زمانده آکلامش اولمیدر .

بناءً علیه حرکات عسکریه شویله بر نقطه یماس حاصل ایتدیکی آنده بزم اردومزک اک اوزاق اولان قسملری خصمک اوتیه بری به طاعیدلش بولنان قسملرندن زیاده مصادمه یرینه یقین اولمیه مجبوردرلر . اگر حرکانه باشلامه دن اول دشمنه دائر اوکرندیکمز خبرلر طوضری ایسه ، مصادمه قطعیه اجرا ایدیه جک زمانی نسبتاً جدی وصحیح بر حساب ایله تعیین ایتمک ممکندر .

شبهه سز ، دشمندن دهاسریع بر یورویش ایله یوریمک مظفریتک بر آن اول ظهور ایتسیچون برنشاندر . اونک ایچون دشمن بزی کچمه جک وجهه ایله چابوق بر یورویش ، جدی بر حرکت یایمه یه چالیشملی بز .

شدتلی بر حرکت ، چابوق بر یورویش هر نوع تردلری یوز اوستی چویرر .

بودیدیکمز شرطلر ، بزه او درجه ساده کورینورلرکه ، انسان بر آز غفلت ایدم جک اولسه دنیاده اونلردن قولای هیچ برشی یوق فکرینه دوشه جک کبی اولور . لکن ایش اویله دکلدر . بالعکس پک قولای ظن ایلدیکمز بو شیلرک پک زور اولیشی؛ شوندن ایلری کلیورکه، حرکته باشلامه دن اول وضعیت عمومیه ده کوریلان ساده لک ، ایش باشنه کچلدیکی آنده غائب اولور . هرایکی اردو بربریه تماس ایتدکاری زمان یالکز بر نقطه اوزرینه دکل ، بالعکس برچوق نقطه لرده تماس ایدرلر . و تماس نقطه لری نه قدر چوق اولورسه، بزى ایلک طوتدیقمز استقامتدن خارجه آتمق ایچون او قدر زیاده قوتلر ایش باشنه کچمیش اوله جقدر .

شبهه سز بو محذور حرکات تدافیه ده اولدینی قدر حرکات تعرضیه ده مؤثر دکلدر . چونکه تهله که بر آنده حرکات تدافیه نك هر جهته ده کندیسنى کوسترر . بونکله برابر ، خط مدافعه نك هر جهتی ضعیف، هر جهتی قوای امدادیه ورودینه منتظر کبی کورینورلر. حاصلی بو فکر مذکور خطی بویدن بویه استیلا ایدر . اوندن بشقه بتون شو فکرك خلافتده اوله رق ، بعض نقطه لرده کی قطعات عسکریه بی آلمق واونلری مصادمه قطعیه اجرا ایدیله جک نقطه یه طوغری کوتورمک احتیاجی کوریلور . ایشته او زمان قبول ایدلمش اولان استقامتک انتخابی

اوزرینه زده بمض شہلر حاصل اوله . باشلار . صکره دشمن
 کند ی حرکتی کوسـتر و بو حرکت وضعیت عمـومیهده بزم
 دوشوندیگمزدن بسـبتون بشقه بر منظره حصـوله کتورر .
 بوندن اوتری ایسه ، یورویشـک دوامی خصوصـمنده ینه بزم
 کشف ایده مدیکمز ، بمض بیوک تهلـکلر حاصل اولور . سفر
 پلانی یاپدیغمز وقت کوزمز اوکنـده یالـکز بر هدف ، یالـکز
 بر مقصد وار ایکن شیمدی بر سـوری هدفلر اوکنـده
 بولندیغمزی آکلارز .

ایشته بوزمان ، اکبحرانلی برزماندر . اصل معرفت ، آجیق
 وطوغری برکوز ایله هدف قطعی یی اوته کیلردن آیرمق و یا خود
 هیچ اولمزسه ، مهم برهدف تعیین ایتمک و اک صکره اوکا نظراً
 ایش کورمکدر . و بر دفعه تعرض جهتی ش و یله مهم بر نقطه
 اوزرنده موفق اولدقدن صکره ، اوته کی نقطه لرده نتایج عسکریه
 نه اولورسه اولسـون ، اکثریا اونک قرشوده کی دشمنه غلبه
 ایده چکنه قرار ویریه بیلور .

۲ - نقطه التصاق انتخابی

هدف تعیین ایدلدکن واورایه کیدن اسـنقامت قطعا

عسکر به یه کوسترلد کدن صکره کیرویه قالان شی مذکور قطعه لړک برلشه جکلری یری یعنی التصاق نقطه سنی تعیین ایلم کدن عبارتدر . شویله بر نقطه نك انتخابی ایسه ، کړچکدن مهم وزور بر شیدر . اکر ایستدیکمز هدفه یا قلاشمش اولدیغمز زمان قطعات عسکر به بر آنده اجرای تأثیر ایده میه جک بر حالدیه ایسه ، یابیله جق حرکت شبهه سز اکسیک قالور . چونکه عسکر مزك طاغلق اولم سندن اوتری ز موفقیت ایچون لازم کلان تفوقی حائر اولمش بولنه .

بونک اوزرینه شو محذور دن قورتلحق ایچون ایلك اوکجه ده قطعات عسکر به یی طوپلی بولندیر مق اولنری ایشته اویله جه یعنی برلکده ایلری کوتورمک لازمدر . لکن شو خصوص آنجق پک مستند زما نلرده ممکندر . کړچک ، بشقه بر شکله کیرمی ، تعدیل ایدلمش اولمی بزم الیمزده اولیان ایلك وضعیتی هر وقت نظر دقتیه آلمق ، دوشونمک ایجاب ایدر .

از جمله بعض جغرافیا تأثیرلری اولورکه ، بز تعرض حرکاته باشلامدن اول بیله قطعات عسکر به نك اجتماعه ، برلشمه سینه مانع اولور . اونک ایچون وضعیت اولیه یی نظر دقتدن اوزاق طوتاملی ، دیورز .

(۱۸۶۶) سفرنده پروسیا اردوسنک باشندن طبق شونک کبی بر حال چکمش ایدی . اکر یوروش باشلامدن اول

بتون قطعات عسکرینه ای اس الحركات اصلیده جمع ایتمک
ایستیلورسه ، بوندن اوتری او قدر چوق زمان غائب ایدلمش
اولورکه، شو سببله احتمال بتون وضعیت بیوک بر تعدیله او غرار
و آرتق کندیلرینه استناداً ایش کورمک ایستدیکمز فرضیات
عمومیه ده یواش یواش ییقلمش بولنور .

ثانیاً، بیلورزکه، جسم قطعات عسکرینه ک بریره طوبالانسی
اردو ایچون بر چوق فناقلرک و بر چوق مناسبتسز لکلرک
ظهورینه واسطه در . کرچه کیرو طرفلرده پک مکمل بر تیمور
یولی شبیکسی بواندینی زمان قطعات عسکرینه ک عموماً بر آره یه
کتورلمش اولمسنده بر بآس اولسه کرکدر . بویله بر زمانده اک
زور ، اک چتین اولان شی اردو ایچون ایچیله جک صوبولمقدر .
لکن ینه هر حالده یورویشه باشلانیه جنی زمان، اردوینی بعض
قسملره آیرمق لزومی باشمزدن اکسیک اولیه جقدر . بونک
اک باشلیجه سببی ایسه الده موجود شمندوفرلر و کوزل کوزل
یوللرک ممکن اولدینی قدر هپسندن استفاده ایتمک امیلدر .
و مادامکه، بویله یایمه یه لزوم کوریلور، او آندن اعتباراً قطعات
عسکرینه ک هپسی ایچون بر نقطه التصاق کوسـترمک بهمه حال
ایحساب ایلر . شو التصاق نقطه سنک انتخابنه کلنجه بز بوراده
یکدیگرینه طبان طبانیه ضد ایکی بیوک مسلك اوکنده بولنیورز .
بر محاربه میداننک ایلروسـنده نقطه التصاق انتخاب ایتمک

نابولیونه مخصوص برعادت ایدی. هر کس بیلورکه، شوقاعده‌نی
 اك چوق سوهن، تطبیقه اك چوق اوزه‌نن مشارالیه اولمشد.
 كركچك، نابولیون كندی خصمنه ضربه مهلكه وقطعیه‌سفی
 اجرا ایتمه‌دن اول، بر كره اردوسنك بتون پارچه‌لرینی بر آرده
 كتورر واوندن یكپاره بریغین تشکیل ایدردی. اوندن بشقه،
 باصقین ایتمك فائده‌سفی غائب ایتمه‌ك ایچ-ون مشارالیه كندی
 التصاقی دائماً یا برطاغ سلسله‌سی ویا بر نهر مجراسیله دشمندن
 كیزلی طوتمایه چالیشوردی. حاصلی نابولیون كندی مسلكفی
 تعریف ابتدییکی زمان «جسیم بریغین حالنده ایلری‌یه آتلمق»
 سوزینی قوللایوردی.

(۱۸۰۵) ده آوس-تریالیرك كیرولرینه دوشمك ایچ-ون
 طونه‌نی كچمه‌دن اول نابولیون اونلرك صاغ جناحی كیروسنده
 یعنی (طوناوورت) ایله (انكولشتاد) آره‌سنده اردوسفی ایشته
 بو وجه ایله طوپلامش، بر آرده كتورمشدی. ینه (۱۸۰۶)
 سنه‌سی تشرین اول بدایتلرنده مشارالیه كندی اردوسفی یوقاری
 (ماین) جوارنده یعنی (به‌یروت)، (با،برك) و (ایشواين فورت)
 نقطه‌لرنده جمع ایدرك اوندن صكره ایلری كیتمه‌یه قرار
 ویرمشدی. ینه (۱۸۱۳) سنه‌سی نیسان آينده فرانسه ایچرو-
 لرندن كلان قوای جسیمه ایله ایللك اوکجه آلمانیا‌ده‌کی فرانسیز
 اردوسنك كیرویه قالان اقسامیله برللكده (پرنس اوژن) ك

بولندي (سال) وادي سنه (مرسبورغ) و (وايسنفل) اوزرينه
 يوریدی . کندی قاعده سنه ، کندی مساکنه دائما صادق
 اولديغیچون مشارالیه اولا بتون قوای عسکریه سندن يالکیز
 بر یغین ، جسم بر یغین تشکیل ایتمکدن ایشه باشلايه رق اوندن
 صکره ایلروملک ، (لابسیق) استقامتده یوریمک و باشلیجه
 اردوسی بوموقعک جنوبنده بولنان متفقینک صاغ جناحی قو-
 شامق ایستوردی .

ینه بو سفرده آغستوس آبی نهایتلرینه طوغری ایمپراطور
 (درسد) میدان محاربه سنی ویرمک ایچون (سیلیزیا) دن تکرار
 (الب) وادی سنه کلدیکی زمان ینه عین منظره کوریلور ، عین
 مساک تعقیب ایدیلور . کرچک ناپولیون ، (الب) ایله (درسد)
 شهرینک ایلاریسندیه یعنی (ایستولین) موقعنده ایلمک اوکجه بتون
 قطعات عسکریه سنه مخصوص بر موعده تلاق، عمومی بر (رانده وو)
 کوس-نرر . اوندن صکره جسم بر یغین ایله ایلری یه طوغری
 یورویشنه دوام ایلر .

حق مشارالیهک صوک (۱۸۱۵) سفری بیله شمال حدودی
 بونجه (شارل رووا) استقامتده وضع و ترتیب ایدلمش اولان
 بتون قطعات عسکریه نک علی العجله بر صورتده اجتماع ایتمش
 اولملریله باشلامش ایدی . کرچک ، مشارالیه قطعات عسکریه نک
 هپسنی بر آره یه کتوردکدن صکره ینه حیرته شایان بر سرعت

ایله کندی قرشوسنده کی پروسیا اردوگاهلری اوزرینه آلمقدن کپرو طورمدی. ایشته قطعات عسکرینهک التصاقنه دائر ناپولیونک مسلکی و اوکا دائر سویلیه جکمز مثاللرک اک کوزلاری بونلردن عبارتدر .

شیمدی، التصاق نقطه سنک انتخابنه مخصوص اولان ایکی قاعده دن، اوللرک مروجلرندن و مثاللرندن بر آز بحث ایتمک ایستیورز .

(۱۷۵۷) سفرینک بدایتنده ایکنجی فرهدریقک، (۱۸۶۶) سفرنده (صادووا) میدان محاربه سندن اول پروسیا اردوسنک تعقیب ایلدیکی مسلک ، ناپولیون قاعده سنک طبان طبانیه ضدی بر مسلک در. بومسلکه نظراً دشمن علمنه کیدن قوای عسکریه، مختلف قوللر تشکیل ایدرک اووجه ایله کیدر و التصاق نقطه لرخی دشمنک اشغال ایتدیکی منطقه نک ایچروسنده انتخاب ایدرلر . (۱۸۷۰) سفرنده (وورت)، (اورلئان) و (مانس) محاربه لرنده پروسیا اردولری عین وجهه ایله حرکت ایدرک، عین مسلکی تعقیب ایتشلردی.

ناپولیون قاعده سنه طبان طبانیه قرشو اولان شومسلکک، یعنی بربرندن متفرق حرکت ایدن قطعات عسکریه به مخصوص التصاق نقطه سنک محاربه میدانی اوزرنده انتخاب ایدلمی اصولک اک وفاکار دوستی ، اک صادق حامیسی فلد مارشال مولتکه در.

شو ایکی اصول ، شو ناپولیون و مولتکه مسلکری بر چوق بیوک بیوک نتیجه لک ظهورینه سبب اولمشلردر. ظاهراً بر برینه بک طارغین باقار کبی کورینان بو ایکی مسلک مقصدی ینه بردر. یعنی ایکسینک ده امل منتهاسی، بر حرکت مشترکه ایچون میدان محاربه اوزرینه دشمنه فائق اوله جق وجه ایله قوای عسکریه طوبالامقدر. اک مشهور عسکری محرر لر مژدن بریسی حق (۱۸۷۰) سفرندن صکره ، ماره شال مولتکه مسلکینک برنجی ناپولیون مسلکندن آشاغی بر مسلک اولدینی فکریخی اورتیه چیقازمشدی.

بزه کلنجه، بز او ایکی مسلک ایکسینک ده بر قیمت ویرمه یه مجبورز. چونکه اوناردن هر بریسی، اولجه قطعاً تعیین ایدلش بر وضعیه جواب ویرر ، هر بریسی یالکز بر مقصده خدمت ایلر .

(۱۸۶۶) ده آوستریا حکومتی سفر برلک نقطه نظرندن روسیایه قرشو آز چوق تقدم ایلمش ایدی. باقیلورسه ، شو تقدم خصوصی روسیانک هنوز سفر برلکفی بیتورمه مش ، تجمع ایتمه مش اولان اردوسنی شاشترتملی ایدی . اگر جنرال مولتکه، روسیا قوای عسکریه سنی اولا، روسیا طوبراغنک یالکز بر نقطه سنده جمع ایتمک ایستمش اولسه ایدی ، بوندن هیچ شبهه یوق که، یکی باشند وقت ضایع ایدیه جکدی . طبیعی نقطه

التصاق یعنی بتون قطعات عسکریه نك الك چابوق واره بيله جکلیرى نقطه ، حدودك ایلروسنده : بوهمیاده یوقاری (الب) جوارنده بولنیوردی . شبهه سز دشمن پروسیا اردوسندن اول اوراده موضع آلمه یه موفق اولدی . لیکن بتون اردوسیله برابر اورایه کلمدی . اردونك بعض قوللاری ، هنوز (موراویا) نك جنوبنده (لوندنبورغ) ده بولنیوردی . پروسیا اردوسنك الك اوزاق اقسامی ایسه ، (درسد) و (نه یز) دن کلمه یه یعنی دشمندن آذرب مسافه قطع ایتمه یه ، مجبور اولدقلریچون تام و قتده ایش باشنه یتشمش اولدیله . بتون قوللارك (زیچین) استقامتنده ایلری یورویشلری ، اکثریا طالع و تصادفه براقیلان یورویشلر کبی دکل ، بالعکس ، الك اساسلی فکرلر اوزرینه قورلمش اراضینك احوال جغرافیاسنه کوره ترتیب ایدلمشدی .

بناء علیه نقطه التصاقی ، مولتکنك دیدیکی ویایدینی کبی يك اعلا ، دشمن طرفندن اشغال ایدیلان منطقه ایچروسنده انتخاب ایتمك ممکندر . اما بر شرط ایله ، که دشمن مذکور نقطه یه بزدن اول ، بزم قوتلرمزك قوتنده قوتلر کوتورمکدن عاجز بولنسون .

ناپولیون مسلكی ، قطعی بر یورویشه باشلامزدن اول یکپاره بر یغین تشکیل ایتمك قائده سی ، باشلوجه شو بیوک قائده بی حائزدرکه ، مثلا بر باصقین وقوعه کلمدیکی زمان اگر

وضعیت عمومی به بزم دوشونديگمز کې چېقمز ايسه قطعاً
عسکر به نك هېسې بر یرده اولديغېچون پك بيوك بر تهلكه
دوشولش اولمز .

(۱۸۰۶) سنه مې تشرین اولنده ناپوليون ، پروسیالیلری
کندی اوکنده (لابسیق) دن برلینه کیدن بیوک یول اوزرنده
بولیوبده بالعکس ، مأمول ایتکسزین کندی صول جناحنده
یعنی (سال) کیروسنده کوردیکی زمان ، فرانسه اردوسی طبق
شو دیدیکمز حاله اوغرامشدی .

لنکن یکپاره وکشیف بر یغین طرزنده ایلری یوروش
یایمق ، اکثریا قطعاً نك بوزغون دوشمسنی و بعض اوافق تفک
ضایعاتك حصوله کلستی موجب اولور . (۱۸۱۳) ده ناپوليون
اردوسی ، کشیف یغینلر طرزنده یاپیلان بر نیجه یوروشلر
ومقابل یوروشلردن اوتری بیاغی خراب اولمش ، کیتمش ایدی .
(۱۸۵۹) و (۱۸۶۶) ده آوستریا اردولری کذلک بو وجه ایل
حرکت ایتمش اولدقلر یچون پك چوق زحمت چکدیلر . اوندن
بشقه ، اگر دشمن کنديسنه اولمق ایستیلان یومروقدن
چکینور و بوکاموفق اولورسه ، کشیف بر یغین طرزنده ایلرولیان
اردو ، یاقسماً دشمنی کندی حاله براقهیه و یاخود اونك قرشو-
سندده پارچه لره آیرلمیه لزوم کورورکه ، شو ایکی مسئله نك
ایکسی ده تهلكلی برر وضعیت حصوله کتوردرلر . نته ایم ،

(۱۸۱۳) سفرنده (بلوهر) آغستوس ایله ایلول آبی بدایتلرنده ایکی دفعه کندی خصمنه قرشو دیدیکمز کبی حرکت ایدرک دشمنک ضربه قطعیه سندن چکنمه یه موفق اوله بیلیمش ایدی. اک صکره شونی ده سویلیه لمکه، هدفک ایلر یسنده طویلاقم ایچون ایجه بریر پارچه سینه احتیاج واردر: اگر دشمن بزم جبهه مزک قرشوسنده یقیننده بولنورسه اوزمان مختلف قوللرک برلشمسی آنجق اس الحركات اصلیده اوله بیله جکدر.

بو حال، یعنی مختلف قوللرک اس الحركات اصلی اوزرنده یکدیگرینه التصاق ایلمک مسئله سی ایسه برنجه یان یورویشلرک یاپلمسنی ایجاب ایدرکه، مذکور یورویشلر صنعت حربه دائر یازیلان اثرلرده کوردیکمز محذورلردن هیچ بریسنی کوسه تر-مدکری زمان بیله، ینه دشمنه یک یقین اجرا ایدلرک ایچون، باصقین حرکتلرینه اوغرامق، منفرد محاربه لره سبب ویرمک وقاریشیقلمنی موجب اولمق کبی، فکر مزده اولمیان برچوق فناالقلر حصوله کتوره جکلردر. سویلیدیکمزی ده-ا کوزل آکلانق، ده-ا کوزل تصدیق ایتدیرمک ایچون آوروپای غربیده ظهور ایده جک برسفری خاطره کتور یورز. حقیقت! هر بریسنی یوز بیکلرجه انساندن ترکب ایتمش، اعلان حرب ایدلرکی زمان حدود بوی اوزرنده یوز یوزه کلش وبربرینه یک یقین برمسافه ده یایلمش اولان دشمن اردولرینی بردوشونور

ایسه که، بوراده خصم طوپراغنه کیرمزدن اول قوای جسیه
 عسکریه نك بر قسمی ایچون درجه کافیه ده یر اولم دیغنی ،
 التصاق حرکتک حتی انشای حربده بيله اکمال ایدلمش اولمسی
 لازم کله جکنی هپمز تصدیق ایدرز.

آنچق دشمن طرفدن اشغال ایدیلان منطقه ایچروسنده
 وقوعه کله بیلان بر التصاق حرکتی اردولرک بالطبع صوک
 زمانه قدر آری آری قولار طرزنده ایلرولمرینه مساعده
 ایلر . اکر خصم کیرو چکیلورسه ، نقطه التصاقی بر آزدها
 ایلری کوتورمک ممکندر . شو حال قطعات عسکریه نك حرکت
 واعاشه سفی تسهیل ایدر . دیدیکمز قاعده نك کندیسندن آیرلر ،
 بر تهلیکسی وارکه ، اوده قولاردن بریسی ، دیگرلری اونک
 امدادینه یتشمک ایچون وقت بولمزدن اول ، آره یه کیرن دشمن
 طرفدن مغلوب ایدله بیلور . اکثریا قولاردن یالکز بریسنک
 بر عارضه یه دوشمسی ، ویاخود یاکلش بر استقامت آلمسی
 اوته کیلرینک ده کیرویه چکلمسینی موجب اولور . یوقاریده
 سوبلیدیکمز کبی یالکز بر نقطه ده موفق اولق شرطيله اکثریا ،
 مظفر اولان تعرضک فائده لرندن بریسی وبلکه اک مهمی شو
 وجه ايله بیوک بر محذور یرینه کچر ویاکز بر نقطه ده مغلوب
 اولتی وسیله سیله تعرض حرکتی بسبتون بوزیلور کیدر .

اردونک وضع و تقسیم ایدلمش اولدیغنی یر نه قدر کنیش

اولورسه، باش قوماندانك حكم و تأثيرى او قدر آزالمش بولنور؛
وبالعكس تعقيب ضابطلرينك استقلالى او قدر زياده چوغلماش
اولور. برده اونلرك طرز حركتلرى، او آندن اعتباراً نتيجه
عموميه اوزرينه بيوك بر تأير كوسترمه يه باشلار. اكر بتون
جنراللار، وياخود اونلرك بيوك بر قسمى، تماميله باش قوماندانك
فكرينه كوره وسرعت وشـدـتـله حركت ايتيمه جك اولورسه
او زمان قطعات عسـكـريـه نك التصاقى ايو بر نتيجه يه ايصال
ايديله ميه جكـدر . واحتمال كه، سردار اكرم اولان ذات معيت
جنراللرينك يابه جقلى قصورلردن اوترى موفق اوله ميه جقدر.

(۱۸۶۶) سفرنده ايكنجى پروسيا اردوسى بوه ميايه كيرديكى
زمان، قول اردولرك برينه قوماندا ايدن جنراللردن بريى
كنديسنه ويريان وظيفه يي كوزلجه تعقيب ايدمى؛ وكرچه
اردو بوندن اوترى يورويشندن كيرو قالمى. لىكن اكر ديكر
جنراللردن برى شويله درايتسزلك كوسترمش اولسيدي؛ مثلاً
اكر جنرال (ايشتاين ميچ)، (ناشودا) موقعنده جنرال (بونن) ك
(طروتناو) ده ياپدينى كى حركت ايتسه ايدى، اردومك يورو-
يشى تعطيل ايدلمش بولنه جقدى. اونك ايجون سردار اكرم
اولان ذات، كندى جنراللرينى ابودن ايويه طائىلى واونلره
قطعياً امنيت ايتمش اوله بيلميدر.

كذلك، قطعات عسـكـريـه ده فنا وياخود ضعيفجه تشكيل

ایدلش موادك بولغامسى ده لازمدر . چونكه اويله اولورسه
 على العاده بر تصادف، جزئى بر عارضه قول اردولردن بعضيسنك
 كال سهولتله طاغلمسنى ايجاب ايديهيلور. نته كيم (۲۳) آغستوس
 (۱۸۱۳) سنه سنده (اودينو) اردوسنك باشندن بوديديكمز فلاكت
 كچمش ايدى [*] .

تربيه و تعليم عسكريمى يولنده اولميان قطعات عسكريه
 طويل بولندقلرى زمان، اكثريا كارلى چيقارلر. بناءً عليه كشيْف
 يغيئرلر طرزنده ايلرى يورويش ياپق مشئوم عارضه لره قرشو
 جدى بر تأمليات يرينه كچر . وبوندن اوترى كندى قطعات
 عسكريه سندن امين اولميان جهت بواصوله كوره حركت ايدرسه
 يك ايو ايتمش اولور .

بالعكس آرى، آرى قوللر طرزنده ايلرى يورويش ياپق
 خصوصى ده اكثريا دها مكمل بر موفقيتك حصولنى تأمين ايدر.
 چونكه بو وجه ايله حركت ايدلديكنه كوره دشمنى باصقين ايله
 بقالامق دها قوللايدر . كرچك، دشمن كنديسنك عين زمانده
 بر قاج نقطه دن هجومه اوغرا ديفنى كورنجه كنديسي چون اك
 مهم نقطه هانكيكى اولديفنى آيرمقده ايجه زمان صرف ايده جك

[*] (غروسبرن) ميدان محاربه سنده (رينر) قطعات عسكريه سنك
 طاغلمش اولسى ، اوچ قولده ايلرولميان اردونك كاملاً رجعت ايتمى
 انتاج ايلدى .

وبالطبع خصمنه نظراً بر آز کج طاورانش اوله جقدر .
 یالکز بونکه قالسه ینه بآس یوق ! لکن کندیسنی عین
 زمانده بر قاج نقطه اوزرنده قورقیدان نهلمکه ، عسکر آره سنده
 بر قاریش قلاق حصـوله کتوره جک وبوندن اوتری آله جق
 ترتیباتک اکثریا خطالی اولسنی ایجناب ایلیمه جکدر . اک صکره
 بواصول التصاقه عائد شرطلردن بریسی دهـا وارکه ، اوده شو
 وجهه ایلـه اونی تطبیق ایدن اردو ، کندی خصمنی میدان
 محاربه اوزرنده قوشاده جق صورتهـه جالیشمش اولمیلیدر . چونکه
 بویله یامق حال حاضر تعبیه سـنه واسلاحه تأثیرینه پک موافق
 دوشـر .

شیمدی هر بریسنک فائده ومحدوری آ کلاشلدقدن صکره
 عجبا قطعات جسمیه عسکر به نک التصاق نقطه سنی مولتکه مسلکـنه ،
 یوقسه نابولون قاعده سـنه کوره می انتخاب ایتلیدر ؟ بو سؤاله
 جواب ویرمک ، بزه قالدورسه اردولرک باشنه کچه جک ذاتلرک
 وظیفه سیدر . کرچک ، بوکی آدمـلر ، وضعیت عمومیه به کوره ،
 ایکی مسلکدن هانکیسنی قبول ایتـمک کندیلرنجه دهـا الـوریشلی
 ایسه اونی اونه کندن آرمق ایچون حسن انتخاب وسرعت نظر
 صاحبی اولمیلیدرلر . چونکه بو مسلکـلرک ایکیسـی ده وضعیت
 حال وشـانه کوره ، دکیشه بیلورلر . اونـکه برابر ، باش قو-
 ماندانلرک وظیفه سی اک چوق هانکی اصولی تطبیق ایتـمک لازم

کلدیکنی دوشونمک دکل، بالعکس موجود اولان قوای عسکریه یی دشمنه قرشو هپسی بر آنده اینس کوره جک وجه ایله ایلری یه کونورمکدن عبارت اولدیغنی ده اصلا اونوتماولی بز .

۵ - موازی یورویشلر ، متلاقی یورویشلر ، متباعد یورویشلر ، کیجه یورویشلری ویان یورویشلری .

موازی یولار اوزرنده ایلری یورویش یایمه نك فائده سی ، قطعات عسکریه بربرندن مساوی آره لقلر ایله ایرلش اولدقلری ایچون حرکت زمانلرنده ، اعاشه واقامت خصوصلرینی دهها زیاده تسهیل ایتمکدر .

کرچک ، شو وجه ایله حرکت ایلمسنه کوره ، قوللاردن هر بریسنك کندینه مخصوص خط الحركانی ، وخط اتصالی وارددر . بویله اولدیغیچون موازی یوللارک بر فائده سی ده کیروندن کلان قافله لرك یکدیگرینه قاریشمسنی منع ایلمکدر . هیچ شبهه ایلمسنون که ، قطعات جسمه نك ایلری یورویشلریچون اک اویغون اصول بوددر . لیکن شو اصول آنجق یولار بربرینه پک زیاده یقین اولدیغنی زمان قطعات جسمه نك میدان محاربه سمنده برلشمسنی تأمین ایدر . بالعکس یولار بربرندن ایجه اوزاق

ایسهلر ، مختلف قوللرک میدان محاربه اوزرنده التصاق ممکن اوله مزکه ، یا لکنز بو محذور یوقاریده کی فائده لک هپسنی یوق ایتمه یه یتیشور . بناءً علیه موازی یوللر اوزرنده ایلری یورویش باقم خصوصی ، بر محاربه ویرمک ایچون دکل ، بلکه بر مظفریت استحصالندن صکره خصمک تکرار بر مقاومتنه اوغرامق امید ایدلیورسه ، ضبط اولنان منطقه یی بویدن بویه آتلامق ، ایلری کچمک ایستلیدیکی زمان تطبیق ایدیلور .

مثلا بو کیدیش ، (۱۸۷۰) سنه سی آغستوس آینده (سال) ایله (موزل) آره سنده آلمان اردولرینک باشندن کچمش ایدی . لکن فرانسه لر ، بردن بره (نی ید) کیروسنده توقف ایلدکلی زمان ، اونلرده بیله بعض تعدیلات یاقم لازم گلش ایدی .

خصم اردوسنه یا قلاشلدججه ، ایلری یورویش لک متلاق اولسی لازمدر . بونک ایله برابر وقتندن اول ، موازی یوللری ترک ایتمکدن پک زیاده چکناملیدر . زیرا بو درلو پاپیلورسه دشمن ، مطلوب اولان زماندن اول بزم هدفزی کشف ایدر ؛ وبوندن اوتری پک صیق بر اجتماعک موجب اوله جفی محذور . لردن استفاده ایتمه یه قالدیشور ..

نقطه التصاق ثابت دکل ، بالعکس معین بر قوس اوزرنده متحرکدر . زیرا دشمن اردوسی ایجاب حاله کوره تبدیل موضع ایدر . اونک ایچون بزده التصاق نقطه سی مذکور اردونک

حرکاتنه کوره انتخاب ایتمه به مجبورز. ایش بویله اولنجه قوللارک متلاقی استقامتلرده یورویشلری کرچکدن یالکز برنقطه اوزرنده نهایت بولمش اوله میه جقدر. بالعکس (۱۸۶۶) ده پروسیا اردو- سنک باشندن کچدیکی کبی تعبیه نک هدف اصلیمی اورتیه چیقنجه به قدر، مختلف یورویشلره نسبتاً محدود بر منطقه اوزرنده نهایت بوله حق واوندن صکره یالکز بر نقطه به توجیه ایدلمش اوله جقدر.

برده بز شو التصاق تعیری نی حرفی حرفنه آلهرق بوندن قوای عسکریه نک یالکز برنقطه ده بربری اوزرینه یغیلورجه سنه طوپلانمش اوله جقدری معناسنی چیقارما ملی بز. براردو؛ حق اک اوزاقده کی قطعات عسکریه سی میدان محاربه کونه یتشمش اولدینی زمان، تمامیه اجتماع ایتمش صاییلور. اگر بر اردونک بتون قوللاری (کونیکره ج) میدان محاربه سندن اول، پروسیا اردو سنک یابدینی کبی مصادمه یرینک اطرافنده بر یارم دائرة تشکیل ایدرلرسه او وقت اونلرک وضعیتی اک کوزل بر وضعیت اولور. وبو حاله نظراً آرتق کال امنیت ایله مختلف قوللارک تمامیه التصاقنی اکمال ایتمکسزین ایش کورمک، مظفریت قزاق ممکن اولور. بونک اک پارلاق مثالی (صادووا) میدان محاربه سندن آیری آیری قوللار طرزنده یورویش یایمق، ایلری حرکت ایله یایلمه ترتیباتی ایچمه تسهیل ایدر.

متباعـد يولـا اوزرنده ايلرى يورويش يايىق مسئله سـنه
كلنجـه، اكر بويورويش، هاجمين ايچون ايورنتيجـه نك حصواني
تأمين ايدر وياخود بر مظفريتـدن صكره مملكـتك بر قسمي
اشغال ايتـك لازم كلورسـه او زمان فائـده لي اولور. يوقسـه ،
متباعـد بر ايلري يورويش يايىق ايچون قولاره آيرلىق دشمن
قرشوسنده يك تهلكـلى بر شيدر. آز چوق اهميتي حاز يكي بر
محاربه يه انتظار اولنور وياخود شومصادمه يالكـز ممكن الوقوع
كورينورسـه، او زمان يوقاريدـه سويلديكمز كي هـركـت ايتـك
اصلا جائـز دكلدر.

(۱۸۱۴) سفرى ائسانسـده خصـمى يـكـيدن قوشـاته بيلـمـك
ايچون بر اردونـك ايـكي دفعـه ايـكي پارچـه يـه آيرلـش اولـديـني
منظره سنى، بو غريب منظره يى كوريورز. لـكن متفقين اردوـ
سـنـك شو وجـه ايله هـركـت ايتـش اولـسـنى ايچـاب ايدن بعض
اسباب خفيه واردر. از جمله باش قوماندانلردن بر يسـنـك يعنى (بلوهر) ك
آرزوسى دهـا زيـاده بر استقلال قزائىق ، دهـا سـربـست ودهـا
مكـمـل بر دائـره صلاحيت ايچـنده هـركـت ايتـك ايدى . چونـكه
مشارايله اردوى اصلـيـه اوـيله صيقـيدن صيقـيـه باغـلى طور دـنـجه
بو ديديكـمز شيلـرى قازائـش اولـه مـيـه جـغنى يك اعلا بيلوردى.
(۱۸۷۶) سفرندـه صـربـليـلر اوچ نـقـطـه يـه مـتـوجـهـا
هـركـت ايدن باشـمـيـجه دـرت قولـده متباعـد بر تعرض ايله

ایشه باشلامش-لردی . لکن اونلرک شو-وجه ایله حرکتلری
 پولتیقه جه حس ایدیلان بعض ملاحظاته بناءً ترتیب اولمشدی.
 چونکه اگر پولتیقه ملاحظاتی هیچ ده نظر دفته آلمیه-رق
 ایشه کیریشلمش اولسیدی، اوزمان بتون سفرك باشند صوکنه
 قدر غائب ایدلمش بولنسی لازم کلوردی . فقط هر حالده
 شوکی شیلر پک نادر تصادف ایدیلان مستثنا حرکتلردن
 صاییلور .

بعضاً یورویش استقامتی دشمن جبهه-سینه مائل وحتى
 بعض کره مائل ده دکل ، موازی بولنیور . بر وجه ایله که،
 یورویش حالنده کی قطعات عسکریه کندی یانلرینی دشمنه
 ویرمکه و بناءً علیه بریان یورویشی یانمغه مجبوریت
 کورورلر . بوکی یورویش-لر ، کرچه ، اک زیاده مدافعه
 ترتیباتنه عاندر . لکن بز هر حالده اونلردن بر پارچه
 بحث ایتلی بز . چونکه دارالحرکانک صاغ ویا-صول طرفنده
 واقع بر نقطه یه دشمندن اول وارمق لازم کلدیکی زمان شو-یله
 بر یورویش قولالانلمش اوله جقدر .

باییلان یورویشک بریان یورویشی اولدینی بیلنمز ویاخود
 آب آنسزین دشمن باصقینه دوشلدیکی آکلایشیلورسه ، ایشه
 بو حالده یان یورویش-لرک محذورلری اک دهشتلی محذورلردن
 صاییلورلر . یورویش حالنده بولنان بر قول یان طرف استقا-

متنده قول باشی اوزرینه یایلمقدن زیاده برسرعتله یایله بیلور .
چونکه یان طرف اوزرینه یایلدینی زمان قطع ایدیله جك مسافه
اوته کیندن پك آذر .

بوندن آکلاش-یلورکه ، یان یورویت-لر دشمنه پك یقین
اوله جق بر صورتده اجرا ایدله ملیدر . بالعکس هیچ اولمزسه
قطعات عسکریه نك یایلمسسه مساعد بر مسافه قدر اوزاقدن اجرا
ایدلی-در . بر یان یورویشی ، خصم قرشوسسسه موضع آلان
خصوصی بر مفرزه ایله ستر وحمایه ایتمه نك ده محذوری واردر .
زیرا اکر بو مفرزه نك قوتی پك ضعیف ایسه ، دشمن ایله
چارپش-حق ایستلمیان بر زمانده ، اونی هجومه دعوت
ایتمش اولورز . یوق ، اکر بو مفرزه پك قوتلی برشی ایسه ،
اونك دشمنه قرشو موضع آلمسی و صکره او موضعی ترك
ایتمسی ، اصل یان یورویش اجرا ایدن قسم کلی ایله برلشمسی
پك چوق زمان ایستر . وبلکه بوندن اوتری یان یورویشك
کچ قالمسی کبی بیوک بر محذوره حاصل اولور .

بر یان یورویشنی هر درلو باصقینلردن امین بولم-دیمرمق
ایچون بعض شیلره دقت ایتك ، آز چوق احتیاط اوزره بولنق
لازمدر . از جمله ، کمال جدیت ایله یاییلان استکشاف خدمتلی
یورویش نظامی تشکیل ایدن جزء تاملر آره سنده جزئی کلی
سواری بولنسی ، معیت قوماندانلرینه یانلردن بری اوزرینه

ياييله بيلمك ايچون حاضر طورملرينه دار بر دوزي يه خبرلر
كوندرلمسي، كرچك، بريان يورويش ياپلديني زمان دقت ايديله جك
احتياطلردندر .

شبهه سزدرکه ، بريان يورويشي هر نصل اولورسه اولسون
دشمنك ياپه جني هجوملردن ينه متأثر اولور . چونكه يورويش
معين بر زمانده معين بر هدف اوزرينه توجهيه ايدلمش
اولديغيچون البت خصمك ياپه جني هجوم حركاني آني پك
چوق ضرر وزياته اوغرتر . بناء عليه بريان يورويش انساني
وقوعه كله جك هر هانكي بر مصادمه ده او يورويشي يابان
قطعات عسكربه مظفریت قزائمش اولسه لريله اونلرينه ضررلي
چيقارلر . زيرا بو موفقيت اونلرك كچ قالمسي انتاج ايتكمك
بشقه خيرلي برشي حصوله كتورميه جكدور .

اكر دشمن توقف ايتمش بولورسه، اوزمان يان يورويشي
دها زياده بر افيت ايله اجرا ايديلور . چونكه دشمن تكرار
يورويشه باشلامق ايچون بر موضعت مختلف نقطه لرينه يامش
اولديني قطعات عسكريه سني طوبالامق خصوصه نده هم چوق
زمان غائب ايدمك هم ده چوق زورلق چكه جكدور .

بالعكس ، اكر دشمن، ذاتاً، يورويش حالنده بولورسه
وبزده كندى قطعات عسكريه مزى بهمه حال اونك قول باشنه
تقدم ايتديرمك ايتيور ايسهك شو حال بزم ايچون ايجه زور

بر حال اولور . واكثريا بعض منفرد مفروزه لر ايله اونك قول باشی اوزرينه هجوم ايتمك ، اونی طور دیر مق حرکاتی اجرا ایدلمزسه قسم کلیمزك یان یورویشده موفق اوله میه جنی طبیعیدر . لکن شو وجه ايله یایمه نك ده کندیسنه مخصوص فئالقلمری واردر . از جمله دیدیکمز اوافق تفك ، محاربه لر ویریلورکن بعض کره بو منفرد محاربه لرك بیوک بر مصادمه شکنه کیرمش اولسی کبی حالار ظهور ایدرکه ، بز اوندن طولانی اصل هدفک خارجنده و بشقه بر هدفه قرشو بتون قطعات عسکریه مزنی یایمهیه مجبوریت کوریرز .

نه قدر چالیشلسه یان یورویشلردن چکنمک ممکن اوله مز . آیری ، آیری ایلرولیان قولاری دشمن قرشوسنده برلشدیرمک لزومی قالمقدیچه یان یورویشلر یایمق لزومی ده اصلا اکسیک اولیه جقدر .

حاصلی بو درلو یورویشلر ، بیوک بر دقت ايله اجرا ایدلملیدر . تردد وقرار سزلق اونلر ایچون الک بیوک بر دشمن اوله بیلور . بناء علیه بریان یورویشنی ایلو بر نتیجهیه ایصال ایتمک ایچون وضعیت ايله ، تعقیب اولنه جق هدفی پک آجیق بر صورتده بیلیمک لازمدر .

اوندن بشقه ، برده کیجه یورویشلری دنیلان برنوع یورو-یشلر واردر . کرچه ، کیجه یورویشلری قطعات عسکریه نی

بك زياده يوردقلىرىچون ايجه بر زماندن برو اولنلى تطبيق
ايتمكدن اجتاب اولنور . فقط يان يورويشلىرى ، نصل سوق
الجيش ، تركيياتندن عد ايمهيه لزوم كورلمش ايسه اولنلى ده
سوق الجيش اقساامندن عد ايمهيه مجبوريت كوريلور . كرك
فره دريق و كرك نابوليون سفرلرنده كوردىكمز بر خيلى مشلاره
باقيلورسه ، كيجه يورويشلىرى لايقي وجهه ايله سوق و اداره
ايدللكلى زمان قطعات عسكريه اويله ظن اولندينى كهي مشكلاته
اوغرامش بولمزلر . ممالك جنوبيه نك صيچاق موسملرنده ،
كيجه يورويشلىرى ، اكثر يا تعقيب ايديلان بر اصولدر .

(۱۸۷۷) سنه سى تموز آينده عثمان پاشا حضرتلى ، (ودين)
ايله (بلونه) آره سنده اوچ كيجه لك يورويش اجرا ايلدى .
حال بوكه شو كيجه يورويشلىرى نندن صكره پايه لان محاربه لر ،
عثمان پاشا حضرتلى نك بك يورغون دوشمدكلرىنى و باله كس ،
مصادمه ايدمك بر حالد اولدقلىرىنى بك ايو اثبات ايلديلر .

حق ديه بيلورزكه ، محاربه كوننك ايلك كيجه سنده پاييله حق
يورويشلىرى بك فائده لى اوله بيلورلر : يعنى او سايله ده هجوم
باشلامزدن اول ، دشمن موضعه نك يقين بر مسافه ده بر نيجه
قطعات عسكريه بريكديرلمش اولور . برده اردولرك كوندن
كونه آرتقمده اولان قوتلرينه باقيلورسه ، بو جنس يورويشله
دائما لزوم كوريله جكنى تسليم ايتمك ضرورت حكمنه كچر .

حقیقتاً اگر کیجه یورویشلرینه مراجعت ایدلیه جک اولورسه،
مصادمه یرینه یتشمک ایچون بربری آرقه سنده یوریان ایکی
قول اردویه یالکز بر یول تعیین ایتک ، اولری یالکز بو یول
اوزرنده یوریتک اصلاً ممکن اوله مزدی .

اک چوق دوشونیه جک شی ، کیجه یورویشلریله عسکرک
اویقوسنی بستیون محو ایتمکدر . بوکا چاره ایسه، ایرتمی کون
یایله جق حرکات ایچون لازم کلان امرلری مناسب زمانلرده
ویرمکدر .

۴ — تعرض سوق الجیشینک اشکال خصوصیه سی

اس الحرکانک وضعیتی، هدفک انتخابی ، خطوط الحركات
ایله طرق نقلیه نک استقامتی، اردونک ایلری یه طوغری اصول
حرکتی، التصاق و هجوم نقطه لرینک تعیینی شبهه منز بریجه مختلف
شکل لر حصوله کتوره جکلردرکه ، بز اولرک هپسنی اوزون
اوزادی یه تعریف ایتیه جکز . بالعکس یالکز اولر ایچنده اک
بسیط اولانلرینی وائناى سفرده اک چوق تطبیق ایدلک لازم
کلانلرینی سویلیمکه قناعت ایده جکز :

سوق الجیش جبهه هجومی

تعرض اردوسی قوتیجه دشمنه فائق اولدینی زمان ، جبهه

هجومی ، سوق الجیشك قبول و تصدیق ایده جکی بر هجومدر .
 حقیقت ! کیمکه ، خصمنی محو و پریشان ایده جک اقتداری
 حائزدر ؛ اونی هرزده بولورسه ، اوراده هجوم ایتک ایچون طوس
 طوغری بر یوروش تعقیب ایلیه جکدر . لکن بو درلو حرکت
 ایتش اولدیغیچون کندی قوتنک حصوله کتوره جکی نتیجه یی
 بسبتون اکمال ایتک خصوصه مننده ده حرب صنعتنک کندیسنه
 ویره جکی بعض وسائلی قوللانمقدن واز کچه جکدر .

اوت ! قزانیلان نتیجه یی تزید و اکمال ایچون بیوک برشدله
 حرکت ایتک ، و باخصوص ایلک مظفریتلردن صکره دشمنی
 تعقیب ایلیمک لازمدر . حال بوکه ، جهه دن هجوم ایدلدیکیچون
 دشمنک نه یانلری ، نه خط رجعتی ، و نه طرق اتصالیه سی تهدید
 اولنمشدر . هجوم یاپیلان استقامتک آپ آنسزین دیکشدر یلمسیله
 دشمنی باصق و یقالامق ده ممکن دکلدر . بالعکس دشمنی یقالامق
 اولسه اولسه ، هجوم استقامتنده و کمال شدت ایله یوریمک ، ایلری
 کیتیمک ایله اوله جکدر .

بسیط بر جهه هجومی بعض ترتیبات فرعیه ایله ترکیب
 ایتیمکده بر فایده یوقدر . چونکه بویله یامق ، هجومک قوتی
 آترمش اوله من ؛ بالعکس ، ترتیبات مذکوره ایچون بدایتده
 بعض قطعات عسکریه نک آیرلمسی ایجاب ایده جکندن هجومک
 قوتی آزالتمش اولور . کرچه بو درلو یایمقدن هیچده منفعت

کورلمز دكل؛ كوريلور فقط براز كچ؛ مثلاً سويلديكمز مفرزه لر دشمنی باصقین ايدرك، اونی بعض قصورلر يايمةيه مجبور ايلدكلری زمان جهه هجومی ترتيبات فرعيه ايله منج ایتمكدن آز چوق فائده كوييله بيلور.

بعض افكار خصوصيه ومثلاً اراضينك تشكلی، خصمك وضعیتی، يوللارك شكل وطبیعی بر سوق الجیش جهه هجومی دیگر تشبثات ايله ترکیب ایتمهيه لزوم قطعی کوسترمدکجه اوندن واز كچملى و يالکز جهه دن هجوم حرکتی اک ساده وطبیعی بر هجوم کورمکله برابر اونی آشاغی بر شی ظن ایتمه ملیدر. اصل مقصد محاربه يی باشه چيقارمقدر. بو مقصد ايسه، دشمن اوزرينه طوس طوغری يورینه لیدیکی زمان دهـا چاپوق الـه ايدیلور.

برده سوق الجیش حرکاتی، خصمی بر طرفـدن چويرمک ويا قوشاتقی خصوصنده تعبيه نسبة دهـا از سربست جریان ایده بيلور. با خصوص شیمدیکی زمان اردولرينك جسامتی بر دوشونيلورسه، بو اردولر، سوق الجیش يايلمه سی هنگامنده کندي يانلرينی دکز ساحللارينه، بی طرف حدودلره وبعض خطوط مستحکمه يه استناد ایتـدرمک ايچون بر چاره آرهـيهـ جقاری طبيعیدر.

لکن تعبيه ده شو حال پک نادراً وقوعه کلور. بسـيط

شکلر، اردولرک سوق واداره سنی دها زیاده قولایلاشدیرلر.
بو سایه ده بر چوق فناقلر وقصورلردن چکنمک ممکندر.

اوندن بشقه، سوق الجیش ترتیبائی محاربه قطعیه نك جاری
اوله جنی اصولی دها اولدن ومطلق بر صورتده تعبییه تطبیق
ایتمش اوله مز . مثلاً سوق الجیش جبهه هجومندن ، تعبییه ده بر
جویرمه هجومنه کچمک پك اعلا ممکندر . اونك ایچون سوق
الجیش هجومی نصل ایسه ، تعبییه هجومنك ده ینه او جنسندن
اولمی هیج بر زمان لازم کمز . وبوبله بر شرط یوقدر .

دشمن جبهه سی اوزینه وهر نقطه ده مساوی قوت اولمق
شرطیله نهایت بولان موازی یورویشلر ، اك آز قطعی نتیجه
حاصل ایدن یورویشلردر. دشمن ضعیف اولورده اونك یالکز
طردی ، مدافعه ایته دیکی اراضینك هر جهته سن اله کچمسنی
تأمین ایلدیکی زمان شو یوقاریده کی اصولی قوللانمق ممکندر .
یاخود الله یتمز ، توکنمز منابع سفریه موجود اولورده
خصمی بر کره دها تعمیر ایده میه جکی برخیلی ضایعانه دوشورمک
ایستیلورسه اوزمان ینه اصول مذکوره کوره حرکت ایتمک
قابلدیر .

لکن بر قاچ موازی خط اوزرنده حرکت ایدن مختلف
قولارک قوتی اصولاً بر برینه مساوی اولمز . از جمله یانلرده کی
قوللردن بریسی ، راست کله جکی دشمن جناحنی محو وپریشان

ایده جک صورتده اونه کیلردن قوتلی بولندرمق لازم کلور .
 حاصلی ، سوق الجیش جبهه هجومی ، اکثریا دشمن مو -
 ضعنک یالکز بر نقطه سی اوزرینه توجیه ایډیلان یورویشلر ایله
 اجرا ایډیلور . بو متقارب یولار ، اساساً سوق الجیش جبهه
 هجومی ایچون اک ساده وخصوصی بر شکل حصوله کتوردرلر :

سوق الجیش مرکز هجومی

دشمن خطفی یارمق ، هجوم ایډیلان اردویی آری ، آری
 دوکبیلیمک ایچون منفرد پارچه لره آرمق ، موفقیت حاصل
 اولدینی زمان اک بیوک واک کوزل نتیجه لر ویرن بر اصولدر .
 شو اصولک اک مهم فائده لرندن بریسی ده خصم اردوسندن
 آیرلمش اولان پارچه لره عین زمانده ، کندی خطوط رجعیه
 واتصالیه لرینی غائب ایتمش اولملریدر . زیرا دیدیکمز پارچه لر ،
 اک صکره یان طرفنده موجود خطرلردن بریسنه استناداً کیرویه
 چکلمه نلک چاره سنی آرمه یه جقلردر .

بوکا قرشو مرکز هجومنک بیوک بر محذوری وار . مثلاً
 اگر ، دشمن خط حربنده کدیک آچان یعنی مرکز هجوم
 ایدن قوت ، ایجه بیوک بر شی دکل ایسه ، اوزمان ایش بشقه -

لشور . و آچیلان کدیک صاغدن ، صولدن قیانه یه باشلارکه ،
 بو ، هاجین ایچون کرچک بیوک هم پک بیوک بر تهله کدر .
 سوق الجیش مرکز هجومی ، کندی طبیعتی ایجـابـندن اوله رق
 برچوق تعیه جبهه هجوملرینی حاصل ایدر . فقط زمان حاضر
 سـلاحـلرینک آتشی ، تأثیری بر دوشونیلورسه ، بو هجوملرک
 بر چـوق مشکلات کوره جکلرینی تسلیم ایتمک لازم کلور .
 مشکلاتک بیوکی ایسه ، مرکز هجوم ایدلرکی آنده خصم
 اردوسی بتون اقسامی بر یره طوبلامه یه موفق اولدینی زمان
 کوربله جکدر .

فی الحقیقه ، دشمن بتون اقسام عسکریه سنی بر یره جمع
 ایده بیلدک بیوکلرکی کوسترمش اولنجه ، هاجین طرفی ، خصم
 اردوسی کندی ایلروسنده وهرایکی جناخنه قرشو بروضعیتده
 بوله جقدرکه ، بوندن صکره اونک الندن قورتلمق ، بر موقع
 مستحکمدن طیشاری چیقمق کبی طبیعی پک زور برشی اوله -
 جقدر . آنک ایچون سوق الجیش مرکز هجومنه اک الویریشلی
 زمان ، دشمن کندی قوتلرینی کاملاً جمع ایتمدن اول ، هجوم
 ایتمکدر .

(۱۷۵۷) سنه سنده بیوک فره دریق ، صورت عمومیه ده
 (لایت مریچ) اوزرینه توجه ایدرک بو وجه ایله بوهمیایه کیرمیش
 ایدی . کرچک ، مشارالیه آوسـتریالیلرک (کونیـکـراچ) ایله

(نوغرا) یئینده کی اردوگاهلرندن هنوز چیقمدقلرینی وویریله جک سفر ایچون حاضرلق ایله مشغول اولدقلرینی پک ایو بیلوردی. بناءً علیه اونلری کسمک، اردولرینی پارچه پارچه ایتک و صکره هپسنی برر، برر تپه ملک خصوصنده بیوک برامید بسلامه یه یردن کوکه قدر حق واردی. بونک ایله برابر بیسوک فره دریق ینه آنجق بعض اوافق تفک نتیجه لر استحصال ایدم بیلدی. آوستریا- لیلر، (پراغ) شهری اوکنده ویریه جک اولان برمیدان محاربه سی ایچون بتون قوای عسکریه لرینی بریره کتوره مدیلر؛ طوغری! لکن قرال اکر ایچه وقت، جنرال (دون) ی آبلوقه خطنی آچدره قدن منع ایتدردکدن صکره، (پراغ) شهرینه قباغش قالمش اولان ماره شال (نوره) ده ده بو وسیله ایله تسلیم سلاح ایتدی. بیلیمش اولسه ایدی؛ ایشته آنجق اوزمان بیوک بر نتیجه قزاقمش اوله جقدی.

بونک سببی ایسه پک ساده بر شیدر. چونکه فره دریق، کندیسیده بوهمی-ایه کیرمه دن اول، قوای عسکریه سنی پک واسع بر منطقه اوزرینه تقسیم ایتمش واک صکره اونلری اده یرده (الب) نهری کبی عظیم بر مانع وار ایکن، ایکی قولده ایلری یه سوق ایلیمش ایدی. ایشته یالکیز بو وجه ایله یاپدینی ایچون مشارالیه ایچه زمان غائب ایتمش وایسته دیکی شدت ایله خصم اوزرینه بر تأثیر قطعی کوسترمکدن عاجز قالمش ایدی.

اگر هجوم ایدیله جک اردونک مختلف پارچه لری کیرولر ایله اولان طرق اتصالیه جه شایان دقت بعض منافع مهمه به مربوط بولنیورسه ، شو حال ، اونلرک اشغال ایلدکاری خطی یارمه به تشبث ایدن دشمن ایچون پک اویغون والویریشلی بر حالدرکه ، دشمن او سایه ده مذکور پارچه لری آز برزمان ایچنده بربرندن بسبتون آرمه به موفق اولور .

(۱۷۹۶) سنه سنده بوناپارت ، کندی اداره سنده بولسان ایلک سفرده شو مهم نقطه یی دوشونهرک او سایه ده کرچکدن سوق الجیش مرکز هجوملرینه دائر اک کوزل ، اک پارلاق بر مثال وجوده کتورمشدر . ینه بوسنه نک نیسان آئی بدایتلرنده مشارالیه (۳۶) بیک کیشیلک بر اردو ایله (ژهن) نهری اوزرینه یوری بهرک صاغده ، (وولتی) ایله (صاالتو) آره سنده (۳۰) بیک آوستربالی به و (سهره) اطرافنده (۲۲) بیک (پیه - مونت) لی به قرشو حرکت ایلمشدر . آوستریالیلرک طرق اتصالیه سی شرق شمالی یعنی (بورمیدا) استقامتنه متوجه اوله رق (آکساندری) و (میلان) ده نهایت بولیوردی .

بیومونتلیلرک کی ایسه غرب شمالی به متوجه و (تورهن) ده نهایت بولیوردی . بردن بره بوناپارت (صاوون) دن قالقه رق بتون قوای مجتمعه سیله اوکنده کی ایکی اردونک بربرینه ال ویردکاری نقطه اوزرینه ایلرولمه به قرار ویردی . مشارالیه

شو بیوک وظیفه‌نی کرچکدن شاشیله جق بر سهولت ایله باشه
 چیقاردی . قولایلنگ اک بیوک بر قسمی شوندن ایلری کلیور
 ایدی که ، آوستریالیلرک صاغ جناحی ناپولیونک اوکنه چیقارق
 (۱۱) و (۱۲) نیشان کونلرنده و (میله زعو) ده ناپولیونه مغلوب
 اولدیلر . مشارالیه اوستریالیلرک بو جناحی (دهغو) اوزرینه
 سوردی ؛ و بر کون صکره ، اونلری اورادن ده چیقاردی .
 آوستریالیلر تکرار (آقکی) موقعنده برلشیدیلر . حال بوکه ،
 (پیه مونت) لیلر (سهر) ده قالمش بولنیورلردی . بروجه ایله که ،
 بوناپارط اردوسی ، شو حرکت ائناسنده ایکی دشمن آره سینه
 کیرمش اولدی . بنهء علیه متفقین ، بربرندن آیری دوشیدیلر ؛
 و هر بریسی کندی حسابنه اولق اوزره ، اک چوق ده سوق
 طبیعتله ، انتخاب ایلدیکی متباعد خط رجعتلر اوزرنده قالدیلر .
 بوندن صکره اونلرک برکره دها برلشمیرینه امکان یوق ایدی .
 بونک اوزرینه قوجه ناپولیون طوتدی ، اولاً ، (پیه مونت) لیلر
 علیه یوردی : اونلری ایستدیکی کبی بردو کدی ؛ و کندیسندن
 مصالحه طلبنه مجبور ایلدی . براز وقت صکره ده اوستریالیلر
 اوزرینه یوردی . بوجو ایله قزاندینی ظفرلری بستیون اکماله
 چالیشدی .

غریب تصادفلر دندر . ناپولیونک صوک سفری ، ایلک
 سفری کبی همان عین وجه ایله باشلادی . تأسف اولنورکه ،

يالكىز نتيجه لرى پك فرقى چىقدى. (۱۵) حىران (۱۸۱۵) ده
 مشارايه كندى قرشوسىندە بولنان پروسياليلر ايله انكليزلرى
 بربرندن آيرىق ايجون كمال شىدتلە (شارل رووا) دن كچەرك
 (ص ۱۰۰) يولارىنك دو كوم نقطە سىنە طوغرى ايلرولدى .
 چرىك بوراسى پروسىيە وانكليز اردولرىنك بربريله ارتىباط
 حاصل ايتىدكلىرى نقطە ايدى. پروسياليلرك طرق اتصاليەسى،
 شىمال شرقى استقامتىدە (رىن) بونجه كليوردى. انكليزلرك كيلرى
 ايسە ، شىمال غربى استقامتىدە دىكزه طوغرى اوزانوب
 كيدوردى .

حىران (۱۶) سىندە ايمپراطور پروسىا اردوسى (اينى) ده
 مغلوب ايتدى . لىكن بىخىطوط رجىيەنى ايدون ايويه بردوشو -
 نەرك، بو اردونك قوماندانلىرى پك آز وقت ايجىندە ناپوليونك
 مقصدىنى او كرنديلر . اوت، پك اعلا او كرنديلرك، مشاراليهك
 مقصدى پروسياليلرى انكليزلردن آيرىق ايدى . لىكن شو
 حقيقت اشكار اولنجه ديدىكمز قوماندانلر كمال جرائنلە ايش
 باشنە كچەرك بوناپارطك فكرىنى ، املنى نتيجه سىز براقديلر .
 وهى شىئە رغماً (۱۸) حىرانده انكليزلر ايله برلشمەكە موفق
 اولديلرك، بوموفقيت سايە سىندە ناپوليون سىنجاغىك آرتق بىستون
 يوزاوستى كىسە خدمت ايلديلر . شىئە سىز! بوناپارطك حرقاتىك
 ايجە حسابلر اوزرىنە قورلىش واك زيادە منطقە تريب

ایدلمشیدی . فقط نه چاره سی وارکه ، حرکات مذکوره بودفمه
 کرجکدن بی-وک بر فلاکت ایله نهایت بولدی . زیرا ، بودفمه
 ناپولیون طبعاً شدتلی و فکرآ قوتلی بردشمن ایله اوغراشمش ایدی .
 ینه شهه سز ، ناپولیون (۱۷) حزیران صباحی (لینیی)
 مظفریتنی قزاندقدن صکره تردد ایتک ، قراکقدده یوریمک کبی
 قصورلر ییدی .

اشته بو ترددلر ، بو کوری کورینه یوریمه لر کندی
 دشمنلرینک مظفر اولمسنی الکچوق تأمین ایدن شیلر اولمشلردی .
 بوندن اکلاشیلیمورکه ، هاجمین طرفی ، دشمن خطنی بر یردن
 یاردینیی کبی خصم جهتنده وقوعه کله جک ایلمک قاریشیققلقدن
 ایلمک بوزغئلقدن استفاده ایده بیلیمک ایچون همان الک بیوک
 بر شدتده الک کسکین بر حرکت ایله ایشته دوام ایتلیدر .
 کرجک ، اگر دشمنه کندیسنی طوبالامق ایچون زمان ویریلورسه
 ایکی یه بولنمش اولان اردوسنی تکرار برشدرمک ایچون اکثریا
 لازم کلان واسطه لر ویولاری بولمقده پک چوق زحمت چکمیته .
 جکدر .

آوردوبای غریبه ظهور ایده جک سفرلر ، سوق الجیش
 مرکزی هجومنه دائر پک اعلا یکی یکی مثالار وجوده کتوره .
 بیله جکدر . شو پک مؤثر ، وپک ساده اصول ، یوز بیکلرجه
 کیشیدن ترکب ایدن اردولر بربرینک قرشوسنه کچمش وپک

طاریرلرده طوبالانمش اولدقلری زمان اک چوق کندیخی کوستره.
جکدر. زیرا بو درجه بیوک اردولر ایله ایش کوردن سفرلرده
یالکز حربک سوق واداره سی نقضه نظرندن مذکور اردولری
اک قیصه یولاردن دشمن اوزرینه سوق ایتک لزومی، حس
ایدیله جکدر.

ایچه اول سوبلمش ایدک: هیچ اولمزسه بیوک دولتر
ایچون بوندن صکره اردولرک سفر برلکئی اکیال ایدوبده
حدود بویلیینه کتورلمسی حقنده لازم کلان زمان ارتق کون
حسابیله، بلکه ساعت حسابیله کوریه جکدر. بوندن اوتری
شیمدیکی زمان حربلرنده، خصم اردوسی هنوز تجمعی یتور.
مهدن اول اک مناسب زمانده اک مناسب یرلره هجوم ایتک اصولی
براز، دکل، ایچه مشکل وبلکه محال اوله جقدر. زیرا دشمنده
بزم کبی مملکتی احیا ایدن تیمور چیزکیلردن بو قوتلی طمار.
لردن استفاده ایدرک یا بزم ایله برابر ویاخود کیم بیلور بلکه
بزدن اول، تجمعات عسکریه سنی اکیال ایده جک و بوندن اوتری
(۱۷۹۶) سفرنده اولدینی قدر بیوک بر سرعتله ایش باشنه
کچوبده مسئلهنی حل ایتک خصوصنه ارتق اعتماد کوستریله.
میه جکدر. سوزک کسیرمه سنی بوندن صکره سوق الجیش مرکز
هجومی یایق ممکن اولیه جقدر؛ واسلام! چونکه هاجین طرفی
بکدهشتلی دشمن قولارینی یارمق خصوصنده ایچه دوشونه جک،

ایچه اورکه جکدر، کیتدکجه عمومیته کیرن شیمدیکی زمان مستحکم حدودلری یعنی هر کون بشقه بشقه استحکاملر وقلعه لرله ستر ومدافعه ایدلمک ایستنیلان حدود بویلری حاصلی شومسلکده کی سرحدلر، صحرا ومحاصره جنکلرینک برآنده یاپلمش اولملرینی ایجاب ایلیه جکدر.

آرتاق نابولیونک (۱۷۹۶) و (۱۸۱۵) ده یابهیلدیکی کبی بربرینه ضد منفعتلر کوزه دن ایکی اردونک التصاق نقطه سنه کیرمک، اوللری یکدیگرینه باغلایان دوکومی چوزمک، آنجق پک مستثنا زمانلرده وقوعه کله جکدر. شیمدیکی زمان متفق اردولرینک حرکت ایده جکلری هر یرده، بالعکس کرک پولتیقه وکرک عسکرلک جه اوللرک حرکاتی، آمال وافکارینی یالکیز برنقطه یه غلامق چاره لری دوشونیه جکدر. حال حاضرده الاله ویرمش ومتفق کینمش اولان ملتلرک حال سفرده ده بویه یاملری تأمین ایدیه جکدر. زیرا شیمدیکی عصر انفاقلری ایشک بویه اولسنی ایستیور. لکن بوندن، ایکی متفق اردونک تبریع منطقه لرینی برکوزدن کچوره رک هبیچ اولمزه، ایکی مختلف دشمن اردوسنک ارتباط حاصل ایده جکلری نقطه یی تخمین برصورتده کشف ایتمک وبرآز وقت صکره اکر تعرض طولنی کرچکدن پک آچیق، کوزلی اولورسه، اراضی اوزرنده بو نقطه یی حقیله تعیین ایلک پک اعلامکن اوله جقدر.

سفرده يالکز باشنه حرکت ایدن برهاجین اردوسی، اداره سی
 تقسیم ایدلمش، مختلف قوماندانلرک الله ویرلمش اولان بر اردو
 قرشوسنده حرکت ایلدیکی زمان وحدت اداره اصولندن پک
 چوق فائده کورور . زیرا ایکی سردارک اداره سینه ویریلان
 برمتفقین اردوسی، ایشه باشلانلمه دن اول، مذکور سردارلرک
 یا شفاهاً و یا خود بومکن دکلسه، تلغرافله کوروشملرینی متعاقب
 آنجق حرکت ایده بیله جکیچون قرشوطرفده يالکز بر قوماندایه
 تابع اولان هاجمین اردوسی البت شو حالدن پک چوق استفاده
 ایدر .

هاجمین طرف بویله زمانلرده نه قدر شدت کوستر، نه قدر
 آپ آنسزین طلب ایلرسه ، متفق اردوسی وقوماندانلری ده
 او وقت زیاده شاشیررده غائب ایدرلر. اوزون سوزک قیصه سی:
 سوق الجیش مرکز هجومنک هدفی، ایلاروده کی سوزلرده هر
 بری کندی استقلالنی محافظه ایتک شرطیله حرکت ایلان ایکی
 متفق اردونک النصاق نقطه لرندن ترکب ایده جکدر . ایشته
 بوقدر !

سوق الجیش جناح هجومی

دشمن خطی اوزرینه آجیله جق کدیک ، نه قدر بیوک

آچیلورسه، سوق الجیش مرکز هجومی یابارکن راست کلنه جک تهلهکلر، دها او قدر آز اولور. واکر دشمن خطنک بر یاتی بسبتون محو ایتک ممکن اولورسه، آرتق اوتلهکلردن هیچ بر اثر بیله قالمز. چونکه هاجینک طیشاریده کی جناحی قطعاً سربست و آجیق بر حالد بولنه جفیع چون دشمن خط حربینه کوملمک تهلهکسی اورتهدن بسبتون قالمش اوله جقدر. بالعکس بو حالدن، ایلک موفقیت آردنجه یکی بر فائده حصوله کله جکدر. کرچک، دشمن اردوسنک بر جناحی اورلدقندن صکره دیگر پارچه لری اوزرینه آتلمق ایچون بر چویرمه حرکتی یاپلدینی زمان بو حرکت اونلری یکی بر جبهه آلفه و او آندن اعتباراً اس الحركات لریله اولان طرق اتصالیه نقطه نظرندن اکثریاً فنا بروضعیتده قالمغه مجبور ایده جکدر.

(۱۸۷۰) حربنک ایلک زمانلرنده آلمانلر بوکا بکرر بر پلان تعقیب ایدیورلردی. ایلک اوکجه (آشاعی انساس) ده کی فرانسیز اردوسنک صاغ جناحی محو ایتک، صکره (پارس) ایله اولان طرق اتصالیه سنی کسمک ایچون اردوی اصلی بی جنوبدن چویرمک وشماله طوغری سورمک ایستیلیوردی. فرانسیز لری (میج) بیشکاهنه چکلمکه مجبور ایدن (ایشپهرن) میدان محاربه سی دیدیکمز پلانی اولا بوزار کبی اولدی. بر آز وقت صکره ایسه،

(موزمل) نهرينك صول ساحلنده مذکور پلان ازجوق فرقلی
برشکلده ینہ ظهور ایتدی .

جناح اوزرینه سوق الجیش هجومی ، استقبال سفرلرنده ،
احتمال اك زیاده قوللانیشلی بر اصول اوله جقدرد . چونکه بو
هجوم بر کره پک ساده بر هجومدر . ثانیاً ، قطعات جسیمه نك
حرکاتنه مساعد کنیش بر جبهه اوزرنده وقوعه کلور . سوق -
الجیش جناح هجومنك موفقیت قزائمیچون آشاییده کی شرطلر
لازمدر : اولاً هجومه مأمور اولان جناح ، کندیسنه مقابل
اولان دشمن جناحنی بوزدقدن صکره درحال خصمك دیگر
قوتلرینه ده هجوم ایده بیله جك قوتی حائز اولمیدر . ثانیاً ،
بو وجه ایله حرکت ایدیورکن ، کندی اس الحرکاتی ایله اولان
طرق اتصالیه سنی ترك ایتمک مجبوریتنه دوشمه ملیدر . ثالثاً ،
دشمنك مقابل تعرضنه اوغرادینی زمان ، هجوم جناحی نصل
اولورسه اولسون اونی مغلوبیت حالنده بولندیره بیلملی ویاخود
اگر وضعیت قطعياً کیرو چکامکی ایجاب ایدیورسه ، بو رجعت
حرکتی پک تهلهکلی نتیجه لر حاصل ایده میه جك صورتده
مذکور جناحی کیرویه آلق ممکن اولمیدر .

سوق الجیش احاطه حرکتی

بز بو تعیری ، خصمك اشغال ایتمش اولدینی دار الحربه

عين زمانده هم جبهه دن هم بر ياندن ويا ايكي ياندن هجوم ايتمك
معناسنه آيورز. كندى كندينه آ كلاشيلوردكه، شوبله بر حركت
اثناسنده هجوم قولارينه تعيين ايدلمش اولان التصاق نقطه سى
دشمنك اشغال ايتديكي منطقه نك ايجروسنده بولنه جقدره و براز
يوقا ريده بو التصاق نقطه سـنك انتخابنه دائر سوبلديكمز هر شى
بوراده عييله تطبيق ايديله جكدر. آرم لرند دشمـن بولمق شرطيله
آرى آرى خطوط الحركات اوزرنده يايلان ايلرى يورويش لرك
بتون تهلكه لرى ، بو مسـئله ده كـذلك الك بيوك بر وضوح ايله
نمايان اولور . اكر دشمن كندى علمـنه يورويش ياپلمش
اوله جنى زمان حاضر بر حـالده بولمـيوردسه طـبيعى كـندي سنى تهديد
ايدن تهلكه كيه مقابل بر تعرض ايله جواب ويره جك وبو جوابه
چاره بولمق ايجون قولاردن هر بريى هيچ اولمـز سـه ، ايجـه
بر زمان مصـادمه يى اداره ايدـه جـك درجه ده برتفوقى حائز
بولمـيديرلر .

اكر دشمن هنوز قرشوسـنده كى هجومى تهلكه كيه دوشوـ
ره جك قدر حاضر دكل ايسه ، احاطه هجومك بر آنده مختلف
اسـمـقاملردن كـندي سنى كوسـتره جـك اولان ايلرى يورويش
حركاني اونى ايجـه بـزار ايدـه جـك ، آلدـينى ترتيباتى آز چوق
تعديله اوغـرانه جـق ، مـافـعه ايجون الـنده بولـنان قـواى عـسـكرى سنى
طاغـتـدبره جـق وشو وجه ايله تعرض اردوسـنك موقـفـيتنى تسهـيل

ایتمش اوله جقدر . ایکنجی فرهدریق ، (۱۷۵۷) سفری دار -
 الحربنه دوت قولده بر احاطه حرکتیله کیرمش اولدیفیچون
 بو قییلدن بر موفقیت استحصال ایلدی . بر آوستریا قولی یعنی
 (سربالونی) اداره سنده کی قوه عسکریه (پراغ) مصادمه سی کوننده
 بسبتون ایشسز قالمش ایدی [۹] .

عین دار الحرب اوزرنده وقوعه کلان (۱۸۶۶) سفری ،
 پروسیالیرک سوق الجیش احاطه هجومی سایه سنده استحصال
 ایتمش اولدقلری اک پارلاق بر موفقیتک اک پارلاق بر اورنکیدر .
 کرچک ، پروسیالیر دشمن اردوسنی ایودن ایویه تضییق ایتمک ،
 اوکا (کونیکراج) میدان محاربه سی اوزرنده بر هزیمت ویرمک
 موفق اولدیلر . بوراده سوق الجیش احاطه هجومی ، حرفی
 حرفه تطبیق ایلدی .

اصول مذکورک باشلیجه ، علامت فارقه سی ، شودرکه
 موفقیت حالنده اکثر زمانلر یالاکز بر ضربه ایله بتون فائده -
 لرینی ، بتون نتیجه لرینی میدانه چیقارر . سوق الجیش مرکز
 هجومی ، موفقیت حاصل ایتدیکی زمان ینه پارلاق بر نتیجه

[*] ۱۷۵۷ سفرنده فرهدریق مختلف استقامتلردن کلان قوللریله
 دار الحربه کیره رک مرکز هجومیله احاطه هجومی بر برینه مزج ایتمش
 ایدی . لکن بر آز وقت صکره مذکور قوللره ، دشمن طرفندن اشغال
 ایدیلان منطقه اوزرنده بر التصاق نقطه سی کوسترمش و بو مزج
 ترکیب اصولی اونکله محافظه ایتمش ایدی .

قزانش اوله من . چونکه بویله بر هجومده مظفرتی بسبتون
اکال ایتک ایچون اوندن بشقه یایله حق دها بشقه شیلر وار .
ازجمله دشمنک بربرندن آیری دوشمش اولان یغینلری اوزرینه
هیچ وقت ضایع ایتمکسزین آتلمق واونلری صوک درجهیه
قدر تعقیب ایلیمک لازمدر . ایشته بونلرده یاییلورسه اوزمان
سوق الجیش مرکز هجومک حاصل ایتدیکی موفقیت مکمل
برموفقیت اولور . سوق الجیش احاطه هجوملری ایسه هیچده
اوله دکلدرد . بالعکس قسماً ویا کلیاً بو درلو هجوملرله یاییلان
برمحاربه دائماً دشمنی بوزمق، پریشان ایتک خاصه سنی جامعدرد .
حق مذکور هجومک حصوله کتوره جکی طاتلی طاتلی میوملری
میدان محاربه اوزرنده بیله طویلامق واونلر ایله شیرین مذاق
اولمق ممکندر . اکثریا دشمن تعقیب اولنیه جقدرد . کرچک، هپسی
یالکز بر نقطه اوزرینه متقارب یورویشلر ایله حرکت ایدن
قطعات عسکریه غلبه زمانده او درجهیه قاریشمش اوله جقذر .
درکه، اونلره برآز چکی دوزن ویرمه دن اول ایشه باشلامق،
دشمنی تعقیب ایتک ناچار ممکن اوله میه جقدرد . اوندن بشقه
طاق ظفرلر ایچنه کوملمش وبربرینه قاریشمش اولان قطعات
مذکوریهی هان بیوک بیوک تشبیهات عسکریه ده قوللانمق ده
جائز دکل، بوندن صرفظیر قابل دکلدرد . (کونیکراچ) میدان

محاربه سندن صكره تعقيب حر كتنك ياپلاماسى، بزم شوسوزمى
قسماً تصديق ايليان حقايق تاريخيه دندر.

موفقيتدن امين اولقى همچون احاطه حر كتنك پك ده محدود
اولمامسى شرطيدر. گرچه احاطه حر كتنلى پك اوزون سوردىكى
ايچون تهلكه لرده بر آز اوزونجه سورر. اوت ! اكر احاطه
حر كتنلىنك وسعتى شايان اهميت بر حالده بولمز ايسه، دشمن
با خصوص كنديسنى كوزل اداره ايتك صنعتته واقف اولدينى
زمان، حر كات مذكور نك صوك دورلرنده بر كيرو چكلمه
ايله كنديسنى تهديد ايليان تهلكه دن كيزلنور وبونك اوزرينه
هاجين طرفى، دشمن جبهه سنك ايلروسنده اويغون بروضعتته
قالغه لزوم كورر .

بوندن اوتري هر احاطه حر كتى اولدجه بيوك بر جرأت
وجسارت فكري اوزرينه قورلمش اولمليدر. زمانمزده پرنس
فره دريق شارلاك (۱۸۷۱) كانون نائيسنده جنرال (شازى)
عليهنه يامش اولدينى (مانس) هجومى، احاطه هجوملىنك اك
مدهش واك جرأتكارانه بر صورتده ياپيلانلرنندن بريسيدر .
اوت ! شو ديدىكمز هجومده، عددجه آز اولان بر اردو،
ينه عددجه كنديسندن بيوك بر اردو اوزرينه اونلر ايكي ياتى
احاطه ايده جاك وجه ايله هجوم ايدىوردى. لكن بو اردو هر نه
قدر بيوك فاصله لر ايله بر بربدن آبرى دوشن قوللارى يكديكرينه

جزئی بر ارتباط حاصل ایدرک اوصورتده ایلرولمشلر و بربرینه یالکز طولایسیله یاردم ایده بیللمشلسرده باش-لانیلان حرکتی کمال موفقیت ایله باشه چیقارمشدر .

کرچک ! بو حرکتک حاصل ایلدیکی نتیجه ده خصم اردوسی قارمه قاریشیق بر صورتده فرار ایدرک او وجه ایله بر چوق طولر و بر نیجه اسیرلر اله کچمش بولندی . شونکله برابر آلمان اردوسنک دیدیکمز یوله حرکت ایتمش اولمقله معروض بولندی تهلکه لری هیچ بر زمان انکار ایده میز . المزدن کلزکه انکار ایده لم! صحیح! اکر (۱۱) کانون ثانی محاربه سنی قبول ایده جک یرده (جنرال شانزی) (مانس)ک ایلرولسندده واسع بر یارم دائره اشغال ایدن اردوسیله تام زماننده کندی کیرولری اوزرینه آقان (سارت) نهرینی آتلامش و آنلار آتلامز اوراده بر موضع طوتمش اولسه ایدی ، پروسیا قطعاتی اونی تعقیباً ایجه بیوک اولان شهر ایچنه یاییلور و بو وجهه ایله فرانسزلرک مرکز قوشوسنده بولنش اولوردی .

بر جهه هجومی یایمق ایچون پروسیا قطعات عسکریه سنی ایلری کوتورمک خصوصی ده آرتق بسبتون زور بر شی اولوردی . چونکه بو بیوک وزنکین شهر ، ذاتاً وقتیه (روش باقلن) اردوسنه مشنوم بر تأثیر کوس-ترمش اولدیغیچون ، شهه سز بو کرده ایجه زماندن بری کرک صغوق و کرک آخلق

ایله نیجه زحمتلر چکن قطعات اوزرینه کندی مشنوم جاذبه‌سنى
کوسترمش بولنه جقدی!

کمال شدت ایله سوق واداره اولندینى زمان سوق‌الجیش
احاطه هجومی، کرچک، مصادمه قطعیه دن چکلمک ایستر کبی
تصور اولنان بر دشمنی طوردرمق ایچون اک صاغلام بر یول،
اک کوزل بر واسطه‌در.

اگر بردن بره خصمک جناح‌لرینه ویاخود یانلرینه
صوقلمغه موفقیت حاصل اولورسه، شهره‌سز مرکزی‌ده اولدینی
کبی قالمغه مجبوریت کوره‌جکدر. جنرال مولتکه طبق بو یولده
یعنی دانیارقه‌لیرک ایکی یانلرینه صوقیلهرق، مشهور (دانوه‌رق)
موضعنده دانیارقه اردوسنه هجوم ایتمک فکرنده بولنیوردی.

مشار الیه شو حرکت ایله دانیارقه اردوسنى الدن چیقار-
مامق یعنی بر آنده یقلا‌لامق ایستنیوردی. چونکه مذکور
اردونک سویلدیکمز ته‌لکه‌بی آتلا‌مش اولمسی حالنه کوره،
حرب اوندن صکره ده‌ا‌ی‌جه اوزون سورمش اوله‌جقدی.
کرچه، مولتکه‌نک (۱۸۶۲) سنه‌سی کانون اولنده ترتیب ایلمش
اولدینی پلان اجرا ایدلمدی؛ لکن اجرا ایدلمه‌مکله برابر فنا
برپلان دکلدی. سوزک قیصه‌سی: هرکیم دارالحربی ایکی طرفدن
قوشادر بر اس‌الحرکانه مالک اولورسه، بهمه حال سوق‌الجیش
احاطه هجومنه مراجعت ایتمیه مجبوردر.

بو حاله كوره ، اكثريا ، قواى عسكرىه يالكز بر نقطه
اوزرينه طويلامق ممكن اوله ميه جقدر . شو حركت او زمان
بك زياده وقت ضايع ايدلمش اولمىنى ايجاب ايله جقدر .
نته كيم (۱۸۶۶) سفرنده پروسيا اردوسنك باشندن اويله بر شى
كچمش ايدى . بك طبيعيدر ، قطعات عسكرىه ، اس الحركاتك
تشكيل ايدمى چكى زاويه نك ايكي ضلعى اوزرينه بولنه جق ، اونك
ايچون قطعات مذكوره ني انجق ايلروده جمع ايتمك لازم
كله جقدر . بوندن ايسه كندى كندينه بر احاطه حركتى
چيجه جقدر .

بو قبيل بر وضعيته هاجمين اردوسى اكثريا ، اك قوتلى
اردو اولمق اوزره تصور ايديليور . اويله اولنجه بوتفوق دشمنه
اك چابوق حس ايتديرمك ايچون اك ابو واسطه نك سوق الجيش
احاطه هجومندن عبارت اولديغى ده تسليم ايتمك لازم كلور .

احتمال كه ، ايلروده ويالكز بو سببدن اوترى سوق الجيش
احاطه هجومى اك بيوك بر وظيفه ، اك مهم بر تاثير اجرا
ايدمى جقدر .

شو حركتك كمال موفقيت ايله اجرا ايديله بيلمى چون دها
ايكى شرط وار ؛ اولرى ده سويليله لم : برنجيسى تعبيه نقطه نظرندن
قطعات عسكرىه نك قوتى خصمك قوتندن زياده اولمى . ايكنجيسى ،
حركتك اداره واستقامتى بر دوزى به كوزل وثابت اولمى در .

بو ايکي شرط عددجه تفوقدن دهسا زياده اهميتي حائزدر .
 آپ آنسزین وقوعه کله جک بوزغینلقلر ایله فلان ویافلان قطعه-
 لرك بکنمه مسی کبی شیر بو قیل بر حرکتک حسن اجراسنی
 بوزمق ایچون اکنضر اولان شیردر . حقیقت ! بشقه هیچ برشی
 اولر قدر سوی تأثیر ایده من . چونکه دیدیکمز مغلوبیتلرك
 آجی آجی سسلری اوتکی قطعانه اکثریا بیوک بر مقیاسده
 عکس ایدر ، بوندن طولای قوه مغویهده حصوله کله جک فنا
 تأثیر ایسه ، هر قطعه بولنیلان وضعیتک تهلیککسنی اکلایه جق
 استعدادی حائز اولدینی زمان بسبتون آرتمش اوله جقدر . ایشته
 فنا لک بیوکی ده اصل بوراسیدر .

(۱۷۹۳) ده (واندن) لر علینه اجرا ایدیلان بربری متعاقب
 هجوملرده کوردیکمز مغلوبیتلر آپ آشکاره کوستربورکه ، یالکز
 عددجه تفوق ایتمش اولق مسئله سی ، مرکز واحاطه هجوملریچون
 بر ضمان موفقیت اوله میور . بالعکس ، بعضاً کندیلرندن بیوک
 بر دشمنه قرشوبیون اکمه مک ایچون قطعات عسکریه نک تربیه لی
 وثابت قدم اولملری ده لازمدر . مثلاً مدافعین الده موجود
 قوتک هپسیله هجوم قوللرندن بریسی اوزرینه آتلمش اوله جفی
 زمان هاجینی تشکیل ایدن قطعات عسکریه اونک بو تعرضنه
 قرشو جواب ویرمکدن اصلاً چکنمه ملیدر .



سوق الجیش چویرمه حرکتی

دشمنه هجوم ایدلدیکی زمان اکر یالکز اوکا صوقلمق و تماس حاصل ایتمکله اکتفا اولمزدده احاطه حرکتنک دائره اجرایی ایجه بیوک اولور و بوندن اوتری خصمک طرق اتصالیه سنی تهدیده الیریشلی بولمزدده احاطه حرکتی چویرمه حرکتنه تحول ایتش اولور. شهه سز! دشمن بویه بر حرکت قرشوسنده مغلوب دوشنجه بتون طرق اتصالیه سنی ده الدن چیقار .

دشمن قرشوسنده اونک جبهه سینه همان موازی بر خط اوزرینه یاپلمش اولدینی زمان بر اردونک شوقیلدن بر حرکت یاپمسی طبیعی یک زوردره یانلردن برینه طوغری سوق ایدیلان بر یان حرکتی و دشمن جناحلرندن برینک بوزلمسی احتمال ، دشمنک چویرلمش اولمسنده مساعده ایلر. لیکن دشمن یانلری و باخصوص کیرولری اوزرینه دوشمک ایچون بزم کنندی جبهه سی اوکندن آریله رق بیوک بر قوس دائره تشکیل ایتدی کمزی کورنجه شهه سز الی باغلی وغیر متحرک بر حالده قالمز. بالعکس ، اوده بزی تعقیب ایده جک ، یولمزی قپایه جق واورته مزه هجوم ایده جکدر . حتی بوندن اوتری بز ، ایجه محاربه لر ویردکدن صکره آنجق اونی چویرمه موفق اوله بیلر.

جکڑ . بناءً علیہ چویرمہ حرکتک یایلمہ ایلہ برابر باش-لامسی
ویایلمہ حرکتک ایسه ایلک اوکجه دها، دشمنک یانہ ویاخود
یانی کیروسنه قرشو اجرا ایدلمسی لازمدر.

ناپولیون یامش اولدینی اک پارلاق س-وق الجیش چویرمہ
حرکتلرینی هب شو وجه ایلہ یاش ایدی . (۱۸۰۰) نیساننده
مظفر آوستریالیر ، (وار) اوزرنده و (ژن) اوکنده یعنی
فرانسزایتالیا اردوسنی آتمش اولدقلری پرده تأسیس ایتشلردی .
وکیورلرنده واقع مملکتی آنجق پک ضعیف بر صورتده اشغال
ایدیورلردی . اوراده هبج بر تهلکه اونلری قورقیده جق کبی
کورینبورلردی . واونلر الب سلسله سنی، اوستریا ایلہ اولان طرق
اتصالیه لرینی تأمین ایچون پک اعلا برمانع دیه دوشونیورلردی .
لکن برنجی قونسول اجتماع نقطه سی رسماً (جی یون) موقعی
اولان احتیاط اردوسنی چوق-دن بری اسویچرہ کو تورمش
وانی الب سلسله سنک شمال اتکلرنده اجتماع ایتدیرمش ایدی .
اوندن صکره مشارالیه مایس آینده (بیوک سن برنار) کچیدینی
آتلادی . وهیچ طور مقسزین سلسله نک جنوب اتکندن چیقہ رق
خصم اردوسنک کیورلرنده برلشدی . وحرکاتک ایلک زمانلرده
دھا اوستریالیرک طرق اتصالیه سنی اشغال ایتکه باشلادی .

(۱۸۰۵) سفرنده نه وقتکه، جنرال ماق اوستریا اردوسیله
برلکده (ایللر) اوزرنده جبهه سنی غربه متوجه اولق اوزره

قره اورمان کچیدلرینک شرق مخرجلرنده برلشهرك نابوليوني
 بکلیوردی، وقوعات ینسه شو دیدیکمز کبی عیناً جاری اولمش
 ایدی. بو صرهدده ایمپراطور کرچک، شاشیله جق بر سرعت ایله
 قسماً فرانسه نك شمالدن و قسماً صانوره دن کلان اردوسنی مؤخرأ
 (لودوویغسبورغ)، (هال)، (انکلفنکن) و (آنسپاق) دن کچهرك
 طونه یه دوشمک ایچون برطرفدن (رین) اوزرنده (لایتربورغ)
 ایله (مانه ایم) آره سنده وبرطرفدن (ماین) اوزرنده (ووزبورغ)
 ده جمع ایدیوردی. اوت، مشارالیه بتون قطعات عسکریه سی
 صیقیدن صیقی به اجتماع ایتمش اولدینی حالده آوستریا اردوسنک
 صاغ جناحی کیروسنده و (طوناوورت) ایله (انکومشتاد) آره.
 سنده ظهور ایلدی.

شو وقوعات انناسنده (استراسبورغ) دن حرکت ایدن
 بر قول، اوت یالکیز بر قول بو اردونک قرشوسنده بعض
 نمایشلر یامش ایدی.

(۱۸۰۶) سنه سنده بو ناپارط همان ینسه بوکا بکزر بر یولده
 حرکت ایلدی. یوقاری (ماین) دن یعنی (بایروت)، (بامبرق)
 و (ایشواین فورت) دن کچهرك بتون اردوسیله آوستریا حدودی
 و (سال) کیروسنده طوپلانق اوزره بولنان پروسیا اردوسی
 آره سندن طوغریجه (لایسیق) استقامتیه یوریدی. و بوجه ایله

مصادمۀ قطعيه دن اول پروسيا اردوسندن زياده (برلين) ه يقين بولندي .

سوق الجيش چويرمه حرکتي اکثريا، بر محاربه ايله نتيجه- لنورکه ، اوراده ايکي دشمن اردوسي کندي عزيمت نقطه لري استقامتمنده برر جبهه آلمغه مجبوريت کورورلر .

بونک اويله اولمسنی ايسه اک چوق اصول مذکورک واکا تأثير ايدن شيلري طبعيت عموميه سی ايجاب ايدور . چويرمه حرکتي يابه جق وشو وسيله ايله دشمنک طرق اتصاليه سنی کسه جک اولان اردو کندي خطوط اتصاليه سنی ده آچيق براقغه مجبوريت کوره جکدر [*] .

بناء عليه ، منازعة قطعيه ايکي جهتدن بريسنک هزيمت کامله سيله نهايت بولمش اوله جقدر . صحيح ! ناپوليونک دائماً تعقيب ايلديکي هدف ايشته بو سويلديکمز نقطه دن عبارتدي .

ايلرپده بعض حادثه لر کوريله جکدرکه ، اولر ناپوليون کاري سوق الجيش چويرمه حرکتلري يايق خصوصی بسبتون اورته دن قالدیرمسه لر بيله ، آني کرچک، پک نادراً وقوعه کلور بر حاله

[*] ژوميني ايستيورکه ، بر سوق الجيش چويرمه حرکتي کندي طرق اتصاليه سنی فدا ايتمکسزین دشمن طرق اتصاليه سنی کسمش بولنور . مشاراليهک حق يوق دکل وار ؛ لکن اونک ايسه تدبیري شی آنجق پک مستثنا زمانلرده ممکن الاجرادر .

ویه جقدر در . اول امرده سوق الجیش یا یلمه سی ، بالمجبوریه ،
 دود بولرینک قطعاً معلوم و معین اولان منطقه لرنده اجرا
 بدیله جکدر . حال بوکه ، شو منطقه لری کشف ایتک شبهه سز
 هر ایکی طرف ایچون پک قولای بر شی اوله جقدر . ثانیاً
 شمیدیکی اردولر ، او درجه بیومش ، او درجه کسب جسمات
 بلمش لدرکه ، اولکی زمان اردولرینه نسبتاً اونلرک دهها آز
 ولالایشلی اولملری ، طبیعیدر . حاصلی کچش وقتلره نظراً
 وارینک شیمیدیکی امنیت واستکشاف خدماتی پک زیاده
 بلرولمش اولدیغیچون آرتق یا یلمه سی آرزو ایدیلان واک بیوک
 نرطی خصم اردوسنی باصقین ایتمکدن عبارت اولان چورمه
 حرکاتنک کیزلی طوتلمه سی بالطبع کوچ وبلکه امکانشز اوله
 جقدر .

اوندن بشقه ، تلغراف حوادثلرینی ، غزته مخبره لرینی
 هالینک وقوعات یومییه دائر معلومات ایدنمکده کی آرزولرینی
 خاطر دن چیقارماملی یز . بونلرک همیسی ، نظر دقتی جلبه شایان
 ولان وقوعات مهمه یی ایجه زمان کیزلی طوتلمه مساعده ایتیان
 نیلردر . زمانمزه مدنیت یوزی کورمش اولان هر انسان ،
 کرمی درت ساعت ایچنده علی العاده وقوعات اوزرینه
 معلومات ایدینه بیلور . یا کندی دارالحرمزه بر خصم اردوسنک
 کیرمش اولمی خبرینی عجباً دهانه قدر آرزمانده اوکره نه جکزا

غرب استقامت‌نده بر آز یورویشنه دوام ایدر . اوندن صکره
 کندی اردوسنی ینه (میچ) ه کتورور وجهه سی غربه یعنی یوزی
 فرانسه یه طوغری اولق اوزره (رونفور) ایله (پووان دوزور)
 یایلاسنده بر موضع آور .

(۱۸) آغستوس (غراولوط - سن پریوا - لامونتان) محاربه -
 سنده هر ایکی اردونک جهه سی بو کره بسبتون معکوس
 بر حاله بولنور . اوت ، ایکی اردونک ایکیسی ده بر دائره نک
 درتده اوچی قطع ایتدیلر و شیمدی کندی اتصال یولارینه
 نسبتاً (۱۴) آغستوسده کی وضعیتک قطعاً عکسی بر استقامته
 کلدیلر: فرانسلر ، فرانسه ایله اولان طرق اتصالیه یی غائب
 ایتدیلر . آلمانلر ایسه کندیلرینی (رین) وادیسنه باغلایان کوزل
 یوللرک هپسندن برر ، برر واز کچک دیلر . مغلوب اردو ایچون
 حاضر ایدی لان فلاکتک بردن بره ظهور ایتمه سی و بالعکس
 آنجق (۲۷) ایلول اسارتیه برابر وقوعه کلیسی اردوی مذکورک
 (میچ) طوللری قرشوسنده موقتاً حمایه کورمش اولمسنندن
 ایلری کلیوردی . لکن (۱۸) آغستوس کونی بوبیوک مصیبتی ،
 بو مدهش فلاکتی ذاتاً خلاصی نا قابل بر حاله قویمش ایدی .
 کله جک سفرلرده ، سوق الجیش چویرمه حرکتلرینک
 قیافتی اولسه اولسه ، ایشته بو دیدیکمز شکلده اوله جقدر .
 بو حرکتلر هر زمان کندی قیمتلرینی محافظه ایده جکلر وعین

نتیجه‌لری ویره جکلر در . لکن آرتق بر سفرك دها ايلك زمانلرنده ياپلمش اوله ميه جقلم، بالهكس، يالكز حرکات قطعیه زمانلرنده اجرا ايديله بيله جکلر در .

دها اسکی وقتلرده بيله يواش يواش و تردد ايله سوق ايدیلان بر چویرمه حرکتی بیوک بر موفقیتیه نامزد اوله مزیدی، زیرا چویرمك ایستنیلان دشمن اکر دوشونمك و آنی متعاقب یکدن بر مقابل هجومه کچمك ایچون وقت بولورسه، او زمان هیچ شهه یوقکه، چویرمه حرکتی یابان طرفك اتصال یوللارینی کسر و بوندن اوتری کندیسى نائل موفقیت اولور .

(اوسترلیچ) ده متفق اردولر، يالكز بر چویرمهك، سيب سیوری بر چویرمه حرکتنك تأمین مظفریتیه کافی اولمـدیغی يك آجی تجربلر سایه سنده اوکرمشلردی . کرچه اونلرك حرکاتی بیوک بر جرأت ايله حاضر ایدلدی . (اولشاو) اردوكلـ هندن حرکت ایدرك (برون) ده جبهه سی کندیلرینه قرشواولمق اوزره یرلشمش اولان دشمنك اك اوزاق جناحی جنوبدن چویرمك و صکره شماله طوغری ایلرولیه، ایلرولیه آنك اوزرینه هجوم ایتك ایستیورلردی . متفق اردولری ایشته بویه دوشوـ نیورلردی . واکر دشمن اردوسی بوزیلورسه آنی پروسیا حدودینه سوروب کوتوره جکلر دی، چونکه تام شو زمانده،

مذکور حدود اوزرنده خصم اردوسی علیه یوریمک ایچون
بیوک بر اردو حاضر لانیوردی .

لکن شو دوشونیلان حرکت پک احتیاطسز و پک ده کوری
کورینه بر یولده اجرا ایدلدی . میدان محاربه دن اوج کون اول
ناپولیون غربه طوغری یوری یهرك بردن بره آچیق صحرا ده
بر قولنق تشکیل ایدن خصملرینك فکرو صرامنی کشف ایدلدی .
صکره ینه بو متفق اردولر ، میدان محاربه کونی بیله ایمپراطوره
قرشو اولان حرکتلرینی درجه کافیه ده کیزلمکه قصور ایتدیلر .
حال بوکه ، شو حرب قهرمانی اونلری بر طوزاغه چکمک ،
اوراده ایودن ایویه بر تپه لک ایچون اونلرک چویرمک
ایستدکلری جناحی یعنی کیندی صاغ جناحی او یله جه بر اقدی .
صکره دشمن اردوسنك قسم کلیمی کندی جبهه سی او کندن
چکمه باشلا نجه آب آنسزین اونك اوزرینه آتلدی و بر آنده
ایشنی بیتورمش اولدی . پک نادر هجوملر وارکه ، بو هجوم کبی
دشمنی مغلوب ایتک ، حیرته شایان بر مظفریت قزاقق خصوص
صنده آچیقدن آچیه بر امنیت ایله اجرا ایدلمش اولسون .

دیدیکمز متفقلر ، اک ایو بر سوق الجیش حرکتک بیله
میدان محاربه اوزرنده کرچکدن مسعودانه بر تعبیه نتیجه سیله
نهایت بولمادینی زمان هیچ بر قیمتی اولیه جغنی اونو تمشلردی .
سوق الجیش چویرمه حرکتک ده اصل مقصدی قطعات عسکریه یه

الویریشلی بر استقامت ، خصمک امید ایتدیکی بر استقامت
ویرهرك اونلری سوق ایتك وآپ آنسزین اونك اوزرینه
بوکلنمکدن عبارتدر. حاصلی چویرمه حرکتی حدذاتنده بر هدف
دکل، لکن هدف الحراکه و وصول ایچون حدذاتنده بسیط وپك
امین بر واسطه در .

کیرولر ویا نلر اوزرینه سوق الجیش هجومی

شیمیدیکی زمان حربلرنده کوزلجه باشه چیقارلمش اولان
بر سوق الجیش چویرمه حرکتک اک صوک نتیجه سنی تشکیل
ایده جک وجه ایله خصمک کیرولری اوزرینه مکمل هجوملر
یاییله بیله جکفی امید ایتکه حقمز یوقدر . لکن بو هجوملر ،
ایلری یه یاییلان حرکات قطعیه نک صوک بر قدیمه سی طرزنده
اجرا ایدیلهرک هزیمه تدن هزیمه اوغرایان بر دشمنک طرق
اتصالیه سنی کسمکده ینه ایجه فائده لر حاصل ایده جکلر در .

بو چشمید هجوملرک طبیعت اصلیه سی پک آچیق وپك
صاغلام بر قرار، هیچ بر وجه ایله سکنه یه دوشمز بر اجرا ،
بر شدت ایستر .

اوندن بشقه ، سردار اولان ذات خصم اردوسنک توقف

حالنده دکل، بالعمکس یورویش حالنده اولدینی بیله رک او شرط ایله بوقیل هجوملر اجراسنه باشلاملیدر. انسان هر زمان کندی قرشوسنده بر (ماق) بوله مز .

بر یان هجومنه کانه، اونک طبیعت اصلیه سی بستمون بشقه درلو یاپلمسنى ایستر. کرچک، بو قیلدن اولان هجوملر، بعض یک مستحکیم موضعیلر علیهنه ایلری کیدلدیکی وبالخاصه ایریلی ، اوفاقلی استحقاکلر ایله مدافعه ایدلمش بر حدود سلسله سی اوکنده محاربه ویرلدیکی زمان اکثریتله وقوعه کلور . شهه سز! دشمن قلعه لر ایچنه یرلشمش اولدینی چون دیدیکمز موضعه ره جبهه دن هجوم ایتک یالکز قوه عده و معنویه مز کرچکدن یک بیوک بر درجه ده اولدینی زمان ممکندر . لکن ینه بو امکان بر امیددن بشقه بر شی دکلدر . اونک ایچون هاجین طرفی اکثریا کندی هجوم ایده جکی نقطه یه دائر خصمنی آلدانغه و او وجه ایله آنک اک بیوک قوتلرینی یا کلش بریره طوبلانغه وشو ائنده کندیمی ده باصقین حرکتلرله بر ویا برقاچ توقیف قلعه سنی ضبط ایتکه چالیشه جقدر . اگر موفق اولورسه ، شهه سز کندی هجوم ایتدیکی حدود سلسله سنک کیروسندن خصمک یانه دوشمکه غیرت ایده جکدر . لکن شیمدیکی زمان حربلرنده حوادث فوق العاده، ظهور ایتدکری آنده ده ، تاغراف ، تلفون ، و لوسید و یک سریع حرکت سواریلر

واسطه سیله آز وقت ایچنده هر طرفه یاییلور لر . آنک ایچون بویله حرکتلر یاییلور کن ، بردن بره دشمن قول باشلرینه تصادف ایتمکدن زیاده سیله چکنمک لازم کلور . هر شی بزم ایستدیکمز کی اولمی حانه کوره ، ائصره ایلک محاربه دشمنک اهمیتمز بر اقلمش و بلکه علی العجله تشکیل ایدلمش بر یانی اوزرنده وقوعه کله جکدر

شومصادمه بک حصوله کتوره جکی مظفریت ایسه ، هانکی طرف درین قول نظامنده کی قطعات عسکریه سنی میدان قویقمده اک چوق لیاقت کوس-تر ، دها ترکچه سی ، هانکی طرف ارکان حربیه سی دها مقتدر ایسه ، او طرفه عائد اوله جقدر . اوندن بشقه دشمن کړک کندی جهه سنک طبیعتی ایجابندن وکړک بزم عددجه نفوقزدن اوتری بزه قرشو ، بر مقابل هجوم یاهه زق تشبثاتمزی یوز اوستی براقه میه جغنی فرض ایلیمک لازم کلور . زیرا ، دشمنک بو مقابل هجومی ، بزم حرکتمزی قطعاً طور دیرر ، وبزی کندی یانی اوزرینه کیتمش اولمقدن منع ایده ییلور .

اوننجی فصل

تعرض تعبیه وی حرکاتی

۱ — مقصد ، شرائط ، وسائل

بتون تعرض سوق الجیشی حرکاتی آنجق کندیلرینه منسوب و مربوط اولان محاربه نك قیمتیه متناسباً بر قیمت آلورلر . فائده سز ویرامن تکررلردن چکنمك ایچون بز شو بحدده یالکز محاربه ایله تعرض سوق الجیشی یه دائر سوبلدکلریمز آره سنده برفرق کلی کوسترن نقطه لر اوزرینه برقاق سوز سوبیلیه جکز . اوته کیلره کلنجه ، اولر ، تعرض سوق الجیشی احکامندن بالاستدلال عذیله تعرض تعبیه وی به ده تطبیق اولانه بیله جکلردر . بتون تعرض تعبیه وی حرکاترینك مقصدی ، میدان محاربه اوزرینه هجوم ایتمکدر . دشمن هنوز حرکت ایتمکده ایکن کندیسنه قاووشلمش ایسه بو دیدیکمز هجوم ، بالعکس دشمن بربرده موضع آله رق [*] بزى بکلمکده اولسی حالنه کوره ،

[*] دشمن یوروش یا بمقده ایکن آتی محاربه یه مجبور ایتنك بیوک ، بیوک فائده لرینی آکلامق ایچون (۱۸۷۰) سفرنده (۱۶ و ۱۸) آغستوس کونلرینی (ویون ویل) و (سن پرئوا) محاربه لرینی بزبريله مقایسه

دها قولای اولدیغیچون هاجمین یورویش حالنده ایکن [۳۳]
 دشمنی مصادمه قطعیه یی قبول ایتدرمکه مجبور ایلماک ایچون
 الندن هر نه کلورسه ، هپسنی یاملیدر .

موفقیتمک ایلک شرطلرندن بریسی ، تعیه جه دشمنه تفوق
 ایتمش اولمقدیر . شویله بر تفوقک وجودی اوزرینه ترکیب
 ایدیلان بر هجوم حرکتی جرأتکارانه یابلسه ده ینه کورکورینه
 تعقیب ایدیلان بر هجوم حرکتمدن پک فرقلیدر . بنهء علیه

ایتمک یتیشور . کرچک ، بو مصادمه لک برنجیسنده یالکز ایکی یچق
 پروسیا قول اردوسی ، ماره شال (بازهن) اردوسنی کمال مظفریت ايله
 طور دیره ییلش ایدی . لکن ایکنجیسنده قوجه (۸) پروسیا قول اردوسی
 ینه او ماره شال (بازهن) اردوسنی آنجی پک بیوک مساعی وضایعاته
 مقابل ، اشغال ایلدیکی موضعلردن چیقاره ییلشلردی .

[۳۴] هر نه قدر شو یادیغمز ملاحظه قطعات مسکریه نك سوق
 واداره سنه عائد بختلردن ایه ده بز اونی بسبتون سکوت ايله پکیشدیر .
 مکی بردرلو راضی اوله ندق . (۱۸۷۰) سقرنده آلمان اردولرینک
 ایکنجی ، اوچنجی درجه قوماندانلری طرفندن صرف اولنه رق بو
 کونلرده یکی باشدن تحدید ایدلمک ایستیلان فوق الماده استقلال الک
 چوق لزومی وحقی کوسترن شی بزم بوراده سویلدیکمز قاعده در .
 اگر برنجی خطده دشمن ايله تماسده اولان هر جنرال قوماندان ،
 احوالک کندیسنجه پک اویغون و مناسب کوستردیکی هجوم حرکتلرینه
 باشلامق ایچون اردونک ارکان حربیه عمومیه سنه مراجعت ايله اورادن
 اذن آلمق مجبوریتنده اولسه ایدی ؛ شبهه سز دشمن او هجوملری کیرویه
 پوسکورتمک خصوصنده لازم کلان هر ترتیباتی یاپه ییلوردی .

هر کیم که، یارین دها قوتلی اوله جغنی بیلور. وشونی بیلمله برابر
 بوکون ینه آزچوق دشمن اوزرینه هجوم ایتمکدن چکنمز ؛
 شهسز بیوک بر قصور ایتش اولور . اما ، اکر دشمنک
 او کیجه قاجسی مأمول ایسه ، او زمان هجوم ایتمکده یردن
 کوکه قدر حق واردر . دیگر جهندن اک او یغون احوال
 و شرائطی جمع ایده جک بر زمانی بکلمک خصوصنده ایجه عناد
 ایتمکده فائده سی یوقدر. شهسز، مصادمه کونی بتون قطعات
 عسکریه نك بریرده بولمسی، مظفریت ایچون اک آجیق برهانلردن
 بریسیدر. فقط شوخصوص پک نادراً وقوعه کله جک شرطلر-
 دندر ؛ اونی ده اونوناملی یز .

اگر بتون قطعات عسکریه بریره کله دن اول هیج بر جدی
 ایش کورمه مکه قرار ویرلش ایسه ، او زمان وضعیت عمومیه نك
 بالعکس بزم ایچون یواش یواش فنا لاشمغه یوز طوته جغه امین
 اولملی یز . یالکز حربده دکل ، علی العاده حیات کونلرینک
 هپسنده فرصت بر کره الدن چیققدن صکره تکرار اله کچمسی
 بر آز کوچ اولور . اصل معرفت سوق الجیش حرکاتی تعبیه
 هجومیه [*] اکال و تنویر ایلمه دن اول ، اونلرک بسبتون کماله

[*] اوسترلیج محاربه سندن اول متفقین اردوسنک بیله مدیکی شیلردن
 بریسی ده اشته بوایدی : پروسیا هان هان اونلر ایله برایشه جکئی اعلان
 ایتک اوزره بولنیوردی . زیرا ، کانون اولک یاریسنه طوغری بتون
 تسلیحات عسکریه سنی اکال ایده جکنه سوز وریوردی .

ایرملرینی بکلمک و کماله ایردکلری زمانی ، بی-لارک اوکا کوره
ایش کورمکدر .

مطلوب زمانی یقالامق ، عسکرلکده سرعت نظر صاحبی
اولمغه باقار . شو دیدیکمز خاصه طبیعتک پک آز کیمسه-لره
ویردیکی اک بیوک بر احسانیدرکه ، علوم و تجارب عسکریه ایله
دها زیاده بیومک وایلرولمک شانیدر .

تعرض سوق الجیش-یده اولدینی کی تعرض تعبیه ویده ده
باشلانیلان ایش-ه موفقیت ایله نه-ایت ویرمک ایچ-ون شدت
و سرعت حرکت ایله برابر آب آنسزین دشمنی یقالامق یعنی
باصقین ایتک لازمدر . هجوم اثناس-نده بیله ، شیمدیکی زمان
محاربه لرنده تأمین مظفریت ایچون اک آنشلی بر دلیل کوسترن ،
تفوق آتش مسئله سنی ، یوقاریده کی شرطلره علاوه ایتک ایجاب
ایلر .

قوماندانک بتون صنعتی و قطعات عسکریه نک سوق و اداره-

(آرشیدوق شارل) اگر آدم عقلی ترتیبات آله ییش اولسه ابدی ،
(موراویا) ایچرولرینه (۴۰ : ۵۰) بیک عسکر کوتورمک اقتدارینی
حازر بولنه جقدی . بناءً علیه اوج هفته صکره متفقین ، تشرین ثانی
نهایتلرینه طوغری مالک اولدقلری قوتلرک پک زیاده فوقنده بر قوت
باشنده حرکت ایده جکلردی . حاصلی ، کورلیورکه ، وضعیت صومیه
اونلری انتظاره دعوت ایدیلوردی . لکن اونلر بوکا باقیدیلر ؛ بالعکس
وقتسز بر هجوم یامغه قرار ویردیلر .

سنه دائر فن حربك بتون احكامى غوغا یرینه حرکت ایلان
صنوف مختلفه یی مظفر بتك حصـوانه یازدم ایدمـجك وجه ايله
سوق ایلـمك اصولنى بیلمکدن عبارتدر .

الـك یا بیلهـجق شی طوبجی محاربه سنده تفوق حاصل
ایتمـدر . اگر بو شرط یرینه کتورلمـش ایسه ، پیاده هجومی
بك نادراً بختیار بر نتیجه استحصالنه کفایت ایلـه جکدر .

ایکنجی شرط ، اسکیدن اولدینى کبی ، ینه بر نقطه قطعیـه
اوزرنده پیاده آتـلربـتك تفوقنى استحصال ایلـمکدر . هر کیم که ،
بوسیل آتـشینی کندی کيفنه کوره یوریدمـجك ، ایستدیکی یرـه
دوکه جکدر ، شهـسز قرشـوده کی دشمنه اکثریا تفوق ایتـش
بولـنه جکدر . لکن دشمنه یا قلا شـمق و موضعنه کیرمکدن قطعاً
واز کچمک و یالـکـز اوزاقده کی آتـش ايله اکتفا ایتـمـده صانـکه
ابو بر شی دکلدر . زیرا یالـکـز* اوزاقدن ایدمـجکی آتـش ايله
دشمنه موضع ترك ایتـدیرمک ایستیان و یالـکـز بونـکـله قناعت
ایلان جهت ، بالعکس بك آجی تجربه لر ايله زهر لـمک تـهـلـکـه سـنه
اوزرایه بیلور .

شبه یوق که ، مدافعین جهتی ، هـاجـمین قوللربـتك ایلری
حرکتنى طور دیرمـه بـیـلـدیکی زمان بالطبع بر موفقیت اخیرمـك
حصوله کـمک احتمالی ده قبول و تصدیق ایلر . ایشته بو محذور -
لردن اوتری هاجمین طرفی ، کنـدیسنی استقبال ایدن قوروشون

ومر می یاغم-ورلری ایچنه لاینقطع ایلرولمکه واک-سکره قانلی
 س-ونکیلریله ایش کورمکه مجبوردر . حاصلی « غلبه ایتمک ! »
 سوزینی سویلیان ، «ایلرودن یر قزانق!» سوزینی ده سویلمش
 اولور. لکن سونکی سونکی به کلمک وهر ایکی جهت عسکرلری
 بر دیکرینه قارشمش اولمق کبی شیلر آراتق پک نادراً وقوعه
 کله جک شیلدر. زیرا، بوقاریشقلق اولمدهن ایچیه اول، مدافعین
 جهتی کندی اصول حربینک، مدافعه اصولنک، کفایتسزلیکنی
 آکلایه رق بالطبع آنی دشمنک س-ونکی اوجلرندن وتفک
 دیبجیکلرندن اوکرئمک ایچون کیرو چکیله جکدر .

۲ — قوتلرک ترتیبی

مجموع حاضرانی

قطعات عسکریه قوماندانلری ، خصم آتش-لرینک تأثیرلی
 منطقه-سنه کیرنجیه قدر کندی قطعه-لرینی الده بولدیرر واونلری
 هجوم قطعه-لرینک اجرا ایدلمش اوله جنی مهم بر نقطه-یه کوتورمش
 اولورلرسه آنجق او زمان آتش-لرک معین بر اسنقامتده ، معین
 بر هدفه توجیهی وحرکاتک توحیدی ممکن اوله بیلور . بالعکس
 قطعات عسکریه اوتده بری ده خصم ایله محاربیه کیریشمش

اولورسه ، شهه سز اولنری مطلوب استقامتده سـوق ایتک وانضباط آتش خصوصی تأمین ایلمک پک زور اوله جقدر . شیمدیکی زمان محاربه لرنده آتشک کثافتی ، صیقانی تعبیه جه موجود اولان ارتباطلری پک چابوق بوزار وعموم قوماندانلق وظیفه سی یواش یواش جزء تام قوماندانلری بیننده انقسام ایتکه باشلار .

آرتق نابولون زماننده اولدینی کبی ، ابو قوماندا ایدلمش قطعات عسکریه طرفندن اجرا اولنور ، مصادمه لر کوریلهمیه جقدر . وحدت سوق واداره نک شیمدیکی زمانه عائد قسمی ، باش قوماندان جانبندن کندی افکارینی اجرا ایتدیرمک ایچون پاپلمش اولان حاضرالق ترتیباتی متعاقب هر نه آکلشیلورسه ، پایله جق حرکت ایچـون هر فصل برفکر عمومی وارسه ایشته هپمی اوندن عیسارندر . ذاتاً ترتیبات مذکوریه براهمیت مخصوصه ویردیرنده ینه هپ شو خصوصدر . سوزک قیصه سی : ایوجه حاضرلامش اولان بر هجرم قطعی ، موفقیت ایله نتیجه لنور .

شهه سز ، غوغا ایتک خصوصی ، اگر اولجه دهـا ایودن ایویه دوشـونلمش واوکا کوره حرکت ایدلمش اولورسه ، بو موفقیت بر آز دهـا قولای استحصال ایدیلور .

چونکه اوحالده ، موجود قوتلرک هپمی کمال حریت ایله قولالانیلور ، وشـوندن اوتری صدمه قطعیه اجرا ایده جک

قطعات عسکریه بی نقطه اصلی قرشوسنده بولندرمقده ممکن اوله بیلور . بر تصادفی محاربه ده ایسه ایش بسبتون زور اولور . چونکه شوبله بر محاربه ده نه یاییله جفته دائر آنجق مصادمه نك بربری آردنجه ظهور ایدن دورلری آره سنده بر قرار ویریله نیلور . اوندن بشقه صدمه قطعیه بی اجرا ایتمه اك الویریشلی اولان قطعات عسکریه احتمال شو تصادفی غوغا باشلار باشلامن صوك درجه یه قدر محاربه یه کیریشمش اولور .

بناءً علیه آرتق اونلری ، اولدقلری یرلرده براقعه ونتیجه قطعیه استحصالی ایچون دیگر بعض قطعات عسکریه طوبلامنه مجبوریت کوریله جکدر .

لیکن شوکی قطعانی بر آره یه کتورمك ، جمع ایتك خصوصئرنده پك چوق مشکلات چکیله جکدر . کرچه ناپولیون شوخصوصده کرچك ؛ شاشیله حق درجه ده بیوکلکلر کوستریور ، محاربه لرینك هر بریسی دیدیکمز ایچون برر قانلی شاهد حکمنده در . نه فائده سی وارک ، هرکس ناپولیون وهر محاربه (اوسترایچ) دکدر .

بر امر شکنده یازیلان هجوم پلانی ، آنجق ایلك حرکانی ، هدفی واورایه کیدن یوللری کوستره بیله جکدر . غوغانك صورت جریانسه دائر تدابیر فرعیه ایسه اك چوق خصمك آله جفی

ترتیبانه کوره دیکشور . حال بوکه، هجوم طرفی، خصمک شو
کې ترتیبانی ښه آنجق محاربه نك مختلف دورلری آره سنده
آکلايه بيله جکدر .

اونك اېچون تدابير مذکوره يي دها اولدن بر صورت
قطعيه ده کوسه ترمک ممکن دکلدر . بالعکس دیدیکمز کې اونلر
احواله تابع اوله جقلر وبو احواله کوره قطعات عسکريه نك
سوق واداره سنه عائد قواعد اساسيه به نظراً تنظيم ايدلش اوله .
جقلر در .

۳ — موازی، متقارب و متباعد ایلری یورویشلر [*].
هیچ شبهه ایدلمز که، براردونك موازی یولار اوزرندن مختلف
قولار ايله دشمن علیه ایلری یورویش یا پسی آنجق مصادمه
قطعيه ویرمک ایستمدیکی و بلکه اوندن چکنندیکی زمان وقوعه
کله جکدر .

شیمدیکی زمان اسلحه ناریه سنك تأثیری، جهه دن ایلرولیان
قطعاتك صدمه سیله دشمن خطنك کوکسني یاره رق پك قهرمانجه
بر یورویش ايله اوتو جهته کچمکه آراتق پك مساعده ایتیور .

[*] یان یورویشلر ايله کچه یورویشلرینه دائر بوراده خصوصی
سویلیه جک هیچ بر شیمز یوقدر . اولسه، اولسه آنجق کچن فصلده
سوق الجیش هجومنده سویلکلرمزی بر تکرار ایده ییلورزکه، بوتکراره
هیچ لزوم یوقدره یالکمز شونی سویلیه لم که، خصمک پک یقین اولسندن
طولانی مذکور یورویشلرک محدودلری دها بیوک و تهاکه لیدر .

وبونك ايچون شويله بر قورى اميد اوزرينه تاسيس افكار ايتمك، اوكا كوره ايلرى كيتمك آرتق ايو بر شى صاييلمز . خصم آتشي آتنده اولوم وياره قورشونلريله سيركلشه جك اولان صره لرى بر دوزى يه طولديرمق ايچون كيروده كى ايشسز ، كوجسز آدملىرى ايلرى سورمك لازم كله جكدرد . اكر خصمك جبهه سى اوزرينه، ايلك حركت آتنده كى قدر ، بيوك بر قوت ايله وارمق ايستينلورسه، اووقت هجوم آتنده كى جبهه نك ايكي مثلى بر جبهه طوتمق ايجاب ايلر . چونكه محاربه لرك عددى، ينه عين نسبتده آزالمش اوله جقدر .

بوندن حصوله كلان نتيجه شودر كه ، متقارب استقامتلىر هجوم ايچون لازمدر . مذكور استقامتلىر تعيننه دائر قلعى سوز سويلمك ايجه زوردر . ايلك او كجه قطعات عسكريه موجود اولان بولاره، شوسه لره باغلى قالورلر . بر آز وقت صكره ، كنديليرنى خصمك طولو آتشنندن وقايه ايتمك خصوصه منده آز چوق فائده ورن زمين عارضه لرينه كوره حركت ايدرلر . زمين عارضه لرينك ايو سنى كوتوسندن آيرمق ايچون آچيق كوز وتجربه صاحبي اولمق واونلرى قطعات جسيمه يه كوسه ترمك ايچون ده خريطه لرى ايو جه اوقويه بيلمك لازمدر .

اوندن بشقه ، هدفك سيار ومتحرك اولمى جهتنده خاطر دى چيقارمامليدر . حتى اكر دشمن بزم هجومى

بکلیورسه بيله، اونک ترتيبات عسکريه سنده آزچوق بردرينلک بولنه. حق وشوندن اوتری، اونک خط اصليسی هانکيسي اولديغنده ينه آز چوق خطايه دوشوله جک وکيم بيلور، احتمال دشمنک ايلک بولنديفی خط بو دیدیکمز خط يرينه قونيله. جقدردر. لکن حقیقته، شو خط اصلی ظن ايتديکمز خط او دکل، بالعکس خصمک برنجی خطدن بشقه برشی اولميه. جقدردر. ایلری یورویش ائناسنده، پک عجله هجوم قوللرینی بربرینه قاریشدیرمش اولمقدن صوک درجه چکزمک لازمدر. بر آز یوقاریده کورمش ایدککه، قوای عسکریه نک یارچه. لره آیرلسی، وبو یارچه لردن هر بریسی قوه موجوده نک ضعیف و دشمنی ایجاب ایدن سبیلر دندر. اونک ایچون بر تعبيه هجومنده متباعد استقامت لک قبولی فرضیه سی هیج بر زمان صو کتورور واهمیه شایان بر فرضیه اوله مز. احتمالکه، بو قیلدن استقامت لک، یالکز دشمن اقسام عسکریه سی مصادمه یرینک ایجه اوزاق نقطه لرند طوتمق ایستلیدیکی زمان، اوت، یالکز او زمان قبول اولنورلر.

بو حالده اشتراك وتوحيد حرکات مسئله سی، آنجق طوللا. بیسیله حکمی کوسه ترمکه چالیشور وشو وجه ايله بر دشمنی نتیجه قطعیه اوزرینه قوای امدادیه کتورومکدن منع ایدرک ضعیف دوشورمش اولورلر.

لكن بونك ايجون ده بز نسبة ضعيف قوتلر ايله خصمك
دها بيوك قوتلرني مصادمة قطعيه اشتراكدن منع ايتمه كمقدر
اولوق شرطدر .



۴ — تعرض تعبيه وينك اشكال خصوصيه سي

ميدان محاربه اوزرنده وقوعات پك چابوق بربريني تعقيب
ايدر وپك چوق متنوع اولورلر. بوندن اوترى، قطعات عسكريه نك
قوة معنويه لرى اوزرنده كوستر دكلرى تاثيرات، كذلك پك شدتلى
تاثيرلردن اولورلر. اوندن بشقه سويلديكمز وقوعاتك پك چابوق
بر صورتده يكدى بركيني تعقيب ايلمسندن تعرض تعبيه وى ايجون
ممکن اولان تركيبلر ك عددى، تعرض سوق الجيشى يه لازم كلان
تركيبلردن دها زياده در. شونكله برابر اكر بعض اوافق تفك
انحرافلردن صرف نظر ايديلورسه، مذكور تركيبلر ك ينه تعرض
سوق الجيشى فصلنده كى تركيبلر ك عيني اولوق اوزره ظهور
ايتدكلرى كوريلور .



تعبيه جبهه هجومى و تعبيه كديكى

موازی خطلر اوزرنده تعبيه ایلری پورویشی یاقی خصوصنه

دائر هرنه كه، سويلمش ايسهك اولنرك هپسى برر، برر جبهه
هجومنده تطبيق اولنورلر.

بو درلو هجومك، مدافعين علمنه هاجين ايچون هيچ بر
فائده طبعيه سي يوقدر. بالعكس ايلري آتلمق خصوصتك قطعات
عسكر به اوزرنده كوسترديكى فائده معنويه استئنا ايديلنجيه،
جبهه هجومى فائدهلى اولمقدن زياده ضررلى بر هجومدر. زيرا
هجومه اك بيوك قوت ويرن شكل مركزى بوراده موجود
دكلدر.

«حركتك كرك اصلنده ورك فروغنده آتشجه تفوق
حاصل ايتك، بوني تأمين ايلمك ايسته حال واستقبالك اك
اساسلى تعبيه قاعده سي بوندن عبارتدر.» اكر مدافعين كندى
جبهه سنى درجه كافيه ده تحكيم ايتمش اولور وهاجين ده اوكاقرشو
آنچق مساوى بر قوت آيرمش بولنورسه، او زمان آتشجه
دشمنه نصل تفوق ايديله جاك بنده بيله ميورم! با خصوص
هر ايكي جهت عسكرلرى عين وجه ايله تربيه وتهييز ايدلمش
ايسه، بو حقيقت شبهه سز ده ا او قدر زياده يوكسالمش
اولور.

مدافعينه آتشجه تفوق ايتك ايچون يالكز بر چاره واركه،
اوده آتش خطنده حصوله كله جاك بوشلقلى بلا فاصله
طولديره بيله جاك وجه ايله هاجين النده بر چوق عسكر بولنق

چاره سیدر، کچه، مدافعین ایچون ایلاک خطاه ظهورایده جک
 آجیققری طولدیرمق، هاجین ایچون اولدینی کبی پک ده قولای
 بر شی اولمیه جقدر. لکن مدافعین قطعاتی سپرلر آرقه سسندده
 اورتولی اولدققریچون بالطبع هاجین عسکرلرندن آرتلفات
 کوره جکلردر. بو بیوک فائده ایسه یالکز اونلر مخصوصه صدر.
 بناء علیه هاجین، ایشنی موفقیتله اکال ایدیه بیامک ایچون،
 چاره سز، پک بیوک بر قوت ایله ایشه باشلامق مجبوریتندده.
 دیدکلر مزدن شو چیقارکه، اگر بر جبهه هجومنده موفقیت
 قزاق ایستیلورسه، فمال و تربیه لی قطعات عسکریه، معلوماتی
 آمرله، بیوک بیوک تجربه لر و ذکارله مالک اولمق لازمدر.
 بونلر بعض شرائط عمومیه درکه، صرف نظری اولان فن
 حرب درس لری اونلر ایله اوزون اوزادییه اوغراشمق
 ایستمز.

لکن شوبله اولماقله برابر، بزینه حد داننده یا کلش و خطالی
 بر اصول تشکیل ایتدیکه چون جبهه هجومنی بسدتون کوزدن
 دوشورمه ملی بز. چونکه حربدر بو! باقارسکز، بعض زمانلر
 اولورکه، اوراده بو چشید هجومک ده پاره ایتدیکه هم ایجه
 پاره ایتدیکه آکلاشیلور. او زمان یاپیله جق بشقه بر شی یوق!
 یالکز قطعات عسکریه نك قوه معنویه وعددییه سنه امنیت
 کوسترمک و اونلرک هم ایکسندده آیری آیری استفاده ایتمه نك

یولانی بیلیمک لازمدر. اگر بر جبهه هجومی باشه چیقار. قده موفقیت کوریلورسه ، او زمان ینه ، موفقیت قزاقمش، برا حاطه هجومندن دهاکوزل ودهاکوچ بر مسئله حربه فصل ایدلمش اولور دیمکدر. مادامکه، بو سوزی سویلمش بولندق ، شمدی جبهه هجومی براردها تفصیل ایتمکه حقمز واردر؛ سانورم.

جبهه هجومنده بر حال طبیعی اکثریا هاجینک امدادینه یتیشور؛ اوکا یاردم ایدر. عقل و ذکاسی اورتی بر انسان بیله شو مشکل وظیفه قرشوسنده بولندینی زمان او ساییده قوه مضویه جه پک زیاده کارلی چیقار. وینه شوندن اوتری هرکسک اوندن اصلا بکلمیه چکی بر طاقم بیوک بیوک ایشلر کورمکه باشلار. اونک ایچون بعض اوصاف عالییه باش کوستره جک که ، اونلرک ظهور ایتسی آنجق پک شدتلی بر تأثیردن طولای اوله بیلوردی. بر قطعه عسکریه ایچون ده ینه بویله، طبق طبقیسنه بویله در.

بیوک ایشلر کورمک مجبوری ایلک اوکجه، قطعات عسکریه قوماندانلری اوزرنده بیوک بیوک شدتلی، کوزل کوزل تأثیرلر حاصل ایده جکدر. صکره بو تأثیرلر ، بو شدتلی یواش یواش ، قطعات عسکریه یه کچه جک، واولری بسبتون احیا ایده جکلردر. امنیت حسیاتی اکثریا مدافعین ایچون تهلیکلی برشی اوله جقدر. زیرا حسیات مذکوره نك وجودی، وبا خصوص افراطی مدافعینی

شامترتر واکثریا مسامحه لر دوشوریر. یا ، بو امنیت حسیانک
 یالاجی اولدینی آکلادینی زمان ، مدافعین قوه مغویه سنده
 کوريله جک عکسی ضربه یی ، نه یاملی ، اوکا نصل چاره
 بولمی ؟ اوت ! حسیات مذکوره نك یالانچیلکی میدانه چیقیدینی
 کبی مدافعین کرچکدن آجینه جق بر فلا کته اوغرامش
 بولنه جقدر .

ایلروده کذلک جه هجو ملرینه مراجعت مجبورتی کوريله جک
 و او زمان بو درلو هجوملر ، بلکه ده کوزل نتیجه لر حاصل
 ایده جکدر .

شیمدی بیلنه جک بر شی ده وار : بو جه هجو ملری ،
 دشمنک خط حربنده آجیله جق اولان وتعییه کدیکی دینلان
 کچید آجیلنجه یه قدر عجبا اوزایه بیله جکلر میدر، ایشته بیلنه جک
 شی بودر. شبهه سز پیاده و طوپچینک یکی سلاحلری، و اراضیدن
 استفاده ایتک خصوصنده قطعات عسکرینه نك او کړندکری بونجه
 شیلر، مدافعین عسکرلرینک قیمت عسکریه سی آشانی بردرجه ده
 اولسه بیله ، ینه حیرته شایان بر طرزده قطعاتک قوه تدافیه -
 لرینی آرتر مشلردر. پیاده نك شیمدیکی سلاحی بسیط اولدینی
 نسبتده او قدر زیاده مدھش تأثیرلر حاصل ایدر. اونک ایچون
 بز دیمک ایستوروزکه ، بو سلاح ایله نجهیز ایدلمش، اعلا دن
 اعلا یه مستحکم بریره یراشدیرلمش و آز چوق جسارته مالک

اولمش بولنان بر قطعه عسکریه بی طوتمش اولدینی یردن، طیشاری
 چیقارمق بر آزدکل ایجه زوردر. حتی شو یردن خارجه
 آتمش اولسه بیله ینه هر زده بر زمین طالعسی، برخندق،
 بر اورمان کناری کبی شیر کندی اوکنه چیقارسه، اوراده
 یکی باشند یرلشمکه چالیشه جقدر. شمیدیکی زمان آتشرینک
 مهلك منطقه لری اسکي زمانه نسبة کرچک پک زیاده بیومشدر.
 اونک ایچون محاربه لر آنجق یواش یواش آچلمش وینه پک
 یواش یواش بیومش اوله بیله جکلردر. دشمن جهق مغلوب
 ایدلمش اولسه بیله ینه بردن بره مصادمه یرندن غائب اولیه جقدر.
 بالعکس، غالب طرفک حرکاتی طوردیرمغه چالیشه جقدر.

چونکه دشمن آتشی اوکنده اوله بویلی بویله چکلمک،
 هیچ طور ماق، مقاومت کوستر مکدن دها تهلمکلی بر شی
 اولدینی مدافعین پک اعلا بیلورلر. شمیدیکی زمانده تعبه خطیه
 زمانلرنده اولدینی کبی محاربه خطی قیرلمسی ممکن اوله بیلان
 بر مانع دکلدر. بالعکس خط مذکور پک قوی بر رابطه واک
 جوق کندی مرکزینه طوغری تضیق ایدلدیکی زمان بزم
 یانلریزی قوشاده حق وجه ایله اکیلور، بوکیلور یعنی پک
 السیتی بر واسطه در.

بتون شو دیدکاریمز، بر محاربه خطنی یارمق خصوصه سنده
 کوربه چک مشکلاتی عیاناً کوستریورلر. آتشرک تأثیری، پک

واسع اولان آجیقاری ، طولایسیله املا واکال ایدرک و قتیله بر اردونک کجه بیلمسنه مساعد بر قپو تشکیل ایدن بر چوق کیلومتره لک بر مسافه، بوکون کنار آتشرینک تأثیرات مهلمکه- سندن بر درلو قورتیله میور . (میچ) و (پارس) ده ودها تازه حوادثلردن اولقی اوزره (پلونه) ده قیامش اولان اردولر ، ایچرودن طیشاری چیقماق ایستدکاری زمان بوندن بالطبع محاصره خطرلنده برر کدیک آچق هوسیله برسوری مصادمه لر حصوله کلشدی. لکن شو محاربه لرک هر برنده، هاجینک بتون قهرمانلخی، بتون مساعیسی دائما بر مغلوبیت ایله نهایت بولمشدی. تمبیه کدیکی آرتق ایکی اردودن بریسی، یکدیگری نه پک یقین و موازی یوللر اوزرنده، پک طوبلی بروضعیتده ایلرولمکده ایکن پک واسع بر منطقه اوزرنده هنوز یایلمه حرکاتی بیتور- مه مش اولان دشمن قول باشلرینه تصادف ایستدیکنده حاصل اوله بیله جکدر. شویله بر باصقین حرکاتی بیله ینه کچمش زمانلرده کی قدر بیوک بر تأثیر کو سترمییه جکدر. شمیدیکی زمانلرده آرتق (روسباخ) میدان محاربه سنده اولدیفی کبی وقوعه کلان تصادفک نتیجه سته ، بر قاج دقیقه ایچنده، قرار ویرمک و آنی متعاقب قوجه بردشمن اردوسنی محو و پریشان ایتمک اوله جق شیردن دکلدر . آرتق اولسه ، اولسه دشمنی یواش یواش کبرویه بوسکورتماک ممکن اوله جقدرکه، شواننده اک یقین اولان قطعات

عسکریه ، باش طرفده خصمک اک چوق تضییقنه اوغرامش
بولان قوللاره یاردم ایتک ایچون بنسه فرصت بولمقدن بر دم
خالی قالمیه جقلردر .

شمیدیکی بیوک جزء تاملرک لازم غیرمفارق حکمنده اولان
مقاومت قوتی ، اوکله زمانه طوغری ، ایکنجی برفرقه طرفندن
تقویه ایدلمش اوله بیلیمک شرطیله ، یالکز برفرقه نیک ایکی مثلی قوتده
بر دشمن قول اردوسنه قرشو بلا تردد محاربه یه طوتشمسینه
مساعده ایدر . حتی شو دیدیکمز فرقه یواس یواش ، کیرویه
چکلمکه بر مجبوریت کورسه بیله بونک ایچون اوقدر زمان
یکه جکدرکه ، مذکور فرقه او ائنده بهمه حال کندیسنه کله جک
قوای امدادیه ایله برلشمش اوله جقدر [*] . اکر بر تصادفی

[*] ۱۸۹۴ سنه سی تشرین اول آئنده شرق پروسایده یاپیلان
ماتوره لر ، بزه بو خصوصده او قدر کیزل بر مثال کوستریورکه ، حقیقه
اک زیاده یقین اولقی لازم کلان بر مثال وارسه ایشته اوندن عبارتدر .
بربری آردنجه کلان کچن ایکی کون ظرفنده برنجی قول اردونک ایکی
فرقه سی یکدیگکردن برکونک یوروش قدر اوزاق بولنیورلردی .
لکن شویله اولقله برابر ، اولردن بریسی کندی اوزرینه پک صیق
وطوپلی بروضعیتده ایلرولیان بتون (۱۷) نجی قول اردو علیه صباحلین
باشلامش اولدینی محاربه یی اوته کی فرقه کلهجه یه قدر اوزاتمه موفق
اولمشدره . بو ایکنجی فرقه نیک یتشمسیله برنجی کون وقوعی ملحوظ اولان
هزیمت برطرف اوله رق بالکس ایکنجی کون بیوک بر مظفریت
قرانلشدی .

مخاربه ده خصم اردوسنك بر قسمی، هر هانكي برمانك ومثلا بر نهر ك كپروسنه آتغه واونی دیگر قسمی اوزرینه آتیلنجیه قدر اوراده طوتغه موفقیت حاصل اولورسه ، تعیه کدیکی دینلان قپو احتمال بو سایه ده ینه آچیلمش اوله بیلور.

دینلمك احتمالی واركه ، (۱۸۷۰) سنه سی كانون اولك (۳ ، ۴) نجی كونلری ویریلان (اورلنان) میدان محاربه سی تعیه کدیکی آچیلمش اولان محاربه لردن بریسیدر ، لکن هاجین طرفدن اوج بیوك پارچه یه بولمش اولان بفرانسه اردوسنك يك زیاده کشف اولمسی ، وایشی منفرد مصادمه لر طرزینه دوکن محاربه نك طبیعتی مذکور کدیک آحق عملیاتی تعیه دن زیاده سوق الجیش حرکاته یاقلاشدرمق ایستور.

تعیه احاطه حرکتی

هجومك اصل قوتی، متحد المرکز حرکندن ایلری کلدیکنه باقیلورسه، احاطه حرکتی هجوم ایچون اك ایو بر شکل اولدینی کندی کندینه میدان چبقار. صوك سفرلرک برچوق مصادمه. لری بو حرکت سایه سنده نتیجه لنش لردی. اوندن بشقه اوروپانك بتون دار الحربلرنده، بتون مانوره لرنده قطعانك دائما شو احاطه

حرکتلرینی تقلیدایلمکده اولدقلری کوریللور. بوزلمش بردشمن قوشوسنده بيله جهه هجوملرینک ینه پک چوق مشکلاتی واردر. اونک ایچون احوال مساعده ایتدکجه هر زمان احاطه هجوملرینه مراجعت ایدیلور و او وجه ايله حرکتک اکیلنه جالیشیلور .

شمدیکی زمان سلاحرلرینک بیوک منزللری، احاطه حرکتک اجرا ایدلدیکی مسافه بر قاق کیلومتره کنیشلککنده اولسه بيله ینه آنی آتش ایچنده بولندرمغه کفایت ایدلدیکیچون شمدیکی احاطه حرکتلری اسکی زمان احاطه حرکتلرندن ده زور ودها دهشتلی اولورلر. بوراده اجرا آتک اوغرادینی مشکلات ینه اک چوق حاضرقلردن ایلری کلیور .

تجربه کوستریورکه، یوز احاطه حرکتک سکسان دانه سی دشمن خط حربینک ده جهه سی اوکنده ایکن، نهایت بولور. بو، شوندن ایلری کلورکه، انداخت منزللرینک پک زیاده بیوکلیکی سببيله احاطه حرکتی یابه جق اولان قطعات عسکریه بی پک اوزاق یرلردن حرکت ایتدرمک لازم کلیور. بناء علیه، دشمن مرکز اولق شرطيله بر قوس دائرة اوزرنده یورنیلدیکنه نظراً یایلمه حرکاننده برنجی خط نسبةً بیوک اوله جقدر . بوندن طولانی ده اکر بر یرده طویلانلمش ویا خود یالکز راستقامتده وطوبلی بر وضعیتده ایلرولورسه، هدف اوزرینه بر احاطه حرکتی یابه یایلمک ایچون اکثریا پارچه لره آیرلق لازم کله .

جگدر . دشمن قرشوسنده بویه یارچه لره آیرلق خصوصی،
 شبهه سز، بر چوقلری طرفندن تهلهکلی بر شی ظن ایدیلور؛ حق
 ینه بوندن اوتریدرکه ، بر چوق تعیه احاطه حرکتلری پک
 محدود بر صورتده ترکیب اولنیورلر . هاجین طرفندن اشغال
 ایدیلان قوس دائره نك ایچروسنه طوغری مدافعینک اصلا
 ایلرولمکه جسارت ایدوب ایده میه جکنی ده ایوجه بر دوشونمک
 لازمدر . اشغال ایدلمش بر موقع طرفندن پایله حق مقابل
 هجوملرک موجب اوله جفی مشکلاتی ایسه بر دها یوقاریده
 اوزون اوزادی یه سویلمش ایدک . بونک ایچون بر احاطه حرکتی
 پاییلورکن ، جسور بر دشمن طرفندن هجوم خطلرینک یارلمش
 اولدیغنی کورمک تهلهکسی حقیقی بر شی اولمقدن زیاده خیالی
 بر تهلهکدر . بوخصوص سوق الجیش احاطه حرکتنه نسبتاً ،
 تعیه احاطه حرکتی ایچون پک بیوک برفانده، کوزل بر کاردر .
 لکن بونک ده کندینه مخصوص وپک جدی بر محذوری
 وار : شبهه سز جبهه هجومیله یان حرکتی توحید ایتدیرمک
 مسئله سی پک زور برشیدر . بوندن آکلاشیلورکه، جبهه هجومیله
 احاطه حرکتی ایکیسی بر آنده اجرا ایدلمک لازم کلور . اگر
 بویه یاپلمزسه، او زمان دشمن، تهدید ایدلمش جناحی اوزرنده
 قوتلی بر مدافعه قولتنی تشکیل ایتکه ویا کندی احتیاطلریله ،
 هاجین طرفندن احاطه حرکتنه مأور عسکرک یانلرینه دوشورلر

اونلری کیرو پوسکورتتمکه موفق اولور.

شویلهده اوله ییلور : مثلاً جبهه هجومی ایجه کج قالور ؛ دشمن اونی کیرو پوسکورتتمش بولنور؛ و باخود بالعکس، احاطه حرکتی کج قالور ؛ دشمن بوسه بیله کړک جبهه وکړک احاطه عسکرلری اوزرینه آری آری یوکلنه کړک اونلری برر ، برر محو وپریشان ایدر .

شیمدیکی زمان مصادمه یرلرینک پک زیاده کنیش اولسی، توحید حرکات مسئله سنی کړچک پک بیوک مشکلا نه دوشورور . (۱۸) آغستوس (۱۸۷۰) سنه سی وقوعه کلان (سن پریوا) میدان محاربه سی شو دیدیکمز ه اک آچیق برره اندر . احاطه کندی تأثیرینی دشمن اوزرینه کوسترمکه باشلادیفی آنده جبهه هجومنک وقت ضایع ایتیمکسزین هان اجراسی لازم کلور . اوندن بشقه احاطه حرکتنک بودیدیکمز تأیری جبهه دن ایلرو- لیان قطعات کیریوه دونمک مجبوریتنه دوشمه دن اول یعنی چار چابوق حکم قطعینسی کوسترملیدر . دشمن قرشوسنده آزچوق ضایعات ویره کړک قطعات عسکرینک نسبة اوزون بر زمان بکلیه جکلیری و بوندن ایلری کلان محذوری انکار ایتیمکه بردلرلر مجال یوقدر .

احاطه حرکتی یاپه جق اولان قطعات عسکریه کلنجه اونلرده کندی خارجی یانلرینک دشمن طرفندن چویرلش

اولماسنه صوك درجه دقت ايتلديرلر . چونكه دشمن آنجق
مذكور جناح علينه مقابل هجوملر يابه قدير . اونك ايچون
قطعات المذكوره ي قوتلى احتياطلر ايله تعقيب ايتديرمك لازم
كله جكدور .

اكر خصمك ايكي جناحي اوزرينه بردن براحاطه حركتي
ياپلمش اولورسه ، اوزمان هجوم كرچك بك قولايلاق ايچنده
اجرا ايديله بيلور . مركزدن ايكيه بولنمش اولق تهلكه سندن
همان همان چكمنلش اولور . زيرا دشمنى محيط جناح آتشريني
مركزي حمايه ايدرلر . لكن عددجه دشمنده بيوك بر تفوق
كورلمدجه بوكي هجومى يعنى هر ايكي جناحدن دشمنى احاطه
ايدرك ياپيلان هجومى باشه چيقارمق ممكن اوله ميه جقدور .

(وورط) ميدان محاربه سنده آلانلرك حركاتي بونك ايچون
موفق اوله بيلمشدى . شهبه سمز ، شيمدنيكي زمان تاريخ عسكري سنده
ايكي جناحدن احاطه حركتي ياپلمش اولان محاربه لرك اك كوزلى
(وورط) ميدان محاربه سيدر [*] .

[*] مثلا (سدان) ده اولديني كبي خصمى صيقتدمقندن عبارت بر
مقدمدى حاوى اولان ميدان محاربه لري ايچون آلنه جتي ترتيبات آچيقدن
آچيغه سوق الجيش علمنه داخلدر . بوندن اوتري (سدان) محاربه سى حقيقي
احاطه حركتلىنك ياپلمش اولديني اك كوزل بر محاربه اولقله برابر اوني
بوراده ذكر ايتمكدن صرف نظر ايدبورز .

تعبیه چویرمه حرکتی

صلح زماننده یاپیلان مانوره لرده اکثریا تعبیه چویرمه حرکتلری علیهنه نیجه فنا سوزلر سویلندیکنی ایشیدبورز. لکن سفرده نه قدر احتراز ایدلسه، ینه مذکور چویرمه حرکتلری قوللامقدن بردلر و از کچمک ممکن اوله میه جق! زیرا شیمدیکی زمان آتشرلرینک مهلاک تأثیرلری جبهه هجوملرینک، باخصوص کچیدلر قرشوسونده، اکثریا موفقیت حاصل ایدهمیه جکلرینی کوستریور: اونک ایچون ینه چاره سز، تعبیه چویرمه حرکتلرینه مراجعت ایده جکز. شه سز، بوغازلر، اکثریا آنجق چویرمه حرکتلری سایه سنده اله کچمش اوله بیله جکلردر. نارنج عسکری شاهد اولسون! شو خصوصده (لئونیه اس) ک (ترموپیل) هزیمتدن (بلومه ناو) غوغاسنه و (غورقو) نک (خان بوغاز) یورویشنه قدر بزه برچوق مثاللر ویرن هپ اودر.

چویرمه حرکتلنده بربرندن آریلان قوللر آره سنده کی فاصله برزمان صکره او قدر بیورکه، اونی آرتق آتش تأثیرلری طولایسیله قیامتق ده نمکدنسز اولور. وشوندن اوتری، خصمک آره یره کیرمسی، و مذکور قوللری یکدیگرندن کسمک تهلمکسی بالطبع ظهور ایدر.

ایجه آره لق ایله یاپیلان چویرمه حرکتی دشمنی بر مقابل

هجوم یا بمته دعوت ایلر . اونك ایچون بویله برچویرمه حرکتی
 یا بمه دن اول بر کره بعض احوال خصوصیه نی ومثلا مقابل هجوم
 یا بمق ایچون خصمك قطعات عسکریه سی الویریشلی میدر ،
 دکلیدر؟ اراضینك تشکلات طبیعیه سی بوکا مساعد میدر، دکلیدر؟
 ایشته بوکبی شیرلی برکوزدن کچورمك لازمدر .

اگر بز دشمنی بر نهر اوزرنده یرلشمش بولور وچویرمه
 حرکتیه مامور بر مفرزه سایه سنده نهر دن کچمك چاره سنی
 آرار ایسهك دشمن بزم شو مفرزه مزنی کیرویه آتمش اولمه دن
 اول ، مانعک بری یقه سینه کچمکه وبزم ارتبباطمزی قیرمه
 مجبوریت کوره جکدر . طاغلق یرلرده ، اکثریا مختلف بوغازلر
 آره سنده اتصالات عرضانیه موجود دکدر . بوندن اوتری
 مدافعین ، چویرمه حرکتیه مأمور واشغال ایدلمه مش برکچیده
 حاکم اولان بر قولك اوکنه انجق کیرو طرفلردن بعض قطعات
 عسکریه سوق ایدرک چیه بیله جکدرکه ، چویرمه قولی شوسایه ده
 بالطبع کندی اردوسندن آیری دوشمش و آره سی کسلمش
 اولیه جقدر .

بونك ایچون چویرمه حرکتلری اوپله بعضیلرینك دیدیکی
 کبی هر زمان فائده سز وتهلکه لی حرکتلردن دکدر . بالعکس
 وقت اولورکه ، اونلردن پک زیاده استفاده ایدیلور . ومثلا
 دشمن طرفندن طوتلمش ومدافعه ایدلمش اولان برمانعی ضبط

ایتمک ایچون اونلر اکثریا برنجی درجه واسطه لردن صاییلورلر .
طباغ سفرلری چویرمه حرکتلرینک اک چوق تطبیق ایدیله -
جککری یرلردر . شویله اواقله برابر ، احاطه حرکتلرنده
اولدینی کبی چویرمه حرکتلرینک ده حد ذاتنده ویالکز باشنه
بر اهمیت مخصوصه بی حائز و پک فائده لی شیلر اولدینی قبول
ایتمکدن چکنمک لازمدر . ترکیه سی : بودرلو حرکتلر ، قطعی
برلوزوم کورلدیکجه قوللانما ملیدرلر .

کیرولر ویانلر اوزرینه تعبیه هجومی

کیرولر اوزرینه تعبیه هجومی یایق آنجق موفقیت حاصل
ایتمش براحاطه حرکتلرین صکره اوله بیلور . دشمنی بردن بره
یقلامش وطرق اتصالیه ورجعیه سنی نه قدر چابوق کسمش
اولورلر سه بو قبیل هجوملر ، ده اوقدر فائده لی و کسیدیرمه
اولورلر . لیکن کیرولر اوزرینه تعبیه هجوملری یایق مسئله سی
پک آز وقوعه کله جک شیلردر . زیرا کشف خدمتلی ، کرچک
حیرت ایدیله جک بر یولده ایلرولمش واکمال ایدلمشدر . منفرد
اقسام عسکریه ایچون بوجشید هجوملر ، بعض خطالرو قاریشقلقلردن
اوتری غوغا ائناسنده ظهور ایده بیلورلر . بوجه ایله اردو
قسم کلیمسندن آیرلمش و بر کچیدی ضبط ایتمک هوسنه دوشمش

اولان بعض فرانسز مفرزه لری (مانس) ایلروس-سند کیه لین
آلمانلرک صاغ جناح لری وکیولری اوزرینه هجوم ایتشلردر .
لکن بوراده منقطع بر محاربه دن زیاده بر باصقین حرکتی یایمق
ایستنلمشدی .

بتون براردو ایچون شو کبی حالار ، امکانسز اولسه بیله ،
پک نادر وقوعه کله جک حالاردر . یان هجوملرینه کلنجه بوجشید
هجوملرده آراتق یالکز وضعیت عمومیه پک مساعد، ودشمن
غفلتده ، بولندیغی زمانلر ایچ-ون قبول ایدبله جکلردر . اوندن
بشقه اراضی اولدقجه کثیف برقار طبقه سیله اورتیلورده سوا -
رینک حرکتی ممکن دکلسه بویان هجوملری ینسه قوللانلمق
استعدادینی حائز اولورلر . (۱۰) کانون ثانی (۱۸۷۱) سنه سی
(یاریکه - له وهک) ده شو حال عینیه واقع اولمشدر .

اون برنجی فصل

مدافعه سوق الجیشی حرکاتی

۱ - مقصد ، شرائط و سائط

مدافعه سوق الجیشی حرکاتک مقصدی ، اکثریا دها کوزل شرائط واحوال ظهور ایدنجهیه قدر مصادمه و نتیجه حربی تأخیر ایلمکدن عبارت اولور . بونک ایچون هرشیدن اول دشمنک ضعیف دوشمسی بکنیلور ، بالخاصه دها فائده لی بر موضع طوتلمسی امید اولنور . و یاخود ایلک اوکجه حاضرده بولنان قوای معاونه نک کلمسه انتظار ایدیلور . بوقیل حرکاتی اینجه دن اینجهیه اوقومق ، تدقیق ایتک ایستیانلر ایچون اک ایو مکتب ناپولیونک (۱۸۱۳) سفیریدر .

برده احتمال که ، دشمن بالخاصه مدافعهیه پک الویریشلی بر خطک اوکنه کلنجهیه قدر بکنیله جکدر . لکن شو حالده یابیله جق حرکاتک ، حرکات عسکریه صره سینه کیرمکه دکری یوقدر . مدافعه جه زمان قزائمق هوسنی طاشیمق ، کندینی دشمندن کیزلمک معناسنه کلور . لکن بر شرط ایله که ، اراضینک کنیش بر منطقه سی دشمنه ترک ایدلمش اولسون .

مدافعه ده موفقیت حاصل ایدہ بیلیمک ایچون ده بعض شرطلر وار . مثلاً مدافعه سوق الجیشی ده بولندلرجه کندی قوتلریمک تزییدی و بالعکس خصم قوتلریمک تنافسی مسئله لری بزم ایچون جداً پک بیوک فائده لر تأمین ایتلیدر . یعنی مدافعه ائناسنده مدافعین قوتلری بدرجه ده بیوملی و هاجین قوتلری بدرجه کوچلملی که ، شوندن حاصل اوله جق موازنه سزلیکدن بالاستفاده مدافعین اک صکره ایستدیکی کبی کندی ایشنی کورمنس اوله - بیلسون . حاصلی وسائط حربیه و قوای عسکریه خصوصنده هرشی یرلی یرنده اولملی ، هیچ برشی مبالغه و افراط اوچو - روملرینه دوشورلملیدر . زیرا ، کرک وسائط حربیه و کرک قوای معنویه دائر ایدیله جک یا کلش حسابلر ، اکثریارجعت وانتظار کبی تهله کلی نتیجه لره سبب ویرر ، یا خود اک صکره تشبثات عسکریه نک ایجه زمان سور و کلنمسنی موجب اولور ، کیدزلر .

اگر بر مدافعه سوق الجیشی حرکتک صوک دورلرنده ، خصمه نظراً ، ایلک زمانلردن دها قوتلی بولنلمز ایسه ، بوندن طبیعی هیچ برشی قزانلمش اولیه جقدر . یا لکر مصادمه قطعیه - نک کندی ضرر و زیاننه خدمت ایدہ بیله جکنی کورمک قوز - قوسندن بشقه هیچ برسبب حقیقی اولمقسزین یایله جق تردد لره و کبرو چکلمه لره حرکات عسکریه اسمنی ویرمکدن اوتانیورز .

چونكه بوكې شيلرده روح الحركات اولان مقصد حقيقى بللى
 دكل وبللكده هيچ يوقدر! اوندن بشقه، بوترددلر وبو كير
 چكلمه حركتلرندن آنجق پك چوق زمان و مسافه يه مالل
 اولق، بروجه ايله كه، وقوعات جاريه ائناسنده بيله اولجه خاطر
 كلكدك بعض فوائد ووسائط تدافعيه بولق اميدنى بسليه بيله جكمز
 وقت برفائده كورمك ممكندر.

(۱۸۱۲) سفرنده روس اردولرينك باشندن طبق بيله
 برحال كچمش ايدى. كرچك، سفر ك ابتدالرنده اونلر، مملكتهك
 ايجروسنه طوغرى چكيلورلردى. بو چكيلمه نك باشليجه سببى
 ايسه، اونلر بربرندن آرى اولدقلىچون دشمنه قفا طوته بيله-
 جكلرني اميد ايدمه ميورلردى. لكن ايشك صوكنده مذكور
 اردولرك قوماندانلرى، حركات عسكرينهك شويلهجه اوزايوب
 كيتمسندن طولايي خصم اردوسنهك اوغرا دينى ضايعاتى بئوك
 بر اهتمام ايله تقدير ايدرك يوقاريدمه سويلديكمز اصولى حرفى
 حرفه تطبيق ايلمكدن اصلا چكمنديلر.

زمان و مسافه، مملكتهك استيلا اردوسنه قرشو مالل اولدينى
 مواقع طبيعيه و مستحكم يرلر ايله قلعه لر كى موانع صنعيه
 هر مدافعه حركتهك باشليجه منابعدن صايلورلر. وقوعات
 سفرينه كندى ايسه نكمزه كوره يوريمك ايجون اك قوتلى

مانوله ، رجعت ایتمکده اولان بر اردونك دشمن اوزرینه
دائماً کوستردیکی جاذبه دن عبارتدر .

شو نقطه یی هرکس دن زیاده وانك آجیق بر لسان ایله تقدیر
ایدن (قلاوزویچ) در . مشارالیه بزه کوستریورکه ، (۱۸۱۲)
سفرنده روس اردوسی ، قوجه بر ایمپراطورلق آره سندن مملکتک
ایچروسنه طوغری بر کره رجعت ایتدکدن صکره تکرار مرکز
ممالکدن حدود بوی اوزرینه ایکنجی بر رجعت حرکتی
یابرق اورایه پک ضعیف دوششمش اولان دشمن اردوسیله
برلکده واصل اوله بیلوردی . شبهه یوقکه ، بودشمن اردوسی ده
اونی تعقیب ایچون بر مجبورییت قطعیه کوروردی .

آکلاشیلوردی ، مدافعینک کوستردیکی قوه جاذبه
اثرلری ، دشمنک عددجه اولان تفوقی آز اولدقجه ده
زیاده ودها نفوذلیدر . اگر مدافعینک قوتی ، هاجینه نسبتاً
پک آشای بر شی دکلسه ، دارالحرب آز چوق کنیش اولق
شرطیله ، دشمنی دائماً ایستدیکی یرده کندی آرقه سندن کتورنمکه
موفق اولور .

حتی بو قوه جاذبه یی الدن چیقارماق لزومی ، اکثراً
مدافعین جهتی موقتاً اولسون ، محاربه ایتمکدن واز کچمکه
مجبور ایدر .

دیدیکمز حال ، اک چوق بر اردونك اقسامندن بریسی

اوته کیلر یتیشنج-یه قدر خصمک بللی باشلی هدفلردن برینه وصولنی منع ایتمه که مأمور اولدینی زمان واقعدر. بر مصادمه نك حصوله کتوره چکی بدبخت بر نتیجه مدافعه قطعاً تنده موجود اولان شو قوه جاذبه یی آزالتیر. بر هزیمت کلیه ایسه اونی هیچ اولمزسه موقتاً محو ویریشان ایدر.

۲ — مدافعه ده نقطه غایه نك انتخابی

سفر پلانی حقنده برقاج شی سویلدی کمز وقت ابو دوشو- نلمش بر پلانه کوره سوق ایدی لان هر مدافعه-ه نك اک صکره، بر نقطه غایه یه توجه ایده چکی و بوراده کندی منفعت و حسابنه خدمت ایده چک وجه ایله حرکات عسکریه نك ترسنه دونه چکی- ده بالمناصبه سویلشمش ایدک .

اگر بو عکس حالک ظهوری ، دشمنک اک چوق ضعیف دوشمش اولسندن بکلیورسه، هاجین اردوسی قوتلی اولدینی نسبتده نقطه مذکوره یی بالطبع مملکتک دها زیاده ایچروسنده آرامق لازم کلور. شو حالده تعرض سوق الجیشینک نقطه غایه سی، نره ده اوله جنی مسئله سنی اولدن کمال امنیت ایله حساب ایتک ممکن اوله میه جغندن طولای مدافعه-ه نك نقطه غایه سنی ده آنجق بر صورت عمومیه ده کوسترمک ممکن اوله جقدر .

تعرض سوق الجیشینک نقطه غایه و وصولی ، هاجمینک حرکات
عسکریه اثناسنده محاربه لر ، میدان محاربه لری ، یورویشلر ،
خسته اقلر و احتیاجات سفریه دن طولایی اوغرایه جقه لری
ضایعاته باغلیدر .

لکن مدافعه نقطه غایه سنی ، اردو بیله کنندیسی اداره
ایتمکدن عاجز قاله جق صورتده مملکتک بسبتون کیرولرینه
آتمقدن چکنمک لازمدر . بوجه ایله حرکت ایتمک ، ترکیه سی
مدافعه رجعیده بولنق ، مسئله سی یالکز دارالحرب کرچکدن
پک واسع اولدینی زمان قبوله شایان کوریلور .

غرب حکومت مدنیه سندن هیچ بریسنده شو حالک
وقوعی ممکن دکلدر . زیرا کندی منابع سفریه وحیاتیه سی
ترک ایدرکن اوغرایه جق ضایعات ، خصمک دوشه جکی
ضایعاتدن قات قات زیاده اوله جقدر . شرق سفرنده بیله ، بالقان
سلسله سی الدن قاجردقدن صکره چتالجهیه قدر بتون مملکتی
اهالیسز براقق خصوصنده کرچک بیوک بر خطا یاپلمشیدی .
خطوط الحركات پک اوزون ، مملکت پک فقیر دکلدی . اگر
اولیه اولسیدی ؛ بلکه هاجمین اردوسی ، ایجه صیقمیدلره ،
ایجه ضایعاته اوغرایه رق نهایت یاری بولده توقفه مجبور اولوردی .
بر چوق فراریلرک آقین ، آقین کللری ، اک صکره فائده سز بر
مصالحه نك امضا ایدلمسنه يك بیوک بر تاثیر کوستردی .

اگر رجعت ایدن اردو ، ایچیه اوزون بر خط الحركاتك اوته کی اوچنده برقاج زماندن بری ضعیف دوشمش وپك زیاده یورلمش اولان هاجیندن قوتلی بولنورسه اووقت ایشلرك یوزی ینه بشقه بررنكه بویانمش اولوردی . شهه سز اوزمان بو مدافعه حرکاتی کندی تطبیقاتی بشقه دارالحربلر اوزرنده بوله بیلوردی . فرض ایدیکزکه ، (۱۸۷۰) حربنده (ماقاهون) اردوسی ، (سدان) ده یقانی اله ویرمه مش . . بالعکس بربری آردنجه برخیلی محاربه . لردن اوتری ، ساده ضعیف دوشمش اولسون ! کرچك ، اگر بو سزك هر دوشوندیكیز کی اولسه ایدی ، عجبا ایشلر نه مرکزده جریان ایده جکدی ؟

شهه سز! دیرسکزکه ، (ماقاهون اردوسی) چکیله ، چکیله اك صکره (پارس) دیوارلرینه قدر چکلمش اولوردی .

حقکز وار ! ینه تسلیم ایدرسکزکه ، او زمان (ماقاهون) اردوستی تمقیب ایدرك ، پارس دیوارلرینه کلنجهیه قدر اوچنچی آلمان اردوسیله (موز) اردوسی (سدان) حرکات عسکریه سنك موجب اولمديغندن زیاده ضایعاته اوغرامش بولنه جقلردی . هپسی بو قدر اولسه ایدی ، ینه باس یوق . . لیکن بونك دهـا اوته سی وارکه ، اصل جان صیقان ، ایشلری بسبتون یوز اوستی چویرن ایشته هپ اودر .

کرچك ، پك زیاده شهه لره دوشمکسزین ، ینه تسلیم ایدر .

سکزه، پارس دیوار لرینه قدر کتورمش اولدیغکز آلمان اردولری آرتق قوتلی محافظ مفرزه سیله محافظه ایده بیله جک قوته مالک اولمقلریچون او زمان ایلك اوکجه دشمنه فائق اولان مذکور اردولرک احتمال شو تفوق عظیم خلافتنه اوله رق شمدی بیوک، زنکین واهالیسی چوق بر مملکتته هجومدن عاجز قالدق-لرینی کوروردیکز .

بو تصور ایدیلان شی حقیقتدن پک اوزاق بر شیدر؛ اونک ایچون تدقیق و امتحانه دکری یوقدر، دیمه ییکز. چونکه ماضی به طوغری یالکر برکوز اوجیله باقارسه کز اونک برچوق مثاللرینی کورور، شاشارسکز!

(ولینغتون)ک (طوروس ودراس) ده کی حرکتی شومثاللرک اک بارلاق واک کوزللرندن بریسیدر . (۱۸۱۰) سنه سی ایلك بهارنده فرانسلر علمنه غوغا ایدوب طوران اسپانیالیرک حالی پک یمان ، پک پریشان بر حال ایدی. یالکز کوچک پورتکیز قرالغندن بشقه بتون (ایبریا) شبه جزیره سی فرانسلرک الله دوشمش ایدی . شان وعظمت فکرلری ایچنه کوملمش اولان قوجه نابولیون هنوز آوسترالیلری ایودن ایویه بر تپه لمش وایستدیکی کبی مغلوب ایامش ایدی. اونک ایچون اسپانیانک ایشنی بیتورمک خصوصنده هیچ برشی فرانسه یه ممانعت ایتیه جک کبی کورینوردی . نابولیون وقت ضایع ایتمکسزین و(ماسهنا)

پایه جفی بعض حرکاتنه قاپیله رق زمانی کله دن اول قطعی مصادمه لر
 ویرمه مجبور اولمقدیر . شوتهاکله دوشمه مک ، تعبیه نسه
 سوق الجیش نقطه نظرندن دهها مشکلدیر . چونکه سرداراکرم
 اولان ذات سوق الجیش حرکاتنده بتون اردوسنی کوز آلتنده
 بولندیره مز . برده معیت قوماندانلری طرفندن یاکلش بریولده
 اکلایشیلان بعض شیلر وقتسز قاریشقلنی موجب اولورلر . لکن
 دیگر جهتدن ، مقاومتسز اجرا ایدیلان بر رجعت حرکتی پک
 قولای فرار پک شکلنی آله بیلورکه ، شوندن بالطبع عسکرک قوه
 معنویه سی پک بیوک بر فورتنه طوتلمش اولور . اوپله ایسه
 ترازینک کوزلرینی دائما رجعت و محاربه جاذبه لری آره سنده
 و برتسویه ده بولندیرمه نک یولنی بیلمک لازم کلور . بونک ایچون
 (بلوهر) ک (۱۸۱۳) ده سیلیریا و (روبرتلو) نک برچوق کره لر
 (ویرینی) نک شمانده کی سفرلرده کوستردیکی سرعت نظر ،
 قوه نفوذ و مرام صاحبی اولمق ایجاب ایلر .

اگر یکیدن کلان امدادلرک و یا فیرک ایلک زمانلرنده حاضر
 اولمیان بر متفق اردونک برلشمسندن طولانی حرکات عسکریه ده
 برانقلاب حصوله کله جک ایسه ، اوزمان بشقه درلو دوشونمک
 بشقه درلو یایمق لازم کلور . صحیح ! بویله زمانلرده یکدیگریله
 برلشه جک اولان قوللاردن هیچ بریسی برلشمه دن اول ، هیچ
 بر حرکت قطعی ده بولما، غه مجبوردر . لکن شو حلاک ده مستثنا .

سى وار. اكر قواى امداديه هنوز يك اوزاق بولنيورلر وياخود هنوز حاضر دكلر ايسه واولدجه سورهكلى بعض حرکات عسکريه اجراسنه باشلامق لازم کليورسه اوزمان خصم قرشو - سنده يايلمش اولان قطعات ايله جس-ورانه بر مقاومتده ثبات ايتمک، رجعت ايلمکدن يوزقات خيرليدر. وبويله زماندرده بر آن اول ، قواى امداديهك بولندينى يرلره ياقلاشمهك چارهسنى آرمقدن ايسه ، دشمنه يك چوق زمان، غائب ايتديرهك وبر خيلى ضايعات ويرديرهك اولان قوتلى موضعلر طوتمق واوراده ثبات کوسترمک ده اهم ايشلردندر.

کرچک؛ ديدیکمز کي ياپلدينى زمان هاجين ضرر وزيانسه اولمق اوزره حرکت ايدلمش ديمکدر. زيرا بتون اردو ، غير معين بر زمان ايچون عين شدت وثبات ايله سفر يورغينلقلرينه صبر ايديهك اقتدارى کوسترمش اوله من. بالعکس بو اردونک باشلاديني حرکات عسکريه موفقيت ايله نهايت بولمش اولسه بيله ينه قواى معنويه وماديه سى ايجه کيوشه مش ، ايجه آشينمش اوله جقدر . حرب زمانلرى پک چ-وق اوزون س-ورونجه بوندن طولاي مظفر اردولر ايچ-ون يوک سي-وک يورغينلقلر تولد ايدر . وبرملتک مدنيتى نه درجه بيولمش ، ايلرى کيتمش اولورسه، بو خصوص يعنى برقاق زمان صکره يورلمق، ضعيف دوشمک خصوصى او قدر زياده کنديسنى کوسترر . بر سفر

بیتدکن صکره ، ایکنجیسنه باشلامق ، یکی بردشمن علیهنه جواب ویرمک ، لازم اولدینی زمان کرک قطعات عسکریه وکرک قوماندانلری اوزرنده اولره کیتمک ، عائله افرادینه قاوشمق امیدلرینک یکی باشدن سونمش اولمسی جهتیله ، ظهور ایدن کیوشکلکی تعریف ایتمک ، آره دن قالدیرمق کرچک پک زور برشیدر .

نابولیونک (۱۸۰۷) سنه سنده کی قیش سفری ، شو سویلد-یکمزه دائر اک کوزل بر بره اندر . پروسیا اردوسی علیهنه کرچکدن پک شانلی موفقیتلر استیصال ایتدکن صکره مشار-الیه (پولونیا) ده عددجه آز ، فقط پک تازه بر موسقوف اردوسنه راست کلدی . بونک اوزرینه چاره سز ، فرانسر اردوسنک حرکاتی تعریف ایتمکه مجبور اولدی . (۱۸۷۰) سفرنده امپرا-طورلق اردوسنه غلبه ساطورینی اوردقدن صکره ، یکی باشدن جمهوریت عسکرلری اوزرینه پک جدی حرکات عسکریه یانمغه لزوم کوردکلری زمان عین حادثه آلمانلرکده باشندن کچمش ایدی .

(۱۸۰۶) صولک بهارینک ایکنجی نصفنده پروسیا جنراللرینک ایلك هوسلری حرکات عسکریه نی اوزاندجه اوزانه رق سفر تطبیی تازه روس عسکرلرینک یاردمیله کله جک بهار موسمنده یایمق ایچون نابولیونی توقیفه چالیشمقدن عبارتدی . باقیلورسه

اونلرك شو فكمرى فنا بر فكر دكلدى . ليكن اونی بر آز دها
 آز آجینه جق بر حالده موقع فعله كتورمش اولسه لردی، پروسیا
 جنراللری بر آز دها آدم عقللی ایش کورمش اولوردی، سو-
 زینی سویلمکدن ده کندیمزی آله میورز .



۳ - مدافعه حالنه قونلمش موضع، مستقیم، متقارب و متباعد رجعت حرکتلری .

حرکت رجعیه نك توقف ایده جکی نقطه، هر مدافعه سوق
 الجیشی عملیانه نك ایلك نقطه سنه پك یقین اوله بیلور. حتی نقطه
 مذکور نك اك ایلموش اولان خط اوزرنده انتخاب ایلمی
 و مدافعین جهته نك یالکز دشمن تقریبی بکلمسی ده ممکندر. شو
 دیدیکمز حال، کندیمزی هجوم ایده میه جک قدر ضعیف کوره رک
 محاربه ایتمک ایستنیلیدیکی زمان دائما وقوعه کله جک بر شیدر .
 (اوسترلیچ) میدان محاربه سندن اول ، نابولیونک باشندن طبق
 بویله بر حال کچمشد .

مشارالیه کندی اردوسنک وضعیتی پک آز مساعد والویر-
 یشلی اولسنه دائر نشر ایلیدیکی حوادث هپ شو نیته، شو فکره
 بناء نشر ایلمش ایدی . اک صکرده شو دیدیکمز حوادثلرك

یایلمس۔ ییلہ فکر و مرانہ واصل اولدی . متفقین اردولری ،
ایلری یه آتدیلر ودرحال ناپولیون اردوسنه هجوم ایتمک کبی
قوجه بریا ککشانلی کوری کورینه قبول ایتمکدن اصلا چکنمیدیلر .
مستحکم بر حدود اوزرنده یرلشمش اولان هر هانکی بر
اردو، ومثلا آلمانلره قرشو فرانسز قوای عسکریه سی ینه عین
وجه ایله حرکت ایدم بیلہ جکلردر .

مع هذا حدود بوی قلعہ لرینک آره سندن ویا کیروس سندن
هجوم ایدلدیکنی کورمک آرزو اولنه حق شیلردندر . زیرا هیچ
شبهه یوق، که اورالرده هجوم ایتمک، آجیق صحرالرده کی هجوم
ملردن پک زور برشیدر . اوندن بشقه نیجه بیللردن بری نیجه
ملیونلر صرف ایدرک وجوده کلان مستحکم حدود بویلرینه
خصمک هجوم ایتش اولمسی آرزو ایتمک طبیعی برشیدر .
صنعت سایه سنده حاضر ایدلش اولان محاربه یرلرنده غوغا
ایدلدیکنی کورمک قوه معنویه اوزرینه آز چوق تاثیر کوسترن
حاللردندر . لکن بووجه ایله بر موضع مستحکم حصوله کتور
مک آنجق دشمن بهمه حال اورایه هجوم ایتمک مجبور اولدینی
زمان جائزدر . ناپولیونک (اوسترلیچ) ده کی دشمنلری کبی هر
وقت خاطر نواز دشمنلر بولمق کوچدر !

اگر الله اییدن ابی یه تحکیم ایدلش برسوق الجیش موضعی
وارسه، اوزمان اک چوق نظر دفته آله جق شی خصمک موضع

مذکورى دلك ايچون انتخاب ايده چكى نقطه يه طوغرى كمال
شدنله قواى عسكريه كوندرمكدر .

بونك ايچون ده اك باشليجه شرطلر ، جبهه كيروسسندنه بر
چوق عرضاني يوللاره مالك اولمق و قطعات عسكريه يي موجود
يوللاره كوره تقسيم ايلمكدر .

تيور يوللارى اك قاطعى زمانلرده بيله مدافعين پياده سى طرفندن
استفاده اولنه بيلورلر . اكر ايلك طويلانمه ائناسندنه كيروده واقع
ديكر برخط اوزرينه دونمكه مجبوريت كوريلورسه بوندن ايلك
او كجه ياكلش بريولده ايشه باشلانلمش اولدينى حقيقتى ميدانه
چيقار [*] . لكن اونلر ، اكر پولنيقه افكار مجبره سى آلتنده
اشغال ايدلمش اولورسه او زمان ضرورت وار ، شو ديديكمز
حقيقت ظاهره چيقامز . كرچك اشغال ايدلمش اولان موضع
دشمن ياقلاشديني زمان او كا قفا طرفتمغه الويره جك درجه ده
قوتلى دكل ايسه ، چاره يوق كيرويه چكلمك لازمدور . آلمان
حدودى اوزرنده كي ياييلمه حركتلىنك ضعيف اولديغنه دائر
فرانسزلى قاندرمق ايچون (وورط) و (ايشپهرن) محاربه لريني
ويرمكه حاجت بيله يوق ايدى . چونكه فرانسزلى اكر حقيقتاً
هرايكى مملكتهك قواى عسكريه سنى كوريجي كوزيله تدقيق ايتمش

[*] دشمنى يورمق و ضعيف دوشورمك ايچون قصداً ياپيلان
متعاقب رجعت و مدافعه حركتلى مستثنادور .

اولسه لردی؛ ینه طوغری بدن طوغری به عین نتیجه بی الله ایدرلر و نافله یره قان دوکسکسزین ایلک خطدن پک زیاده قوی اولان (موزهل) خطی اوزرینه چکیله بیلورلردی. اوت، اکرفرانسزلر اک باشلی قوتلری شو دیدیکمز خطده لازم کلان مدافعه بی ترتیب ایلکم اوزره توقف ایدرک یالکز پیدشدار مفرزه لرینی حدود بوینه سورمش اولسه لردی شبهه سز، کندی صندالاریتی دها کوزل اداره ایتمش بولنه جقلردی .

مرکزلی متحد، رجعت حرکتلرندن مقصد اردولری ، خصمک خطاحرکانی اوزرنده واقع واولجه انتخاب ایدلمش الو- یریشلی بریرده، کوزل بر موضعه جمع ایلکم کدر . لیکن بوکا قرشو براعتراض وار: ایلک اوکجه دها قوای عسکریه بی شو کوزل موضعه جمع ایتسeler عجبا دها عملی برشی اولزمی ؟ بو سوز اوایله پکده یبانه آتیله جق سوزلردن دکل، فقط شوجه ایله یایماق ایچون اکثریا بعض اسباب مجبره اوله بیلور . مثلاً، احتمال که، بیوک اردویی ایجه برزمان اوکوزل دیدیکمز موضعه بسلمک ، اداره ایتک کوج اولورده اونک ایچون موضع مذکورده ایلک اوکجه دها قطعات عسکریه بی جمع ایلکمکن صرف نظر اولنور. مثلاً احتمال که، ینه اوکوزل دیدیکمز موضع ایله حدود بویی آره سنده اراضی بی کندی المزه دشمنه براقفه کوکمز راضی اولمیه جق. واونک ایچون دشمن کوریلنجه به قدر

اوراده بولمق و صـكره كـيـر و يـه چكـمـك اوزره بتون اردويي حدود بوني سلسله سنده ياقق مناسب كوريله جكدرد .

برده يـنه احتمال كه، ايلري يـه كـونـدريـلان پيشدار مفرزه لري يالـكـز باشنه دشمن قواي اصليه سـيـله ايشه كـيـر يـشـه رـك پـك آـز وقت ايجـنـده اونلري كـنـد يـلـر يـله برلـكـده بزم طوتديغمز خط اوزرينه چكـمـش اولورلر .

اكر اردونك ياييلمه حرڪاتي ، خصمك ياييلمه حرڪاتندن اول اكـال ايـد يـلـوب ايـد يـلـه مـيـه جـكي لايـقـيـله كـسـد يـر يـلـه مـن ايسـه او زمان كيـر و ده ايو بر اجتماع موضعي انتخاب ايتـمـك بيـوك براحتياط برينه كـچـر . پـرنـس (فره دريق شارل) ايكنجي اردونك طويلانمسي ايجون (پالائينا) ده طبق بونك كـي بر موضع انتخاب ايلمـش ايـدي . آنسرين دشمن باصقـين حرـكـتـنـه او غـرـانـلـديـني زمان كيـر و ده بر موضع اوزرينه متحد المـركـز رجعت حرـكـتـلـر يـني قوللانمق اك طبيعي واسطه لردن، اك ايو اصوللردندر . بر اجتماع نقطه سـنـك مركزي وضعيتي شو حرـكـتي پـك زياده قولايـلـشـد يـر ر . (۱۷۵۷) سـفـرنـده ايـكـنـجـي فرـه دريـقـك هـجـومـنـه او غـرـاد قـلـري زمان اوستريا ليلر طبق بويـله حرـكـت ايتـمـشـلـر و (پراغ) نقطه سـنـده برلشـمـشـلـر ايـدي . اك صـكـره بـعـضـاً واقع اولور، كه حاضرلق محاربه لري اولـجـه يايـلان بر تـمـرض پـلـانـنـك قـابل اجرا اولمديغني كوسترلر . بويـله زمانلرده اوسترياليـلـرـك (۱۸۶۶) سـفـرنـده (بيستريج) كيـر و سـنـه

چکادکاری کې، مرکزی بر نقطه اوزرینه چکلمک خصوصی، چاره‌سني تعرض ايله مدافعه آره‌سنده بر انقلاب حصوله کتو- ره‌جکدر.

کندی عجزی، یوقمزلفی طانیانلر ایچون متحدالمرکز رجعت حرکاتی اک عجله واک اول یاییله‌جق حرکات عسکریه- دندر. ایشه‌ته بوندن اوتری درکه، عسکریک صنعتیجه کیروده اجتماع ایتک مسئله‌سی بیوک بر شهرت قزانماشدر. بوکیروده اجتماع ایتک حرکتک بیامم هانکی استقامتده ایلروماک ایچون مساعده ایندکاری سویلنن، لکن حقیقت حالد هانکی طرفدن ایشه باشلامق لازم کله‌جکی بیلنه‌مدیکندن اوتری انتخاب اولنان مرکزی موضعلرله یک چوق مناسبتی واردر. باصقین حالنده یان طرفلرده واقع بر موضعه‌طوغری رجعت حرکاتی، شوموضع بتون بتون خصوصی بر تشکلاته مالک اولمده‌جه ودها اولدن طانامده‌جه آرتق اکثریا تطبیق ایدیله‌میه‌جکدر. خصمک بر باصقین حرکتی کورلدیکی زمان، اک طبیعی واک ساده اولان واسطه‌لره مراجعت ایتک اصولندر. حال‌بوکه، یان طرفلرده بر موضع اوزرینه‌چکلمک حرکتی، شودبدیکمز قولای واسطه- لردن هیج بریسی جامع دکلدرد. حاصلی بو قییلدن بر رجعت حرکتی اردونک بر درجه‌یه قدر اولدن ده‌ا تجمع ایتش وکال شدتله باش قوماندانک النده بولنش اولسنی ایستر. (ماره‌شال

بازەن) ك (۴) آغستوسدن صكرە فرانسز (نیه‌د) ی اوزرینه
چكلمسنى متباعدا بر رجعت حركتى یرینه قویمق، اونی اویله‌جه
كوسترمك ممكنه‌در . زیرا بو وجه ايله یامش اولدینی ایچون
مشارالیه اردوسيله برابر ، (موزمل) استقامتده ایلرولیان آلمان
اردولرینك صاغ یانلرینه آتلمش اولوردی . اكر مارەشال بو
حركتك حصوله‌كتوره‌جکی تأثیرى بكلمك یولنى بیلمش
اولسه ایدی ، متباعدا رجعت حركتلرك موجب اولدینی منا-
فعدن برر ، برر استفاده ایده‌جکدی .

منافع مذکوره ایسه دشمنك اوغرا دینی باصقین حرکتی،
ایلك آلدینی ترتیبانی آز چوق دیکشدرمك مجبوریتی ، یوروش
امری وبرچوق زمان غائب ایتش اولمسی کبی شیردر .

ضعف متباعدا بر رجعت حرکتی یعنی ، اردونی قسملره
آیره‌رق مختلف ایکی استقامته کوره یایله‌جق رجعت حرکتی
مذکور اردونك بردها دشمنه مقابله ایده‌بیلمك اقتدارینی محو
ایدر . بوندن اوتری شوقیل بر رجعت حرکتی قوللانق اصلا
جائز دکلدر . لکن حربده برچوق حالار وار ، که اوراده خصم
ایله تماس حاصل ایتمکدن چکنمه‌نك موقتاً اولسون پك بیوك
فائده‌لری کوریلور . غائب ایدلمش بر مصادمه‌دن صكره متباعدا
رجعت حرکتی یایمق ، اکثرباه غالبك تعقیبندن قورتامق ایچون
اك کوزل برواسطه تشکیل ایدر .

اولا، بو چشید رجعت حرکتلری دها جابوق چکلمکه مساعددر. زیرا عین زمانده بر چوق یولار قوللانق ممکندر. ثانیاً، رجعت ایدن اردونک اک باشلیجه قسمی هانکی استقامته چکلمش اولدیغنه دائر بر فکر صحیح ایدنک، متباعد رجعت حرکتلرنده یک زور برشیدر.

(۴) کانون اول (۱۸۷۰) سفرنده وقوعه کلان (اورلئان) محاربه سندن صکره فرانسلرک رجعتی بونقطه نظر دن بزم ایچون اک ابو بر مثالدر. پرنس فرهدریق شارلک مظفر اردوسی دشمن موضعنک اورتیه سنده کی نه ری ضبط ایتدیکی زمان صاغدن غرب، صولدن شرق، مرکز دن جنوب استقامتلرنده رجعت ایتمکه اولان برخصم قرشوسنده بولنیوردی. مصادمه یرنده ظهوره کلان قاریشیقاقدن اوتری، رجعت استقامتلرنده مختلف قول اردولره منسوب آدم لر کورلمش اولدیغیچون ایچیه بر زمان فرانسه زاردوسنک قسم کلیسی، هانکی استقامتمده چکلدیکی تفریق ایتک ممکن اوله مامشدی.

بناء علیه، ایکی مختلف استقامتمده متباعد رجعت حرکتائی یایمق مسئله سی، بعض احوالده فائده لی اوله جق وبوندن اوتری اصول مذکورده آره صره مراجعت ایدیه جکدر. اوندن بشقه، اگر کیرو طرفده خصم قرشوسنده آتالانه جق بیوک بر مانع اولدینی زمان ینه چاره سز، اصول مذکورده مراجعت اولنه.

جقدر. مثلا بيوك برنهر، يكدیكرندن ایجه 'وزق نابت كچید
نقطه لرینی بولمق خصوصنده رجعت ایلیان بر اردویی پارچه لره
آیرمغه و متباعد یولار اوزرنده کیر و چکلمکه مجبوراید جکدر.
کذاک کیرودن کلان بر اردونک معاوتی بکلندیکی و محاربه
غائب ایدمش اولمقدن اوتری هزیمتک طوغریدن طوغری به
نتایج مهمکه سندن چکنمک ایستلدیکی زمان ینه بوجنسدن بر
رجعت حرکته مراجعت ایتک ممکندر. شبهه یوق، که بویه
زمانلرده اردونک پارچه لره آیرلسی، آنجق موقت برشی اولمق
وايلک فرصتلردن استفاده ایدرک ینه او مختلف قوللری برلشد بر مک
لازمدر،

اردونک بر آریه طویلانه بیلمسی ایچون ایسه الده بر استناد
نقطه سی بولمق پک طبیعیدر. شو نقطه استناد، یا حد ذاتنده پک
قوتلی بر موضع، یا آثار است حکامیه و یا خود قوای امدادی دن
عبارت اولور. متباعد رجعت حرکاتی، دشمنک کندی مقصدینی
آچیق بر صورتده آکلامق و تعیین ایتک خصوصنه مانعدر.
بوندن اوتری تعقیب حرکاتی پک آز وقت ایچنده نهایت بولور،
و بالعکس رجعت ایدن قولار، یکی باشند بر یره طویلانش او-
لورلر. بو حالده شمند و فرلر پک چوق خدمت کوره بیلورلر. (اورلئان)
مصادمه سندن صکره فرانسلر، قرشولرنده درحال آلمان قوای
عسکریه سنی کورمش اولمق سزین، بتون بر اردویی دیگر بر دار-

الحركات اوزرينه نقل ايتمكه موفق اوله مديدر . لكن وقتنده ايشه باشلامق واك كوزل ترتيبات آلق شرطيله ، حاصلات يوميه سي مكمل اولان بر تيمور يول شيكهي قطعات عسكريه يي بريره جمع ايتمك خصوصه كوريلان مشكلاته آرتق نهايت ويره بيلور .

۴ — مدافعه سوق الجيشينك اشكال خصوصيه سي

بز بونلرك اك فائده ليسي اولان يالكر اوج شكلدن بحث ايده جكره :
يان موشملر مسلكي

يان موضعلر نه ديمك اولديغني يوقاريده سويلمش ايدك . شيمدي يالكر اونلرك نه وجهه ايله قوللايه له جقارندن بحث ايده جكره . كيم كه ، طوغريدن طوغريه خصمه قرشو قويق واونك يولني قياتمق خصوصه كنديسي يك زياده قوي كورور ؛ مدافعه سوق الجيشي اشكالنك اك بسيلطرندن اولان بو اصولي يعنى ، دشمنه جبهه دن مقاومت ايتمك اصولني انتخاب ايدر . اصول مذكور يك ساده بر شي اولدقدن بشقه اك زياده امين بر اصولدر . وخطالي ايشلرده بولمغده اك آز مساعد والويريشليدر .

دشمن هيج بروقت ، اونى اهميتسز كورده مز ؛ اوكا بهمه

حال جواب ویرمکه مجبوردر. برده جبهه موضعری طوتلدینی
 مان اردو کندی خطوط اتصالیه ورجعیه سنه حاکم بولنور .
 اکر دشمنه کوستریلان مقاومت ایلاک اوکجه موفقیت ایله نهایت بولمز
 یسه ، او زمان کیرو چکلمک بر ایکنجیسی ، بر اوچنجیسی
 لوتقی ینه ممکندر . یازیق که ، بو اصولک بی-وک بر محذوری
 ار : کیرویه چکلدکجه دشمن متصل کلور و احتمال که ، دشمن
 ی صکره کندی آرزو ایتدیکی استقامتمده ایجه ایلرولمش اولور .
 ی محذوره چاره بولمق ایچون ایسه ، دشمنی ، هدف الحراکتک
 بلروسنده واقع بر نقطه اوزرنده طوردرمق وبوکا امین اولمق
 لزمدر .

شویله بر امنیت اولدینی زمان آرتق چاره سز ، برواسطه
 عاونه کبی سوق الجیش یان موضعلرینه مراجعت ایدیه جکدر .
 ونلرک اک باشلیجه فائده لری ، دشمنی کندی هدفنه کوتورن
 خط مستقیمدن آیرمق ، بشقه طرفه چویرمکدر . بو وجه ایله
 لموغریدن طوغرییه ودر حال ستر و محافظه اولنه بیله جکی امید
 بدلیان شو هدف ، طولاییدسیله ستر و محافظه ایدلمش بولنه جقدر .
 آندن بشقه دشمنک تبدیل استقامت ایتسی ، ایجه کوجلمسکه
 ایله جق برشیدر .

لکن ینه یازیق که ، مدافعینک شو وضعیتده کی حالی اکثریا
 نکلسه ده بعض کرملر ، پک مهلاک اوله جقدر . مثلاً یان موضعلردن

برخی طوتان هر هانگی برمدافعه اردوسنك، خطوط اتصالیه
 ورجعیه سی یانلردن برینه تصادف ایتمش بولنورلر. اونك ایچون
 مدافعین اونلری پك قولایجه الدن چیقارمق تهلهکه سنه معروضدر.
 برده یان موضعك اوتنه کی یانی، دشمنه یقین و تهلهکه یه معروض بولنور.
 اونك ایچون مذکور یانك ده چویرمك تهلهکه سی وارددر. برکده
 مغلوبیت حاصل اولورسه، آرتق ایکنجی بره موضعه برلشهرک
 ایکنجی برکده دشمن هدفه گله دن اول اورایه کیدن یولی قپایه.
 بیلمك فرصتی ضایع اولور. حاصلی بویان موضعلر مسالکی بعض
 تهلهکه لی عارضه لرك وقوعه پك قولای، قولای خدمت ایدر. ومختلف
 قوماندانلرك پك زیاده معلومات ومهارت صاحبی اولمیری ایستر.
 سوزك قیصه سی: اصول مذکوره مراجعت ایده جك اولان
 اردو بعض خصوصی وپك زور شرائطی جامع اولمیدر. مثلاً
 ایلک اوکجه دشمن قوای عسکریه سنه بر جاذبه قطعه کوسترد.
 جك درجه ده قوی بولملی. چونکه اگر دشمن عددجه اوکا
 تفوق ایدرسه، اووقت یان موضعه برلشان مدافعینه قرشو
 ضعیف بر قوه عسکریه براقه رق اوتنه کی قسم کلیدسیله تعقیب
 ایلدیکی خط مستقیم اوزرنده یولنه دوام ایدر. بونك ایچون
 هر سواقچیش یان موضعی، مدافعه یه اولان اسامعدادی ايله
 برابر، عین زمانده تعرض ایچون ده الویریشلی بر نقطه تشکیل
 ایتلمیدر. هرکیمکه، درین وکنیش برنهرک کپروسنده برلشور

و آنك بتون كوپرلارنى بوزار؛ حقيقت، پك ابو بريان موضى طوتمش اولور ديمكدور . لکن عين زمانده اونك بتون فائده لرنى بتون كوزلاكلارنى غائب ايدر . چونكه دار الحركاه يول ورن قبولرك هپسنى كندى اليه كليده مش اولديغىچون عادتاً نهرك برى كنارنده كندى كندىسنى حبس ايتمش ديمك اولور! برى يقهده بريان موضى طوتلمش اولديغى دشمن پك اركن اوكره نهمه ملىدور . چونكه اكر او ديديكمز يان موضى پك اركندن اوكره نهمه مش اولورسه ، اونك اوزرينه يوريمك اچون نام ايستدكمز زمان كندى يوروشنى تعديل ايتمهك لزوم كوروركه، بز بوندن هيچ اولمزه بر آز وقت قزائمش بولوروز. بريان موضعهده رجعت حركتى يايلاق امكان خارچنده اولماملى . بالعكس طبيعت اراضى ايجابنده كيرويه چكيله بيلمك و دشمن چويرمه حركتلرندن قورتلماق اچون لازم كلان شرائطى جامع بولمليدور .

اكر رجعت حركتى بر قاچ استقامتمده يايلاق ممكّن ايسه ، شوندن پك بيوك فائده كوريلور . زيرا بو حاله نظراً دشمنى يان موضهك اوكنه قدر كتوردكدن صكره، يواش يواش كيرويه چكيله رك اونى كيده كيده استقامت اصليه سندن آيرمق ده از ياده قولاي اولور . لکن بودرلو ياپه بيلمك اچون اشغال ايدىلان رك ايجه بيوك اولمسييله برابر يولارك چوقلنى شرط اعظمدر .

چونکه سربست حرکت ایتک لازمدر . برسوق الجیش یان موضعی کندی کیروسنده کنیش بر منطقه یه مالک اولمیدر . اک ابو یان موضعاری، شورلردر هنوز اشغال ایدلیه رک کندیسنه استناداً اردونک قوای امدادیه کتورته بیله جکی یان طرفده کائن بردار الحربی اورتمکه مساعد نقطه لر اوزرنده تأسیس اولنانلر در . کندی کندینه ظاهره چیقارکه شویله بر یان موضعنده یالکر مدافعین جهتی کندی ملکه کتنده بولنه یلور .

ایشی بر آزدها کوزل آکلائق ایچون بر قاج، مال سویلیه لم:

(۱۸۱۲) سفرینه دائر یازدینی شرحده (قلاوزویچ) شو

سوزلری سویلیور : « بورودینو » ده (۱۲۰) بیک روس قرشوسنده (۱۳۰) بیک فرانسمز اولدینی دوشونلجکه ، اکر موسقوف اردوسی کیرویه چکلدیکی زمان بشقه بر استقامت ومثلاً (قلوغاو) دن کچن استقامنی آلمش اولسیدی، (موسقووه) نک طوتلمش اوله میه جغه دائر ممکن دکل هیج کیمسه هیج بر شبهه ده قاله مزدی . کرچک، (قلوغاو) ه کلدیکی زمان روس اردوسی کیرو طرفده کندیسنی ایجه زمان بسلمکه مساعد وحتی پک آز وقت ایچنده تقویه ایدلمش اولمغه الویریشلی کنیش بر منطقه یه مالک اوله جقدی . فرانسلر ایسه ، کندی امنیتلری ایچون طبیعی شو موسقوف اردوسنی تعقیب ایده جکلردی . زیرا بو صره ده موسقووه یی ده کیدوب اشغال ایتکه قوتلری یوق

ایدی . یعنی فرانسز اردوسی عددجه روس اردوسنه يك فائق
برقوتی حائز دکلدی .

سوزك طوغریسی، (قلاوزویچ) مذکور استقامتک تعقیب
ایدله سندن طولانی عادتاً شکایت ایدیور . دیورکه ، فرانسز
اردوسنك بوقدر آز برزمان ایچنده ایریلوب کیده جکفی هیچ
کیمسه کشف ایده مزدی . اوندن بشقه روس اردوسنی یان
براستقامتده یورپده بیلیمک ایچون لازم کلان ترتیبات آلمامشدی .
بوترتیبات ایسه ، نسبةً آز مسکون اولان برمملکت ایچون
کرچکدن يك اساسلی ویک لزوملی برشی ایدی .

(قلاوزویچ) ۱۸۱۴ سنه سنده ، متفقینه قرشو فرانسه
طوپراغنك مدافعه سنه دائر سوز سوبیلدیکی زمان ، بوناپارط
پارسك جنوب طرفنده بریر طومش اولسیدی، يك اعلا ایده .
جکدی دیور . لکن بوراده فرانسه پایتختنك ضبط ایدلمکدن
مصون قاله حق بر حاله قونلمسنى ده علاوه ایدیور . چونکه
یالکز (پارس) ك متفقین الله دوشمش اولسی بعض پولتیقه
اسبابندن اوتری بتون ایمپراطورلئک زوالنی موجب اوله بیلور .
دی . موفقیت حاصل ایده بیلیمک ایچون بریان موضعی الكصوك
برشرطی ده جامع اولمیدر . اوت، اورتلمک ایستیلان هدف،
اکر يك اهمیتلی برشی ایسه ، دائماً کنديسنى دشمن الندن محفوظ
بولندیره بيله جک برمحافظ قوتنه مالک اولمیدر .

(۱۸۶۰) تاریخچه مولنکه ، پروسیا ایله آوستریا آره سنده
 برحرب چیه جنی زمان (برلین) ی بریان موضع ایله اورتمکی
 تکلیف ایلمش . . بزونی یکی چیه سان بر ائرده ، (۱۸۹۵)
 سنه سی هفته لق عسکری غزیه سنده کوردک . هرا یکی جهت
 اردولرینک جسم امتدن اوتری مشاارایه بوهمیادن کله جکفی
 تصور ایلدیکی خصم اردوسنه قرشو (برلین) ی طوغریدن
 طوغری به جبهه دن مدافعه ایتک فائده لی برشی اوله میه جنی
 حکم ایدوردی . برحاربه یی غائب ایتک بک اعلا ممکن اولان
 شیردندر . اونک ایچون مولنکه نك شو فرضیه سنی بیانه آتمق ،
 هیچه صایمق کیسه نك الدن کلزدی . شهه سز بردفعه محاربه یی
 غائب ایتدکدن صکره دقیقه سنده (برلین) ده غائب اولور و مغلوب
 اردو اکر بک شدتلی تعقیب ایدیلورسه آز وقت ایچنده
 (ایشته تن) اوزرینه آتمش بولنوردی . لکن ، اکر بالعکس
 پروسیا اردوسی ، (طورغاو) ایله (ویتن برغ) آره سنده (الب)
 اوزرنده لرشمش اولورسه ، بوموضع دن یاپیله حق بتون تعرض
 حرکتلرینک اک پارلاق نتیجه لر ایله نهایت بوله جنی طبیعی ایدی .
 چونکه بوموضع دشمن اردوسنی کندینه جبهه ویرمه کله بوهمیا
 ایله اولان طرق اتصالیه سندن واز کچمه کله مجبور ایدردی .
 اوندن بشقه مظفریت حالده اونی سیلیزیا ایچرولرینه آهه حق
 ایدی . بالعکس بر مغلوبیت وقوعه کلدیکی زمان ایسه نه رک کیرو-

سندھ پروسيا اردوسيچون ابو بر النجا موضعی ويرر . و الله
بولنديريله حق مواقع مستحکمه سایه سندھ آز وقت صکره خصم
اردوسنک تکرار اوکنه چيقيمق خصوصنی تأمین ایلردی .

بونکله برابر ، ینسه (برلین) ی دشمن انه دوشمکدن
محافظه ایچون اورایه هیچ اولمزسه ، برقاج کونلک برمحافظقوتی
کوندرمک ده ایجاب ایلردی . مولتکه (۱۸۶۸) ده یازیلان
مخطره لرك بریسندھ ، فرانسه ایله آوستریا علیهنه وقوعه کله جک
برحرپی مناقشه ایلدیکی زمان بوايکی حکومتک ایکیسنه قرشو
ینه عین وجه ایله حرکت اولتمسنی توصیه ایدیور . شو حاله
نظراً ، (الب) اوزرنده بریان موضعنده یرلشمش اولان براردو ،
فرانسه حدود بوینده یرلشمش بولنان پروسيا اردوسیه پک
اعلا ارتباطده قالور ؛ ولزوم کورلدیکی زمان ، هر ایکی طرف
بربرینه یاردم ایده بیلوردی . (برلین) اوزرینه یوریان آوستریا-
لیلرک ، دیدیکمز یان موضعک اوکندن کچرک یوروشنه دوام
ایتمسی طبیعی پک زور برشی اولوردی .

سوق الجیش یان موضعلرینک تعرضجه اولان مناسباتی ،
(مولتکه) ، (قلاوزویچ) دن ده یارلاق س-وزلرله تقدیر
ایلمشدر . کرچک ، یان موضعلری ، مدافعۀ تعرضی ایچون اک
الویریشلی اس الحركات وجوده کتوررلر .

بر آزده رجعت حرکتی یاپان اردولرک طوته جفی یان

موضعلردن بحث ایدلم. بوجشید یان موضعلر، هاجینک بریانی او-
 زربنه سوق ایدیلان تعرضلرک نتیجه سی اوله بیلورلر. غازی عثمان
 پاشا حضرتلرینک پلونه ده کی حرکتلری بوکا کوزل بر مثالدر.
 حقیقت! مشارالیهک پلونه اوزرنده یایدیغی حرکات عسکریه سی،
 روس اردوسیچون اومولمدق بر تأثیر کوستردی [*].

کرچه یان موضعلر مدافعه س-وق الجیشی ایچ-ون انکار
 ایدلمیه جک درجه ده بر خیلی فائده لری موجب اولیورلر. لیکن
 هر حالده بو یان موضعلرینه مراجعت ایتمکی عادت یرینه قویق
 ایو برشی اولسه کرکدر. بر یان موضعنده جداً کوزل ایشلر
 کوره بیلیمک ایچ-ون نه قدر شرطلرک برلشمسی لازم کلدیکنی
 دوشونور ایسهک، اوزمان بوسوزک قیمتنی آکلایه بیلورز.

[*] غازی عثمان پاشا حضرتلرینی بوراده ایکی نقطه نظرده مؤاخذه
 ایدنلر اولدی. لیکن مؤاخذه لر پک حقسز و نافله سوزلردن عبارتدر.
 اولاً، مدافعه اثناسنده قزانیلان ایلك موقعیتلردن بالاستفاده عثمان
 پاشانک تعرضه دوام اتمه مش، ثانیاً برچوق زمان موضعنده قالوبده
 اک صکره آتی ترک ایدمه جک برحاله کلش بولنسنی مؤاخذه ایدیلورلر.
 شواعتراضلرک برنجیسنه اولاً، عثمان پاشانک الی آلتنده پک چوق
 عسکر یوق ایدی؛ جوابنی و پریرز. ایکنجیسنه کلنجه کندیسینک پلونه ده
 قالسی مافوقدن کلان اوامر قطعیه دن نشأت ایدیلوردی. بر ترک پاشاسی،
 مافوقدن کلان بر امر خلافته ایش کوره میه جکی کپی شهه سز بر آلمان،
 بر فرانسز حتی بر روس جنرالیه پنه اوله بر امرک خارجنده هیچ بر
 ایش کوره سز.

لكن يوقاړېده سويلديكمز شرطلردن بشقه، بريان موضي
طوتيله جنې زمان، باش قوماندانك شخصي، دشمنك كندى
اردوسنه وړديكي اهميتي وسائر برخيلې شيلرې دها نظر دقت
وحسابه قاتمق لازمدر. (۶) كانون ثاني (۱۸۷۱) سنه-سنده
جنرال (قورتن) كندى فرقه-سيله جغرافيا نطفه نظرندن پك
چوق اهميتلى براس-تقمامتده (واندوم) جوارنده (لووار) خطنه
هجوم ايدن پرنس فره دريق شارل اردوسنك صول ياني اوزرينه
يوربوردي. لکن هېچ كيمسه اونك شويله بردن بره چي قمش
اولسندن طولايي توقف ايتمكي خاطره بيله كتورمدى. چونكه
نه بو جنرالدن ونه قطعات عسكريه سي طرفندن جدى بر تهلكه
وقوعه كله جكندن كيمسه قورقميوردي.

خط داخلې اوزرنده حركات

بوجنس حركات، فن حرب نظرياتنك اك زياده قيل وقاله
اوغرامش بحثلردن بريسي تشكيل ايدور. چونكه بر چوق
كرملر، بتون عالمك حيرتتى جلب ايدجك درجه-ده پارلاق
نتيجه لرك حصوانه ياردم ايتمشدر. مدافعين، هاجمين قطعات
عسكريه-سندن تشكلى ايتمش برقوس دائره نك ايچنده واقع بر

نقطه به استناد ایلدیک و هجوم طرفی برآنده بر جوق بردن و آیری آیری یولار تعقیباً هجوم ایتدیک زمان مدافعه جهتی خط داخلی اوزرنده بولنیور ، دیمکدر .

کذلک مدافعین ، بر موضع اشغال ایدرده ، هاجمین قطعات عسکریه سنک بر قسمنه اونک اوزرینه طوغربدن طوغری هجومه ودیکر قسمیه آنی چویرمکه چالشدینی زمان مدافعین ینه خط داخلی اوزرنده بولنیور . لکن شو فکر ، خصمک مختلف قولاری آره سنده قالان هاردو هاجمین طرفندن احاطه ایدلمش اولان منطقه ایچنده بتون قوای عسکریه سنی ، دشمن اونلره دهها بیوک قوتلرله هجوم ایتمه دن اول ، بر آریه کتورمکه مقتدر اولدینی زمان ینه موجوددر . یعنی بواقنداره مالک اولان هر اردو ینه برخط داخلی اوزرنده بولنیور ، دیمکدر .

بوجنس حرکاتک طبیعتنه دهها زیاده آشنا اولمق ایچون (۱۸۱۴) سنه سنده کانون ناینک (۱۰ : ۱۴) کونلری آره سنده نابولیونک آلمش اولدینی ترتیباتی برکوزدن کچورملی ز . متفق اردولر اوکمنده (پارس) اوزرینه رجعت ایدن (بوناپارط) کانون ناینک (۹) نجی کونی قوای عسکریه سنک قسم کلیدسیله (سه زان) ده بولنیوردی . مشارالیه دن ، (پوتی ، مورهن) وادیسیله آیرلمش اولان (بلوهر) قومانداسنده کی (سیلیزیا) اردوسی شو اثناسده پارس اوزرینه متوجهاً بر آزدها شالدن کچیوردی . بواردو

برلشمش دکل ، فقط بریسی (مارق) بونجه کیدن ، اوتەکی دها
قیصەسی یعنی (شامپویر) دن کچن ایکی یول اوزرنده یوریور
ایدی . بوايکی یولک ایکیسمنده قول اردولر بربرینی ایچه بیوک
مسافهلردن تعقیب ایدیلرلدی . شهه سزا بوحال ، علی الخصوص ،
ناپولیون قرشوسنده بولنسنه کوره باصقین یایمق ایچون الک
الویریشلی برحال ایدی . ناپولیون ایلك اوکجه (پوتی مورهن)
کچیدینی الدهه ایتدی . صکره اونک یاردمیله (بلوهر) اردوسنک
تعقیب ایلدیکی الک جنوبده کی یول اوزرینه آتدی . (۱۰) کانون
ثانی کونی (شامپویر) ده روس قول اردوسنی طاغندی . (۱۱)
کانون ثانیده بیوک بر سرعت ایله (ساقن) قولنی تعقیب ایدرک
الک صکره (مونت میرای) ده مغلوب ایلدی . (یورق) اداره سنده
اولمق اوزره (مارهن) ک شمالنده کی یولدن (ساقن) ک یاردمنه
قوشان پروسیا قطعاتی کذلک آیک (۱۲) نجی کونی نهرک اوتە
یقه سنه (شاتو - تیه ری) یه آتلمش بولندیلر . بوايشلر بیتدکدن
صکره امپراطور ، پروسیا و روسیه قوللری باشنده اوله رق
(بلوهر) ک شرقدن ایلرولمکده بولندینی جنوبده کی یوله دوزر .
کانون ثانینک (۱۴) نجی کونی (نه طوز) موقعنده (بلوهر) ی ده
بیوک برهزیمته دوشورور . وبونلری اکال ایتدیکی کبی حرکاتنه
دوام ایتمه دن اول اردوسنی کیروده (شالون) جوارنده طولایمغه
باشلار .

لکن شونی ده سـویلیه لم که ، خط داخلی اوزرنده حرکت
 ایدن براردونک وضعیتی هر زمان فائده لی اوله مز . علی الخصوص
 شویله بر وضعیتک قبولی ، دشمنک عددجه تفوقی آکلاشلدینی
 زمان جاریدر . لکن مدافعینک سلامتی ، هاجمین اردوسـنک
 قوللانه جنی خطوط الحركات آره سنده بولمقله حاصل اوله جغنی ده
 اعتراف ایدرز . شویله بروضعیتده ایکن مدافعینک واسطه سلاـ
 متی برچوق کره لر ، عین قوتی ، مختلف دشمن قوللری علیه
 قوللانه بیلیمک امکانندن حصـوله کلور . (۳۰) بیک کیشیلک
 براردو ایله هر بریسی ، (۲۰) بیک کیشیلک اوچ قول اردویی
 برر ، برر اوردق پک اعلا ممکندر . حال بوکه ، اگر شو اوچ
 قول بر آرده بولنسه یعنی (۶۰) بیک کیشی یه قرشو حرکت
 ایدلسه ایدی ، احتمال او (۳۰) بیک کیشیلک اردو ایله هیچ
 برشی قزانلمش اوله مزدی .

داخلی خط استعمالی ممکن اوله بیلیمک ایچون قومانداهیتی
 اک بیوک برقرار ، اک متین بر فکر ایله حرکت ایتک وبرئانیله
 بر زمان بیله فائب ایتهمک مجبوریتنده در . بتون دشمن قوتلری
 یوله بولـور وبو کون یارین هپسی بر آریه کلک ، برلشمک
 فکرنده در . اگر فی الحقیقه شو هدفلرک هپسی بر آریه کلش
 اولور لرسه اوزمان ایشلر بتون بتونه دیکشـور ، داخلی خط
 قوللانق اصولی یانار ، محو اولور .

ثانیاً ، داخلی خط اوزرنده حرکت ایده بیلیمک ایچون پک متین ، پک چویک عسکرلره مالک اولمق لازمدر . زیرا بوچشید حرکتلر ، عسکری فنا حالد یورار ، قوتدن دوش-ورور . یورویشلر ، مقابل یورویشلر داخلی حرکتلرده نیجه مشکلرک ، نیجه یورغینقلرک حصوله خدمت ایدرلر .

اونک ایچون داخلی خطک انستعمالی صورت عمومیهده یالکز کندی طوراغنده حرکت ایدن مدافعین حقنده فائدهلی اولور وکوزل کوزل موفقیتلر حاصل ایدر .

دها بیتمدی! سویلدیگمز شرطلردن بشقه داخلی خطلرده قطع ایدیلرک مسافهلرک الیریشلی وقوة موجوده ایله متناسب اولمسیده شرطدر . کرچک ، اگر مسافهلر پک اوافق ایسه ، مدافعین دشمن قوللرندن بریسیله دوکوشدیکی زمان دیکر قوللرک کندیسینی قوشاتمش وچویرمش اولمق تهلیکه سنه معروض قالور . اگر پک بیوک ایسه ، ینه دشمن قوللرندن بریسیله اوغراشدینی زمان ، دیکرلرینی ایچه بروقت کوزدن غائب ایتمهک مجبوریت کوریلورکه ، شو حالدن اوتری مدافعین اوزاق دوشمش اولان دشمن قوللرینی ایستدکلی کی حرکت ایتمکدن اصلا منع ایتمش اولیه جقدر . بونک ایچون نه پک بیوک ، نه پک اوافق بالعمکس اورته بویلی مسافهلره احتیاج واردر .

اگر دشمنی متحد المرکز یعنی متقارب یوللر اوزرنده

حرکت ایدیورسه، او زمان شو دیدیکمز اورته مسافله ر آنجق
 يك آز وقت ایچون کندیلرینی کوسترمش اوله بیله جکلردر .
 آکلاشیلورکه، سفرده، هر شی حقنده حکمنی کوسترن بیوک
 شبهله وقرارسزلقلردن اوتری داخلی خطلر استعملانده اک
 الویریشلی زمانی بولق پک زوردر .

اک صکره داخلی حرکتلرده موفقیت حاصل ایتک ایچون
 هاجمین قوللری آره سنده بویلی، بوسلی بر اتفاق اولمیدیغی ده
 فرض ایتک لازم کلور . کرچک، اگر هاجمین قوللری،
 (۱۸۱۳) متفق اردولرینک، خط داخلی اوزرنده حرکت ایدن
 (بوناپارط) علیه یابدقلری کبی، مکمل براتفاق ایچنده بولنور-
 سه او زمان شبهه سز ایمپراطورک اک بیوک حیرتله شایان اولان
 او بیوک حرکتی سقوط ایلدکن صکره، آرتق بشقلرینک
 یایه جفی داخلی حرکتلر صفردن بشقه بر درجه کوستره من
 سانورز [*].

شمدیکی زمان اردولرینک یکونی، جسماتی حربلرک

[*] کندی خصملرینی یا کلتیق واونلرک حرکاتی صیقمق ایچون
 مدافعین اکثریا، قسم کلیسیله اوزرلرینه یوریمک نیتنده اولمیدیغی دشمن
 قوللرینه قرشو آنلری کوزتمک خصوصنده حتی اک آز قوتده بعض
 مغزله ترک ایتکه مجبور اوله جقدر . ناپولیون (مونت میرای)
 و (شاتوتیه ری) اوزرینه یورویش یایمغه باشلادیغی زمان (بلوهری)
 کوزتمک ایچون بو وجه ایله (فارمون) کیروده براقشدی .

بدايتـلرئندە بوقيلدن اولان حرڪتلك موفقيت حاصل ايتسنه
برر مانعدر. كانون نانينك شرفلى كونلرئندە ناپوليونك كئدى
قطعاتنه يادرمش اولدينى كې بو كونكى اردولره داخلى خطالر
اوزرنده ميكك آندرمق هيچ كيمسەنك الندن كله مز.

بر زمانلر، موفقيتك حصولنه اك چوق ياردم ايدن باصقين
حركتلرينى آرتق كوره ميه جكر. زيرا تلغراف ماكنه لرى هجوم
ايدلمش اولان منطقه نك ايجروسنده حركت ايدن مدافعين ايجون
لازم كلان حوادمى ويرمكه بك اعلا كفايت ايدە جكلردر.

حاصلى ايلروده كى حربلرده بو حركتك كوزل نتيجه لر
حاصل ايتش اولدقلىرى كوره ميه جكر. يالكز اودرلو حركتلر،
اولسه اولسه، ايجبه اوزون بر غوغا دورندن طولاي مختلف
قوللر ايودن ايويه اريمش، دو كولش اولدينى ايجون هر ايكي
طرف آرتق بتون يكتيلككى، بتون شدتى صرف ايدە ميه جك
بر حاله، بر بوقمزلغه كلديكى زمان واقع اوله جقلردر.

وضعت عموميه سى سوق الجيشـدن زياده پوائتـقه يه مائل
بر طبيعتمده بولنان دارالحركاتلر اوزرنده غوغا ايديله جكى زمان يئنه
داخلى خطالر قوللامق امكانى قبول ايدە بيلورز. بو وجه ايله
آلمانيا حكومتى برى شرق، اوتەكى غربدن كلان ايكي
دشمن ايله بر آندە غوغا ايتك مجبوريتئندە قالديني زمان داخلى
خطالر اوزرنده حركت ايدە جكلردر. وبويله ياتمق لازم كلور.

چونکه او سایه ده آلمایانك قوه مقاومتی ایجه آرتمش اولور .
 کرجک اکر ، آلمانیا اردوسی حدودلرک برنده خصمک
 حرکتی طوردرمغه موفقیت حاصل ایدرسه ، پک مکمل اولان
 تیمور یولاری سایه سنده اوجهته کی قطعات عسکر بهنک برچوغنی
 آز بر وقت ایچنده اونه کی حدوده کتوره رک اوراده ده خصمنی
 طوردرمش، اوله بیله جکدر .

لکن بونک ایچون لازم کلان قراری اک بیوک بر سرعت
 ایله ویرمک وایشی بر آن اول باشه چیقارمه نک یولنی بیلمک
 ایجاب ایدر . چونکه شویله بر تشبث هیچ شبهه یوق که ، پک
 اوزون بر زمان دشمندن کیزی طوتیه له مز . ایر کج دشمن
 اونی اوکره نور . صکره مانع قویق ، نتیجه سز بر اقمق ایچون
 هر نه لازم ایسه بر آن اول یامغه چالیشور .

یدی ییل سفرنده بیوک (فرهدریق) روسیه ، فرانسه
 و آوستریایه قرشو طبقی بویله بر اصول قوللائمش ایدی . اونک
 عصرنده کرچه اردولر ، پک یواش یواش تبدیل موضع ایده -
 بیلورلردی .

لکن عین وجهه ایله حوادثک بر قولاقدن دیگر قولاغه
 یایلمسی ده ایجه اوزون سورردی . شیمدیکی کبی او زمان
 حوادث طاشیمق ایچون تلغراف ، تلفون خطلری وسائر وسائط
 مدنیه یوق ایدی . او سویلدی کمز عصرده اک چوق زمان غائب

اولمسنه سبب اولان شی ایسه متفق حکومتلر بیننده یاپیله جق حرکات مشترکه ایچون برقرار صحیح ویرمک، اتفاق آرا وجوده کتورمک خصوصه سنده اوزون ارزادی یه ایدیلان مؤاخذه لر مناقشه لر، تردد لر و شه لر دن عبارتدی.



حرکات مرکبه

مدافعین بر آنده هم تعرض وهم مدافعه حرکاتنه مرا- جمع ایلدیکی، پک او قدر تهلیکلی نتیجه لر یوق ایکن قوای عسکر به سی کیرویه چکله دیکی ویا خود آره لقه ده بر موفقیّت حصوله کله جکینی حس ایدرک ایلری یه آتله دینی زمان یابدینی حرکانه ، حرکات مرکبه دیرلر . (۱۸۱۳) سنه سی متارکه سندن صکره متفقین بو مسلکده حرکت ایتشاردی. بو خصوصه سویلمک ایجاب ایدن شیرلی بزدها یوقاریده یعنی مناوبه تعرض و مدافعه حرکاتی قوللانمقدن بحث ایدن فصلده سویلمش ایدک .

حرکات مرکبه اصولنی قوللانمیه یلمک ایچون پک چوق کنیش بر دارالحربه مالک اولمق لازمدر . اوندن بشقه بو کبی حرکتلرده مدافعین اراضینک تشکلات طبیعیه سنده وهیج اولمز- سه، بو اراضینک یالکز بر پارچه سنده کندیسیمچون براستناد

بولۇق دە شرطدۇر . (۱۸۱۳) دە (بلوهر) ك فرانسۇزلىر علمىنە قزاندىنى موفقىتلىرى قسماً درىن وادىلر دە آقان بر نىجىه صولر ايله پارچەلرە بولنىش اولان سىلېزىيا طوپراغنىك شكل طبعىيەسىندىن ايلرر كىلىش ايدى .

مواضع و مواقع مستحكمة ده حرکات مركبه اجراسى نقطه نظرندن اىچە ياردم ايدە بيلورلر . مثلاً بو كى قوتلى و مستحکم يرلر سايه سەندە سوق الجىش جناحلىرىندن برىسنى تخلصه ايدرك اوتە كىندە بك شەدتلى بر مقابل هجوم ياقىچون ايسەتتىلان قوتى حاضر لاق بك اعلا ممكندۇر .

اون ایکنجی فصل

مدافعه تعبیه وی حرکاتی

۱ — مقصد، وسائط

بوقیل حرکات اوزرینه تفصیلات ویرمک بر تعبیه کتابنک
وظیفه سیدر . بز بوراده اونلرک یالکز اوصاف عمومیه سنه دائر
بر قاج سوز سویلیه جکز . تعرض تعبیه وی حرکاتنک عکسنه
اوله رق مدافعه تعبیه وی حرکاتی میدان محاربه اوزرنده خصمی
کیویه آتق وزمان قزائق کبی بر مقصد مضاعف تعقیب
ایده بیلور .

مدافعه نک اوصاف عمومیه سنی کوزدن کورمش ، ایودن
ایویه تدقیق ایلمش اولدیغمز وقت کورمش ایدک که ، زمان
دنیلان شی اونک ایچون بر متفق ، یکانه بر آرقداش ایدی .
بوندن اوتری مدافعین ایچه وقت کچمش ایکن هنوز بر مغلوبیته
اوغرامامش بولنسنی بر موفقیت کبی تلقی ایده جکدر . بر میدان
محاربه سنی غائب ایتدکدن صکره بر اردو ، پک یقیندن دشمن
ایله تضییق ایدلمش اولدیغنی کوردیکی وایکنجی بر مدافعه
موضعنه کیدنجه یه قدر کیروسنده اوکا قرشو بر دمدار مفرزه سی

ترك ايلديكي زمان شو مفرزه اكثر يا دشمن ايله يالكز بر قاج
 ساعت قفا طونغه موفق اولورسه، كنديسنه ويريلان وظيفه يي
 حقيه كورمش، ايفا ايتمش بولور. اكر ديديكمز مفرزه، آفشام
 اوزرى بر يرده توقف ايتمش ايسه قراكلق باصنجه يه قدر
 دشمنه مقاومت كوسترمك، اونك ايجون يك اعلا كفائت ايلر.
 ورجعت ايدن اردو، كندى هدفنه وارمق ايجون بتون بر كيجه.
 لك زمانه مالك اولور.

اوليه اولنجه ديه بيلورزكه، وقت قزانق خصوصى، محاربه
 ايدرك استحصال اولنه حق موفقيت يرينه يك اعلا كچه بيلور.
 بالعكس تعرضده ايش بويله دكل ؛ اوراده بو موفقيت ايجيه
 بهالى، ايجيه آغر اولور.

مدافعه تعبيه وى اصولى ايله تعقيب ايديلان بر مقصودك
 ايسه، يك آغر ضايعاته مقابل دوشميه جكي طبيعى بر شيدر.
 يوقسه مثلا، حركات عسكريه ده حصولنى كورمك ايسنديكمز
 توقف، محاربه نك عقبنده استحصال اولنور وياخود كنديسنه ايجيه
 اهميت ويريلان موضعه ثبات ايتكده يك اعلا ممكن اوله بيلور.
 لكن بو صره ده اوغرائيلان ضايعات، اردوبى يك فنا تخريب
 ايتمش اوله جنى ايجون احتمال بوندن صكره آرتق حربه دوام
 ايدميه جك بر حاله دوشولمش اولور. اصول مدافعه نك مالك
 اولدينى وسائط يعنى آتشك تاثيرى، اراضى، استحكام عملياتى،

خصمك پك چوق ضايعات كورمسی كې شيلر او زمانه قدر
عددجه فائق اولان دشمن قواى عسكربه سيله بر موازنت حصوله
كتيورمك ايچون بيوك بر يگون تشكيل ايده بيله جكلردر.

آشلك تأثيرى، اراضى واستحكام عملياتى نيچون مدافعينه
وسائط حربه تشكيل ايتدكلى، هيچ بشقه بر تعريفه حاجت
براقسزىن، كندى كندينه آكلاشيلور. لكن دشمنك يورغون
دوشمش وضايعات كورمش اولسى خصوصى عييا، نيچون وسائط
مذكوره دن صايلور. ايسته بونى ايوجه بر تدقيق ايتك لازم
كلور. بيلورزكه، بر هجوم ايو بر نتيجه ايله نهايت بولمق ايچون
هر شيدن اول، اونك پك ماهرانه حاضر ايدلمش و قطعات
عسكريه نك مقصده كوره ياپلمش اولسى شرطدر. اكر رجعت
ايدن مدافعين كيرويه چكلمكده اولدينى يول اوزرنده طورورسه
هاجمين طرفى، شهبسز اوبله دليجه سنه اونك اوزرينه آتلمقدن
چكينور. بالعكس، ايلك اوچه بيوك بر درينك تشكيل ايدن
قوللرني برربرر، يايقم لازمدر. اكر مدافعين جهتك طوردينى
پرايچه واسع بولور و مدافعين عسكركلى اراضيدن لايقى وجه ايله
استفاده ايتمش اولورسه، دشمن اولابو موضعى كشف ايتك
مجبوريتنه دوشور. صكره دشمن موضعه صوقلمق ايچون يولار
تدارك ايدر؛ قطعات عسكريه سنى بو يولاره كوره آيرير ويواش
يواش محاربه ايچون لازم كلان ترتيباتى آلفه باشلار. بتون شو

دیدکاریمز، طوبجی آتشنک مؤثر منطقه‌سی خارجنده یعنی شیمدیکی زمان آتشنلرینه کوره (۲۵۰۰) متره‌لک بر مسافه‌ده یاییلور.

بویله اولنجه، یایلمه خطی شه‌سز دشمن موضعندن دها بیوک، دهاکنیش اولور. وقطعات عسکریه‌نک شو موضعنه کیرمک ویاقلاشمق ایچون یایه‌جنی یورویشلر، ینه شه‌سز، ترلالر ایچنده اجرا ایدیله جکدر. لکن یاغمورکی آتشلر اوکنده ا کین ترلالرینی یوزهرک دشمنک یقه‌سنه یایشنجه‌یه قدر ایلرو کیتمک قولای برشی دکلدرد. بالعکس بوجنس یورویشلر، عسکرک جاتی صیقار، آنی قوتدن دوشورور. دشمن موضعنه آتیه‌لق عسکرک یکونی، نه قدر چوق اولورسه، یایلمه حرکانی او قدر اوزون سورهر. و یورغینلق ده ینه او قدر زیاده اولور. بوندن بشقه اکر طوبراغک اوستی صولاق ویا قار ایله اورتیلی بولنورسه، او زمان ایشلر بتون کوچلشور.

اوت؛ اوزمان ایلری کیتمک، اودرجه زور برشی اولورکه، بوندن حصوله کله‌جک یورغینلق عسکر آره‌سنده یمان برطورغینلق ظهوره کتورور. شو حاله کوره محاربه ایتمک اصولی ده بشقه رنک پیدا ایدر؛ بلکه بسبتون دیکشور. زیرا سواری بویله بر طوبراق اوزرنده شه‌سز، هیچ یوری‌یه‌مز، بوش قالور. طوبجینک تأثیری، حرکتی کذلک بک محدود برحاله اینر. یوکک

اك آغير، اك طاشينلمز پارچه‌سی ايسه، ينه زواللى پياده‌نك
صرتنه يوكلنور:

اكر بو فناغه، قيش كونلرينك قيصه‌لنى ده قاتار ايسه
باشه چيقارلمه‌دن كيجه باصمش و نتيجه‌سز قالمش محاربه‌لر شو
كهى حاللرده كثرته وقوعه كله چكنى آچيقدن آچيغه كورمه‌كه،
تصديق ايتمه‌كه مجبورز. بوكا دها زياده اينانق ايچون يالكز
(مانس) ميدان محاربه‌سنىك تعقيب ايدلمش اولدينى كونلرى برر،
برر كوزدن كچورمك يتيشور؛ بشقه هيچ برشى، هيچ بر دليل
ايستمز.

محاربه‌دن صكره، قطعات عسكريه تكرر يوله كيده چكلرى
زمان، يابلمه انناسنده حصوله كلان منظره‌نك يكيدين ظهور
ايتديكى كوريله جكدر. يورويش قوللارينك درينلكنى تدقيق
ايديلنجه بر قول اردونك محاربه ايچون كونده يالكز بر دفعه
كاملاً يابلمش اوله بيله چكى آكلاشيلور.

بر فرقه، كورلمدك غيرتلى سايه‌سنده، بلكه بر دفعه يابلدقن
صكره تكرر يورويش قولنه كيلىر وينه ايكنجى بر دفعه محاربه
تشكىلاتى آله بيلور. لكن فرقه‌نك شوايكنجى تشبثى حقيقه‌نك
بوشنه غيرندر زيرا كوش بائمه‌دن اول، اونى باشه چيقارمق،
ايو بر نتيجه قزاق اصلاً ممكن دكلدر.

بتون شوديديكمز حالله، هپ مدافعه‌نمىه‌وى ايچون جداً

الویریشلی، جداً فائده‌لی حالدر. اگر مدافعه تعبیه‌وی، بعض
 یایمه حرکتلر سایه‌سنده خصمک بیوک بر جزء تامنی محاربه
 نظامنه کچورتمک و صکره بیوک ضایعاته اوغرامقسنزین اونک
 اوکندن چکلمک موفقیّت حاصل ایدرسه، قبوله بر کون
 قزاعش اولور. شو خصوص اکثریا کوندوز اوزاق طونیلور.
 یعنی اکثریا شو دیدیکمز یوله حرکت ایدمز. لکن دوشو-
 نلمیورکه، بو وجه‌ایله یاپلدیغی اچونینه اکثریا جدی و پک
 قوتلی برواسطه حریبه‌دن استفاده ایدلمش اولور.

آکلاش-یلورکه، بو اصولی موفقیّت ایله قوللایمق اچون
 باش قوماندانک پک ماهر بر آدم اولسی و قطعات عسکریه
 بیننده کرجک قیرلمسی ناقابل، بر انضباطک حکم سورمسی
 لازمدر. زیرا، اگر بویله اولمزسه، اکثریا وقت قزاع
 اچون باشلانیلان بر محاربه‌ده مقصدک خلافت اوله‌رق، چکنمک
 استئیلان محاربه‌یه اک جدی و آتشی بر حرکت ایله کیریشلدیکی
 کوریلور. بو تهلیکه‌یه دوشمه‌مک اچون هر شیدن اول بیوک
 منزلی طوپلری قوللایمق، آنلر واسطه‌سیله اوزون اوزادی‌یه
 ایش کورمک لازمدر. طوغریسنی سویلیه‌لم: بو طوپ آتشلری
 دشمن اوزرنده پک بیوک تأثیر حاصل ایتیه‌جک، بالعکس آتشک
 تأثیری پک آز اوله‌جقدر. لکن، ذاتاً ایستئیلان شی دشمن

اوزرنده پك مهم بر تأثیر كوسترمك دكل، اونی یاكلش بر یوله
دوشورمك وشاشرتمقدن عبارتدر.

بو مقصدی الله ایتك ایچون پك مشروع بر حیله به سرا-
جعت ایتك، یعنی بطریه لرك عددینی دشمنه پك چوق كوسترمك
فكریله اونلری پارچه لره آبرمق لازمدر. حتی وقت صالح
مانورلرنده بیله كه، اوراده فصل اولورسه اولسون، ایشی بر
درجه به قدر كشف ایتك، میداننه چیقارمق دها قولایدر،
بو دیدیكمز حیله اوت، او مانورلرده بیله بیوك، بیوك
تأثیرلر كوسترمكده در. كذلك ینه او مقصدك حصولی
تأمین ایچون حقیقته اولمادیغندن زیاده بیوك جهه لر
طوتمق، كریده ضعیف احتیاطلر براتق شرطیله برنجی خطی
پك قوتلی بولندرمقده اوله بیلور. والحاصل بتون شودیدیكمز
شیلر، مدافعه ده اكثریا موفقیت ایله قوللانیله حق كوزل كوزل
واسطه لردر. ایشك اك كوچ طرفی، یالكز وسائط مذكوره
قوللاندیغی زمان مقصدك حصوله كلدیكى آنی تفریق ایلمكدر.
اكر بو، آنك، بر آز اوتنه سنه كچیلورسه آرتق بلالر مبارکی
دیمكدن بشقه چاره قالمز. چونكه درحال نتایج مشؤومه بره
برر كنندیرینی كوسترمكه باشلار. بر پایه جقدن عبارت اولان
شی، بردن بره حقیقت اثوابی كییر واو بولده حاضرلا-
نلمدیغیچون مدافعین بوندن اوتري پك چوق فلاكت كورور.

صورت عمومیه ده سویلیه لم: اگر بوکبی محاربه لرده مدافعین پیاده سی جداً ایشه باشلامش بولنورسه، آرتق ایشدن ال چکمه کلز . بالعکس، محاربه بی صوکنه قدر یوریتک لازمدر . چونکه پک بیوک ضایعاته اوغرائه سزین پیاده صنفی کیرویه چکمک اصلاً ممکن اولیان شیلردندر . ایشه بزده اونک ایچون دیورزکه، پیاده صیقیدن ضیقیه ایشه کیریشمش اولمدن اول غوغایی کسمک، تعطیل ایتک لازم کلور . لکن بوده اوپله ظن ایدلدیکی کبی قولای برشی دکل . زیرا ، وضعیت عمومیه بی ، مدافعینک قوت و مرامنی اعلا دن اعلا یه اوکر نمش اولدیغیچون هاجین طرفی شبهه سز ، پک شدتلی یومروقلر ایندیره، ایندیره مدافعینی تهقیب ایتک وایلرو کیتمکدن بر دم خالی قالمیه جقدر .

۲— مدافعه تعیه ویده مختلف اصوللرک استعمالی

وقت قزائق ، خصمی یورغون دوشورمک ، مصادمه قطعیه به مراجعت ایتک خصوصلری عجیا نه زمان آرانیه جقدر؟ مدافعه حرکاننک هیئت عمومیه سنه عائد صوک استقامتی کوسترمک . تعیین ایتک مصادمه قطعیه نک وظیفه سیدر . اونک ایچون قوه مقاومت اعتباریله الک یوکسک بر مرتبه یه وارلدیغنه

حکم ایدلیدیکی کبی، همان مصداقه قطعیهی قبول ایتک لازم کلور . بوقوه مقاومت دیدیکمزشی قطعانک یکونی و بولندقلری حال ایله موضعک متاتی وعسکرك قوه معنوبه سندن تشکل ایدر . قوه مقاومت مطلق برطرزده حساب ایدلک لازم کلز . بالعکس دشمنک حائز اولدینی درجه مقاومت کوره حساب ایدلمش اولمیدر .

اگر برخی قوای امدادیه بکلنور وهما حتماله نظراً اونلرک یکونی محاربه یرینه کلنجهیه قدر ظهوره کلان ضایعاتک فوقده برشی اولدینی آ کلاشیلورسه، اونلر کلنجهیه قدر محاربهیی او- زانمق لازم کلور وشو حالده باشلیجه هدفک زمان قزائمقدن عبارت اولهجنی پک طبیعیدر .

حرکات تدافیه صورت عمومیهده نه زمان بر نهایتیه ایره- جکفی اولدن کشف ایتک، ممکن اولیان احوالده ایسه، دشمنی ایودن ایویه ازمک، وضعیف دوشوره بیلیمک ایچون مدافعینک اک قوتلی سلاحی ، مدافعه حرکاتنک اک برنجی مقصد واملی اونی یوردمقدن عبارت اوله جقدر .

ایلک باقیشده بوسویدیکمز فرقلر حد داننده پک ساده ، پک آجیق بهض شیلر کبی کورینه جکلردر . لکن اونلری نظریات کتا بلرندن عملیات مکتبنه کچورمک ظن ایدلیدیکی کبی قولای برشی دکل . چونکه سفرده کوزمن اوکنه طوران

منظره کتاب صحیفه لری و درس‌خانه تخته لری کبی پروژسز دکل،
 بالعکس پک اکری بوکری، پک داللی بوداقلی بر منظره در .
 اونک ایچون شویله بر نابلیوه دیکیلان کوزلر بر آنده هر شی
 کورمک، هر شینک کانی اوکرنک قوتی حائر اوله مزلر . مثلاً
 قوای امدادیه نک کله جکری آن ایله ، آله جقلری یری بر
 درجه یه قدر کشف ایتک ممکن اولسه بیله اکثریا دشمنک ده
 شویله بر حالد بولندیغی واونک قوای امدادیه سی بزملیره
 تفوق ایتش اوله بیله جکفی آکلامق ممکنسزدر . حتی وقوعی
 محتمل اولان ضایعالمک یکونه دائر بر فکر صحیح ایدنک ده
 قولای بر شی دکل .

دشمنک بولندیغی وضعیتی تقدیر ایدرکن بیله احتمال بمض
 خط‌الره ، هم پک دهشتلی خط‌الره دوشلمش اوله جقه در .
 (اوستریچ) مصادمه سندن اول متفقین اردولرینک شوخصوصده
 نه قدر چوق یا کلش اولدقلرینی پک اعلا بیلورز . (۱۸۱۲)
 سفرنده فرانسر اردوسنک روسیه ده کچوردیکی بوزغینلقدن
 روسلر پک چوق زمان صکره خبر آله بیلمشلردی . حتی فرانسر
 اردوسی ، (قلوغاو) ده موضع آلمش اولدیغی زمان بیله ،
 (کوتوزوف) هنوز مذکور اردونک دوشه دیکی ضعف حالی
 آکلایه مامش ایدی . شو نقطه نظر دن ، هاجمین مدافعیندن
 زیاده کارلیدر . هاجمین طرف ایلرولدکجه ، محاربه میدانلری

ودشمن اردو کاهلری اوزرندن کچر واکثر با عین یوللری تمقیب ایار . بوزغینلق نشانهلری وعدم انتظام کبی شیلر آنجق پک کوچلک ایله اونک کوزندن صاقلی طوتیله بیلورلر . اوندن بشقه هاجمین ، اسیر طونمق خصوصنده مدافعیندن زیاده فرصتله مالکدر .

اوت ! رجعت ایتکده اولان مدافعین بوکی واسطه لر ، خصمه دائر معلومات آلنه جق بوکی شیلر الده ایده من . واکر شو رجعت حرکتی یبـانجی بریده یاپیلورسه ، اهالی شهه سز مدافینه لازم کلان حوادثی پک اکسیک بریولده تدارک ایده ـ جکدر . کرچه مدافعین وقوعه کله جک مصـادمه لرده هاجمینک کوسـتره جکی مقاومت وشدتن استدلال ایدرک خصمک قوه ماده ومعنویه سنی ایودن ایویه تقدیر ایده بیلور . طوغری ! لکن شونی ده اونونـماملیدرکه ، محاربه جیلرک کیدیشی ، کورینشی اکثر با ، قوماندانلرک کندی مقصدلرینی میدان چیقارته بیلیمک ایچون اولنره ویرمش اولدقلری آز ، چوق بیوک اهمیتـله کوره دیکشور .

بوندن اوتری اکر نظریاتجه ، خصمک قوای ماده ومعنویه ـ سنه دائر بر فکر صحیح ایدنک ایچون یاردم ایدن بعض نقطه لری کوسـترمک ، ممکن اولسه بيله شو نقطه لر واولنره استناداً یاییـله جق تقدیرلر عملیات مکتبلرنده ، سفر اوجاقلرنده ظن

ایدلدیکی کبی طوغری چیقمییه جقلر . بالعکس اولنلرک بر نیجه
یا کلشلی کوریله جکدر. اولنک ایچون تشخیص مرض مسئله سنی
احوال عمومیه یه کوره یورتمک ، خصمک وجودینی ونبضی
ایودن ایویه بر یوقلامق ایله تأسیس ایلملیدر.

سوزک قیصه سی: حرب اوزرینه بر چوق تجربه کورمش،
طبیعت انسانی تدقیق وموازنه ایتمکده ایجه مهارت کوسترمش
اولانلر بو خصوصده پک چوق سهولت کورورلر.

۳ — ترتیبات

هر جنس محاربه ایچون مدافعین کندی قوای عسکر یه سنه
مخصوص بر ترتیبات انتخاب ایلیه جکدر. اگر مدافعین یوروش
حالنده ایکن دشمنک کندیسیله تماس حاصل ایتمسینه برشی دیمز
و کندی قطعات عسکر یه سنک بولندینی یرده احواله کوره
حرکت ایدرک دشمنه مدافعه ایتمک ایله قناعت کوستررسه
محاربه نك سوق واداره سنی الدن چیقارمش اولور ؛ دیمکدر .
بو کبی چار پشه لر ، اکثریا اولنلری فنا تدقیق ایدنلر ایچون
پک فائده سز وقاعده وضعنه پک غیر مساعد شیلردر.

اگر حرکاتک صوکنده جمدی بر مقاومت کوسترتمک

ایستیلپورسه ، آله حق ترتیبانک انتخابنده اک باشلیجه نقطه
آتشک ممکن اولدینی قدر زیاده تأثیر کوسترمسی تأمین ایلمکدر .
زیرا دشمنک اوکنه اک اساسلی واک قوی بر مانع تشکیل
ایده جک اشته بو آتشدور ؛ یوقسه اراضینک موجب اوله جنی
مشکلات دکل . .

حقا کر ، مدافعین ، طومش اولدینی برده مصادمه وقوعه کلسنی
آرزو ایدیورسه ، موضعک ایلروسنده کر چکدن پک بیوک بر
مانع بولنسی اونک ایچون فائده لی بر شی اوله من . چسونکه
بومانعک وجودی ، احتمال دشمنی بعض مانورلر یامغه مجبور
ایدرکه ، مدافعین اونلرک تأثیرندن اوتری ، موضعک اهمیتنی
غائب ایدر واک صکره اونی بوشالمغه لزوم کوزور .

مثلا (اوسترلیج) وقعه سنده ناپولیونک صاغ جناحی کبی
ظاهرده ضعیف کورینان بر نقطه ، بعضاً فائده لی اوله بیلور .
چونکه اونقده خصمی ، تفریقی ممکن بر استقامتده ایلری کلکله
یاردم ایدر . طوغریسنی سویلیه لم : اکر جبهه نک بر قسمی طبعاً
قوتلی بولنورسه ، بو ، مدافعین ایچون بیوک بر فائده یی موجب
اولور . زیرا ایشک هیئت عمومیه سی اعتباریه ، مدافعین ، دائماً
ایکی دشمنک اک ضعیفی اولماق اوزره تاقی ایدلکه مجبوردر .
وبونک ایچون اکر مدافعین هیچ اولمزسه ، میدان مصادمه نک
بالکز بر قسمنده خصمنه تفوق ایتش اولمقدن امین قالمق ایستیورسه

وېو چشيد سـاثر بعض شيلر بولمـز سـه هيچ شـهه يوق كه باغچه
 ديوارلري ، تيمور چبوقلردن اورلمش چيتلر بويدن بويه درين
 اولوقلر ايله چيزلمش، ترلالر ، خندقلر و سـاثر بونلر طوپراغك
 قازلمـسـندن ايلري كله ياريقلر و اوچاقلر بولـه جـقدر . ايلرولـه
 ويانلره طـوغـري كلان مواصله يوللارينك ده چـوق اولـسي
 شرطدر . چونكه اموال قطعياً مجبور ايدرسه، چاره سـز، بعضاً
 جهه دكيشدرمك خصوصى ده كوزه آلديرمق و دوشونمك لازم
 كلور . اونك ايچون ديديكمز يوللارك عددى چوق اولمليدر .

اكر دشمن اورايه يا قلاشه بيلمك ايچـون يالكر بعض
 نقطه لـرده كچيد و يرـن بر مانع و مثلاً يالكر موجود كوپرلرندن
 كچلمك ممكن اولان بر نهر آرقه سـنده بر موضع طوتمق امكانى
 وارسـه مدافعـين شويـله بر موضـعه اولـجه دهـا اونك اك چوق
 تاثيرى هانكى نقطه لر اوزرينه يينغمق لازم كله جكنى تعين ايدهـ
 بيلمك فائده سـنه مالك اولور . برده شو حالده هاجمينك حركانى
 ايجه تمديد ايدلمش بولنور . واونك ايچون مدافعـين ، خصمك
 اك چوق هانكى مانوره سـندن چكـنمك لازم كلـديكىـن بك اعلا
 تقدير ايده بيلور .

اولجه كورمش ايدك كه . جهه هجوملري ، اصولاً بك آز
 موفقيت شرائطى حاويدرلر . اويله اولنجه مدافعـين ، بالطبع اك
 چوق كندى يانلرينى اورتمكه دقت ايده جكدر . كرچه، مدافعه

تعبیه ویده موضع لک یا نلرینی ایچون اراضی اوزرنده حقیقی برر
نقطه استناد بولوق حتی مدافعه س-وق الجیشی موضع لرنده
اولم دیغدن زیاده کوچدر. لکن هیچ اولمزسه، ینه جناح لردن
بریسفی، علی الخضرص، اراضینک اصول تشک لکندن طولایی
اک کوتلی اوله رق و بناء علیه اک آز عسکره محتاج بولنان جناحی
استناد ایتدیرمه نک چاره سنه باقیله جقدر. قوای عسکریه نک اک
بیوک قسمی، دیگر جناحده طوپالانه جق و عددآ اوته کی به
تفوق حاصل ایدن بوجناح طبیعی اوجهته ده کی یانی محافظه به پک
اعلا مساعده ایده جقدر.

شو محافظه مسئله سنک نه درلو ترتیب ایدلمش اولمسی لازم
کله جکفی ایسه مصادمه برینک تشکلات طبیعی سی کوس-ستر.
هاجین کندی احاطه حرکتی یاغنه باشلا دقدن صکره، مدافعین
ایچون خصمک شو احاطه حرکتی جبهه اوکنده ایکن ده
نهایت ایدریمش اوله جق وجه ایله جبهه خطنی اوزاتمغه مخصوص
پک بسیط برواسطه در. بونک ایچون ده احاطه حرکتی پاییلان
جناحک کیروس-سند قوتلی احتیاط لره مالک اولمق لازم کلور.
لکن ایجه اوزادلمش اولان بر جناح پک چابوق ضعیف دوشره.
دشمن اونی صیقه سیدیرر. و (۱۸۷۰) سنه سی آغستوسک
(۱۸) نجی کونی (رونقور) ده فرانسه جناحک باشندن کچدیکی
کی مدافعینی کیرویه پوسکور تور. و جناح لردن بریسنده شووجه

ایله بر هریمت وقوعی ، اردو اوزرینه بلکه بر احاطه حرکتی قدر مشوم تأثیرلر کوستر .

برمدافعه قولتفی تشکیل ایتک صورت عمومیهده جناحلردن بریسی اوزانمقدن زیاده ایشه یرار . باخصه-وص اکر دشمن مذکور قولتفی ایجه اوزاقدن کوره من و تفریق ایده منسه اونک فائده سی ایکی قات اولور . جناحلرک کیرولریله طیشاریلرنده قطعات عسکره بولندیرلدینی زمان یانلرک حمایه سی اک ایو بر صورتده تأمین ایدلش اولور . اصولاً اورالرده احتیاطک اک بیوک قسمنی قویق ممکندر . جههده یک بیوک احتیاطلر قویغنه اکثریا لزوم یوقدر . یر اوزرنده کندیسنه بر استناد نقطه سی بوله جق اولان جناحه کلنجه اورایه آنجق یک جزئی قطعات کوندرمک لازمدر . ایلک اوکجه کیروده قاله جق اولان شو قطعات عسکره بردن بره دشمنک احاطه حرکتنه قرشو یورییه . بیله جک واونی طور دیرمغه چالیشه جقلردر . دیدیکمز حرکتی همان یایق اوزره اولان هاجین ایسه ، اکثریا مدافعینک شو احتیاطلری باش کوسترمه دن اول مقصدک حاصل اولدیغنی ظن ایده جکدر . لکن دشمنک کیده کی قطعانک ایلرویه آتدقلرینی کورنجه بوندن یک چوق متأثیر اوله جقدر . اکر احتیاط عمو-مینک دیکر بر منطقهده بولنسنه لزوم کورلش اولدیغنی آکلا-

شیلورسه اوزمان اونك بر قسمی آیرله رق خصمك احاطه حرکته
قرشو الده حاضر طوتيله جقدر .

بودیدیکمز مفرزه . دشمن قولنی پوسکورت مزسه بيله هیج
اولمزسه ، اونی محاربته نك زمان قطعینده نتیجه مصادمیه
اشترک ایدهمیه جك وجه ايله طوردرمنه موفقیت حاصل ایدر .
(۱۸۷۱) سنه سی کانون ثانیك (۱۷) کونی جنرال (کهلار)
کندی اوفاجق مفرزه سيله احاطه حرکتی یایق اوزره اولان
فرانمز لرك (قره مر) و (یانهوت) فرقه لرینه قرشو دیدیکمز
نتیجه نی استحصال ایلمشدی . برده جناح لرك کریسنده قاله جق
اولان بواحتیاطلر مدافعه نك صـوك زمانلرنده دشمنه مقابل
هجوم یایق ایچون صورت عمومیه ده پك ایو بروضعیتده بولنش
اوله جقدر .

اگر ایکی جناحدن هیج بریسی زمین اوزرنده طوته جق ،
استناد ایدم جك بر نقطه بوله مزسه او وقت اك زیاده قورقیلی
اولان جناحی محافظه ایتمك ایچون دها زیاده قوت استعمالی
لازم کلور . اصولاً ، جناحلردن هانکیسی اوراده بر مغلوبیت
وقوعه کلدیکی زمان اك تهلیکلی سوق الجیش نتایجی حصوله
سبب اولور ، هانکیسی طرق اتصالیه ورجعیه مزه اك یقین
بولنور ، یاخود هانکیسی بزه کله جك قوای امدادیه طرفنده
قالورسه دشمنك اک زیاده کوزدیکه جکی یرشبه سز اوراسی اولور .

یالکز وقت قزانق هوسـیله موضع طوتلدینی زمان ایسه
 بسبتون بشقه برنقطه نظاردن حرکت ایلمک لازم کلور چونکه
 بوجنسدن اولان مدافعه تعبیه وی حرکتیچون ذاتاً بشقه درلو یایمق
 لازم کله جکفی یوقاریده سویلشمش ایدک. یناشلمسی ناقابل برجهه،
 هیچ شبهه یوقکه، اوچشید حرکات ایچون یک بیوک فائده لر حاصل
 ایدر. زیرا اکر طوغریدن طوغری یه هجوم ایدرک خصمک
 اوموضعی الله ایتمش اولق امیددی محو ایدیلور دشمن اکره
 بر چویرمه حرکتی یایمغه چالیشورسه ایشته قزانلمسی ایجاب
 ایدن زمان بو سایه ده یک اعلا قزانلمش دیمکدر.

بر مدافعه مواضعنده، جناح لری همه حال برر قوتلی
 نقطه یه استناد ایتدیره بیلیمک هر زمان ایجاب ایتمز. زیرا خصمک
 یایه جفی احاطه حرکتلری اونک ایچون ایجه بر زمان غائب
 ایتدیرمش اوله جقدوکه، بوخصوص مدافعین حقنده البت بیوک
 بر کاردر. آتلا نلمسی کوچ نهرلر، بطاقلی ودرین وادیلر،
 کنارلری دیک و بوکسک تبه لرله چویرلمش دربندلر و بوغازلر
 نتیجه حاصل ایتک مجبوریتنده اولان مدافعه میدان محاربه لریچون
 الویریشلی یرلر دکلدلر.

لیکن شویله یالکزجه بر وقت قزانق فکریله یایسه جق
 مدافعه محاربه لریچون اولردن کوزل یرلر بولنه مز. اکر دشمنی
 یالکز یورغون دوشورمک ایچون محاربه ایدیلورسه، اوزمانده

ایشلرینه بشقه درلو جریان ایدرلر. اووقت، شهه سزا ایشلری بویلی بوینه اوزاتمق، دشمنه بو یولده بر مقاومت کوسه ترمک غیر کافیدر.

بالعکس، قطعات مصادمه لره کیریشمیه جک وجه ایله جدی محاربه لریایمق لازم کله جکدر. اگر زمین مساعد، مهم الویریشلی، قطعات عسکرینه نک سلاحی وقوه معنویه سی او یغون ایسه بو جنس محاربه لردن بیوک بیوک موفقیتلر جیق مقده مأمولدر. اوزمان (پارچه، پارچه مدافعه) دنیلان مسلك قوللانیلور. واکثریا بو وجهه ایله محاربه ایدیلور. هجومک اک باشلی مزیتی شدت اولدینی کبی شو اصولک اک باشلی فضیلتی متانتدر.

قیالی، کسیک واورمانلق بریر، بو درلو محاربه لر ایچون اک الویریشلیدر. چونکه دشمن اوراده کندیسنک عددجه تفوقدن هیچ استفاده ایدمیه جک، بیوک قوتلر یابمیه جق، حاصلی آتشک تأثیری بلکه هیچه اینه جکدر.

اوندن بشقه بوکبی یرلر، مغلوب اولان طرفک بتون بتونه بوزغینلغنه دوشمسنه مانع اولور. ورجعت ایدن طرفک پک آز وقیصه بر یورویشدن صکره تکرر مدافعه یه کچه بیلمسنی تأمین ایدر. (الب) دوقه لقلری، (بریتانیا)، (وانده) اراضیسی بوجنس یرلردندر. (وانده) یرلیتری ایله (شوان) اهالیسنک ایلك

جمهوریت اردو لرینه کوسنرمش اولدقلری حیرته شایان مقاومتلر،
قسماً ملککک طبیعتدن ایلری کلسدر.

ایشته کوربورزکه، بر مدافعه تعیهوی موضعک، احواله
کوره انتخابی کرجک اهمیت شایان بر مسئلهدر. هرشیدن چوق
ترتیباتک وضعیت و طبیعتی یاییله حق حرکات عکریه ایل، تعقیب
اولسان مقصده جواب ویرمیلدر. هر موضع زورله کوزل
اوله مز، چونکه او، طبعاً قوتلدر. ینه بونک کبی هر ترتیبات
زورله کوزل اوله مز. چونکه اوزمینک تشکلاتنه کوره ماهرانه
بر صورتده تطبیق ایدیلور.



مدافعه تعیهوینک اشکال خصوصیهسی

بوصو مدافعهسی

بوراده هرشیدن اول، شیمدیکی زمانده استعمالی الک چوق
توصیه ایدیلان برجنس مدافعهدن بحث ایدهلم. تعرض تعیهوی
مجبانی الک صکره هر شیده غلبه ایدن آتشلرک تأثیرینی، بو قوه
ناریهینی انکار ایده مزلر.

مدافعه تعیهوی دوستلریده شبهه سز، بسببلی بر هدف
اوزرینه ایلری به کیتمه نک قوه مغنوبهده حصوله کتوردیکی

سلطونی اصلاً انکار ایده مزلر . اونک ایچون اک صکره شو
یکدیگرینه معارض اولان دوستلر، مدافعه تعبییه ویدن استفاده
ایتمکله برابر تعرض تعبییه ویدن واز کچلمه مک فکرینه
قرار ویردیلر، بوراده برلشیدیلر . کرجک ؛ اکر یک جدی
ضایعانه اوغرایه رق دشمنک کوزل بر موضع اتکلرینه قدر
سوقلمسینه مساعدده ایدیلور و آرتق تاب و توانی کسلدیکی کبی
هان اونلر اوزرینه آتلمق شرطیله موضعدن طیشاری چیقیلور-
سه بو دیدیکمز یک اعلا ممکندر .

(بلوم) ده وقوعه کله رک اک صکره تعبییه حدودینه کیرن
مدافعه تعرضیه آرزوق فرق ایله یوقاریده سویلدیکمز منظره نك
بر مثالی اوله بیلور .

لکن بر مدافعه موضعندن طیشاری چیقلدینی زمان، ایلاک
اوجکده اوراده وضع و تعبییه ایدیلان عین قوتله چیقلمش
اوله مز .

شویله بر حرکتک نه قدر کوچ بر شی اولدینی دوشو-
نیلورسه بونی تسلیم ایتمک مجبورز . بناء علیه، مدافعه دن هجومه
کچمک ایچون دشمنک کوره میه جکی وجه ایله بعض قوای عسکریه
کریده بولندیرمق وایشک اک بیوک قسمی بو هجوم حرکتی
کوره جکیچون قوای مذکوره الده موجود عسکرک اک بیوک
برقسمندن ترکیب ایتمش اولمیدر . دیدیکمز کبی، آبروجه بر قوه

عسکرینه کیرلورده کیزلک شرطله یاپیله جق حرکت بیاسی
بر نوع بوصو ترتیبی دیگدر . بوندن اوتری اوکی حرکتلرک
هپسینه بردن (بوصو مدافعه سی) نامی وبرمک بک ایو اولور .

اوسترلیج میدان محاربه سی بو چشید بر مدافعه ایچون اک
کوزل بر مثالدر . اوت، اویله بر مثال که ، شمیدی به قدر هیچ
بر مثال اونک کی مکمل ونیجه لی اوله مامشدر . لکن اونوما
ملی یز: ناپولیونده بو مثال کی نادر ویک اقرانسز بر قوماندان
ایدی . اکر بوصو مدافعه سی، اجراسی قولای بر شی اولسه
ایدی ، ایلورده بلکه هر زمان بو چشید مدافعه لرک قبول
ایدلیکی کوریلوردی .

لکن آکلاشیلورکه ، هاجین قوللرینی کری پوسکورتمکه
مأمور وقوتلری مذکور قوتلردن ایجه آسانی اولان قطعات
عسکریه بک آز وقت ایچنده صیقندی به دوشمش اوله جقتلدر .
ذاتاً بوجنس برمانوره نک هیئت عمومیه سنجه موفقیت امیدلری
بک آز بر شیدن عبارت اولدیفیچون اکر دشمن دیدیکمز
قوتلری بک جابوق مغلوب ایتمش بولنورسه ، او وقت آنلری
حمایه ایتکه وموضعدن چیقماق اوزره اولان قطعاتک بر قسمی
اصلی کندی وظیفه لرندن آییره رق اوته جهته کوندرمکه لزوم
کوریله جکدر . او حالده شبهه سز، بری طرفده قاله جق خروج
قطعاتی ده بک ضعیف بر درجه به دوشمش اوله جقتلدر .

احتياط اولمق اوزره طويلو طوران قوتى جناحلك كريسنه
 براقق اك ابودر. چونكه بويله يابيلورسه قوه مذكوره نك ايلريسي
 آچيق اولديغيچون ايستديكي كې حركت ايدر. لكن بونك ده
 بر محذوري وار: دشمن اونك اوراده اولديغنى بك قولاي
 كشف ايدر و آنى ده محاربه يه كله بيلوركه، بوندن اوترى موضعدن
 چيقمق خصوصى بر مدافعه تشكيلى ايچون جبهه نك تبديل
 ايدلمش اولمىي حالنه كيرمش بولنور.

اكر صدمه قطعيه اجراسنه مخصوص قواى عسكريه محاربه
 يرينه آنجق زمان قطعيه چيقمش اولورسه شوديديكمز مدافعه
 اصولى دها قولاي تطبيق ايديله بيلور. (واترلو) ده (بلوهر)
 اردوسى، (كونيكراج) ده ايكنجى پروسيا اردوسى طبقى بويله
 يامشدى.

ايلريدهكى سفرلرده اردولر، كوچك كوچك مسافه لردن
 يكديكرينى تعقيب ايتمش اوله جقلى زمان پوصو مدافعه سى
 اصوللرى ينه بو شكلده جريان ايدجكدر. اكر اولجه دها
 برلشمش اولان دشمن، اردولردن بريسي اوزرينه دها بيوك
 قوتلر ايله آتلمش اولورسه بووجه ايله هجومه اوغرايان اردونك
 وظيفه سى ماهرانه بر مقاومت ايله اونى طورديرمغه، ديكر اردولر
 محاربه خطنه كيروب مقابل هجوم يانجه يه قدر ضعيف دوشورمكه
 چالشمقدن عبارت اوله جقدر. اكر الدهكى قوت بك ضعيف

بر شی ایسه ، اراضی اوینون والویریشلی اولوق شرطیله
ینه آز چوق فرقلی بر شکلهده بوسو مدافعه اصولنه
مراجعت اولنه بیلور . اکر طوتیلان موضعتک جبههسی پک
قوی ، لکن ، الدهکی عسکره نسبتاً پک واسع بولنورسه دشمنه
کندی هجوم استقامتی وبتون قوای عسکریه سنی میدان چیه قار-
ده حق موقت برمدافعه ایچون اوندن پک اعلا استفاده ایتک
ممکندر . بو جبهه خطنک کیروسنده و دشمنک کوره میه جکی
صورته تعیه ایدیلان باشلیجه قوتلر ابلهده مذکور هجومک
مدافعین ایچون کفائدهلی کورینان برنقطهسی اوزربنه آناهش
اولنه جقدر .

تعیه یان موضعلری [*]

تعیه یان موضعلرینه ، سوق الجیش یان موضعلری حقنده

[*] ماره شال مواتکه (تعیه مسئله لری) نام اثرنده مدافعه یان
موضعلری ائک کوزل بر تعریف اولوق اوزره آشاغیدهکی وجه ایل
تعریف ایدیور : « بریان موضعی دشمن حرکاتنک تعیب ایلدیکی استقا-
ماتک یاننده اوکا موازی اوله رق انتخاب ایدیلان موضعدر . اوله بر
موضع که دشمن بتون طرق اتصالیه سندن واز یکه دن اونک اوکندن
یکه منزه اوله بر موضع که دشمنک بر مظفریت و تعیب حالنده اونی یعنی دشمنی
کندی هدفندن طیشاری آتمه مساهدره هیچ شبهه یوق که مدافعین بیل

مسویدیکمز عین قاعده لر تطبیق اولنه بیلورلر . یالکز بوراده مذکور قاعده لرک حسدودی اوته کیلرندن قیسه وطار اولق طبعیدر . شبه سز بر تمیه یان موضعی دهها چابوق کوریلور ودها چابوق کشف ایدیه بیلور . اونک ایچون اولنرکده خصم طرفه متوجه اولان کنارلرندن چویرلمسی ممکندر .

هرشیدن اوله بریان موضعک دشمنه متوجه اولان اوجی قوی بریره استناد ایتش اولق لازم کلور . اگر دشمنی بوجه ایله قوریلان طوزاغه دوشورمک ایستیلورسه اونی طوغریدن طوغری یه هدفه کوتورن یولی ده بسبتون عسکردن خالی برافماق ایجاب ایدر . بالعکس بو استقامت اوزرنده بر قوه عسکریه برمدار مفرزه سی بولندرمق لازم کلورکه ، بوراده کی مفرزه کیرویه چکدکجه بالطبع دشمن عسکری ده اونی تعقیب ایلمش اولسون .

اوندن بشقه بریان موضعی بر طوب منزلندن اوزاق بولنا.

شویله بر موضع آلدینی زمان کنندی خط رجعتندن واز کچمکه مجبور در . اونک ایچون علی الاصول بریان موضعی طومتق ، کنندی اراضیز . ده حرکت ایتدیکمز زمان ممکن اولور . دشمن مملکتنده بویله بر موضعه بر اشک پک زوردر . اوندن بشقه بریان موضعک دیگر بر محذوری دها وار : بزم بر جناحز دشمنه متوجه بولنور . اونک ایچون بو جناح اراضیده قوتلی بر نقطه یه استناد ایتلیدر . بویله یابلزسه دشمن قولایچه ایلرودن اونک آوقه سنی آلهیلور . »

ملیدر . چونکه او یله اولورسه، دشمن تبدیل استقامت ایتک، یایلمق و محاربه به کیریشمک خصوصاً رنده پک سربست بر اقلمش اولور . بر یان موضعی، قابل هجومه کچمک ایچ-ون لازم کلان بتون شرطری ده برر، برر جامع اولمیدر . حقیقت بو شرطلر وارسه، او وقت یان موضعه اصلاً اهمیت ویرمکسزین کندی استقامتنی تعقیباً یولنه دوام ایدن دشمن اردوسنک اوزرینه ویا آرقه سنه آتلمق ممکن اولور. برده، اصل جاده یی، اصل رجعت خطنی بسبتون ترك ایدرکدن اونک خارجنده و پک اوزاغنده بریان موضعی طوتمق ایو برشی دکدر . بالعکس بریان موضعه ک دایماً خط رجعتی امین اولمیدر . ایشه پک اعلا کوریل یورکه، بریان موضعی کوزل بر موضع اولمق ایچون بر چوق شرطلری حاوی بولمق لازم کلور. تعیه یان موضعلری باخصوص دشمن اونلرک کندی اوکنده کیرویه چکیلان قطعات عسکریه طرفندن می یوقسه، بالعکس کندی علیه یوریان قوللرک تازه پیشدار مفرزلری طرفندن می طوتمش اولدقلرینه دائر شبه حاصل ایدرسه او زمان اک چوق فائده لی و تأثیرلی اولورلر .

اگر بریان موضعه ک کیروسنده مدافعه اردوسنندن بعضی قطعات عسکریه ک چیقوب کلکی محتمل اولان بعضی کچیدلر و یا خود قوای امدادیه ک ایندیربله جکی بر شمندوفر استاسیونی واریسه و اویندن بشقه اگر شویان موضعی ایله مذکور استاء

سیون و کجید نقطه لری آره سنده کی مسافه اورتولی اولورسه او زمان هاجینک دیدیکمز تردد لری آرتدجه آرتمش اولور . اگر بتون بوشر طرلر، بریان موضغنده برلشمش اولورسه ، مدافعین اوراده پک آز قوتلر بولندیرمش اولسه بیله ینه اوندن پک جوق فائده لر کورور .

بونک الکوزل مثالی، بزه فلد ماره شال مولتکه طرفندن لکن حربده دکل، بالعکس بر تعمیه مسئله سنده کوسترلشدر : ضعیف بر مفرزه (میج) ک غریبنده (غراولوط) ده برلشمش بولنیور . مقصدی ، پیشدار مفرزه لری (ویونویل) و اصل اوله یق موقفی محاصره ایتمک فکریله ایلرولیان دشمن اردوسی هیچ اولمزه ، بر کون یعنی (میج) محافظ مفرزه سی قوه سفریه . سنی اکال ایدنجه یه قدر توقیف ایتمکدر . خصمک طوغریدن طوغری یه یولنی سد ایدن دیگر بر موضغده یرلشدیکنه کوره بووظیفه یی باشه . چیقارمق اصلا ممکن دکلددر . زیرا، دشمن شبهه سز عددجه پک زیاده قوی اوله جغندن اوننی توقیف ایتمک اوله بر مفرزه ایچون طبیعی محال اولوردی . ایشته بوندن اوتری ، مذکور مفرزه ، جنوبده (ویونویل) دن (میج) و کیدن یول جوارنده (اون یون) اورمانی کنارنده موضع آلفه مجبوردر . اوراده شبهه سز دشمن اونک قوتی لایقی وجه ایله حساب ایده مز، آکلایه مز . اوندن بشقه اورایی طوتلیدینه

کوره مفرزه نك کيروسنده اوله ، کشف بر اورمان بولنور .
 ثانياً ، بونک بر آز اوته سنده (موزمل) اوزرنده ايکي کوپري يي
 ويوک بر شمندوفر استاسيوتی حاوی اولان کوچک (آرس)
 قصبه سی وارد ر . اونک ایچون نه زمان اولسه ، بو موقفدن
 مفرزه یه لازم کلدیکی قدر امداد کوندرمک ممکندر .

هاجین اوکا راست کلنجه عجیا موقفک محافظت عسکرندن
 کوندرلش اوفاق بر مفرزه یه می یوقسه ، بالعکس کندیسيله بو-
 لیشمق ایچون ایلرولیان بیوک بر قولک پیشدار عسکرینه می
 راست کلشدر . شبهه سزه بونی ایودن ایویه تفریق ایتیش اوله میه-
 جقدر . چاره یوق ! بو مفرزه نك طبیعتی ، وظیفه سی آ کلامق
 ایچون حاجین اوراده بر محاربه ویره جک . یوقسه اوغرادینی
 شبهه یی حل ایتهدن یوروشنه دوام ایدرسه دها صکره پک
 قاریشیق بر معمایه ، پک درین بر کردابه دوشمک احتمالی وار .
 حتی یالاکز کندیسوچون ایجه زمان غائب ایتدیره جک اولان
 اورمان کنارینک ضبطی بيله حاجینی بوشه دن ، بوبلای ناکها-
 نیدن قورتارمش اولیه جقدر . زیرا هیچ کیمسه او صیق
 آغاجلرک کيروسنده نه وار ، نه یوق ممکن دکل بيله مز . بوسری
 میدانه قومق ، شو کوچک معمایی حل ایتک ایچون (آرس)
 قصبه سینه قوای امدادیه کله دن اوله ، اورمانی بسبتون ضبط
 ایلیمک ، قصبه یه قدر یوریمک لازمدر . لکن مدافمین (آرس)

صبه سی اوزرینه کیویه سورلمش اولسه لر بیله بواشلر اولنجه یه
در لازم کلان زمان قزانلمش اولوردی .

اگر بریان موضعی طوته رق مدافعین دشمن هجومی کیو
بوسکورنمکه موفق اولورسه ، بوندن مدافعین ایچون دیگر بر
فائده دها حصوله کلورکه ، اوده هاجین کیویه چکلمک خصو-
صنده ش-به سز پک الویریش-لی اولیان بر طاقم بولاری تعقیبه
مجبوریت کورور . ایش-ته مدافعین ایچون حاصل اوله جغنی
سویلدیکمز ایکنجی فائده بودر . چونکه هاجین آرتق تبدیل
استقامت اتمه دن کندی استقامت طبعیه سنه کچمکه بردرلو موفق
اوله منز . اگر مدافعین اشغال ایلدیکی یان موضعندن حقیقه رق
هاجین اوزرینه هجوم ایدرسه ، اوزمان هیچ شبهه یوقکه ، اونی
خط رجعتندن بسبتون طیشاری آتمش اوله جقدر .

بر کچید قرشوسنده ومثلا بیوک برنهر اوزرنده واقع بر
کوپری اوکنده بولنه رق دشمن اورادن چیقار ، چیقمز اوکا
قطعی تأثیرلو کوس-ترمکه مس-اعد اولان یان موضعلر ، اک ابو
موضعلردن صاییلورلر . بویله بر یان موضعی قرشوسنده مغلوباً
کری چکلمکه مجبوریت کورن هاجینی تشییع ایچون د الله سلامت
ویرسون ! دیمکدن بشقه دیلمزدن نه کلورکه ، سویلیلم ! زیرا بویله
طار بر کچید اوزرنده خصمک مظفر آتشلرینه قرشو رسمی کچید
یاقق ، کری چکلمک عسکرلک عالمنک پک یمان حرکتلرندن بریسیدر .

اون اوچنچی فصل

شرائط خصوصیه داخلنده یاپیلان حرکات

دارالحربك شكل وطبیعی ایجابندن اوله رق هر درلو حرکات
عسکریده آرزوق تعدیلات ظهوره کلور. اولاری دارالحربك
تشکلات عمومیه سنه حدندن آشوری بر اهمیت بیه ویریلور.
دی. بوندن اوتری اوکا کوره حرب ایتمك ایچون بعض
خصوصی طرز لر، قاعده لر واردی. مثلا طاعلق یرلرده یاپیله.
جق حرب لر بسبتون بشقه درلو تلق ای دیلور، ومطلق کن دیلرینه
مخصوص قاعده لر واسا لر بولنوردی. ینه بونك کبی خطوط
نهریه وسائر نك هجوم ومدافعه لری ایچون ده آروجه بر نظریاتی
وار ایدی.

لکن شمدیلک ایشلر بو مرکزده جریان ایده من. هیچ
اولمزسه، حربك سوق و اداره سنه مخصوص قواعدك بر صورت
مطلقه ده تحدیدی لازم دکلدر. جق کرچکدن بك خصوصی
دارالحربلرده بیه حربك سوق و اداره سی عمومی قانونلره
کوره تنظیم ایدلمشدر. یالکز حرکت اولنان اراضیده اولنك
دستورلرینی تطبیق ایتمك وشو خصوصده یا کلامق ایجاب ایدر.
حرکته الویریشلی اولمیان یرلر، طاع سلسله لری، صو

ایده منزلر. تهدید اولنان نقطه اوزرینه مقابل بر هجوم یامیق آنجق
 کریدن کوندریله جک قطعات عسکریه ایله ممکن اولورکه، شبهه سز
 هاجین طاع سلسله سنه کیرمک ایچون هر نه کبی مشکلاته اوغرا-
 مش ایسه اولرده جبهه اوزرینه ایلرولرکن عین مشکلاته
 راست کله جکلر در .

بو بللی اولنجه ، مدافعین قطعات عسکریه سی طرفدن
 طوتلمش بر طاع سلسله سنه راست کلدیکی زمان هاجین!، بو
 سلسله یی جبهه دن اشغال ایدرک آنک یا بر ویا ایکی جناحنی
 بردن چویرمه نك چاره سنی آرایه جقه-در. اگر مدافعین شو
 تهلمکبی منع ایتک ایچون کیتدکجه، ده ا زیاده بوغازلر طوته رق
 س-سلسله اوزرنده عرضاً یا یلمغه چالیشور شه، بوندن، بشقه بر
 مخدور چی-قارکه، اوده مدافعه خطنک هاجین طرفدن ده ا
 قولایجه یارلمش اولمق احتمالی در . اوت، هاجین خط مذکوری
 یارمق ایچون مدافعه پوسته لرندن بریسی ضبط ایده جک واوته-
 کیلری اوزرینه ده ا آز شدتله هجوم ایدرک اولری یرلرنده
 طوتنغه چالیشه جقه در. اک ص-کره ایش بر حاله کله جکلرکه،
 مدافعین، جبهه خطنک بعض نقطه لری ضبط ایدلدیکنی کوردیکی
 صکی پوسته لرك هپسی بر برینی چکنرجه سنه رجعت ایتدکه
 باشلايه جقلر در .

مدافعین ایشلرک ذاتاً بو یولده جریان ایده جکنه واقف

اوله جقه-در. اونك ايجون بعض احوال كنديسنى بر مدافعه قطعيه به مجبور ايتدجكه، طاع سلسله لرينى و اونلرك بوغازلرينى يالكز هاجمينك وضعيت و قوتى آكلامق فكريله يعنى ضعيف بر صورتده اشغال ايده جكدرد. بوندن طولايى قوتلرينك قسم كلديسنى، دشمن، كچيدلردن باش كوستره جكي صره ده هان اوزرينه آتلمق ايجون طاغك كيروسنده و كيزلى بر يرده بولنديره جكدرد. بعضاً شو خصوص، عادى بر پوصو مدافعه سى طرزنده بيله اجرا ايدلمش اوله جكدرد.

آرتق بويله اولنججه شبهه يوقكه، او كې يرلرده .حربك سوق و اداره سنه دائر يكي، يكي قاعده لر قويمغه حاجت بوقدرد. بالعكس ذاتاً موجود اولان قاعده لرى خصوصى بروضعيتيه كوره تطبيق ايتك، دهـا السيتيق بر طرزده يوريتك لازمدر. قاعده نك فضله سى فضله در. بزه او كې شيلرك اصلاً لزومى يوق.

بر اوجندن اونه كينه قدر بر ترصدلاينقطع ايجنده بولنديرلمسى كوچ اولان بيوك نهرلرك هجوم و مدافعه سى ده ينه طبقى سلسله لره دائر سويلديكمز كيدير. مدافعين شو خطلر اوزرنده كذلاك يالكز دشمنك وضعيت و قوتى ميدانه چيقارته بيله جك اولان بر قسمك مدافعه سنى، بويدن بويه مدافعه ايتك خصوصنه ترجيح ايدر. و بونك ايجون هاجمين اردوسى نهرى كچوبده هنوز يايلمه ترتيباتى اكمل ايتمه دن و كيرو طرفده بيوك بر مانع موجود

ایکن اونک اوزرینه آتلمق و مصادمه نی قبول ایتدیرمک فکریله مدافعین، کندی قسم کلیمنی ساحلک ایچه کیروسنده بولندیرر. صنی مدافعه ایشلرینه کلنجه اولرده اساساً قواعد حربیه نی دیکشدرمز لر. یالکز اجراآت نقطه نظرندن بعض خصوصی ترتیبانک وجودینه لزوم کوستر لر. صنی مدافعه ایشلرینی اوج صنفه آیره بیلورز: مستحکم موضعلر، مستحکم اردوگاهلر و قلمه لر. مستحکم موضعلردن مقصد، مدافعین ایچون یانلری ده مستور اولمق شرطیله بک قوی برجیه حاضر لامقدرد. بویله بر موضع، بویله برجیه عددجه فائق اولان بر اردویه قرشو ضعیف بر اردونک قطعی بر صورتده مقاومت کوسترمنه الویریشلی و بک او یغون اولور. یاخود شوکی موضعلر، طوبیلان جبهه نک یالکز بر قسمی تقویه ایدرک جزئی بر قونک اون نقطه یه وضع ایدلمسنی و دیکر لرینک الده حاضر بولنسنی تأمینه خدمت ایدر لر.

بولردن برنجیلری زمین اوزرنده قوتلی بر استناد نقطه سی بولمغه احتیاج کوستر لر؛ وظیفه لری اک چوق سوق الجیشیدر. (طورس ودراس) خطی، کذلک شمال دکرندن بالطق دکرینه قدر سورن و شمالی (شیله زویق) ایله (زونلاند) ی اورتمک مخصوص اولان (دانه ورق) موضعی بوسو یلدی کمزک اک کوزل مثالرندرد. اوندن بشقه چتالجه خطیله فرانمز لک آلمانلره قرشو

تحکم ایدیلان و بری طرف حکومتدن دیگر بی طرف بر حکومت
اراضیسنه قدر اوزایان حدود سلسله سی کذلک مدافعه نك اوکی
صنی ایشلریچون اك یارلاق مثاللر دندر .

مواضع مستحکمه دن ایکنجی صنفه داخل اولانلرک وظیفه-
سی ایسه ، اکچوق تعبیه یه عانددر . بودرلو موضعلرک جناحلری
آنجق پک نادراً اراضی اوزونده محکم نقطه لره استناد ایتیش
اولورلر . و بوراده خط مستحکم دنیلان شی جبهه نك یالکز
ضعیف بر قوت ایله طوتامق ایستیلان قسمندن عبارتدر . یوقسه
جبهه خطی بویدن بویه مستحکم دکلدر ؛ واوله مز . بوبله یرلر
طوتیلورکن دشمن طرفندن چویرلش اولق احتماللری کندی
کندیلرینی کوستره جکلردر . وشونک ایچون ایلك اوکجه موضعک
یاننده اصل قوتلرک چار پشمسنه بر نتیجه قطعه استحصاله الویریشلی
بر مصادمه یری انتخاب ایدیلور .

مستحکم اردوگاهلره کلنجه ، اولنر موضعک حتی کیرولرینی
بیله اورترلر . هر یانی قبالی و مدافعه لی اولان بوچشید یرلر ،
عادتا بررقلمه نظامی آکدیررلر . لکن بونلر بر آزاوول سوبلدیکم
مواضع مستحکمه یه بکزرلر . چونکه اهمیتلرینی ضایع ایتمه مک
ایچون اردولره ، بیوک بیوک یغینلره احتیاج کوسترلر . اوت ؛
مستحکم اردوگاهلر ، بی-وک اردولردن محروم قالنجه در حال
کندی قیمتلری غائب اولور ، بش پاره ایتزلر . (۱۸۷۱) ده

(مانس) جوارنده کی (قونلی) مستحکم اردوگاهی کبی .

مستحکم اردوگاهلر ، براردونك استناد ویا النجا نقطه سی خدمتی کورمك ایچون تاسیس ایدیلورلر . شوکبی یرلره استناد ویا النجا ایدن اردو ایسه ، شهه سز ایجه بر زمان کندی خط رجعتیه خط اتصالدن واز چکمك مجبوریتنده در . لیکن براردو ، یالاکز آچیق صحراده خصمنه مقاومت ایدهمیه چك قوته ایندیکنی حس ایلدیکی زمان شودیدیکمز مستحکم اردوگاهلره چکیلور .

ینه بوندن آکلاشیلورکه ، اویله براردو ، استناد ویا النجا نقطه سی اولان بر مستحکم اردوگاهی دشمن قرشوسنده براقق یعنی محاصره ایدلش اولدینی زمان کندی کندیسنه اوراسنی ترك ایدوب جیقمق خصوصه ندهده لازم کلان اقتدار وقوتی حائز اولهمیه جقدر .

بونك ایچون ایلرولمکده اولان دیگر براردونك اورایه امداد ایده چکنه قطعیا امنیت کوسترلمکجه بر مستحکم اردوگاهه چکلمك اصلا جائز دکدر . بر مستحکم اردوگاه ، یوقاریده سولیدیکمز کبی ، بر نقطه استناد یرینهده کچه بیلور ، آتی اووجه ايله قوللانمق ده ممکندر . مثلاً بر اردونك جناحلرندن بریسی مانوره یاپه جینی ائنده اوتنه کی جناحنی استناد ایتدیرمك ویا خود اردونك قسم کلیسی برقچ کون اوزاقلاشمش اولدینی زمان بر مهم نقطه دن ومثلاً بیوک برنهر کچیدندن خارجه آتلماق ایچون

مستحکم اردو کاہلری برر نقطۂ استناد کبی قولاً لائق لازم کلور۔
 لکن شو حالہ مستحکم اردو کاہ موقتی ویا معاون بر موقع
 مستحکم طبیعتندہ بولنورکہ ، اونک عملیات استحکامیہ سی شہہ -
 سز، حقیقی بر موقع مستحکم کیلری قدر متین و مکمل اولہ من۔
 (۱۸۱۳) و (۱۸۶۶) سفر لرنده (درسد) موقعی شو دیدیکمز
 وظیفہ بی حقیقہ ایفا ایلمشدر۔

بر موقع مستحکم ، بر مستحکم اردو کاہدن زیادہ مستقل
 و سربستدر ؛ اوندن زیادہ مکمل و صا غلام یا بلمشدر ۔ ہاجین
 اولہ بر موضعی ، یالکز صحرا محاربہ لرینہ مخصوص و سائط ایلہ
 ضبط ایلیہ من۔ چونکہ اوراسی کندی محافظہ و مفرزہ سنہ کرک
 محاربہ و کرک اعاشہ نقطۂ نظرندن من نہ لازم ایسہ ہدسنی
 جامعدر۔ اونک ایچون براردو قرشوسندہ بیلہ کنندیسنی و اہمیتنی
 بک اعلا کوسترہ بیلور ۔

بوندن آکلا شیلیورکہ ، مواقع مستحکمہ آنجق دارالحربک
 اوزاق یرلرنده الدن چیقاروق ایستمدیکمز منطقہ لری، خصوصی
 بر اردو کوندر مکمزین ، مدافعہ ایدہ جک صورتدہ تأسیس
 ایدلکاری زمان کر چکدن کوزل تأسیس ایدلش صاییلورلر ۔

اگر بعض ولایتلر ، مرکز مملکتدن ایچہ اوزاق بولنور
 واوندن بشقہ آرہ یردہ مکمل طرق اتہمالیہ موجود اولمزسہ
 ویا خود اکر اونلرک وضعیلری ایجابندن اولہرق شویلہ بر منطقۂ

اراضيه سده بيوك بر اردونك وضع و تحصيله يدي ممكن دكلسه ،
 اوزمان چاره سز، كوچك بر محافظه مفرزه سيله مدافعه ايديله جك
 و محاصره سي ايجه اوزون سوره جك صورتده الك مهم شهرلردن
 بريسي تحكيم ايتك لازم كلور .

حق شويله يابلديغنه كوره ، ديديكمز موقع مستحكي
 احاطه ايدن آچيق اراضي دشمن استيلاسنه معروض قالسه بيله
 ينه مصالحه عقد ايدلديكي كهي اونك حقوق تملكني اعاده ايلمك
 و بناء عليه اوزاق بر ولايتي خصم الندن قورتارمق بك اعلا
 ممكن اولور. سلطنت عثمانيه نك باشليجه ايكي ولايتي : بريسي
 يونان حدودينه قرشو يانيه ولايتي ، اونه كي قره طاغ بلكلكنه
 قرشو آرناتودلق حوضه سي بو شمدی سويلديكمز تهديدلره
 معروضدر .

اگر اجنبی فیلولری دکره حاکم بولنورلرسه ، بو ولايتلره
 يالكز طرق بريه واسطه سيله و آنجق بيك مشكلات ايله عسکر
 کوندرمک ممکن اوله جقدر . و مذکور قطعات بر کره اورايه
 کيردکدن صکره ، آرتق بر کره ده ، چيقمسي محال حکمنه
 بکجه جکدر . حاصلی شو ايکي ولايت سلطنت سنيه نك مدافعه
 عموميه سنه بك آز ياردم ايتمش اوله بيله جکدر . اونك ايچون
 باب عالی ديديكمز ولايتلرک مرکز اداره لری اولان (اشقودره)
 و (يانيه) قصبه لرني يرلي عسکرلر ايله مدافعه ايديله جك وجه

ایله تحکیم ایتمکده یردن کوکه قدر حقیدرلر . آلمانیا حکومتی
 سوره کلی و مضدانه بر محاربه یابه ییلمک ایچون کندی قوای
 عسکریه سنی مختلف دارالحرکاتلر اوزرنده قولانغه مجبوریت
 کوردیکی زمان شرقی پروسیاده کائن (کونیکسبرگ) موقعی، بر
 مغلوبیت حالده طبق بوکا بکزر بر وظیفه کوره بیله جکدر .
 لکن بوجنس مواقع مستحکمه تأسیس ایلمک ایستندیکی
 زمان احکام سیاسیه نك اکثریا مطالعات عسکریه یی تضیق آلتنده
 بولندیره جنی قولایجه آکلاشیلور . ذاتاً عقد مصالح ایدلدیکی
 آنده بز، اساساً کندی مطلوب باتمزی امنیتده بولندیره حق تأمینات
 آرایورز . آنک ایچون بوراده حق بسبتون ثابت بر مقاومت
 یعنی بر مدافعه مطلقه ایشلرک حسن صورتله جریانه پک اعلا
 کفایت ایدر . حال بوکه شویله بر مقاومت بورادن بشقه هیچ بر
 یرده مقصدک حصولنه کفایت ایده مز .

احتمالکه؛ دیدیکمز یرلری بسبتون بزم تصرفزده براقفه
 یاردم ایده جک وجه ایله مملکتک اوته سنه، بریسنه بعض قلمه لر
 یایمق ایجه فائده لی اوله جقدر . لکن بویله یاپیلنجه مذکور قلمه لر
 بیننده بر ارتباط صحیح وجوده کتوره ییلمک ایچون قوتی جزئی
 بر سیار مدافعه قولی تشکیل ایتک لازم کلور . حتی بو قول ،
 اگر قوتی صحیحاً پک چوق بر شی دکلسه مستقل بر اردونک
 وظیفه سنی کوره جک صورتده بیله حرکت ایدر . دیگر حاللرک

هپسنده، اگر احتیاج کوریلورسه، یالکز بر مستحکم اردوگاه ویا
 بر موضع مستحکم ایله اکتفا ایدیلور . برده سیار اردو حاضر
 بولندیفی ویاخود محافظه سی لازم کلان نقطه لری طولاییدسیله
 محافظه ایلدیکی وقت مذکور نقطه لری آرتق بسبتون مستقل
 برافنده لزوم کورلمز . لیکن اردو ایله بومهم نقطه لرك برندن
 ویا دیکرندن ایجه بر زمان آیری دوشمك مجبوریتی واقع اولنجه
 او وقت ینه حرکات عسکریه برر نقطه استناد اولقی ایچون
 چاره سز بعض مستحکم موقعلر تشکیلی لازم کله جکدر، (۱۸۱۳) ده
 نابولون آشاغی (الب) خطنی غائب ایتمهك ایچون (هامبورغ) ی
 شووجه ایله حقیقی بر موقع مستحکم حالنه قویمقی ایستیوردی .
 (الب) خطنك وسطی حوضه سنده، اردوسنك بولندیفی یرده ،
 بر آز اول سویل دیکمز کی مشارالیه (درسد) ی مستحکم اردو-
 گاه یایمقی ایله اکتفا ایلدی .

مدافعین شونی بیللملیدرکه، مملکتك ایچروسندن کلان بتون
 قوتلرینی حدود اوزرنده کائن مهم بر نقطه اوزرینه طولایوبده
 آندن تام استفاده ایتمك ایستدیکی وقت یعنی ایلک زمانلرده
 ده، آنی ترك ایتمهك مجبوریت کوره جکدر. (۱۸۷۷) حربنك
 ایلک زمانلرنده ، آسیا دارالحرکاتنده کائن (قرص) بلده سی
 حقنده بویله اولمشدی .

سیار اردو ایله مواقع مستحکم آره سنده اشتراك حرکت

فکری، دائماً مذکور قصبه‌ی مفرز است حکام لرله قوشاده رق اک
 صکره بر مستحکم اردوگاه شکلنه قویغه سبب اولمشدی [*].
 سیار اردولرک حرکاننه اشتراک ایدن مواقع مستحکمه
 آئیده کی وظیفه‌ی کورمکه مجبور درلر :

قوتلی بردشمن اوکنیده رجعت ایدن هر هانکی براردو،
 مواقع مستحکمه دن بریسنی، طبق برکوبری آیانغک یوقاریدن
 جوزیلوب کلان بوز پارچه لرینک ایلك صدمه سنی قبوله معروض
 دیرسک نقطه سی کی، هاجین ایله کندی آره سنده براقه بیله.
 جکدر. دشمن بو موقعی یا محاصره ایده جک ویاخود آنی

[*] بواسطه حکام لر عین زمانده هاجینک بیوک منزلی طوبلرینه قرشو
 موقعک کندیسینی ده سترایتمکه تخصیص اولندیلر. بونلارلرایسه لایق قطع
 تزايد ایتدکلر یچون قلعه لرک موقعدن ایجه اوزاق مسافه لرده یابللری
 لازم کلودی. بوحال شهه سز آنلری منفرد براقه قدن بشقه کیتدکه
 بیوک بیوک تهسکه ره معروض بولندیریوردی.

بناء علیه صوک زمانلرده محیط خارجی بی بر آزدها تقویه ایتدکه
 باشلانیدی. بوجه ایله کیده، کیده ایلك اوکجه هیچ کیسه نک ایستمدیکی
 برش، یعنی بربری ایچنه موضوع ایکی قلعه وجرده کلش ایدی. آکلا.
 شیایورکه، محافظ مفرزه لریده عین یولی تعقیب ایتدیلر یعنی اولرده
 کیده کیده بیودیلر؛ اک صکره اودرجه تزايد ایلدیلرکه، اولرک هیئت
 عمومیه سی، اگر سیار براردو طرزنده قوللانلش اولسه ایدی، استحکام
 فلان یاقه سزین یالکیز آنک ایله مقصدک حصولی بک اعلا ممکن اوله.
 جقدی. آرتق بوجه ایله حرکت ایتدک، برچوق عسکرلری بریره
 قیامه نک زمانی چوقدن بری کچمشدر. آنی هیچ کیسه انکار ایده من،

ترصد ایچون اوراده بیوک بر قوه عسکریه ترك ایلیه جکدر، واک
 صکره، مدافعین اوکا قرشو طور مق ایچون اشغال ایتیش اوله -
 جنی یکی موضعلر اوکنه آز قوتلرایله کلمکه مجبوریت کوره جکدر.
 شهسز! طالع بویکی موضعلرده مدافعین جهته یوز
 کوستره جکدر. (۱۸۷۷) سنه سی حزیران اینک (۲۱) نجی کونی
 روسلر (قرص) محاصره سیله ایجه ضعیف دوشد کدن صکره
 ایلک دفعه هجومه چکدکری زمان احمد مختار پاشا حضر تلی،
 (زیون) ده اونلری بو وجه ایله کری پوسه کورتیمکه، موافق
 اولمشدی.

حاصلی دشمن، بر موقع مستحکمه بولنان عسکرک قوتی
 تمامیه تقدیر ایده بیله چکی ایچون اوکا هیچ ده اهمیت ویر مکسزین
 ایلری کچمکه بر درلو جسارت ایده میه جکدر. لیکن هاجمین اوکا
 اهمیت ویرمش اوله بیلیمک ایچون موقعک ایجه بیوک وقوتلی
 بر عسکرایله طوتلمش اولسی ده لازم کلور. برده محاربه ویرمک
 ایچون مدافعینک انتخاب ایده چکی موضع، موقع مستحکمه یک
 یقین بولناملیدر. چونکه اگر او یله اولمزده، بالعکس یک یقین
 بولنورسه، او زمان هاجمین طرفی محاصره اردوسی صحرا محاصره
 ره سنه اشتراک ایتدیرر و محاربه بیتد کدن صکره آتی ینه موقعک
 اوکنه کوندرر.

بر موقع مستحکم، آندن بشقه، یانلر ایچون برر نقطه استناد

وظیفه سنی ده کوره بیلور . زیرا بیوک منزلی طویلری و خارجی
استحکاملری سایه سنده اوموقعك بر قاج یورویشلک وسعتنده
بر منطقه به حکم ایده بیله جگنی اونوتما، لی بز . بونک ایچون شوبله
بر موقع مستحکم عین زمانده جبهه نك کوزل بر پارچه سی یرینه کچر .
اردونك موقع مستحکمه طوغریدن طوغری به باغلی
اولسی ده لازم گلز . بالعکس اردو بیوک اولدینی نسبتده کندی
موضعیه بوموقع آره سنده بر بوشلق ترك ایده بیلور .

(۱۸۷۰) حرب سنده (سن کنتن) استحکامنك مر میلری ،
(میچ) دن (۷۵۰۰) متره اوزاقده و (موزل) اوزرنده کی
(آرس) موقعنه پك اعلا یتیشیورلردی . اکر (رین) اردوسی رجعت
ایدرکن (موزل) ك کیروسنده (بونت آموسون) ایله (نووه آن)
آره سنده موضع آلمش اولسیدی ، کندی صول جناحی موقع
مستحکم طرفندن ستر ایدلمش بولنه جقدی . قلعه لره محکوم
اولیان و (آرس) ایله (نووه آن) آره سنده بولسان طار اراضی
آلمان اردولری ایچون نه ایلری کیتمه، نه ده، یر اولدیغندن
اوتری، بیوک قوتلر ایله احاطه حرکتی یاغنه مساعده ایده جکدی .
(میچ) ك بوراده کی وضعیتی ایکی قات فائده لی اولوردی .
زیرا ، موقع ، مدافعه خطنك ایلروسنده بولنیور و هاجینك صاغ
جناحی . تهید ایلوردی . بوجه اوزرنده کندیلرینه لزوم
قلبه جق اولان (رین) اردوسنك بعض اقسامی ، محاربه اثنا .

سندہ (میچ) دن کچہرک آلمانلرک صاغ یانلری علیہنہ شدتلی بر
مقابل تعرض حرکتہ تشبث ایدہ بیلورلردی .

بوخصوص ، عین زماندہ بزہ ، برنہر اوزرنده واقع او -
لہرق بر ساحلدن اوتہ کینہ کچید حرکتی قطعاً تأمین ایلان
بر موقعک شو وضعیتدن طولای نہ قدر اہمیت قزانديغنی
کوسترر . اگر شویلہ بر موقع ، مہم بر چوق صو یوللرینک
ملتقاسنہ حاکم اولورسہ ، بوندن اوتری دہا بستون کسب
اہمیت ایدر .

(کوسترین) بوقیلدن بر موقعدر . برنجی ناپولیون (۱۸۱۳)
سنہ سی شباط آیندہ کی رجعت حرکتی اثناسندہ آندن استفادہ
ایتمدیکی ایچون پرنس (ویس دووا) یہ ایجہ طارلمشدی . مشار -
الیہ یازدینی بر مکتوبدہ « (برلین) ی اورتک ایچون بوندن
تمام یکرمی کون قزائش اولہ جقدی ، دیور . کرچک ، پرنس
اوژن ایلک اوکجہ (کوسترین) ایلروسندہ بر موقعدہ ومثلاً
(دروسن) ہ پکاعلا یرلشور وبووجہ ایلہ دشمنک (اودر) اوزرینہ
کچہسنہ مانع اولہ بیلیر ایدی . صکرہ دشمن دہا بیوک قوتلر
ایلہ کندی علیہنہ آتلنجہ اودہ صو محرالرینک تشکیل ایلدیکی
مختلف منطقہ لہر آتیلہرق برر ، برر آنلری طوتہ بیلوردی .

اگر بر اوچنچی ، بر دردنجی نہرک ویاخود علی العادہ بر
ایرماغک مرکز مشترکہ طوغری بطاقلقلی بروادی ایچروسندن

آق دینی تصور ایدیلورسه ، بودیدیکمز اویونی کمال موفقیت ایله
تکرار ایتک ممکن اولوردی . وبوجه ایله موقعی براسناد نقطه-
سی یرینه قوللانیان اردو ، آنک اطرافنده ، روزکار کلنک
کوستردیکی هر اسنقامتده ایستدیکی کبی قونوشور ایستدیکی کبی
حرکت ایدردی . بویله یاپلادینی انشاده اردو ایچون یالکز بر
تهلکه یعنی موقع ایچنه آنیلهرق اوراده هر طرفدن صیقشش
اولق تهلکه سی واردر . بوندن ط-ولایی خارجی جناحك اك
قوتلی اولسی لازم کلور . بو پك بسیط برقاعده در . هرکس
آنک اهمیتنی آکلار . لکن بیله اولقله برابر ، ماره شال بازن
کبی تجربه کورمش بر قوماندان (۱۸۷۰) سنه سی آغستوس
آینک (۱۶) و (۱۸) نجی کونلری ایچون آندن استفاده ایتک
یولنی بیله مدی . موقع ایله آره سی کسلمش اولق تهلکه سی ،
پك بوشنه برقورقو ، مشارالیه بتون احتیاط عسکرلرینی داخلی
جناحك کیروسنه قویدردی .

برکره موقعه قیاندقدن صکره ، مدافعین ایچون اکر
طیشاری چیقمق ایسترسه ، کوزلجه تحکیم ایدلمش بر موضعه
قرشو، برتعییه کدیکی آچقدن بشقه سلامت قپوسی یوقدره
شویله برکدیک آچق مسئله سنک نه درجه کوچ برشی اولدیفنی
یوقاریده سویلمش ایدک . بوشیمدیک حاله یعنی ماره شال بازه نك
دوشمدیکی طوزاغه کوره ایسه کدیک آچق خصوصی ده

بستون زور ، بستون کوچ برشیدر . زیرا ، محاصره خطندن
 جلب ایدله جک امداد قوتلری ، هیچ شبهه یوق که ، دشمنک
 صاغی وصولی اوزرینه یعنی موقعدن چیقماق تشبیه بولنه حق
 اولان قطعات عسکر به نك یانلری اک مؤثر بر صورتده دوکمه
 مساعد بر استقامتده واصل اوله جقلردر . تاریخ عسکری ، بردفه
 محاصره ایدلدکن صکره ، یالکز باشنه طیشاری چیقماق ،
 دشمن تضییقندن قورتلماق اولان اردولره دائر یک آز مثال
 ویره بیلور . تهلیکلی زمانلرده ، بر موقع مستحکمک اردویه
 مجاور و یقین اولسی ، آنک اوزرنده بالطبع یک بیوک جاذبه لر
 کوستریمک خدمت ایدر . و بر اردویی شویله بر موقعک سپرلری
 کیروسنه و طولیلری آلتنه کوتورمک ، بالعکس ینه اوילה بر موقعه
 کیردکن صکره تکرار طیشاری به چیقارده بیلماق خصوصندن
 یک قولاید [*] .

[*] اوزمان هر نفر اردونک آجیق صحراده آرتق دشمنه مقابله دن
 عاجز و چار ناچار بر موقع مستحکمک سپرلرینه اتجا به مجبور اولدیغی
 حس ایدر . لکن بوحس قطعات عسکر به نك قوه معنویه سنی بوزدقدن
 بشقه امنیت و موفقیت امیدلرینه ده محو و پریشان ایلر . یالکز بوقدر
 اولسه ینه بآس یوق . لکن ، بر موقع مستحکمک قبانان براردو آرتق
 کرک قورشون و کرک خسته لک یوزندن وقوعه کله جک بوشلقلری قیاته منزه
 آنلر داغما بوش قالور . اکثر زمانلر ، عسکر ، حتی فنا کیمش ، فنا
 بسلنمش ، فنا یاتماق اوله جقدر . کرچک یقیندن باقلدیغنه کوره ، بر
 موقع مستحکمده بولنسی امید اولنان و سائط ماده نك حقیقتده هیچ
 بریسی بولاق ممکن اوله میه جفنی تسلیم ایتک لازم کلور .

بر موقع مستحکمی ، نقطه استناد و با محور الحركات برینه قوللانق اردوین بعض فنا یرلره ، کیزلی تهلمکله تصادف ایتدیرکه، بونلردن اصلاخبری اولمیان قومانداهیتک اوتلمکله اوکنده چاره سز قالمق احتمالی واردر . آنک ایچون : «بر موقع مستحکم، یولنی بیلیمیان کسه بی پارچه پارچه ایدن بر بوالهول دراء، دیان محررک بو تشبیهنده یردن کؤکه قدر حق واردر .

بوسوز بزه، بیوک مواقع مستحکمه دن بکلنان صوک وظیفه یه دائر دهانه کبی برشی سویله مکه مجبور اولدیغمز یکه اءاخلاصه ایدیور. اوت، برروایته کوره بوبیوک موقعلر، مغلوب دوشمش ویا دشمن طرفندن یکه چوق صیقیشدیرلمش اولان اردولره ملجألاک خدمتی کوره جکلردر . مذکور اردولر بورالرده کندیلرینه ایودن ایویه بر چکی دوزن ویره رک هر درلو مالزمه سغریه لرینی تجدید و اکمال ایتدکدن صکره تکرار آچیق صحرا ده دشمن ایله محاربه یه چیقه جکلردر . بوفکر، تپه دن طرناغه قدر هب نظریات قوقوسیله بورونمشدر . عملیات جهتی دوشونیلورسه ، بویله شیرل حربه یکه آز تصادف ایدیلان وبلکه هیچ کورلمیان شیرلدندر. ایشته کوزمن اوکنده قوجه بر (هچ) منالی وارکه، یاکلش یوله دوشمامک ایچون انسانه بوندن کوزل برهان اوله من صانورم . ذاتاً تجربه ایدلمش بر شیء تکرار تجربه ایتمه نک صوکی پشیمانلق در [*] .

[*] «من جرب المجرب حلت به الندامه.»

استحکاملرایله محافظه ایدیلور منطقه لر، جنرال (بریالمون)ك تحکیم ایدلمش مملکتلری دها کوزل ایشه یرارلر. بوکی اثرلر، اردونك یشامغه مجبور اولدینی یرلری یعنی مملکت واستحکاملرک اقسام داخلیه سنی محافظه ایتمکه برابر دشمنی کندیلرینی محاصره ایتمکدن منع ایدرلر.

بر آزده پایتختلرک محافظه سی مقصدیله یاپیلان استحکاملردن بحث ایدلم. بونلرکده بعض طوقیله حق، ایلدیشیله جک یرلری وار. از جمله اعتراض ایدنلر دیورلرکه، بر حکومتک اردولرینی پایتخت قبولربنه قدر سورو کلیوب کوتورن بر تعرض اردوسی، استحکامات موجوده سی الک جوق زمان قزاقق فیکریله یاپیلان پایتختنی ضبط ایتمک خصوصه صنده کذلک عاجز قالمز؛ بر مدت صکره آنی ده اله کچوره بیلور. مع هذا؛ اگر مدافعین، کندی متفقلرندن معاونت کورمک امیدینی طاشیورسه، او وقت، التجا ایلمش اولدینی پایتختک ایچیه بیوک بر اهمیتی کوریلور؛ بونی ده اونوتما ملی یز.

بوندن بشقه دیکر بعض مستثنائا حالار وارکه، اوراده بو خصوصک پک موافق بر تدبیر اولدینی میدان چیقار. نته کم بعض اسباب مهمه دن طولای، خارجه و داخله پک بیوک تأثیرلر کوسترن بعض پایتختلر وضعیتلری ایجابندن اوله رق هجومه پک ده معروض قالمقه برابر، ینه تحکیم ایدلمش اولملری

لازم کليور . قوينهاق و ليزبون بو جنس پايختلردندر .
 دوتماسی دکره حاکم اولان بر دشمن ، آنلری آپ آنسزین
 الله ایدم بیلور . وبو وجهله ایلک حملهده قوجه بر حکومتک
 الی آباغنی باغلایهرق آکا ایستدیکی کبی حکمنی کچورور .
 چونکه پايختنی غائب ایتمش اولان بر حکومت ، بتون قوای
 عسکریه سنی میدانه چیقارمقدن عاجز قالور . شویله بر حالد
 افکار اساسیه هر شیئک فوقنه کچر . و آرتق آنک امریله
 یورپمکه محبوری کوریلور . اکر بر مملکتک پايختنی ایودن ایویه
 تحکیم ایدلمش بولنورسه ، بعضاً اصول وقواعدینه کوره حاضر-
 لانان بر مدافعه ملیه ایچون بر نقطه مرکزیه تشکیل ایدم بیلور .
 لکن بونک احترازی نا قابل بر محذوری وار: شهسز بودرجه
 واسع ، بو درجه بیوک اولان بر حرب موقعی سیار اردوینی
 تشکیل ایدم جک قوای عسکریه اوزرنده زورله وبک بیوک
 جاذبه لر کوستره جکدر . کرچه آنلر ایچون بر نقطه استناد
 خدمتنی ایفا ایدم جک ، بلکه عین زمانده آنلری کنیدیسنه
 باغلایه جق وبک مهم بر قسمنی محافظ عسکری نامیله یانسنده
 بواندیره جق در .

بو حال ایسه ، شهسز پک ارکن دشمن طرفدن محاصره
 ایدیلرک ، آزوقت صکرده سلاح تسلیم ایتمش اولمق تهلیکه سنی
 دعوت ایدر . باخصوص پايخت ، سیار اردونک یکونی ایله نسبت

قبول ايتمه چك درجه ده بيوك بر شي ايسه او وقت او محذورلر
دها شدتله كنديلريني كوسترمن اوله جقلردر .

(پارس)ك فرانسه ايجون بر سبب فلاكت اولمسندن زياده
(بكرش) رومانيا ايجون دها قولاي ودها چابوق بر منبع فلاكت
اوله بيله جكلدر . اكر ، بتون مواقع مهمه يي ، شهديكي زمان
اصولنه كوره ومدافعه مليه نقطه نظرندن بر مستحكم اردوكاه
شكلنه قويق ايسنيلورسه ، پك چابوق ، ايجندن چيقلمسي ويا
اوزرندن آسلمسي ناقابل مصرف يكونلرينه دوشولمش اوله جفنه هيچ
شبهه ايدلسون . بونكله برابر ، ايجه بر حساب ياپيلورسه ،
كوريلوركه ، صحرا ده وقوعه كلان حركات سفر به بكنمديك بر
طرز كه ديكي زمان بو بهالي مستحكم اردوكاهلر ، تماميله كنديلرينه
لزوم كوريلان يرلر ده موجود اوليورلر .

(۱۸۷۰) سفرنده فرانسه نك مواقع مستحكمه سي پك چوق
ايدى . بونكله برابر ، سفر ك ايجون دورى انناسنده مواقع
مستحكمه نك اك زياده قيمت كسب ايدجكلري ايكي نقطه ده
(اورلثان) و (آمينه) ده بولناملري تهجه به شايندر . وبو مثال
يوقاريدكه سوزمزي تصديق ايجون شهه مزك پارلاق بر دليل ،
اك كوزل بر بره اندر . اكر مستحكم اردوكاه ، پك مهم
بر اردويه خدمت ايد بيله چك صورتده ياپلمش ايسه وسعت
وامتدادى پك زياده اولمق لازم كلور . لكن آنك بو قدر
بيوك اولمسي قوه مقامت مطلقه سنى آزالير . بناء عليه محظوظ

عسکرینی یك چوق تزیید ایتك لازم كلور. و بو وجهله مملكتك مدافعهسی یولنه كرك یاره و كرك انسانجه ایدیلان فدا كارلقلر، ایکی قاتنه چیقمش اولور.

آنك ایچون مستحکم اردوگاه ی بردرجه یه قدر متحرک برحاله قویه جق بر چاره آرامق، آنی بر وجهله تشکیل ایتك لازم كلورکه، دشمن باصقیندن آمین بولندرمق ایچون یالکز کوچك بر محافظ مفرزهسی کفایت ایتمش اوله بیلسون. کرچك، بو خصوصده اك چوق ایشه یارایه جق شیلر زرهل قله لدن عبارتدر. اوت، شو دیدیکمز فکری، یعنی طویلر ابله محفظه یی برلکده، قابل النقل برحاله صومق فکری دها زیاده ایلری کوتو- رلدکجه، بر آوج عسکر طرفندن ویالکز برقاج آلت ایله اك بیوک موقعلری ستر ونحکیم ایلمک، یعنی کله جک حربلره مخصوص قلعه لر و مستحکم اردوگاهلرک اتیکلری قورومق پک آعلا ممکن اوله جقدر. هم بوکی شیلر، اولدن دکل بالعکس حرکاتک کیدیشی آنلرک زمرلده اجراسی اک مناسب اولدیغی آچیقدن آچیغه کوستر- مش اوله جفی زمان یاییله جقدر. بو وجهله، بر حکومتک سفرده یالکز بر ویا ایکیسندن استفاده ایده بیلمسی ایچون، محافظه مفر- زملری قوجه قوجه اردو لدن عبارت اولمق اوزره صورت دائمده اون، اون ایکی مستحکم اردوگاه ویا موقع تشکیل ایلمک بلاسندن قورتیلنمش اولور.

اون دردنجی فصل

حرکات بحریه نك اداره حرب اوزربنه اولان تأمیری

اردولر طویلانیغه باشلادینی زمان ، قطعات عسکریه یی نقل ایتک خصوصنده فیلولر پک بیوک خدمت کوره بیلور. (۱۸۷۷) سفرنده کیلرندن هاونت کورماش اولاسیدی، جنوب حکومتی، اردولرینی جمع ایتک مکته مقتدر اوله میه جقدی. حتی اثنای حربده بيله، بالقان شبهه جزیره سنده کی ایشلرینی بینه اکثر با بو فیلو سایه سنده یولنه قویه بيلمشدی ؛ زیرا قوجه بر اردویی آرنای دلق ساحلندن تراکیا ساحلنه کتورن ایشه هپ اودر. حرکات بریه، بر ساحله تماس ایتدیکی زمان اس الحرکاتی بر آز دها ایلری سورمک و یا خود یکی طرق اتصالیه وجوده کتورمک خصوصنده قوای بحریه نك حرکانه اشتراکندن اوتری نه بیوک فائده حصوله کلیدیکی (چین-ژاپون) سفری بزه کوستر-مشدی. دکر اوزربنه حاکم اولمق مسئله سی قره ده کی اردونک استناد ايلمسنه، لیمانلردن پک چوق فائده کورمسنه یاردم ایدر. خصوص مذکور هاجمین ایچون اولدینی قدر، مدافعین ایچونده عین قیمتده، عین درجه ده فائده لر حصوله کتورر. آلمانیا، حکومتی شرقاً و غرباً، بر حرب ایله مشغول اوله جنی زمان

بالطابق دكزینه حاكم اولمقده نه بیوك فائده لر كوره جكنی آكلامق ایچون خریطه یه یالکزر برکوز کزدرمك یتیشور. پولونیاده کی دار الحركاته نسبتاً سویلیورز : اکر بر احتیاج حالنده، المان اردولری غرب استقامتنده (اودر) اوزرینه کیده جکلیری یر، ایستدکلیری کی (دانسیق) ویا (کونیگسبرق) موقعلرینه چکلمکه موفق اولورلرسه، بوندن حرکات عسکریه لونده پک سربست قالمق ایچون بیوک بیوک استقاده لر ایده جکلردر. دکره حاکم اولمق مسئله سی آندن بشقه پک، بهالی وپک بیوک استحکاملر انشاسی خصوصاً نده اکثریا بیوک بیوک تصرفلری وجوده کتورر. انکلتزه دکرلره حاکم اولمسیدی، شهره سز، لوندربی آچیق بر شهر حالنده براقق ممکن اوله مزدی. ایکی مختاصمدن دکرده تفوق ایتش اولان طرف، کرولرنده سربستی حرکات خصوصنی اعلا دن اعلا یه تأمین ایدر؛ و دائماً کنسدی اعلا شه سی ایچون لازم کلان هر درلو شیلری دنیانک اوتکی قسمندن ایستدیکی کی کتوردر. قوای عسکریه سی تجهیز و تسلیح ایچون ده ییانبجی مملکتلره مراجعت ایده بیلور.

اگر دشمن فیلولری کنسدی سواحلی آبلوقه ایتش اولسه. لردی (۱۸۷۰) ده امپراطورلق سقوط ایتدکدن صکره، فرانسه ایچون هر درلو مالزمه سفریه و حربیه سی یولنده یکی یکی اردولر تشکیل ایتک اصلاً ممکن اوله جق شیلردن دکلدی. آمریکا

سفری پک اعلا کوسه نرپور، که، حاصلاتی یرلی اهای به کفایت اتمیه جک درجه ده آز اولان بیوک بر مملکتی آبلوقه دنیلان شی آچلقدن اولدیرر واک صکره اردوی برینک فدا قازانش اولدینی نیجه مظفریتلرینی یوز اوسقی براقه بیلور .

قوتلری همان بربرینه مساوی ایکی محاصمدن هانکیسی دکره حاکم اولورسه ، اک صکره مظفریتی او قزانور . چونکه او سایه ده اوته کینک تجارتی محو ایدرک و طرق اتصالیه سنی کسه رک آنک نهایت قوه عسکریه سنی ضعیف دوشوره جکدر . بتون شو فائده اک چوق طولایسیله حصوله کله رک ینسه اک چوق سوق الجیش حرکاتنه منسوبدرلر . لکن دار الحربک تشکلات طبعیه سی مساعده ایتدیکی زمانلر اردوی برینک حرکات عسکریه سی بر فیلونک حرکاتنه طوغریدن طوغریه ده استناد اتمش اوله بیلور . بر ساحل بونجه ایلرولیان بر اردو یانلرندن بریسی قطعی بر صورتده فیلونک حرکاتنه اویدیره رق یالکز اوته کی یانیله اشتغال ایده بیلور .

آدن بشقه قوای بحریه ، بری اردونک یانلری ایلریسه نه کچه رک ساحل بونجه بعض یرلر ضبط ایتدکجه آنک یوروشینی تسهیل ایده جکدر . ساحل اوزرنده کائن مواضع ویا مواقع مستحکمه یه هجوم اتمک ، اکر بوجومه ، فیلوده اشتراک اتمیه جک اولورسه ، اکثریا نتیجه سز قالور ؛ قالسه بيله میدان کله جک

نتیجه‌لر ، علی‌العاده شیلردن اولور . زیرا اکر مدافعین طرق بحریه‌سنی هنوز الده بولندیریورسه شبهه‌سنر ، کندی مقاومتی غیر معین بر زمانه قدر اوزاتوب کوتورمک ایچون جیخانہ ، ییه‌جک ، کییه‌جک ، طوب ، تفک و قوای امدادیه کبی حاصلی مالزمه سفریه نامنه هرشی کتورده‌بیله‌جکدر .

طرق جسیمه نهریه‌ایسه ، بری‌اردونک دارالحرب اوزرنده ایلری یوروشنی تسهیل وتأمین ایلمک ایچون پک‌مستثنا حالدرده فیلونک حرکاته الویریشلی اوله‌بیله‌جکلردر . بونکله برابر . آمریقا سفری او یولده یاپلمش اک کوزل بر مثال کوس‌تر : جنوب حکومتلرینک بوزلمسنه تأثیرایدن سبیلردن اک‌باشلیجه‌سی هیئت متحده‌نک فیلولری ، بر آنده هم مرکزدن وهم (میسی سیپی) نهرینک یوقاری مجراسندن ایلرولیه‌رک اک صکره نهرک هپسنی ضبط‌ایلمش اولمسندن عبارتدی . بوجه ایله‌که ، دیدیکمز فیلولر ، جنوبلیلرک اراضیسنی ایکی پارچه‌یه آردیلر وبوآریلینی دائمی برصورتده محافظه‌یه موفق اولدیلر .

مدافعینه‌کلنجه قوای بحریه آنک پک‌یقین معاونلرندن بریسیدر . چونکه ساحلده کائن مواقع مستحکمه‌نک سترینه یاردم ایدرلر ؛ آبلوقه فیلولرینه قرشو بعض خروج حرکتی یاپارلر . اردونک اوزاقده‌کی قسملریله اولان طرق اتصالیه بحریه‌یی آجیق طومغه چالیشورلر . اوندن بشقه‌ده بری اردولرک یانلرینی وکپولرینی محافظه ایدرلر .

فیلورک شو اسـتـنادی اگر احوال کر چـکـدن الـویش
اولورسه، قطعی نتیجه لر استحصـالنه بـیـله کفایت ایلر. ینـه بواسـتـه
خصوص مدافعینه کندی مدافعـه سوق الجیشی نقطه غایـه سـو
کرولرده ایجه اوزاقده، مثلاً اراضیسـنک اوتـه کی او جـنـده کـاژ
بر شبه جزیره ده بولندیرمغه بک اعلا مساعدـه ایلر.

شبه سز! اونقطه یه کلنجـه یه قدر مدافعین قوتلری، بک زیاده
بیـسـور؛ کسب اهمیت ایلر. حال بوکـه، هاجـین قوتلری بالعکس،
اوزون بر خط الحركات اوزرنده یوریدیکیچون بک زیاده
کوچلیور و ضعیف دوشـر. اگر شو نقطه ده ایشلر بر یوز اوستی
قباتور یعنی تعرض مدافعـه یه، مدافعـه تعرضـه کچرسـه هاجـین
شبه سز، بک فنا بر اوچورمه دوشمش اولور؛ ایکی قات زبانی چیقار.
اگر کری طرفلرک امنیتی فیلو واسطه سیله ایودن ایوبه
محافظه ایدله مش اولسیدی، (طورس وه دراس) خـطـلرنـده
دیکیش طوتدرمق، چتالجه خطوط استحکامیه سنی مدافعـه ایتـمک
امکالنیز قالوردی،

آرتق کیلر واسطه سیله قره به عسکر چیقارمه نـک طبعیت و اهمیتـه
دائر بر قاج سوز سویلمکدن بشـقه بـا به جق بر ایشمز قالما یور.
بودرلو حرکتلرک علامت فارقه سی شودرکـه، ایلک اوکـه
هدف انخـاذ ایشدکـری نقطه یه استناداً اونلر مسـتـقلاً جـریان
ایدرلر. اردونک اوتـه کی قسملریله اتصال پیدا ایتـمکـدن اکثـریا

مستغنی بولنورلر . اوندن بشقه ، بو حرکتلر ، بعض دشمنك
 هجری یرلرینه ، کنار مملکتلرینه صوقیله رق بردن بره حربی
 اورالرہ کوتورہ بیلورلر . وبالخاصہ دشمنك یانلرینی وکریلرینی
 تهدید ایتمکه الیریشایدلرلر . (۷۷) سفربنك صوك زمانلرینه
 طوغری چتالجه خطوط استیجکامیه سنك مدافعه سنه دائر دو-
 شونیلان پالانده قرهیه عسکر دوککک خصوصی پک اعلا خاطر-
 لرمزه گلشیدی . جنوب حکومتی قلاع اربمهیه حاکم واوراده
 هنوز ایجه بیوک قوتلره مالک اولدیغیچون خصوص مذکور
 شهسز، دها مؤثر ودها کسکین اولوردی .

هاجین طرفک قرهیه عسکر دوکککدن دها زیاده استفاده
 ایدہ بیللمسی ، مدافعین جهتک اکثریا فضله قوای بحریه سی
 اولماقدن ایلری کلیور . اکر بویله اولمیددی ، اوچشید حرکتلر
 قرهده هاجیندن ضعیف اولان برمدافعینه ، ساحله عسکر دوککک
 واسطه سیله خصمک کریلرینی و طرق اتصالیه سی تهدید ایلمک
 ایچون کوزل کوزل فرصتلر ویرمش بولنه جقدی .

قرهیه عسکر دوککککک الضعیف جهتی شودرکه ، دکرلرده
 عسکر نقل ایتک زور برشی اولدیغندن قرهیه چیقاریله جق
 عسکرک یکونی پک آز برشیدن عبارت بولنور ، هله سواری
 وطوبجی عسکرلری ، هیچ برنده قاور . شو محذور شبهه بوقکه ،

عسکرک ایلولسنه ، دشمن طوراغنده یر قازانسنه اک زیاده مانع اولان برشیدر .

بک مدنی ومسکون یرلرده قرهیه عسکر دوکمک عملیاتی اصلا بیوک نتیجه لر استحصال ایدهمیه جکدر . زیرا بوکهی یرلرده حکومتلرک تشکیلات عسکریه سی ، وطرق اتصالیه شیکلری ، حال حاضرده حیرته شایان بر صورتده بیومشدر . آنک ایچون ایلک اوکجه اولسه اولسه ، (۴۰ : ۵۰) بیک کیشیدن عبارت بولنان بردشمن عسکرینه ، قرهیه چیقمش بردشمن قولنه ، عددآ تفوق ایدمجهک و آنی برقاج زمان صکره ، محو و پریشان ایلیمجهک درجهده قوتلی قطعات عسکریه نک بر آربه کتورولسی امکانش برشی دکل ، بالعکس بک اولاغان شیلردندر .

ساحله چیقان دشمن قولی ، اوراده کی اهالی بی ، آیاقلاندیر . مدقجه ممکن دکل ، شوو دیدیکمز وضعیت یعنی مدافعینک اوکا تفوق ایدمبیلیمجهک بر قوت ایله مقابله ایدمبیلیمسی خصوصی اصلا دیکشمش اولهمیه جقدر . کذلک متفق بر حکومتک اشتراکی ده قرهیه عسکر دوکمک عملیاتی بعضاً کوزل ، کوزل نتیجه لره ایصال ایدمجهک تأثیر لر کوستره بیلور . آلمانیا ایله وقوعه کله جک برسفرده فرانسزلرک قرهیه عسکر دوکمه سی آنجق دانیمارقه ایله برلشه جکلری زمان ممکن اوله جقدر . بو درلو حرکتلر ایچون اک الویریشلی وقت ، محاصراتک ایلک زمانلرنده سپار اردونک

بتون قطعات عسکر به سی حدود بوبنه کوتورملک اوزره اولدینی وهرنوع صیقندیلر اک جوق باش کوستردیکی زمانلردر . یاخود برسفرک صوک دملرینه طوغری، یک ضعیف قالمش بر دشمن علمنه کذلک حرکات مذکوره اجرا ایدیلورسه، کوزل نتیجه لر حصوله کلمک یک طبیعیدر .

ساحل اوزرنده واقع ویا ساحله یک یقین اولان بیوک بر موقعک اشغالی، سفرک جریان عمومیدسنه بهمه حال قطعی برتأثیر حاصل ایده جکی آ کلاشلدینی زمان مسئتنا قیلندن اولمق اوزره بوهدفه قرشوده ینه قرهیه عسکر دوکمک عملیاتنه مراجعت ایدیله بیله جکدر .

بایتخنلری دکز کنارنده اولان مملکتلر ایچون پولتیقه ملا-حظاتی اکثریا، قرهیه عسکر دوکمک خصوصلرینه حدندن آشوری اهمیتلر ویردیرر . چونکه اورالری ضبط ایدلکجه قرارسنز برحکومتک یا اتفاقی یاخود بیطرفلغنی جلب ایتک یک اعلا ممکن اولور .

قریم سفرنده، متفقین ، روسیه حکومتک قره دکرده کی قوه بحریه سنک بشیکنی سیواستوپولده محو وپریشان ایتک تشبندله بولندیلر . بوسیدن طولایی حدذاتنده یک فوق العاده براهیتی اولیان سیواستوپول موقعی بر قیمت خصوصیه قزانش اولدی .

بيوك حڪومتلر ايله وقوعه گله جك مستملكات سفرلرى ،
 صورت خصوصيه ده قره يه عسكر چيقارمه عملياتك اك زياده
 تطبيق ايديله جكلرى يرلردر . اوكي يرلرده كوچك ، لكن بك
 منتظم براوروا قول اردوسى ، بتون پولنيقه منازعاتى بر آنده
 حل وفصل ايده جك درجه ده اقتدار كوستره بيله جكدردر . لكن
 ديديكمز يرلر ، بين الملل تجارت معاملاتنه ، اوروا مدنيتنه
 كيريش-دجكه قره يه عسكر دوكمك خصوصلرينك اورالرجه ده
 ايجه كسب مشكلات ايده جكي محققدر .

(چين - ژاپون) سفرى ، بوسوزمزه اك پارلاق برمثالدر .
 حقيقت سفره مذكور ، آرتق بر آووج فرانمزو بوانكليز عسكرينك
 برقاق حرب كمينه استناداً چين كبي اوجى بوجاغى بولمىز قوجه
 بر مملكتنه ايستدكلرى يولده حكم ونفوذ كوس-ترمك زمانك
 آرتق چوقدن برى كچمش اولديغنى ميدانه چيقاردى .

۲۳ كانون ثانى ۱۳۱۴ . بوغاز ايجى - بىك

ادبیات عسکریه

جداً عسکر اولانلر شوبیوک صنعته دائر برنایه بیله مطا-
لعه دن کری قالمزلر . برنجی ناپولیون کبی بر یوزنده ایکنجی بر
مثانی کورمک ممکن اولمیان بر قهرمان عسکری آناسنک قرندن
بشیکه اینرکن دها باش، قوماندانلق صفتیله اینش ایکن ینه «بیوک
عسکر اولمق ایستیانلر بیوک عسکرلرک اثرلرینی اوقومغه مجبور-
درلر .» سوزینی وردزبان ایلمشدر .

یوقاریده کی سرنامه هر هفته نشر ایدیله جک اولان جدی
ویک مهم بر مجموعه اسمیدر . بو کوچو جک رساله ده صنوف
ثلثیه منسوب ضابطانک هربری عسکرلک صنعتنجه نه کورمک،
نه اوکرنک ایسترسه هپسفی کوره جک و اوکره نه جکدر . حقیقت!
ادبیات عسکریه ده یازیله جق آثار عمومیه نک قیمت ادبیه
وعسکریه سنه باقیلورسه شو مجموعه، هرکسک و علی الخصوص هر
عسکرک حرزجان ایده جکی بر مجموعه نفیسه در .

(ادبیات عسکریه) بر قاج هفته صکره حجمی بیولته جک
یعنی هر هفته پنجشنبه کونلری (۸۰) صحیفه اولمق اوزره نشر
ایدیله جکدر . بونکله برابر ، ده ایلروده هر جزئی (۱۰۰)
صحیفه یه جیقاریله جق اولان بو مجموعه نک فیثاتی اصلا دیکشمیه-
جکدر .

(ادبیات عسکریه) نك عموم وطنداش لریمزدن کوردیکی
 رغبت والتفاتنه قرشو نصل تشکر ایده جکمزى بیله میورز . بز
 شوبیوک التفاتلری لاینقطع چالشمق وادبیات عسکریه یی اورو-
 پاده کی امثالی درجه سنه چیقارمق ایله اوده مکه غیرت ایلیه جکز .
 بو گونه قدر نشر ایدلمش اولان جزء لرك مندرجانی (ادبیات
 عسکریه) نك هر زمان تمقیب ایلیه جکی پروغرامه اك ابو برنونه
 اوله جنی ایچون بروجه آتی درج ایدبورز؛

برنجی جزء

میرآلای عزتلو طاهر یوسف بکه مکتوب .
 آلمانیا امپراطوری ویلهم ثانی حضر تلرینك یاورلرندن
 پرنس (هوهنلوئه) نك زمان حاضر سوارسی حقنده اوزون
 برمهطالعسی ؛ عسکر مکتوبلری .

ایکنجی جزء

یونان سفرنده عثمانلی طوپیجیسنك مظفراتی ؛
 آلمانیا امپراطوری ایکنجی ویلهم حضر تلرینك ترجمه حالی؛
 عسکر مکتوبلری .

اوچنجی جزء

آلمانیا امپراطوری ایکنجی ویلهم حضر تلرینك ترجمه حالی .
 پلونه محاصره سی ودولتو غازی عثمان پاشا حضر تلری .

عثمانلی طوبجیلرینک یونان سفرینده کی مظفریاتی .
 روسیه مکاتب عسکریه سی : برسنده یتیشان ارکان حرب
 ضابطلریله علی العموم روس ضابطلری .
 صرب ضابطلریله چاوشلر ونفرلرک ازدواجی .

دردنجی جزء

ترك سلاح ممکنمی ، دکلئ ؟
 پلونه محاصره سی : روسیه اردوسی باش قوماندانی غراندوق
 نیقولانک دولتلو غازی عثمان پاشا حضرتلرینه مکتوبی ؛ عثمان
 پاشا حضرتلرینک جوابی ؛ محاصره نک صوک کونلرنده پلونه یه
 قرشو رکز ایدیلان ساخته لوحه لر وبونلرک یازیلری ؛ تایمس
 ودایلی نوز غزته سندن برقاج سطر . .
 یونان سفری حدود بوی غوغالرنده عثمانلی طوبجیسینک
 صرفیات وضایعاتی .
 عسکر مکتوبلری .

بشنجی جزء

غازی عثمان پاشا حضرتلرینک پلونه دن خروجی .
 آلمانیا امپراطوری ایکنجی ویلهم حضرتلرینک ترجمه حالی ؛
 آلاصونیه حدود بوی طوبجی محاربه سنه دائر برملاحظه ؛

اردوی هایونک میلونه دن تجاوزی ، قاینابلر طویجی محاربه سیله
دایلر قریه سنه هجوم .

عسکر مکتوبلری .

برپیاده طابورینک دیگر بر طابورینه قرشو اصول محاربه سی،
(لوسیت تیاتروسندن برپارچه . غوغانک مختلف دورلری قروکیلر
ایله کوسترلشدن) .

دومکه میدان محاربه سی

اردوی هایونک تسالیاده کی مظفریاتی برر برر کوستره رک
یونان سفرینه داتر اک صحیح واک کوزل بر صورتده یازیلان
بر اثر مهمدر . عسکر اولیانلر، بر سفرک هیئت عمومیه سنه
داتر لازم کلان معلوماتی غزته صحیفه لرندن اوکرش اولمقله
اکتفا ایده بیلورلر . لکن عسکر اولانلر و باخصوص جـداً
عسکرلکی سونلر هیچ بر وقتده یالکر غزته ستونلرنده کوره .
جکلیری یالان یا کلش حوادث ایله بر سفری تعقیب ایتمزلر .

اولنر بالعکس ، بر سفرده کچن وقوعات سیاسی و عسکرینه نک
هر نقطه سی نظر تدقیق و میزاندن کچورمک ، و او سایه ده ایشک
ایچ یوزینی یعنی حقیقتنی اوکرتمک ایستلر . سوکیلی مملکت مزک
نور دیده افتخاری اولان معلوماتلی ضابطلر من یالکر کندنی
اردو مزک مظفریاتی دکل ، یر یوزنده وقوعه کله جک هر سفرک

حرکات عمومیه سنی تدقیق ایتک ایچون کندیلرنده بر مجبوریت صحیحہ کورورلر.

چونکہ جدی و بیوک عسکر اولمق ایچون اک کوزل مکتب وقوعات سفریه و او وقوعاتی صحیح و سالم بر صورتده نقل و حکایه ایدن تاریخ عسکریلردر.

فرانسه، آلمانیا سفرینه دائر بلکه یوزدن زیاده اتریازلمشدر. بونک سببی ایسه یالکز صحیفه طولوسی یازی یازمق، عالمی مصالح ایله اشغال ایتک دکل، بالعکس وقوعات مهمه بی ضابطانه حرفی حرفه اوکرتہرک آنلری مستقبلده کی سفرلر ایچون حاضر لامقدرد. اونک ایچون کندیسنی بیلان، عسکرلکنی جـداً سون بر ضابط، دیکرلرلرندن صرف نظر هیچ اولمزسه کندی اردوسنک مظفریاتی و آنلرک اسبابی برر برر تعقیب ایدرک بو وجه ایله فن حربک تطبیقاتی اوکرتنمک و جـداً مجبوردر. یوقسه یالکز تحتہ باشنه تباشیرله چیزیلان بر قاچ مانوره نظامی نظریات کتابلرنده کی بر قاچ قاعده ایله جدی، و عملی بر عسکر اولمق ممکن دکلدر.

(دومک میدان محاربه سی) عنوانیله یونان سفرینی تپـهـدن طیرناغه احتوا ایتک اوزره یازیلان اثرک قیمت عسکریه وادیه سنی کوسترمک ایچون بر چوق برهانلر وارسده بوراده یالکز مندرجاتی سویلمکله اکثفا ایلرز.

برنجی جلد

بیان معذرت.

برنجی فصل — تاریخ حرب نصل یازیلور؟

ایکنجی فصل — عثمانلی، یونان اردولری، اردوی هایون
ضابطلرینک منشائی، یونان ضابطلرینک منشائی.

اوجنجی فصل — حربک اسباب ظهوری.

دردنجی فصل — دارالحرب.

بشنجی فصل — دارالحرب حقنده اوزون بر مطالعه.

آلتنجی فصل — سفر برلک زمانی.

یدنجی فصل — سفر پلانی (رسمی در).

سکزنجی فصل — سفر برلک حرکاتی اوزربنه مطالعات، یانیه

قول اردوسی، آلاصونیه اردوی هایونی، یانیه دارالحرکاتی،

آلاصونیه دارالحرکاتی، ویونان قوه عسکریه سنک (۳۰۱) ده کی

تجمع وانقاسی.

طقوزنجی فصل — سوق الجیش تجمعه دائر ملاحظات.

اوتنجی فصل — عثمانلی ویونان شمندوفرلری.

اون برنجی فصل — اعلان حربدن اول یونان تجاوزی،

(کوبریوز) ده یونانیلرک ایلک تجاوزی، واعلان حرب.

ایکینجی جلد

برنجی فصل — اعلان حرب اٹھانسنده آلاصونیه اردوسنک
وضعیّت ونظام حربی.

ایکینجی فصل — تسالیا اردوسنک وضعیّت ونظام حربی .

اوچنچی فصل — میلونا کچید محاربہ سی .

دردنچی فصل — (۶) نیسان وقوعانی.

بشنجی فصل — (۷) نیسان وقوعانی.

آلتنجی فصل — (۸) نیسان وقوعانی.

یدنجی فصل — (۹) نیسان وقوعانی.

سکزنجی فصل — (۱۰: ۱۳) نیسان وقوعانی.

طقوزنجی فصل — (۱۳) نیسان وقوعانی.

اوننجی فصل — یکیشہردن صکرہ کی حرکات.

اون برنجی فصل — (ولستین) اوزرینہ کشف تہرضی.

اون ایکینجی فصل — (ولستین) محاربہ سی.

اون اوچنچی فصل — (ولستین) هجومی اوزرینہ برمطالہ.

اوچنچی جلد

برنجی فصل — یکی ارکان حرب ضابطلری.

ایکینجی فصل — (چتالجه) اوزرینہ حرکت.

اوچنچی فصل — (۱۹-۱۳) نیسان وقوعانی.

دردنجی فصل — (۲۳) نیشان و قوعائی و چتالجه محاربه سی.

بشنجی فصل — (۲۴) نیشان و قوعائی.

آلتنجی فصل — اوجنجی (ولستین) محاربه سی.

یدنجی فصل — دومکه محاربه سندن اول یونان اردوسنک
حرکانی.

سکزنجی فصل — دومکه محاربه سندن اول شمال اردوسنک
حرکانی.

طقوزنجی فصل — تکه مجلس عالی عسکری سی و دومکه میدان

محاربه سی ایچون یاییلان حرکات حربیه لایحه سی.

اونجی فصل — دومکه میدان محاربه سی.

اون برنجی فصل — دومکه قصبه سی و فورقه بوغازینک ضبطی.

اون ایکنجی فصل — بشنجی فرقه نک ارمیه اوزرینه حرکتی [*].

مَقْرِطِیْقَاتِی

سابق آلمانیا حربیه ناظر لرندن جنرال (وردی) نک اک

مشهور اثریدر. بواثره بر ملازمدن باشلایه رق برفرقه، بر جنزاله

کلنجهیه قدر فن حرب تطبیقاتی اک کوزل واک عملی بر صورتده

[*] یانیه جهتند و قوعه کلان محاربه لر (ادیات عسکریه) ده برر،

برر یازیله حق وهر بریسنک مختصر قروکیلری نشر ایدیه جکدر.

اوکره در. هر صنف تعلیمنامه سنه کوره ترتیب ایدلمش اولان بو مهم اثری بر کره فقط جدی بر نظارله اوقویانلر، محاربه ده بولنش قدر تجارب عسکریه صاحبی اولورلر. (خدمت سفریه) کبی حرب حاضرک اساسی و روحی دیمک اولان برفی ذهنلردن اصلا سیلینمیه چک وجه ایله پک حیرته شایان بر یولده یازمغه موفق اولدیفیچون جنرال (وردی) اک بیوک آلفیشلره لایق بر عسکر در. شو بیوک اثر حتی اک آشاغی بر نفرک آکلایه جنی یولده یعنی پک آجیق برلسان ایله ترجمه ایدلمشدر. اثرک حدذا تنده یدی سکز پارچه خریطه سی و قروکیلری واردر. طبع و نشرینه موفق اوله بیلور ایسه م بوندن طولانی کنیدی اک زیاده بختیار عد ایده جکم.

غیرت بزدن، توفیق اللهم

نمونه کتابت عسکری

نقریباً (۴۰۰) صحیفه دن مرکب اولان بو اثرده اوج هفته یه قدر طبع و نشر ایدلمک اوزره در.

دردنچی فصل — (۲۳) نیشان و قوعاتی و چتالجه محاربه سی.

بشنجی فصل — (۲۴) نیشان و قوعاتی.

آلتنجی فصل — اوچنجی (ولستین) محاربه سی.

یدنجی فصل — دومکه محاربه سندن اول یونان اردوسنک حرکاتی.

سکزنجی فصل — دومکه محاربه سندن اول شمال اردوسنک حرکاتی.

طقوزنجی فصل — تکه مجلس عالی عسکریسی و دومکه میدان محاربه سی ایچون یاییلان حرکات حربیه لایحه سی.

اوتنجی فصل — دومکه میدان محاربه سی.

اون برنجی فصل — دومکه قصبه سی و فورقه بوغازینک ضبطی.

اون ایکنجی فصل — بشنجی فرقه نک ارمیه اوزرینه حرکتی [*].

مَقْرِطِیْقَاتِی

سابق آلمانیا حربیه ناظرلرندن جنرال (وردی) نک ال

مشهور اثریدر. بوائر، بر ملازمدن باشلایه رق برفریقه، بر جنرالیه کلنجه یه قدر فن حرب تطبیقاتی ال کوزل وال عملی بر صورتده

[*] یانیه جهتنده وقوعه کلان محاربه لر (ادبیات عسکریه) ده برر،

برر یازیله حق وهر بریسنک مختصر قروکیلری نشر ایدیه جکدره.

اوکره در. هر صنف تعلیمنامه سنه کوره ترتیب ایدلمش اولان بو مهم اثری بر کره فقط جدی بر نظرله او قویانلر، محاربه ده بولنمش قدر تجارب عسکریه صاحبی اولورلر. (خدمت سفریه) کبی حرب حاضرک اساسی و روحی دیمک اولان برفنی ذهنلردن اصلاً سیلینمیه جک وجه ایله پک حیرته شایان بر یولده یازمغه موفق اولدیغیچون جنرال (وردی) اک بیوک آلفیشلره لایق بر عسکر در. شو بیوک اثر حتی اک آشاغی بر نفرك آکلایه جنی یولده یعنی پک آچیق بر لسان ایله ترجمه ایدلمشدر. اثرک حدذا- تنده یدی سسکز پارچه خریطه سی و قروکیلری واردر. طبع و نشرینه موفق اوله بیلور ایسم بوندن طولانی کنیدی اک زیاده بختیار عد ایده جکم.

غیرت بزدن، توفیق اللهمن

نمونه کتابت عسکری

تقریباً (۴۰۰) صحیفه دن مرکب اولان بو اثرده اوج هفته قسدر طبع و نشر ایدلمک اوزره در.

فهرس مندرجات

مخيفه

۳	مکاتب عسکریه نظارت جلیله سنه استدعا .
۴	تدقیق مؤلفات قومیدسیونک راپوری .
۵	مجلس معارف عسکریه نک اعلامی .
۶	میر آلائی عزتلو طاهر بکه مکتوب .
۱۳	مدخل .
۲۳	برنجی فصل: حربک حیات فعل اوزرنده کی وظیفه سی .
۲۸	ایکنجی فصل: شمیدیکی حربلرک طبیعت خصوصیه سی .
۳۳	اوجنجی فصل: شمیدیکی زمان حربنک طبیعت اساسیه سی .
۵۴	دردنجی فصل: حربک اشکال اصلیه سی .
۷۲	بشنجی فصل: تعرض سوق الجیشی (تعرض تعبیه وی) .
۹۸	آلتنجی فصل: مدافعه سوق الجیشی ومدافعه تعبیه وی .
۱۲۳	یدنجی فصل: تعرض ومدافعه نک بالمناوبه استعمالی .
۱۳۰	سکزنجی فصل: حرکات .
۲۰۱	طقوزنجی فصل: تعرض سوق الجیشی حرکاتی .
۲۶۳	اونجی فصل: تعرض تعبیه وی حرکاتی .
۲۹۲	اون برنجی فصل: مدافعه سوق الجیشی حرکاتی .
۳۳۳	اون ایکنجی فصل: مدافعه تعبیه وی حرکاتی .
	اون اوجنجی فصل: شرائط خصوصیه داخلنده یابیلان
۳۶۳	حرکات .
	اون دردنجی فصل: حرکات بحریه نک اداره حرب
۳۸۶	اوزرینه اولان تأثیری .

: اجزاسی ۱۲ : اعلا مجلدی ۱۵ غروشدر .
طشره ایچون ۳ غروش ضم اولنور .

کتابخانه عسکرینک چیقان جزو لری :

سوق الجیش (رنجی جلد)
سوق الجیش (ایکنجی جلد)
نمونه کتابت عثمانی
تاریخ حرب (رنجی جلد)
تاریخ حرب (ایکنجی جلد)
تاریخ حرب (اوچنجی جلد)
دومکه میدان محاربه سی (رنجی جلد)
دومکه میدان محاربه سی (ایکنجی جلد)
دومکه میدان محاربه سی (اوچنجی جلد)
مستخبات اصول تعبیه
قمیه وسفریه تطبیقاتی
حربک سوق واداره سی

نشر ایدیله جک جزو لری :

نمونه کتابت عسکری .
(
سفریه تطبیقاتی « آلمانیاک سابق حریه ناظری جنرال
وردی نک اثری » .

مهرسز نسجه لر ساخته در .

